

Namo tassa bhagavato arahato sammāsambuddhassa

Visuddhimaggo

(Paṭhamo bhāgo)

Nidānādikathā

1. **Sīle patitṭhāya naro sapañño, cittaṃ paññañca bhāvayaṃ;
Ātāpī nipako bhikkhu, so imaṃ vijaṭṭhaya jaṭanti.** (saṃ. ni. 1.23);

Iti hidaṃ vuttaṃ, kasmā panetaṃ vuttaṃ, bhagavantaṃ kira sāvattiyaṃ viharantaṃ rattibhāge aññataro devaputto upasaṅkamtivā attano saṃsayasamugghāṭṭhaṃ –

Antojaṭṭā bahijaṭṭā, jaṭāya jaṭitā pajā;
Taṃ taṃ gotama pucchāmi, ko imaṃ vijaṭṭhaya jaṭanti. (saṃ. ni. 1.23) –

Imaṃ pañhaṃ pucchi. Tassāyaṃ saṅkhepattho – **jaṭanti** taṅhāya jāliniyā etaṃ adhvacaṇaṃ. Sā hi rūpādīsu ārammaṇesu heṭṭhupariyavasena punappunaṃ uppajjanato saṃsibbanaṭṭhena veḷugumbādīnaṃ sākḥājālasaṅkhātā jaṭā viyāti jaṭā, sā panesā sakaparikkhāraparaparikkhāresu sakaattabhāvaparaattabhāvesu ajjhattikāyatanabāhirāyatanesu ca uppajjanato **antojaṭṭā bahijaṭṭā**ti vuccati. Tāya evaṃ uppajjamānāya **jaṭāya jaṭitā pajā**. Yathā nāma veḷugumbajaṭṭādīhi veḷuādayo, evaṃ tāya taṅhājaṭṭāya sabbāpi ayaṃ sattanikāyasāṅkhātā pajā jaṭitā vinaddhā, saṃsibbitāti attho. Yasmā ca evaṃ jaṭitā. **Taṃ taṃ gotama pucchāmīti** tasmā taṃ pucchāmi. **Gotamāti** bhagavantaṃ gottena ālapati. **Ko imaṃ vijaṭṭhaya jaṭanti** imaṃ evaṃ tedhātukaṃ jaṭetvā ṭhitaṃ jaṭaṃ ko vijaṭṭhaya, vijaṭṭhetuṃ ko samatthoti pucchati.

Evaṃ puṭṭho panassa sabbadhammesu appaṭihataññācāro devadevo sakkānaṃ atisakko brahmānaṃ atibrahmā catuvesārajjavisārado dasabaladhāro anāvāraṇaṇāṇo samantacakkhu bhagavā tamatthaṃ vissajjento –

Sīle patitṭhāya naro sapañño, cittaṃ paññañca bhāvayaṃ;
Ātāpī nipako bhikkhu, so imaṃ vijaṭṭhaya jaṭanti. –

Imaṃ gāthamāha.

2. Imissā dāni gāthāya, kathitāya mahesinā;
Vaṇṇayanto yathābhūtaṃ, atthaṃ sīlādibhedanaṃ.

Sudullabhaṃ labhitvāna, pabbajjaṃ jinasāsane;
Sīlādisaṅgahaṃ khemaṃ, ujuṃ maggaṃ visuddhiyā.

Yathābhūtaṃ ajānantā, suddhikāmāpi ye idha;
Visuddhiṃ nādhigacchanti, vāyamaṅtāpi yogino.

Tesaṃ pāmojjakaraṇaṃ, suvisuddhavinicchayaṃ;
Mahāvihāravāsīnaṃ, desanāyananissitaṃ.

Visuddhimaggaṃ bhāsissaṃ, taṃ me sakkacca bhāsato;
Visuddhikāmā sabbepi, nisāmayatha sādhavoti.

3. Tattha **visuddhīti** sabbamalavirahitaṃ accantaparissuddhaṃ nibbānaṃ veditabbaṃ. Tassā visuddhiyā maggoti visuddhimaggo. **Maggoti** adhigamūpāyo vuccati. Taṃ visuddhimaggaṃ bhāsissāmīti attho.

So panāyaṃ **visuddhimaggo** katthaci **vipassanāmettāvaseneva** desito. Yathāha –

“Sabbe saṅkhārā aniccāti, yadā paññāya passati;
Atha nibbindati dukkhe, esa maggo visuddhiyā”ti. (dha. pa. 277);

Katthaci **jhānapaññāvasena**. Yathāha –

“Yamhi jhānañca paññā ca, sa ve nibbānasantike”ti. (dha. pa. 372);

Katthaci **kammādivasena**. Yathāha –

“Kammaṃ vijjā ca dhammo ca, sīlaṃ jīvitamuttamaṃ;
Etena maccā sujjhanti, na gottena dhanena vā”ti. (ma. ni. 3.387; saṃ. ni. 1.48);

Katthaci **sīlādivasena**. Yathāha –

“Sabbadā sīlasampanno, paññavā susamāhito;
Āraddhavīriyo pahitatto, oghaṃ tarati duttara”nti. (saṃ. ni. 1.96);

Katthaci **satipaṭṭhānādivasena**. Yathāha –

“Ekāyano ayaṃ, bhikkhave, maggo sattānaṃ visuddhiyā...pe... nibbānassa sacchikiriyāya, yadidaṃ cattāro satipaṭṭhānā”ti (dī. ni. 2.373).

Sammappadhānādīsupi eseva nayo. Imasmiṃ pana pañhābyākaraṇe **sīlādivasena** desito.

4. Tatrāyaṃ saṅkhepavaṇṇanā – **sīle patiṭṭhāyāti** sīle ṭhatvā, sīlaṃ paripūrayamānoyeva cettha sīle ṭhitoti vuccati. Tasmā sīlaparipūraṇena sīle patiṭṭhahitvāti ayamettha attho. **Naroti** satto. **Sapaññoti** kammajatihetukapaṭisandhipaññāya paññavā. **Cittaṃ paññañca bhāvayanti** samādhiñceva vipassanañca bhāvayamāno, cittaśisena hettha samādhi niddiṭṭho. Paññānāmena ca vipassanāti. **Ātāpī** vīriyavā. Vīriyañhi kilesānaṃ ātāpanaparitāpanaṭṭhena ātāpoti vuccati. Tadassa atthīti ātāpī. **Nipakoti** nepakkaṃ vuccati paññā, tāya samannāgatoti attho. Iminā padena pārihārikapaññaṃ dasseti. Imasmiñhi pañhābyākaraṇe tikkhattuṃ paññā āgatā. Tattha paṭhamā jātipaññā, dutiyā vipassanāpaññā, tatiyā sabbakiccapariṇāyikā pārihārikapaññā. Saṃsāre bhayaṃ ikkhatīti **bhikkhu**. **So imaṃ vijaṭṭhaya jaṭanti** so iminā ca sīlena iminā ca cittaśisena niddiṭṭhasamādhinā imāya ca tivadhāya paññāya iminā ca ātāpenāti chahi dhammehi samannāgato bhikkhu. Seyyathāpi nāma puriso pathaviyaṃ patiṭṭhāya sunisitaṃ satthaṃ ukkhipivā mahantaṃ veḷugumbaṃ vijaṭṭhaya, evameva sīlathaviyaṃ patiṭṭhāya samādhisīlayaṃ sunisitaṃ vipassanāpaññāsatthaṃ vīriyabalapaggahitena pārihārikapaññāhatthena ukkhipivā sabbampi taṃ attano santāne patītaṃ tañhājaṭaṃ vijaṭṭhaya sañchindeyya sampadāleyya. Maggakkhaṇe panesa taṃ jaṭaṃ vijaṭṭheti nāma. Phalakkhaṇe vijaṭṭajato sadevakassa lokassa aggadakkhiṇeyyo hoti. Tenāha bhagavā –

“Sīle patiṭṭhāya naro sapañño, cittaṃ paññañca bhāvayaṃ;
Ātāpī nipako bhikkhu, so imaṃ vijaṭṭhaya jaṭa”nti. (saṃ. ni. 1.23);

5. Tatrāyaṃ yāya paññāya **sapaññoti** vutto, tatrāssa karaṇīyaṃ natthi. Purimakammānubhāveneva hissa sā siddhā. **Ātāpī nipakoti** ettha vuttavīriyavasena pana tena sātaccakārinā paññāvasena ca sampajānakārinā hutvā sīle patiṭṭhāya cittapaññāvasena vuttā samathavipassanā bhāvetabbāti imamatra bhagavā sīlasamādhipaññāmukhena visuddhimaggaṃ dasseti.

Ettāvata hi tisso sikkhā, tivadhakalyāṇaṃ sāsanaṃ, tevijjatādīnaṃ upanissayo, antadvayavajjanamajjhimaṭṭipattisevanāni, apāyādisamatikkamanupāyo, tihākārehi kilesappahānaṃ, vītikamādīnaṃ paṭipakkho, saṃkilesattayavisoḍhanaṃ, sotāpannādibhāvassa ca kāraṇaṃ pakāsitaṃ hoti.

Kathaṃ? Ettha hi sīlena adhisīlasikkhā pakāsitaṃ hoti, samādhinā adhicittasikkhā, paññāya adhipaññāsikkhā.

Sīlena ca sāsanaassa ādikalyāṇatā pakāsitaṃ hoti. “Ko cādi kusalānaṃ dhammānaṃ, sīlañca suvisuddha”nti (saṃ. ni. 5.369) hi vacanato, “sabbapāpassa akaraṇa”nti (dī. ni. 2.90) ādivacanato ca sīlaṃ sāsanaassa ādi, tañca kalyāṇaṃ, avipparisārādiguṇāvahattā. Samādhinā majjhekalyāṇatā pakāsitaṃ hoti. “Kusalassa upasampadā”ti (dī. ni. 2.90) ādivacanato hi samādhi sāsanaassa majjhe, so ca kalyāṇo, iddhividhādiguṇāvahattā. Paññāya sāsanaassa pariyoṣānakalyāṇatā pakāsitaṃ hoti. “Sacittapariyodāpanaṃ, etaṃ buddhāna sāsana”nti (dī. ni. 2.90) hi vacanato, paññuttarato ca paññā sāsanaassa pariyoṣānaṃ, sā ca kalyāṇaṃ, iṭṭhāniṭṭhesu tādibhāvāvahanato.

“Selo yathā ekaghano, vātena na samīrati;
Evaṃ nindāpasamsāsu, na samīñjanti paṇḍitā”ti. (dha. pa. 81); –

Hi vuttaṃ.

Tathā sīlena tevijjatāya upanissayo pakāsito hoti. Sīlasampattiñhi nissāya tisso vijjā pāpuṇāti, na tato paraṃ. Samādhinā chaḷabhiññatāya upanissayo pakāsito hoti. Samādhisampadañhi nissāya cha abhiññā pāpuṇāti, na tato paraṃ. Paññāya paṭisambhidāpabhedassa upanissayo pakāsito hoti. Paññāsampattiñhi nissāya catasso paṭisambhidā pāpuṇāti, na aññaena kāraṇena.

Sīlena ca kāmasukhallikānuyogasāṅkhātassa antassa vajjanaṃ pakāsitaṃ hoti, samādhinā attakilamathānuyogasāṅkhātassa. Paññāya majjhimāya paṭipattiyā sevanaṃ pakāsitaṃ hoti.

Tathā sīlena apāyasamatikkamanupāyo pakāsito hoti, samādhinā kāmadhātusamatikkamanupāyo, paññāya

sabbabhavasamatikkamanupāyo.

Sīlena ca tadaṅgappahānavasena kilesappahānaṃ pakāsitaṃ hoti, samādhinā vikkhambhanappahānavasena, paññāya samucchadappahānavasena.

Tathā sīlena kilesānaṃ vītikkamapaṭipakkho pakāsito hoti, samādhinā pariyuṭṭhānapaṭipakkho, paññāya anusayapaṭipakkho.

Sīlena ca duccharitasamkilesavisodhanaṃ pakāsitaṃ hoti, samādhinā taṅhāsamkilesavisodhanaṃ, paññāya diṭṭhisamkilesavisodhanaṃ.

Tathā sīlena sotāpannasakadāgāmibhāvassa kāraṇaṃ pakāsitaṃ hoti, samādhinā anāgāmibhāvassa, paññāya arahattassa. Sotāpanno hi “sīlesu paripūrakārī”ti (a. ni. 3.87) vutto, tathā sakadāgāmī. Anāgāmī pana “samādhismiṃ paripūrakārī”ti (a. ni. 3.87). Arahā pana “paññāya paripūrakārī”ti (a. ni. 3.87).

Evam ettāvataṃ tisso sikkhā, tividhakalyāṇaṃ sāsanaṃ, tevijjādānaṃ upanissayo, antadvayavajjanamaṃjhimapaṭipattisevanāni, apāyādisamatikkamanupāyo, tīhākārehi kilesappahānaṃ, vītikkamādānaṃ paṭipakkho, samkilesattayavisodhanaṃ, sotāpannādibhāvassa ca kāraṇanti ime nava, aññe ca evarūpā guṇattikā pakāsitaṃ hontīti.

1. Sīlaniddeso

Sīlasarūpādikathā

6. Evam anekaguṇasaṅgāhakena sīlasamādhipaññāmukhena desitopi panesa **visuddhimaggo** atisaṅkhepadesitoyeva hoti. Tasmā nālaṃ sabbesaṃ upakārāyāti vitthāramassa dassetuṃ sīlaṃ tāva ārabba idaṃ pañhākammaṃ hoti.

Kiṃ sīlaṃ, kenaṭṭhena sīlaṃ, kānassa lakkhaṇarasapaccupaṭṭhānapadaṭṭhānāni, kimānisaṃsaṃ sīlaṃ, katividhaṃ cetam sīlaṃ, ko cassa saṃkilesa, kiṃ vodānanti.

Tatridaṃ vissajjanaṃ. **Kiṃ sīlanti** pāṇātipātādīhi vā viramantassa vattapaṭipattiṃ vā pūrentassa cetanādayo dhammā. Vuttañhetam paṭisambhidāyaṃ “kiṃ sīlanti cetanā sīlaṃ, cetasiṃ sīlaṃ, saṃvaro sīlaṃ, avītikkamo sīla”nti (paṭi. ma. 1.39). Tattha **cetanā sīlaṃ** nāma pāṇātipātādīhi vā viramantassa vattapaṭipattiṃ vā pūrentassa cetanā. **Cetasiṃ sīlaṃ** nāma pāṇātipātādīhi viramantassa virati. Apica cetanā sīlaṃ nāma pāṇātipātādīhi pajahantassa satta kammaṭṭhacetanā. **Cetasiṃ sīlaṃ** nāma “abhijjham pahāya vigatābhijjhena cetasā viharatī”ti (dī. ni. 1.217) ādinā nayena vuttā anabhijjhāyāpādasamādiṭṭhidhammā. **Saṃvaro sīlanti** ettha pañcavidhena saṃvaro veditabbo pātimokkhasaṃvaro, satisaṃvaro, ñāṇasaṃvaro, khantisāṃvaro, vīriyasaṃvaroti. Tattha iminā pātimokkhasaṃvarena upeto hoti samupetoti (vibha. 511) ayaṃ **pātimokkhasaṃvaro**. Rakkhati cakkhundriyaṃ, cakkhundriye saṃvaram āpajjatīti (dī. ni. 1.213) ayaṃ **satisaṃvaro**.

Yāni sotāni lokasmiṃ, (ajitāti bhagavā);

Sati tesam nivāraṇaṃ;

Sotānaṃ saṃvaram brūmi, paññāyete pidhiyareti. (su. ni. 1041);

Ayaṃ **ñāṇasaṃvaro**. Paccayaṭṭhesevanampi ettheva samodhānaṃ gacchati. Yo panāyaṃ khamo hoti sītaṃ uṅhasātīdinā (ma. ni. 1.24; a. ni. 6.58) nayena āgato, ayaṃ **khantisāṃvaro** nāma. Yo cāyaṃ uppannaṃ kāmavitakkaṃ nādhivāsetīdinā (ma. ni. 1.26; a. ni. 6.58) nayena āgato, ayaṃ **vīriyasaṃvaro** nāma. Ājīvapārisuddhipi ettheva samodhānaṃ gacchati. Iti ayaṃ pañcavidhopi saṃvaro, yā ca pāpabhīrukānaṃ kulaputtānaṃ sampattavatthuto virati, sabbampetaṃ saṃvarasīlanti veditabbaṃ. **Avītikkamo sīlanti** samādinnasīlassa kāyikavācasiko anatikkamo. Idaṃ tāva kiṃ sīlanti pañhassa vissajjanaṃ.

7. Avasesesu **kenaṭṭhena sīlanti** sīlaṇaṭṭhena sīlaṃ. Kimidaṃ sīlaṇaṃ nāma. Samādhānaṃ vā, kāyakammādānaṃ susīlyavasena avippakīṇatāti attho. Upadhāraṇaṃ vā, kusalānaṃ dhammānaṃ paṭiṭṭhānavasena ādhārabhāvoti attho. Etadeva hettha atthadvayaṃ saddalakkhaṇavidū anujānanti. Aññe pana siraṭṭho sīlattho, sīlataṭṭho sīlatthoti evamādināpi nayenettha attham vaṇṇayanti.

8. Idāni kānassa lakkhaṇarasapaccupaṭṭhānapadaṭṭhānāni ettha –

Sīlaṇaṃ **lakkhaṇaṃ** tassa, bhinnassāpi anekadhā;

Sanidassanattaṃ rūpassa, yathā bhinnassanekadhā.

Yathā hi nīlapītādibhedena anekadhā bhinnassāpi rūpāyanassa sanidassanattaṃ lakkhaṇaṃ, nīlādibhedena bhinnassāpi

sanidassana bhāvānatikkamanato. Tathā sīlassa cetanādibhedena anekadhā bhinnassāpi yadetam kāyakammādīnam samādhānavasena kusalanāñca dhammānaṃ patiṭṭhānavasena vuttam sīlanam, tadeva lakkhaṇam, cetanādibhedena bhinnassāpi samādhānapatiṭṭhānavānatikkamanato. Evaṃ lakkhaṇassa panassa –

Dussīlyaviddhamsanatā, anavajjagūṇo tathā;
Kiccasampattiatthena, **raso** nāma pavuccati.

Tasmā idaṃ sīlam nāma kiccaṭṭhena rasena dussīlyaviddhamsanarasam, sampattiatthena rasena anavajjarasanti veditabbam. Lakkhaṇādisu hi kiccameva sampatti vā rasoti vuccati.

Soceyyapaccupaṭṭhānam, tayidaṃ tassa viññuhi;
Ottappañca hirī ceva, **padaṭṭhānanti** vaṇṇitam.

Tayidaṃ sīlam kāyasoceyyam vacīsoceyyam manosoceyyanti (a. ni. 3.121) evaṃ vuttasoceyyapaccupaṭṭhānam, soceyyabhāvena paccupaṭṭhāti gahaṇabhāvaṃ gacchati. Hirottappañca panassa viññuhi padaṭṭhānanti vaṇṇitam, āsannakāraṇanti attho. Hirottappe hi sati sīlam uppajjati ceva tiṭṭhati ca. Asati neva uppajjati, na tiṭṭhatīti. Evaṃ sīlassa lakkhaṇarasapaccupaṭṭhānapadaṭṭhānāni veditabbāni.

Sīlanisamsakathā

9. Kimānisamsam sīlanti avipphaṭṭisārādiānekagūṇapaṭilābhānisamsam. Vuttañhetam – “avipphaṭṭisārathāni kho, ānanda, kusalāni sīlāni avipphaṭṭisārānisamsāni”ti (a. ni. 11.1).

Aparampi vuttam “pañcime gahapatayo ānisamsā sīlavato sīlasampadāya. Katame pañca? Idha gahapatayo sīlavā sīlasampanno appamādhādhikaraṇam mahantam bhogakkhandham adhigacchati, ayam paṭhamo ānisamsō sīlavato sīlasampadāya. Puna caparam gahapatayo sīlavato sīlasampannassa kalyāṇo kittisaddo abhuggacchati, ayam duttiyo ānisamsō sīlavato sīlasampadāya. Puna caparam gahapatayo sīlavā sīlasampanno yaññadeva parisam upasaṅkamati yadi khattiyaparisaṃ yadi brāhmaṇaparisaṃ yadi gahapatiparisaṃ yadi samaṇaparisaṃ, visārado upasaṅkamati amaṅkubhūto, ayam tatiyo ānisamsō sīlavato sīlasampadāya. Puna caparam gahapatayo sīlavā sīlasampanno asammūḷho kālam karoti, ayam catuttho ānisamsō sīlavato sīlasampadāya. Puna caparam gahapatayo sīlavā sīlasampanno kāyassa bhedaṃ paramaṃ maraṇā sugatiṃ saggaṃ lokaṃ uppajjati, ayam pañcamaṃ ānisamsō sīlavato sīlasampadāyā”ti (dī. ni. 2.150; a. ni. 5.213; mahāva. 285).

Aparepi “ākaṅkheyya ce, bhikkhave, bhikkhu sabrahmacārīnam piyo ca assam manāpo ca garu ca bhāvanīyo cāti, sīlesvevassa paripūrakārī”tiādīnā (ma. ni. 1.65) nayena piyamanāpatādayo āsavakkhayapariyosānā anekā sīlanisamsā vuttā. Evaṃ avipphaṭṭisārādiānekagūṇānisamsam sīlam. Apica –

Sāsane kulaputtānam, patiṭṭhā natthi yaṃ vinā;
Ānisamsaparicchedam, tassa sīlassa ko vade.

Na gaṅgā yamunā cāpi, sarabhū vā sarasvatī;
Ninnagā vāciravatī, mahī vāpi mahānadī.

Sakkuṇanti visodhetum, tam malaṃ idha pañinam;
Visodhayati sattānam, yaṃ ve sījalalam malaṃ.

Na tam sajaladā vātā, na cāpi haricandanam;
Neva hārā na maṇayo, na candakiraṇaṅkurā.

Samayantīdha sattānam, pariḷāham surakkhitam;
Yaṃ sameti idaṃ ariyam, sīlam accantasīlam.

Sīlagandhasamo gandho, kuto nāma bhavissati;
Yo samam anuvāte ca, paṭivāte ca vāyati.

Saggārohaṇasopānam, aññam sīlasamam kuto;
Dvāram vā pana nibbāna, nagarassa pavesane.

Sobhantevaṃ na rājāno, muttāmaṇivibhūsitā;
Yathā sobhanti yatino, sīlabhūsanabhūsitā.

Attānuvādādibhayam, viddhamsayati sabbaso;
Janeti kittihāsaṅga, sīlam sīlavatam sadā.

Guṇānaṃ mūlabhūtaṃ, dosānaṃ balaghātino;
Iti sīlassa viññeyyaṃ, ānisaṃsakathā mukhanti.

Sīlappabhedakathā

10. Idāni yaṃ vuttaṃ **katividhaṃ cetam sīlanti**, tatriddhaṃ vissajjanaṃ. Sabbameva tāva idaṃ sīlaṃ attano sīlanalakkhaṇena **ekavidhaṃ**.

Cārittavārittavasena **duvidhaṃ**. Tathā ābhisamācārikaādibrahmacariyakavasena, viratiavirativasena, nissitānissitavasena, kālapariyantaāpāṇakoṭikavasena, sapariyantāpariyantavasena, lokiyalokuttaravasena ca.

Tividhaṃ hīnamajjhimaṇṇitavasena. Tathā attādhipateyyalokādhipateyyadhammādhipateyyavasena, parāmatthāparāmatthapaṭippassaddhivasena, visuddhāvisuddhavematikavasena, sekkhāsekkhanevasekkhānāsekkhavasena ca.

Catubbidhaṃ hānabhāgiyaṭhitibhāgiyavisesabhāgiyanibbedhabhāgiyavasena. Tathā bhikkhubhikkhunīanupasaṃpannagahaṭṭhasīlavasena, pakatiācāradhammatāpubbahetukasīlavasena, paṭimokkhasaṃvaraindriyasamvaraājīvapārisuddhipaccayasannissitasīlavasena ca.

Pañcavidhaṃ pariyantapārisuddhisīlavasena. Vuttampi cetam paṭisambhidāyaṃ “pañca sīlāni – pariyantapārisuddhisīlaṃ, aperiyantapārisuddhisīlaṃ, paripuṇṇapārisuddhisīlaṃ, aparāmatthapārisuddhisīlaṃ, paṭippassaddhipārisuddhisīlaṃ”nti (paṭi. ma. 1.37). Tathā pahānāveramaṇṇicetanāsamvarāvītikamavasena.

11. Tattha ekavidhakoṭṭhāse attho vuttanayeneva veditabbo. Duvidhakoṭṭhāse yaṃ bhagavatā “idaṃ kattabba”nti paññattasikkhāpadapūraṇaṃ, taṃ **cārittaṃ**. Yaṃ “idaṃ na kattabba”nti paṭikkhattassa akaraṇaṃ, taṃ **vārittaṃ**. Tatrāyaṃ vacanatto. Caranti tasmiṃ sīlesu paripūrakāritāya pavattantīti cārittaṃ. Vārittaṃ tāyanti rakkhanti tenāti vārittaṃ. Tattha saddhāvīriyasādhanam cārittaṃ, saddhāsādhanam vārittaṃ. Evaṃ cārittavārittavasena duvidhaṃ.

Dutiyaḍuke **abhisamācāro**ti uttamasamācāro. Abhisamācāro eva **ābhisamācārikaṃ**. Abhisamācāraṃ vā ārabha paññattaṃ ābhisamācārikaṃ, ājīvaṭṭhamakato avasesasīlasetam adhivacanaṃ. Maggabrahmacariyassa ādibhāvabhūtaṃ **ādibrahmacariyakaṃ**, ājīvaṭṭhamakasīlasetam adhivacanaṃ. Tañhi maggassa ādibhāvabhūtaṃ, pubbhāgeyeva parisodhetabbato. Tenāha – “pubbeva kho panassa kāyakammaṃ vacikammaṃ ājīvo suparisuddho hoti”ti (ma. ni. 3.431). Yāni vā sikkhāpadāni khuddānukhuddakānīti vuttāni, idaṃ ābhisamācārikasīlaṃ. Sesam ādibrahmacariyakaṃ. Ubhatovibhaṅgapariyāpannaṃ vā ādibrahmacariyakaṃ. Khandhakavattapariyāpannaṃ ābhisamācārikaṃ. Tassa sampattiyā ādibrahmacariyakaṃ sampajjati. Tenevāha – “so vata, bhikkhave, bhikkhu ābhisamācārikaṃ dhammaṃ aparipūretvā ādibrahmacariyakaṃ dhammaṃ paripūressatīti netam ṭhānaṃ vijjati”ti (a. ni. 5.21). Evaṃ ābhisamācārikaādibrahmacariyakavasena duvidhaṃ.

Tatiyaḍuke pañātipātādīhi veramaṇimattaṃ **viratisīlaṃ**. Sesam cetaṇādi **aviratisīlanti** evaṃ viratiavirativasena duvidhaṃ.

Catutthaduke nissayoti dve nissayā taṇhānissayo ca diṭṭhinissayo ca. Tattha yaṃ “imināhaṃ sīlena devo vā bhavissāmi devaṇṇātaro vā”ti (dī. ni. 3.320; ma. ni. 1.186; a. ni. 5.206; 7.50) evaṃ bhavasampattim ākaṅkhamānena pavattitaṃ, idaṃ **taṇhānissitaṃ**. Yaṃ “sīlena suddhī”ti evaṃ suddhiditṭhiyā pavattitaṃ, idaṃ **diṭṭhinissitaṃ**. Yaṃ pana lokuttaram lokiyañca tasseva sambhārabhūtaṃ, idaṃ **anissitanti** evaṃ nissitānissitavasena duvidhaṃ.

Pañcamaduke kālaparicchedam katvā samādinnaṃ sīlaṃ **kālapariyantaṃ**. Yāvajīvaṃ samādiyivā tatheva pavattitaṃ **āpāṇakoṭikanti** evaṃ kālapariyantaāpāṇakoṭikavasena duvidhaṃ.

Chatṭhaduke lābhayaṣāñātiāṅgajīvitavasena diṭṭhapariyantaṃ **sapariyantaṃ** nāma. Viparītaṃ **apariyantaṃ**. Vuttampi cetam paṭisambhidāyaṃ “katamaṃ taṃ sīlaṃ sapariyantaṃ? Atthi sīlaṃ lābhapariyantaṃ, atthi sīlaṃ yasapariyantaṃ, atthi sīlaṃ ṇātipariyantaṃ, atthi sīlaṃ aṅgapariyantaṃ, atthi sīlaṃ jīvitapariyantaṃ. Katamaṃ taṃ sīlaṃ lābhapariyantaṃ? Idhekacco lābhahetu lābhapaccayā lābhakāraṇā yathāsamādinnaṃ sikkhāpadaṃ vītikkamati, idaṃ taṃ sīlaṃ lābhapariyantaṃ”nti (paṭi. ma. 1.38). Eteneva upāyena itarānīpi vitthāretabbāni. Aperiyantavissajjanepi vuttaṃ “katamaṃ taṃ sīlaṃ na lābhapariyantaṃ? Idhekacco lābhahetu lābhapaccayā lābhakāraṇā yathāsamādinnaṃ sikkhāpadaṃ vītikkamāya cittampi na uppādeti, kiṃ so vītikkamissati, idaṃ taṃ sīlaṃ na lābhapariyantaṃ”nti (paṭi. ma. 1.38). Etenevupāyena itarānīpi vitthāretabbāni. Evaṃ sapariyantāpariyantavasena duvidhaṃ.

Sattamaduke sabbampi sāsavaṃ sīlaṃ **lokiyaṃ**. Anāsavaṃ **lokuttaraṃ**. Tattha lokiyaṃ bhavavisesāvahaṃ hoti bhavanissaraṇassa ca sambhāro. Yathāha – “vinayo saṃvaratthāya, saṃvaro avippaṭisāratthāya, avippaṭisāro pāmojjatthāya, pāmojjaṃ pītattthāya, pīti passaddhatthāya, passaddhi sukhatthāya, sukhaṃ samādhattthāya, samādhi yathābhūtañānadassanattthāya, yathābhūtañānadassanaṃ nibbidattthāya, nibbidā virāgatthāya, virāgo vimuttattthāya, vimutti vimuttiñānadassanattthāya, vimuttiñānadassanaṃ anupādāparinibbānatthāya, etadatthā kathā, etadatthā mantanā, etadatthā upanīsa, etadattham sotāvadhānaṃ, yadidaṃ anupādācittassa vimokkho”ti (pari. 366). Lokuttaram bhavanissaraṇāvahaṃ hoti

paccavekkhaṇañāṇassa ca bhūmīti evaṃ lokiyalokuttaravasena duvidhaṃ.

12. Tikesu paṭhamattike hīnena chandena cittena vīriyena vīmaṃsāya vā pavattitaṃ **hīnaṃ**. Majjhimehi chandādīhi pavattitaṃ **majjhimaṃ**. Pañītehi **pañītaṃ**. Yasakāmatāya vā samādinnaṃ hīnaṃ. Puññaphalākāmatāya majjhimaṃ. Kattabbamevidanti ariyabhāvaṃ nissāya samādinnaṃ pañītaṃ. “Ahamasmi sīlasampanno, ime panaññe bhikkhū dussīlā pāpadhammā”ti evaṃ attukkaṃsanaparavambhanādīhi upakkiliṭṭhaṃ vā hīnaṃ. Anupakkiliṭṭhaṃ lokiyaṃ sīlaṃ majjhimaṃ. Lokuttaraṃ pañītaṃ. Tañhāvasena vā bhavabhogattāya pavattitaṃ hīnaṃ. Attano vimokkhatthāya pavattitaṃ majjhimaṃ. Sabbasattānaṃ vimokkhatthāya pavattitaṃ pāramitāsīlaṃ pañītanti evaṃ hīnamajjhimaṇṇitavasena tividdhaṃ.

Dutiyaṭṭike attano ananurūpaṃ pajahitukāmena attagarunā attanigāravena pavattitaṃ **attādhipateyyaṃ**. Lokāpavādaṃ parihaṭṭitukāmena lokagarunā loka gāravena pavattitaṃ **lokādhipateyyaṃ**. Dhammamahattaṃ pūjetukāmena dhammagarunā dhammagāravena pavattitaṃ **dhammādhipateyyanti** evaṃ attādhipateyyādivasena tividdhaṃ.

Tatiyaṭṭike yaṃ dukkesu nissitanti vuttaṃ, taṃ tañhādīṭṭhīhi parāmaṭṭhattā **parāmaṭṭhaṃ**. Puthujjanakalyāṇakassa maggasambhārahūtaṃ sekkhānañca maggasampayuttaṃ **aparāmaṭṭhaṃ**. Sekkhāsekkhānaṃ phalasampayuttaṃ **paṭippassaddhanti** evaṃ parāmaṭṭhādivasena tividdhaṃ.

Catutthattike yaṃ āpattiṃ anāpajjantena pūritaṃ, āpajjitvā vā puna katapaṭikammaṃ, taṃ **visuddhaṃ**. Āpattiṃ āpanassa akatapaṭikammaṃ **avisuddhaṃ**. Vatthumhi vā āpattiyā vā ajjhācāre vā vematikassa sīlaṃ **vematikasīlaṃ** nāma. Tattha yoginā avisuddhasīlaṃ visodhetabbaṃ, vematike vatthujjhācāraṃ akatvā vimati paṭivinetaṃbā “iccassa phāsu bhavissati”ti evaṃ visuddhādivasena tividdhaṃ.

Pañcamattike catūhi ariyamaggehi tīhi ca sāmāññaphalehi sampayuttaṃ sīlaṃ **sekkhaṃ**. Arahattaphalasampayuttaṃ **asekkhaṃ**. Sesāṃ **nevasekkhānāsekkhanti** evaṃ sekkhādivasena tividdhaṃ.

Paṭisambhidāyaṃ pana yasmā loka tesāṃ tesāṃ sattānaṃ pakatipi sīlanti vuccati, yaṃ sandhāya “ayaṃ sukhasīlo, ayaṃ dukkhasīlo, ayaṃ kalahasīlo, ayaṃ maṇḍanasīlo”ti bhaṇanti, tasmā tena pariyāyena “tīṇi sīlāni, kusalasīlaṃ akusalasīlaṃ abyākatasīlanti (paṭi. ma. 1.39). Evaṃ kusalādivasenaṃ tividdhanti vuttaṃ. Tattha akusalaṃ imasmiṃ atthe adhippetassa sīlassa lakkhaṇādīsu ekenapi na sametīti idha na upanītaṃ, tasmā vuttanayenevassa tividdhatā veditabbā.

13. Catukkesu paṭhamacatukke –

Yodha sevati dussīle, sīlavante na sevati;
Vatthuvītikame dosaṃ, na passati aviddasu.

Micchāsāṅkappabahuḷo, indriyāni na rakkhati;
Evarūpassa ve sīlaṃ, jāyate **hānabhāgiyaṃ**.

Yo panattamano hoti, sīlasampattiyā idha;
Kammaṭṭhānānuयोगamhi, na uppādeti mānasāṃ.

Tuṭṭhassa sīlamattena, aghaṭantassa uttari;
Tassa taṃ **ṭhitibhāgiyaṃ**, sīlaṃ bhavati bhikkhuno.

Sampannasīlo ghaṭati, samādhattāya yo pana;
Visabhāgiyaṃ sīlaṃ, hoti etassa bhikkhuno.

Atuṭṭho sīlamattena, nibbidaṃ yonuyūñjati;
Hoti **nibbedhabhāgiyaṃ**, sīlametassa bhikkhunoti.

Evaṃ hānabhāgiyādivasena catubbidhaṃ.

Dutiyaṭṭatukke bhikkhū ārabha paññattasikkhāpadāni, yāni ca nesāṃ bhikkhunīnaṃ paññattito rakkhitabbāni, idaṃ **bhikkhusīlaṃ**. Bhikkhuniyo ārabha paññattasikkhāpadāni, yāni ca tāsāṃ bhikkhūnaṃ paññattito rakkhitabbāni, idaṃ **bhikkhunīsīlaṃ**. Sāmaṇerasāmaṇerīnaṃ dasasīlāni **anupasampannasīlaṃ**. Upāsakaupāsikānaṃ nicasīlavasena pañcasikkhāpadāni, sati vā ussāhe dasa, uposathaṅgavasena aṭṭhāti idaṃ **gahaṭṭhasīlanti** evaṃ bhikkhusīlādivasena catubbidhaṃ.

Tatiyaṭṭatukke uttarakurukānaṃ manussānaṃ avītikamo **pakatisīlaṃ**. Kuladesapāsaṇḍānaṃ attano attano mariyādācārittaṃ **ācārasīlaṃ**. “Dhammatā esā, ānanda, yadā bodhisatto mātukucchiṃ okkanto hoti na bodhisattamātu purisesu mānasāṃ uppajji kāmaguṇūpasamhita”nti evaṃ vuttaṃ bodhisattamātusīlaṃ **dhammatāsīlaṃ**. Mahākassapādīnaṃ pana suddhasattānaṃ, bodhisattassa ca tāsū tāsū jātīsu sīlaṃ **pubbahetukasīlanti** evaṃ pakatisīlādivasena catubbidhaṃ.

Catutthacatukke yaṃ bhagavatā “idha bhikkhu pātimokkhasaṃvaraṃvuto viharatī ācāragocarasampanno aṇumattesu vajjesu bhayadassāvī samādāya sikkhati sikkhāpadesū”ti (vibha. 508; dī. ni. 1.193) yaṃ vuttaṃ sīlaṃ, idaṃ **pātimokkhasaṃvarasīlaṃ** nāma. Yaṃ pana “so cakkhunā rūpaṃ disvā na nimittaggāhī hoti nānubyañjanaggāhī, yatvādhikaraṇaṃenaṃ cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati cakkhundriyaṃ, cakkhundriye saṃvaraṃ āpajjati. Sotena saddaṃ sutvā...pe... ghānena gandhaṃ ghāyitvā...pe... jivhāya rasaṃ sāyitvā...pe... kāyena phoṭṭhabbaṃ phusitvā...pe... manasā dhammaṃ viññāya na nimittaggāhī...pe... manindriye saṃvaraṃ āpajjati”ti (ma. ni. 1.22, 411; dī. ni. 1.213; a. ni. 4.198) vuttaṃ, idaṃ **indriyasamvarasīlaṃ**. Yā pana ājivahetupaññattānaṃ channaṃ sikkhāpadānaṃ vītikkamassa, “kuhanā lapanā nemittikatā nippesikatā lābhena lābhaṃ nijjigāsanatā”ti evamādīnañca pāpadhamānaṃ vasena pavattā micchājīva virati, idaṃ **ājivapārisuddhisīlaṃ**. “Paṭisaṅkhā yoniso cīvaraṃ paṭisevati, yāvadeva sītassa paṭighātāyā”ti (ma. ni. 1.23; a. ni. 6.58) ādinā nayena vutto paṭisaṅkhānaparisuddho catupaccayaparibhogo **paccayasannissitasīlaṃ** nāma.

Pātimokkhasaṃvarasīlaṃ

14. Tatrayaṃ ādito paṭṭhāya anupubbapadavaṇṇanāya saddhiṃ vinicchayakathā. **Idhāti** imasmiṃ sāsane. **Bhikkhūti** saṃsāre bhayaṃ ikkhaṇatāya vā bhinnapaṭadharādītāya vā evaṃ laddhavohāro saddhāpabbajito kulaputto. **Pātimokkhasaṃvaraṃvutoti** ettha pātimokkhanti sikkhāpadasīlaṃ. Tañhi yo naṃ pāti rakkhati, taṃ mokkheti mocayati āpāyikādīhi dukkhehi, tasmā **pātimokkhanti** vuccati. Saṃvaraṇaṃ saṃvaro, kāyikavācasikassa avītikkamassetāṃ nāmaṃ. Pātimokkhameva saṃvaro pātimokkhasaṃvaro. Tena pātimokkhasaṃvarena saṃvuto pātimokkhasaṃvaraṃvuto, upagato samannāgato attho. **Viharaṭīti** iriyati. **Ācāragocarasampannoti** ādinamattho pāḷiyaṃ āgatanayeneva veditabbo. Vuttañhetam

“Ācāragocarasampanno”ti atthi ācāro, atthi anācāro;

Tattha katamo **anācāro**? Kāyiko vītikkamo vācasiko vītikkamo kāyikavācasiko vītikkamo, ayaṃ vuccati anācāro. Sabbampi dussīlyaṃ anācāro. Idhekacco veḷudānena vā pattadānena vā pupphaphalasinānadantakaṭṭhadānena vā cāṭukamyatāya vā muggasūpyatāya vā pāribhaṭyatāya vā jaṅghapesanikena vā aññataraññatarena vā buddhapaṭikūṭṭhena micchājīvena jīvikaṃ kappeti, ayaṃ vuccati anācāro.

Tattha katamo **ācāro**? Kāyiko avītikkamo vācasiko avītikkamo kāyikavācasiko avītikkamo, ayaṃ vuccati ācāro. Sabbopi sīlasaṃvaro ācāro. Idhekacco na veḷudānena vā na pattana pupphana phalana sinānana dantakaṭṭhadānena vā na cāṭukamyatāya vā na muggasūpyatāya vā na pāribhaṭyatāya vā na jaṅghapesanikena vā na aññataraññatarena vā buddhapaṭikūṭṭhena micchājīvena jīvikaṃ kappeti, ayaṃ vuccati ācāro.

Gocaroti atthi gocaro atthi agocarō.

Tattha katamo **agocarō**? Idhekacco vesiyāgocarō vā hoti vidhavā, thullakumārīkā, paṇḍaka, bhikkhūti, pānāgāragocarō vā hoti, saṃsaṭṭho viharatī rājūhi rājamahāmattehi titthiyehi titthiyasāvakehi ananulomikena saṃsaggena, yāni vā pana tāni kulāni assaddhāni appasannāni anopānabhūtāni akkosakaparibhāsakāni anattakāmāni ahitakāmāni aphāsukakāmāni ayogakkhemakāmāni bhikkhūnaṃ bhikkhunīnaṃ upāsakānaṃ upāsikānaṃ, tathārūpāni kulāni sevati bhajati payirupāsati, ayaṃ vuccati agocarō.

Tattha katamo **gocarō**? Idhekacco na vesiyāgocarō vā hoti...pe... na pānāgāragocarō vā hoti, asaṃsaṭṭho viharatī rājūhi...pe... titthiyasāvakehi ananulomikena saṃsaggena, yāni vā pana tāni kulāni saddhāni pasannāni opānabhūtāni kāsāvapajjotāni isivāṭapaṭivātāni atthakāmāni...pe... yogakkhemakāmāni bhikkhūnaṃ...pe... upāsikānaṃ, tathārūpāni kulāni sevati bhajati payirupāsati, ayaṃ vuccati gocaro. Iti iminā ca ācārena iminā ca gocarena upeto hoti samupeto upagato samupagato upapanno sampanno samannāgato, tena vuccati “ācāragocarasampanno”ti (vibha. 511).

Api cettha imināpi nayena ācāragocarā veditabbā. Duvidho hi anācāro kāyiko vācasiko ca. Tattha katamo **kāyiko anācāro**? Idhekacco saṅghagatopi acittikārakato there bhikkhū ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsampi pārupitvā nisīdati, ṭhitakopi bhaṇati, bāhāvikkhepakopi bhaṇati, therānaṃ bhikkhūnaṃ anupāhanānaṃ caṅkamantānaṃ saupāhano caṅkamati, nīce caṅkame caṅkamantānaṃ ucce caṅkame caṅkamati, chamāya caṅkamantānaṃ caṅkame caṅkamati, there bhikkhū anupakhajjāpi tiṭṭhati, anupakhajjāpi nisīdati, navepi bhikkhū āsanena paṭibāhati, jantāgharepi there bhikkhū anāpucchā kaṭṭhaṃ pakkhipati, dvāraṃ pidahati, udakatiṭṭhepi there bhikkhū ghaṭṭayantopi otarati, puratopi otarati, ghaṭṭayantopi nhāyati, puratopi nhāyati, ghaṭṭayantopi uttarati, puratopi uttarati, antaragharaṃ pavisantopi there bhikkhū ghaṭṭayantopi gacchati, puratopi gacchati, vokkamma ca therānaṃ bhikkhūnaṃ purato purato gacchati, yānipi tāni honti kulānaṃ ovarakāni gūlhāni ca paṭicchannāni ca yattha kulitthiyo kulakumārīyo nisīdanti, tatthapi sahasā pavisati, kumārakassapi sīsaṃ parāmasati, ayaṃ vuccati kāyiko anācāro.

Tattha katamo **vācasiko anācāro**? Idhekacco saṅghagatopi acittikārakato there bhikkhū anāpucchā dhammaṃ bhaṇati. Pañhaṃ vissajjeti, pātimokkhaṃ uddisati, ṭhitakopi bhaṇati, bāhāvikkhepakopi bhaṇati, antaragharaṃ pavitṭhopi itthiṃ vā kumārīṃ vā evamāha – “itthannāme itthaṃgotte kiṃ atthi, yāgu atthi, bhattaṃ atthi, khādanīyaṃ atthi, kiṃ pivissāma, kiṃ

khādissāma, kiṃ bhuñjissāma. Kiṃ vā me dassathā’’ti vippalapati, ayaṃ vuccati vācasiko anācāro (mahāni. 87). Paṭipakkhavasena panassa ācāro vedītabbo.

Apica bhikkhu sagāro sappatisso hirottappasampanno sunivattho supāruto pāsādikena abhikkantena paṭikkantena ālokiteṇa vilokiteṇa samīñjiteṇa pasāriteṇa okkhittacakkhu iriyāpathasampanno indriyesu guttadvāro bhōjane mattaññū jāgariyamanuyutto satisampajāññeṇa samannāgato appiccho santuṭṭho āradhāvīriyo ābhisamācārikesu sakkaccakārī garucittikārabahulo viharati, ayaṃ vuccati ācāro. Evaṃ tāva ācāro vedītabbo.

Gocaro pana tividho upanissayagocaro ārakkhagocaro upanibandhagocaroti. Tattha katamo **upanissayagocaro**? Dasakathāvattugūṇasamannāgato kalyāṇamitto, yaṃ nissāya assutaṃ suṇāti, suttaṃ pariyodapeti, kaṅkhaṃ vitarati, diṭṭhiṃ ujuṃ karoti, cittaṃ pasādeti. Yassa vā pana anusikkhamāno saddhāya vaḍḍhati, sīlena, sutena, cāgena, paññāya vaḍḍhati, ayaṃ vuccati upanissayagocaro.

Katamo **ārakkhagocaro**? Idha bhikkhu antaraghaṃ pavīṭṭho vīthiṃ paṭipanno okkhittacakkhu yugamattadassāvī susaṃvuto gacchati, na hatthiṃ olokeno, na assaṃ, na rathaṃ, na pattīṃ, na itthiṃ, na purisaṃ olokeno, na uddhaṃ ullokeno, na adho olokeno, na disāvidisaṃ pekkhamāno gacchati, ayaṃ vuccati ārakkhagocaro.

Katamo **upanibandhagocaro**? Cattāro satipaṭṭhānā yattha cittaṃ upanibandhati. Vuttañhettaṃ bhagavatā – ‘ko ca, bhikkhave, bhikkhuno gocaro sako pettiko visayo? Yadiḍaṃ cattāro satipaṭṭhānā’’ti (saṃ. nī. 5.372), ayaṃ vuccati upanibandhagocaro. Iti iminā ca ācāreṇa iminā ca gocareṇa upeto...pe... samannāgato. Tenapi vuccati ācāragocarasampannoti.

Aṇumattesu vajjesu bhayadassāvīti aṇupamāṇesu asañcicca āpannasekhiyaakusalacittuppādādibhedesu vajjesu bhayadassanasīlo. **Samādāya sikkhati sikkhāpadesūti** yaṃkiñci sikkhāpadesu sikkhitabbaṃ, taṃ sabbaṃ sammā ādāya sikkhati. Ettha ca ‘pātimokkhasaṃvarasaṃvuto’’ti ettāvata ca puggalādhīṭṭhānāya desanāya pātimokkhasaṃvarasīlaṃ dassitaṃ. ‘‘Ācāragocarasampanno’’tiādi pana sabbaṃ yathāpaṭipannassa taṃ sīlaṃ sampajjati, taṃ paṭipattīṃ dassetuṃ vuttanti vedītabbaṃ.

Indriyasamvarasīlaṃ

15. Yaṃ panetaṃ tadanantaraṃ ‘‘so cakkhunā rūpaṃ disvā’’tiādinā nayena dassitaṃ indriyasamvarasīlaṃ, tattha **soti** pātimokkhasamvarasīle ṭhito bhikkhu. **Cakkhunā rūpaṃ disvāti** kāraṇavasena cakkhūti laddhavohāreṇa rūpadassanasamattena cakkhuvīññāṇeṇa rūpaṃ disvā. Porāṇā panāhu ‘‘cakkhu rūpaṃ na passati, acittakattā, cittaṃ na passati, acakkhukattā, dvārāmmaṇasaṅghaṭṭe pana cakkhupasādavattukena cittaṇa passati. Īdisi panaesā ‘dhanunā vijjhati’’tiādisu viya sasambhārakathā nāma hoti, tasmā cakkhuvīññāṇeṇa rūpaṃ disvāti ayamevettha attho’’ti. **Na nimittaggāhīti** itthipurisanimittaṃ vā subhanimittādikāṃ vā kilesavattubhūtaṃ nimittaṃ na gaṇhāti, diṭṭhamatteyeva saṅghāti. **Nānubyañjanaggāhīti** kilesānaṃ anuanubyañjanato pākābhāvakarāṇato anubyañjananti laddhavohāraṃ hatthapādasitahasitakathivilokitādibhedāṃ ākāraṃ na gaṇhāti, yaṃ tattha bhūtaṃ, tadeva gaṇhāti, cetiyapabbatavāsī **mahāṭissatthero viya.**

Theraṃ kira cetiyapabbatā anurādhapuraṃ piṇḍacārathāya āgacchantaṃ aññatarā kulasuñhā sāmikena saddhiṃ bhaṇḍitvā sumaṇḍitapasādhitā devakaññā viya kālasseva anurādhapurato nikkhamitvā nātigharaṃ gacchantī antarāmagge disvā vipallathacittā mahāhasitaṃ hasi. Thero kimetanti olokeno tassā dantaṭṭhike asubhasaññaṃ paṭilabhivā arahattaṃ pāpuṇi. Tena vuttaṃ –

‘‘Tassā dantaṭṭhikaṃ disvā, pubbasaññaṃ anussari;
Tattheva so ṭhito thero, arahattaṃ apāpuṇī’’ti.

Sāmikopi kho panassā anumaggaṃ gacchanta theraṃ disvā ‘‘kiñci, bhante, itthiṃ passathā’’ti pucchi. Taṃ thero āha –

‘‘Nābhijānāmi itthi vā, puriso vā ito gato;
Apica aṭṭhisāṅghāto, gacchatesa mahāpathe’’ti.

Yatvādhikaraṇamenantiādimhi yaṃkāraṇā yassa cakkhundriyāsaṃvarassa hetu etaṃ puggalaṃ satikavāṭeṇa cakkhundriyaṃ asaṃvutaṃ apihitacakkhudvāraṃ hutvā viharantaṃ ete abhijjhādayo dhammā anvāssaveyyuṃ anubandheyyuṃ. **Tassa saṃvarāya paṭipajjati** tassa cakkhundriyassa satikavāṭeṇa pidahanatthāya paṭipajjati. Evaṃ paṭipajjantoyeva ca rakkhati cakkhundriyaṃ, cakkhundriye saṃvaraṃ āpajjati vuccati. Tattha kiñcāpi cakkhundriye saṃvaro vā asaṃvaro vā natthi. Na hi cakkhupasādaṃ nissāya sati vā muṭṭhasaccaṃ vā uppajjati. Apica yadā rūpāmmaṇaṃ cakkhussa āpāthaṃ āgacchati, tadā bhavaṅge dvikkhattuṃ uppajjitvā niruddhe kiriyamanodhātu āvajjanakiccaṃ sādhamānā uppajjitvā nirujjhati. Tato cakkhuvīññāṇaṃ dassanakkiccaṃ. Tato vipākamanodhātu sampaṭicchana-kiccaṃ. Tato vipākāhetukamanoviññādhātu santīraṇakiccaṃ. Tato kiriyāhetukamanoviññādhātu voṭṭhabbanakiccaṃ sādhamānā uppajjitvā nirujjhati, tadanantaraṃ javanaṃ javati.

Tatrāpi neva bhavaṅgasamaye, na āvajjanādīnaṃ aññatarasamaye saṃvaro vā asaṃvaro vā atthi. Javanakkhaṇe pana sace dussīlyam vā muṭṭhasaccaṃ vā aññāṇaṃ vā akkhanti vā kosajjaṃ vā uppajjati, asaṃvaro hoti. Evaṃ honto pana so cakkhundriye asaṃvaroti vuccati. Kasmā? Yasmā tasmim sati dvārampi aguttaṃ hoti, bhavaṅgampi āvajjanādīnipi vīthiccittāni. Yathā kiṃ? Yathā nagare catūsu dvāresu asaṃvutesu kiñcāpi antogharadvārakoṭṭhakagabbhādayo susaṃvutā honti, tathāpi antonagare sabbaṃ bhaṇḍaṃ arakkhitaṃ agopitameva hoti. Nagaradvārena hi pavisitvā corā yadicchanti, taṃ kareyyuṃ, evameva javane dussīlyādīsu uppennesu tasmim asaṃvare sati dvārampi aguttaṃ hoti, bhavaṅgampi āvajjanādīnipi vīthiccittāni.

Tasmim pana sīlādīsu uppennesu dvārampi guttaṃ hoti, bhavaṅgampi āvajjanādīnipi vīthiccittāni. Yathā kiṃ? Yathā nagaradvāresu saṃvutesu kiñcāpi antogharādayo asaṃvutā honti, tathāpi antonagare sabbaṃ bhaṇḍaṃ surakkhitaṃ sugopitameva hoti. Nagaradvāresu hi pihitesu corānaṃ paveso natthi, evameva javane sīlādīsu uppennesu dvārampi guttaṃ hoti, bhavaṅgampi āvajjanādīnipi vīthiccittāni. Tasmā javanakkhaṇe uppajjamānopi cakkhundriye saṃvaroti vutto.

Sotena saddaṃ sutvātiādīsopi eseva nayo. Evamidaṃ saṅkhepato rūpādīsu kilesānubandhanimittādigghāparivajjanalakkhaṇaṃ indriyasamvarasīlantī veditabbaṃ.

Ājīvapārisuddhisīlaṃ

16. Idāni indriyasamvarasīlanantaraṃ vutte ājīvapārisuddhisīle ājīvahetu paññattānaṃ channaṃ sikkhāpadānanti yāni tāni “ājīvahetu ājīvakāraṇā pāpiccho icchāpakato asantaṃ abhūtaṃ uttarimanussadhammaṃ ullapati, āpatti pārājikassa. Ājīvahetu ājīvakāraṇā sañcaritaṃ samāpajjati, āpatti saṅghādisesassa. Ājīvahetu ājīvakāraṇā ‘yo te vihāre vasati so bhikkhu arahā’ ti bhaṇati, paṭivijānantassa āpatti thullaccayassa. Ājīvahetu ājīvakāraṇā bhikkhu paṇītabhojanāni agilāno attano atthāya viññāpetvā bhuñjati, āpatti pācittiyassa. Ājīvahetu ājīvakāraṇā bhikkhunī paṇītabhojanāni agilānā attano atthāya viññāpetvā bhuñjati, āpatti pāṭidesanīyassa. Ājīvahetu ājīvakāraṇā sūpaṃ vā odanaṃ vā agilāno attano atthāya viññāpetvā bhuñjati, āpatti dukkaṭṭassa” ti (pari. 287) evaṃ paññattāni cha sikkhāpadāni, imesaṃ channaṃ sikkhāpadānaṃ.

Kuhanātiādīsu ayaṃ pāḷi, “tatha katamā **kuhanā**? Lābhasakkārasilokasannissitassa pāpicchassa icchāpakatassa yā paccayapaṭisevanasaṅkhātena vā sāmantaṃjappitena vā iriyāpathassa vā atṭhapanā ṭhapanā saṅṭhapanā bhākuṭīkā bhākuṭiyam kuhanā kuhāyānā kuhitattaṃ, ayaṃ vuccati kuhanā.

“Tattha katamā **lapanā**? Lābhasakkārasilokasannissitassa pāpicchassa icchāpakatassa yā paresaṃ ālapanā lapanā sallapanā ullapanā samullapanā unnahanā samunnahanā ukkācanā samukkācanā anuppiyabhāṇitā cāṭukamyatā muggasūpyatā pāribhatyatā, ayaṃ vuccati lapanā.

“Tattha katamā **nemittikatā**? Lābhasakkārasilokasannissitassa pāpicchassa icchāpakatassa yaṃ paresaṃ nimittaṃ nimittakammaṃ obhāso obhāsakammaṃ sāmantaṃjappā parikathā, ayaṃ vuccati nemittikatā.

“Tattha katamā **nippesikatā**? Lābhasakkārasilokasannissitassa pāpicchassa icchāpakatassa yā paresaṃ akkosanā vambhanā garahanā ukkhepanā samukkhepanā khipanā saṃkhipanā pāpanā sampāpanā avaṇṇahārikā parapiṭṭhimamsikatā, ayaṃ vuccati nippesikatā.

“Tattha katamā **lābhena lābhaṃ nijjīsanatā**? Lābhasakkārasilokasannissito pāpiccho icchāpakato ito laddhaṃ āmisam amutra harati, amutra vā laddhaṃ āmisam idha āharati. Yā evarūpā āmisena āmisassa eṭṭhi gavetṭhi pariyeṭṭhi esanā gavesanā pariyesanā, ayaṃ vuccati lābhena lābhaṃ nijjīsanatā” ti (vibha. 862-865).

17. Imissā pana pāḷiyā evamattho veditabbo. Kuhananiddese tāva **lābhasakkārasilokasannissitassāti** lābhañca sakkārañca kittisaddañca sannissitassa, patthayantassāti attho. **Pāpicchassāti** asantaṃgūṇādīpanakāmassa. **Ichchāpakatassāti** icchāya apakatassa, upaddutassāti attho.

Ito paraṃ yasmā paccayapaṭisevanasāmantaṃjappanairiyāpathasannissitavasena mahāniddese tividhaṃ kuhanavattu āgatam. Tasmā tividhampeṭaṃ dassetaṃ paccayapaṭisevanasaṅkhātena vāti evamādi āradhaṃ. Tattha cīvarādīni nimantitassa tadatthikasaveva sato pāpicchatam nissāya paṭikkhipanena, te ca gahapatike attani suppatiṭṭhitasaddhe ṇatvā puna tesam “aho ayyo appiccho na kiñci paṭiggahaṇitum icchati, suladdhaṃ vata no assa sace appamattakampi kiñci paṭiggahaṇeyyā” ti nānāvidhehi upāyehi paṇīṭāni cīvarādīni upanentānaṃ tadanuggahakāmatameva āvikatvā paṭiggahaṇena ca tato pabhuti api sakaṭabhārehi upanāmanahetubhūtaṃ vimhāpanaṃ paccayapaṭisevanasaṅkhātaṃ kuhanavattūti veditabbaṃ. Vuttañhetam mahāniddese –

“Katamaṃ paccayapaṭisevanasaṅkhātaṃ kuhanavattu? Idha gahapatikā bhikkhuṃ nimantenti cīvarapiṇḍapātasenāsanagilānapaccayabhesajjaparikkhārehi. So pāpiccho icchāpakato atthiko cīvara...pe... parikkhāraṇaṃ bhiyyokamyataṃ upādāya cīvaraṃ paccakkhāti. Piṇḍapātaṃ...pe... senāsaṇaṃ. Gilānapaccayabhesajjaparikkhāraṃ paccakkhāti. So evamāha – ‘kiṃ samaṇassa mahagghena cīvarena, etaṃ sārappaṃ yaṃ samaṇo susānā vā saṅkārakūṭā vā pāpaṇikā vā nantakāni uccinitvā saṅghāṭim katvā dhāreyya. Kiṃ samaṇassa mahagghena piṇḍapātena etaṃ sārappaṃ yaṃ samaṇo uñchācariyāya piṇḍiyālopena jīvikam kappeyya. Kiṃ samaṇassa

mahagghena senāsanena, etaṃ sārappaṃ yaṃ samaṇo rukkhamūliko vā assa abbhokāsiko vā. Kiṃ samaṇassa mahagghena gilānapaccayabhesajjaparikkhārena, etaṃ sārappaṃ yaṃ samaṇo pūtimuttēna vā harīṭakīkhaṇḍēna vā osadham kareyya’ti. Tadupādāya lūkham cīvaraṃ dhāreti, lūkham piṇḍapātaṃ paribhuñjati, lūkham senāsanam paṭisevati, lūkham gilānapaccayabhesajjaparikkhāram paṭisevati, tamenam gahapatikā evaṃ jānanti ‘ayaṃ samaṇo appiccho santuṭṭho pavivitto asaṃsaṭṭho āraddhavīriyo dhutavādo’ti. Bhiyyo bhiyyo nimantenti cīvara...pe... parikkhārehi. So evamāha – ‘tiṇṇam sammukhībhāvā saddho kulaputto bahum puññaṃ pasavati. Saddhāya sammukhībhāvā saddho kulaputto bahum puññaṃ pasavati. Deyyadhammassa...pe... dakkhiṇeyyānam sammukhībhāvāsaddhokulaputto bahum puññaṃ pasavati. Tumhākañcevāyaṃ saddhā atthi, deyyadhammo ca saṃvījjati, ahañca paṭiggāhako, saceham na paṭiggahessāmi, evaṃ tumhe puññaṃ paribāhirā bhavissanti, na mayham iminā attho. Apica tumhākaṃyeva anukampāya paṭiggaṇhāmi’ti. Tadupādāya bahumpi cīvaraṃ paṭiggaṇhāti. Bahumpi piṇḍapātaṃ...pe... bhesajjaparikkhāram paṭiggaṇhāti. Yā evarūpā bhākuṭikā bhākuṭiyam kuhanā kuhāyanā kuhitattam, idaṃ paccayapaṭisevanasaṅkhātāṃ kuhanavattū’ti (mahāni. 87).

Pāpicchasseva pana sato uttarimanussadhammādhigamaparidīpanavācāya tathā tathā vimhāpanam sāmantaṃjappanasāṅkhātāṃ kuhanavattūti veditabbaṃ. Yathāha –

“Katamaṃ sāmantaṃjappanasāṅkhātāṃ kuhanavattū? Idhekacco pāpiccho icchāpakato sambhāvanādhīppāyo ‘evaṃ maṃ jano sambhāvesatī’ti ariyadhammasannissitaṃ vācam bhāsati ‘yo evarūpaṃ cīvaraṃ dhāreti, so samaṇo mahesakkho’ti bhaṇati. ‘Yo evarūpaṃ pattaṃ lohathālakam. Dhammakaraṇam parissāvanam kuñcikaṃ, kāyabandhanam upāhanam dhāreti, so samaṇo mahesakkho’ti bhaṇati. Yassa evarūpo upajjhāyo ācariyo samānupajjhāyako, samānācariyako mitto sandiṭṭho sambhatto sahāyo. Yo evarūpe vihāre vasati adḍhayoge pāsāde hammiye guhāyam leṇe kuṭiyā kūṭāgāre aṭṭe māle uddāṇḍe upaṭṭhānasālāyam maṇḍape rukkhamūle vasati, so samaṇo mahesakkho’ti bhaṇati. Atha vā ‘korajikakorajiko bhākuṭikabhākuṭiko kuhakakuhako lapakalapako mukhasambhāviko, ayaṃ samaṇo imāsam evarūpanam santānam viharasamāpattīnam lābhī’ti tādisam gambhīram gūlham nīpuṇam paṭicchannam lokuttaram suññatāpaṭisaṃyuttaṃ katham kathesi. Yā evarūpā bhākuṭikā bhākuṭiyam kuhanā kuhāyanā kuhitattam, idaṃ sāmantaṃjappanasāṅkhātāṃ kuhanavattū’ti (mahāni. 87).

Pāpicchasseva pana sato sambhāvanādhīppāyakatena iriyāpathena vimhāpanam iriyāpathasannissitaṃ kuhanavattūti veditabbaṃ. Yathāha – ‘katamaṃ iriyāpathasaṅkhātāṃ kuhanavattū. Idhekacco pāpiccho icchāpakato sambhāvanādhīppāyo ‘evaṃ maṃ jano sambhāvesatī’ti gamanam saṅghapeti, thānam saṅghapeti, nisajjam saṅghapeti, sayanam saṅghapeti, paṇidhāya gacchati, paṇidhāya tiṭṭhati, paṇidhāya nisīdati, paṇidhāya seyyam kappeti, samāhito viya gacchati, samāhito viya tiṭṭhati, nisīdati, seyyam kappeti, āpāthakajjhāyī ca hoti, yā evarūpā iriyāpathassa aṭṭhapanā thapanā saṅghapanā bhākuṭikā bhākuṭiyam kuhanā kuhāyanā kuhitattam, idaṃ vuccati iriyāpathasaṅkhātāṃ kuhanavattū’ti (mahāni. 87).

Tattha paccayapaṭisevanasaṅkhātānāti paccayapaṭisevananti evaṃ saṅkhātāna paccayapaṭisevanena vā saṅkhātāna. **Sāmantaṃjappitenāti** samīpabhaṇitena. **Iriyāpathassa vāti** catuiriyāpathassa. **Aṭṭhapanāti**ādi thapanā, ādarena vā thapanā. **Thapanāti** thapanākāro. **Saṅghapanāti** abhisaṅkharāṇā, pāsādikabhāvakarāṇanti vuttaṃ hoti. **Bhākuṭikāti** padhānapurimaṭṭhitabhāvadassanena bhākuṭikaraṇam, mukhasāṅkocoti vuttaṃ hoti. Bhākuṭikaraṇam sīlamassāti bhākuṭiko. Bhākuṭikassa bhāvo bhākuṭiyam. **Kuhanāti** vimhāpanā. Kuhassa āyanā kuhāyanā. Kuhitassa bhāvo kuhitattanti.

Lapanānidese **ālapanāti** vihāram āgate manusse disvā “kimatthāya bhonto āgatā, kiṃ bhikkhū nimantitum, yadi evaṃ gacchatha re, aham pacchato pattaṃ gahetvā āgacchāmi”ti evaṃ āditova lapanā. Atha vā attānam upanetvā “aham tisso, mayi rājā pasanno, mayi asuko ca asuko ca rājamahāmatto pasanno”ti evaṃ attapanāyikā lapanā ālapanā. **Lapanāti** puṭṭhassa sato vuttappakārameva lapanam. **Sallapanāti** gahapatikānam ukkaṅṭhane bhītassa okāsam datvā datvā suṭṭhu lapanā. **Ullapanāti** mahākuṭumbiko mahānāviko mahādānapatīti evaṃ uddham katvā lapanā. **Samullapanāti** sabbatobhāgena uddham katvā lapanā.

Unnahanāti “upāsakā pubbe idise kāle navadānam detha, idāni kiṃ na dethā”ti evaṃ yāva “dassāma, bhante, okāsam na labhāmā”tiādīni vadanti, tāva uddham uddham nahanā, veṭhanāti vuttaṃ hoti. Atha vā ucchuhattham disvā “kuto ābhatam upāsakā”ti pucchati. Uccuhattato, bhanteti. Kiṃ tattha ucchu madhuranti. Khādītvā, bhante, jānitabbanti. “Na, upāsaka, bhikkhussa ucchum dethā”ti vattum vaṭṭatīti. Yā evarūpā nibbēhantassāpi veṭhanakathā, sā unnahanā. Sabbatobhāgena punappunam unnahanā **samunnahanā**.

Ukkācanāti “etaṃ kulam maṃyeva jānāti. Sace ettha deyyadhammo uppajjati, mayhameva detī”ti evaṃ ukkhipitvā kācanā ukkācanā, uddīpanāti vuttaṃ hoti. Telakandarikavatthu cettha vattabbaṃ. Sabbatobhāgena pana punappunam ukkācanā **samukkācanā**.

Anuppiyabhānīti saccānurūpaṃ dhammānurūpaṃ vā anapaloketvā punappunam piyabhaṇanameva. **Cāṭukamyatāti** nīcavuttitā attānam heṭṭhato heṭṭhato thapetvā vattanam. **Muggasūpyatāti** muggasūpasadisatā. Yathā hi muggesu paccamānesu kocideva na paccati, avasesā paccanti, evaṃ yassa puggalassa vacane kiñcideva saccam hoti, sesam alīkam, ayaṃ puggalo muggasūpyoti vuccati. Tassa bhāvo muggasūpyatā. **Pāribhaṭyatāti** pāribhaṭyabhāvo. Yo hi kuladārake dhāti viya ankena vā khandhena vā pāribhaṭati, dhāretīti attho. Tassa pāribhaṭassa kammaṃ pāribhaṭyum. Pāribhaṭyassa bhāvo pāribhaṭyatāti.

Nemittikatāniddese **nimittanti** yaṃkiñci paresaṃ paccayadānasaññājanakaṃ kāyavacīkammaṃ. **Nimittakammanti** khādanīyaṃ gaheṭvā gacchante disvā “kiṃ khādanīyaṃ labhīthā”tiādinā nayena nimittakaraṇaṃ. **Obhāsoti** paccayaṭṭisaṃyuttakathā. **Obhāsakammanti** vacchāpālake disvā “kiṃ ime vacchā khīragovacchā udāhu takkagovacchā”ti pucchitvā “khīragovacchā, bhante”ti vutte “na khīragovacchā, yadi khīragovacchā siyumu, bhikkhūpi khīraṃ labheyyu”nti evamādinā nayena tesam dāraṇaṃ mātāpitūnaṃ nivedetvā khīradāpanādikaṃ obhāsakaraṇaṃ. **Sāmantajappāti** samīpaṃ katvā jappanaṃ. Kulūpakabhikkhu vatthu cettha vattabbaṃ.

Kulūpako kira bhikkhu bhujjūtukāmo gehaṃ pavisitvā nisīdi. Taṃ disvā adātukāmā gharaṇī “taṇḍulā natthī”ti bhaṇanti taṇḍule āharitukāmā viya ṭṭhāyissakagharaṃ gaṭā. Bhikkhūpi antogabbhaṃ pavisitvā olokeno kavāṭakoṇe ucchuṃ, bhājane guḷaṃ, piṭake loṇamacchaphāle, kumbhiyaṃ taṇḍule, ghaṭe ghaṭaṃ disvā nikkhamitvā nisīdi. Gharaṇī “taṇḍule nālattha”nti āgatā. Bhikkhu “upāsike ‘ajja bhikkhā na sampajjissatī’ti ṭṭhāccheva nimittaṃ addasa”nti āha. Kiṃ, bhanteti. Kavāṭakoṇe nikkhittaṃ ucchuṃ viya sappam addasaṃ, taṃ paharissāmi”ti olokeno bhājane ṭṭhāpitaṃ guḷapiṇḍaṃ viya pāsānaṃ, leḍḍukena pahaṭena sappena kataṃ piṭake nikkhittaloṇamacchaphālasadisam phaṇaṃ, tassa taṃ leḍḍuṃ ḍaṃsitukāmassa kumbhiyā taṇḍulasadise dante, athassa kupitassa ghaṭe pakkhittaghatasadisam mukhato nikkhamantaṃ visamissakaṃ kheḷanti. Sā “na sakkā muṇḍakaṃ vañcetu”nti ucchuṃ datvā odanaṃ pacitvā ghaṭaguḷamacchehi saddhiṃ sabbaṃ adāsīti. Evaṃ samīpaṃ katvā jappanaṃ sāmantajappāti veditabbaṃ. **Parikathāti** yathā taṃ labhati tassa parivattetvā kathananti.

Nippesikatāniddese **akkosānāti** dasahi akkosavattūhi akkosanaṃ. **Vambhanāti** paribhavitvā kathanam. **Garaṇānāti** assaddho appasannotiādinā nayena dosāropanā. **Ukkhepanāti** mā etaṃ ettha kathethāti vācāya ukkhipanaṃ. Sabbatobhāgena savatthukaṃ sahetukaṃ katvā ukkhepanā **samukkhepanā**. Atha vā adentaṃ disvā “aho dānapatī”ti evaṃ ukkhipanaṃ **ukkhepanā**. Mahādānapatīti evaṃ suṭṭhu ukkhepanā **samukkhepanā**. **Khīpanāti** kiṃ imassa jīvitaṃ bījabhojīnoti evaṃ uppaṇḍanā. **Saṃkhīpanāti** kiṃ imaṃ adāyakoṭi bhaṇatha, yo niccakālaṃ sabbesampi natthīti vacanaṃ detīti suṭṭhuraṃ uppaṇḍanā. **Pāpanāti** adāyakattassa avaṇṇassa vā pāpanaṃ. Sabbatobhāgena pāpanā **sampāpanā**. **Avāṇṇahārikāti** evaṃ me avāṇṇahayāpi dassatīti gehato gehaṃ gāmato gāmaṃ janapadato janapadaṃ avāṇṇaharaṇaṃ. **Parapiṭṭhimamsikatāti** purato madhuraṃ bhaṇitvā parammukhe avāṇṇabhāsītā. Esā hi abhimukhaṃ oloketuṃ asakkontassa parammukhānaṃ piṭṭhimamsam khādanamiva hoti, tasmā parapiṭṭhimamsikatāti vuttā. **Ayaṃ vuccati nippesikatāti** ayaṃ yasmā velupesikāya viya abbaṅgaṃ parassa guṇaṃ nippeseti nipuñchati, yasmā vā gandhajātaṃ nipisitvā gandhamaggaṇā viya paragūṇe nipisitvā vicuṇṇetvā esā lābhamaggaṇā hoti, tasmā nippesikatāti vuccatīti.

Lābhena lābhaṃ nijjīsanatāniddese **nijjīsanatāti** maggaṇā. **Itō laddhanti** imahā gehā laddhaṃ. **Amutrāti** amukamhi gehe. **Eṭṭhīti** icchanā. **Gaveṭṭhīti** maggaṇā. **Pariyēṭṭhīti** punappunaṃ maggaṇā. Ādito paṭṭhāya laddhaṃ laddhaṃ bhikkhaṃ tatra tatra kuladāraṇaṃ datvā ante khīrayagūṃ labhitvā gatabhikkhuvatthu cettha kathetabbaṃ. Esanātiādinī eṭṭhīdīnameva vevacanāni, tasmā eṭṭhīti esanā. Gaveṭṭhīti gavesanā, pariyēṭṭhīti pariyesanā. Icevemettha yojanā veditabbā. Ayaṃ kuhanādīnaṃ attho.

Idāni **evamādināna** **pāpadhammānanti** ettha ādisaddena “yathā vā paneke bhonto samaṇabrāhmaṇā saddhādeyyāni bhojanāni bhujjūtivā te evarūpāya tiracchānavijjāya micchājīvena jīvikaṃ kappenti. Seyyathidaṃ, aṅgaṃ, nimittaṃ, uppātaṃ, supinaṃ, lakkhaṇaṃ, mūsikacchinnaṃ, aggihomaṃ, dabbihoma”nti (dī. ni. 1.21) ādinā nayena brahmajāle vuttānaṃ anekesaṃ pāpadhammānaṃ gahaṇaṃ veditabbaṃ. Iti yvāyaṃ imesaṃ ājīvahetu paññattānaṃ channaṃ sikkhāpadānaṃ vītikkamavasena, imesaṃ “kuhanā lapanā nemittikatā nippesikatā lābhena lābhaṃ nijjīsanatā”ti evamādinānaṃ pāpadhammānaṃ vasena pavatto micchājīvo, yā tasmā sabbappakarāpi micchājīva virati, idaṃ ājīvapārisuddhisīlaṃ. Tatrāyaṃ vacanatto. Etaṃ āgamma jīvanatīti ājīvo. Ko so, paccayapariyesanavāyāmo. Pārisuddhīti pārisuddhatā. Ājīvassa pārisuddhi ājīvapārisuddhi.

Paccayasannissitasīlaṃ

18. Yaṃ panetaṃ tadanantaraṃ paccayasannissitasīlaṃ vuttaṃ, tattha **paṭisaṅkhā yonisoti** upāyena pathena paṭisaṅkhāya ṇatvā, paccavekkhitvāti attho. Ettha ca sītassa paṭighātāyātiādinā nayena vuttapaccavekkhaṇameva “yoniso paṭisaṅkhā”ti veditabbaṃ. Tattha **cīvaranti** antaravāsakādīsu yaṃkiñci. **Paṭisevatīti** paribhuñjati, nivāseti vā pārupati vā. **Yāvadevatī** payojanāvadhīparicchedaniyamavacanaṃ, ettakameva hi yogīno cīvaraṭṭisevane payojanaṃ yadidaṃ sītassa paṭighātāyātiādi, na ito bhiyyo. **Sītassāti** ajjhataḍḍhātukkabhavasena vā bahiddhātupariṇāmanavasena vā uppannassa yassa kassaci sītassa. **Paṭighātāyāti** paṭihanaṇatthaṃ. Yathā sarīre ābādhaṃ na uppādeti, evaṃ tassa vinodanattthaṃ. Sītabbhāhate hi sarīre vikkhittacitto yoniso padahitūṃ na sakkoti, tasmā sītassa paṭighātāya cīvaraṃ paṭisevitabbanti bhagavā anuññasi. Esa nayo sabbattha. Kevalāñhettha **uṇhassāti** aggisantaṭṭassa. Tassa vanadāhādīsu sambhavo veditabbo. ḍaṃsamakasavātātapasarīsapasamphassānanti ettha pana **ḍaṃsāti** ḍaṃsanamakkhikā, andhamakkhikātipi vuccanti. **Makasā** makasā eva. **Vātāti** sarajārajadibhedā. **Ātapoti** sūriyātapo. **Sarīsapāti** ye keci sarantā gacchanti dīghajātikā sappādayo, tesam daṭṭhasamphasso ca phutṭhasamphasso cāti duvidho samphasso, sopi cīvaraṃ pārupitvā nisinnaṃ na bādhati, tasmā tādisesu thānesu tesam paṭighātāthāya paṭisevati. **Yāvadevatī** puna etassa vacanaṃ niyatapayojanāvadhīparicchedadassanattthaṃ, hirīkopīnapaṭicchādānañhi niyatapayojanaṃ, itarāni kadāci kadāci honti. Tattha **hirīkopīnanti** taṃ taṃ sambādhaṭṭhānaṃ. Yasmiṃ yasmiñhi aṅge vivariyamāne hirī kuppāti vinassati, taṃ taṃ hirīṃ kopānato hirīkopīnanti vuccati. Tassa ca hirīkopīnassa paṭicchādānatthanti hirīkopīnapaṭicchādānattham. Hirīkopīnaṃ paṭicchādānatthanti pāṭho.

Piṇḍapātanti yaṃkiñci āhāraṃ. Yo hi koci āhāro bhikkhuno piṇḍolyena patte patitattā piṇḍapātoti vuccati. Piṇḍānaṃ vā

pāto piṇḍapāto, tattha tattha laddhānaṃ bhikkhānaṃ sannipāto samūhoti vuttaṃ hoti. **Neva davāyāti** na gāmadārakādayo viya davatthaṃ, kiḷānimittanti vuttaṃ hoti. **Na madāyāti** na muṭṭhikamallādayo viya madatthaṃ, balamadanimittaṃ porisamadanimittañcāti vuttaṃ hoti. **Na maṇḍanāyāti** na antepurikavesiyādayo viya maṇḍanatthaṃ, aṅgapaccāṅgānaṃ piṇḍabhāvanimittaṃ vuttaṃ hoti. **Na vibhūsanāyāti** na naṭanaccakādayo viya vibhūsanatthaṃ, pasannacchavivaṇṇatānimittanti vuttaṃ hoti. Ettha ca neva davāyāti etaṃ mohūpanissayappahānatthaṃ vuttaṃ. Na madāyāti etaṃ dosūpanissayappahānatthaṃ. Na maṇḍanāya na vibhūsanāyāti etaṃ rāgūpanissayappahānatthaṃ. Neva davāya na madāyāti cetam attano saṃyojanuppattiṇḍhanatthaṃ. Na maṇḍanāya na vibhūsanāyāti etaṃ parassapi saṃyojanuppattiṇḍhanatthaṃ. Catūhipi cetehi ayoniso paṭipattiyā kāmasukhallikānuyogassa ca pahānaṃ vuttanti veditabbaṃ.

Yāvadevāti vuttatthameva. **Imassa kāyassāti** etassa catumahābhūtikassa rūpakāyassa. **Ṭhitiyāti** pabandhaṭṭhitatthaṃ. **Yāpanāyāti** pavattiyā avicchedatthaṃ, cirakālāṭṭhitatthaṃ vā. Gharūpatthambhamiva hi jīṇṇagharasāmiko, akkhabbhañjanamiva ca sākaṭiko kāyassa ṭhitatthaṃ yāpanatthañcesā piṇḍapātaṃ paṭisevati, na davamadamaṇḍanavibhūsanatthaṃ. Apica ṭhitiṃ jīvitindriyasetaṃ adhivacanaṃ, tasmā imassa kāyassa ṭhitiyā yāpanāyāti ettāvataṃ etassa kāyassa jīvitindriyapavattāpanatthanti vuttaṃ hoti veditabbaṃ. **Vihimsūparatiyāti** vihimsā nāma jighacchā ābādhaṭṭhena. Tassā uparamatthampesa piṇḍapātaṃ paṭisevati, vaṇālepanamiva uṇhasitādisu tappaṭikāraṃ viya ca. **Brahmacariyānuggahāyāti** sakalasāsanabrahmacariyassa ca maggabrahmacariyassa ca anuggahatthaṃ. Ayañhi piṇḍapātaṃ paṭisevanapaccayā kāyabalaṃ nissāya sikkhattayānuyogavasena bhavakantāranittharaṇatthaṃ paṭipajjanto brahmacariyānuggahāya paṭisevati, kantāranittharaṇatthikā puttamaṃsaṃ (saṃ. ni. 2.63) viya, nadānitharaṇatthikā kullaṃ (ma. ni. 1.240) viya, samuddanitharaṇatthikā nāvamiva ca.

Itipurāṇaṇca vedanaṃ paṭihāṅkhāmi navaṇca vedanaṃ na uppādessāmīti etaṃ iminā piṇḍapātaṃ paṭisevanena purāṇaṇca jighacchāvedanaṃ paṭihāṅkhāmi, navaṇca vedanaṃ aparimitabhojanapaccayaṃ āharatthakalaṃsātakatratravattakakāmāsakabhuttavamitakabrāhmaṇānaṃ aññataro viya na uppādessāmīti paṭisevati, bhesajjamiva gilāno. Atha vā yā adhunā asappāyāparimitabhojanaṃ nissāya purāṇakammappaccayavasena uppajjanato purāṇavedanāti vuccati. Sappāyaparimitabhojanaṃ tassā paccayaṃ vināsento taṃ purāṇaṇca vedanaṃ paṭihāṅkhāmi. Yā cāyaṃ adhunā kataṃ yuttaparibhogakammūpacayaṃ nissāya āyatim uppajjanato navavedanāti vuccati. Yuttaparibhogavasena tassā mūlaṃ anibbattento taṃ navaṇca vedanaṃ na uppādessāmīti evampettha attho daṭṭhabbo. Ettāvataṃ yuttaparibhogasaṅgaho attakilamathānuyogappahānaṃ dhammikasukhāpariccāgo ca dīpito hoti veditabbo.

Yātrā ca me bhavissatīti parimitaparibhogena jīvitindriyupacchedakassa iriyāpathabhañjakassa vā parissayassa abhāvato cirakālagamanasaṅkhātā yātrā ca me bhavissati imassa paccayāyattavuttino kāyassātipi paṭisevati, yāpyarogī viya tappaccayaṃ. **Anavajjatā ca phāsuvihāro cāti** yuttapariyesanapaṭiggahaṇaparibhogaparivajjanena anavajjatā, parimitaparibhogena phāsuvihāro. Asappāyāparimitaparibhogapaccayā aratitandīvijambhitā. Viññūgarahādidosābhāvena vā anavajjatā, sappāyaparimitabhojanapaccayā kāyabalasambhavana phāsuvihāro. Yāvadatthaudarāvadehakabhōjanaparivajjanena vā seyyasukhappassasukhamiddhasukhānaṃ pahānato anavajjatā, catupañcālopanatānabhōjanena caturiyāpathayogyabhāvapaṭipādanato phāsuvihāro ca me bhavissatīti paṭisevati. Vuttampi hetam –

“Cattāro pañca ālope, abhuvā udakaṃ pive;
Alaṃ phāsuvihārāya, pahitattassa bhikkhuno”ti. (theragā. 983);

Ettāvataṃ ca payoanapariggaho majjhimā ca paṭipadā dīpitā hoti veditabbā.

Senāsananti senaṇca āsanaṇca. Yattha yattha hi seti vihāre vā aḍḍhayogādīmhi vā, taṃ senaṃ. Yattha yattha āsati nisīdati, taṃ āsanaṃ. Taṃ ekato katvā senāsananti vuccati. **Utoparissayavinodanapaṭisallānārāmatthanti** parisahanaṭṭhena utuyeva utoparissayo. Utoparissayassa vinodanatthaṇca paṭisallānārāmatthāṇca. Yo sarīrābādhacittavikkhepakaro asappāyo utu senāsanapaṭisevanena vinodetabbo hoti, tassa vinodanatthaṃ ekībhāvasukhatthañcāti vuttaṃ hoti. Kāmaṇca sītaṭṭhādīnāva utoparissayavinodanaṃ vuttameva. Yathā pana cīvaraṭṭisevane hirikopīnapaṭicchādanaṃ niyatapayojanaṃ, itarāni kadāci kadāci bhavanti vuttaṃ, evamidhāpi niyataṃ utoparissayavinodanaṃ sandhāya idaṃ vuttanti veditabbaṃ. Atha vā ayam vuttappakāro utu utuyeva. Parissayo pana duvidho pākāṭaparissayo ca, paṭicchannaparissayo ca (mahāni. 5). Tattha pākāṭaparissayo sīhabyagghādayo. Paṭicchannaparissayo rāgadosādayo. Ye yattha apariguttiyā ca asappāyarūpadassanādīnā ca ābādhaṃ na karonti, taṃ senāsanam evaṃ jānitvā paccavekkhitvā paṭisevanto bhikkhu paṭisaṅkhā yoniso senāsanam utoparissayavinodanatthaṃ paṭisevatīti veditabbo.

Gilānapaccayabhesajjaparikkhārenti ettha rogassa paṭiayanatthena paccayo, paccanīkagamaṇṭṭhena attho. Yassa kassaci sappāyasettaṃ adhivacanaṃ. Bhisakkassa kammaṃ tena anuññātattāti bhesajjaṃ. Gilānapaccayova bhesajjaṃ gilānapaccayabhesajjaṃ, yaṃkiñci gilānassa sappāyaṃ bhisakkakammaṃ telamadhuṇṭṭhādīti vuttaṃ hoti. Parikkhāroti pana “sattahi nagaraparikkhārehi suparikkhataṃ hoti”ti (a. ni. 7.67) ādisu parivāro vuccati. “Ratho sīlaparikkhāro, jhānakkho cakkavīriyo”ti (saṃ. ni. 5.4) ādisu alānkāro. “Ye ca kho ime pabbajitena jīvitaparikkhārā samudānetabbā”ti (ma. ni. 1.191-192) ādisu sambhāro. Idha pana sambhāropi parivāropi vaṭṭati. Tañhi gilānapaccayabhesajjaṃ jīvitassa parivāropi hoti, jīvitānāsakābādhupattiyā antaraṃ adatvā rakkhaṇato sambhāropi. Yathā ciraṃ pavattati, evamassa kāraṇabhāvato, tasmā parikkhāroti vuccati. Evaṃ gilānapaccayabhesajjaṇca taṃ parikkhāro cāti gilānapaccayabhesajjaparikkhāro. Taṃ gilānapaccayabhesajjaparikkhāraṃ. Gilānassa yaṃkiñci sappāyaṃ bhisakkānuññātaṃ telamadhuṇṭṭhādīti jīvitaparikkhārenti

vuttaṃ hoti. **Uppannānanti** jātānaṃ bhūtānaṃ nibbattānaṃ. **Veyyābādhikānanti** ettha byābādhoti dhātukkhobho, taṃsamuttāhāna ca kuṭṭhagaṇḍapīlakādayo. Byābādhatō uppannattā veyyābādhikā. **Vedanānanti** dukkhavedanā akusalavipākavedanā. Tāsaṃ veyyābādhikānaṃ vedanānaṃ. **Abyābajjhāparamatāyāti** niddukkhāparamatāya. Yāva taṃ dukkhaṃ sabbhaṃ pahīnaṃ hoti tāvāti attho.

Evamidaṃ saṅkhepato paṭisaṅkhā yoniso paccayaparibhogalakkhaṇaṃ paccayasannissitasīlaṃ veditabbaṃ. Vacanattho panettha – cīvarādayo hi yasmā te paṭicca nissāya paribhuñjamānā paṇino ayanti pavattanti, tasmā paccayāti vuccanti. Te paccaye sannissitanti paccayasannissitaṃ.

Catupārisuddhisampādanavidhi

19. Evametasmaṃ catubbidhe sīle saddhāya **pātimokkhasaṃvaro** sampādetabbo. **Saddhāsādhano** hi so, sāvakavisaṃyātittā sikkhāpadapaññattiyā. Sikkhāpadapaññattiyācānapaṭikkhepo cettha nidassanaṃ. Tasmā yathā paññattaṃ sikkhāpadaṃ anavasesaṃ saddhāya samādiyitvā jīvitēpi apekkhaṃ akarontena sādhukaṃ sampādetabbaṃ. Vuttampi hetam –

“Kikīva aṇḍaṃ camaṛīva vāladhiṃ,
Piyaṃva puttaṃ nayaṇaṃva ekakaṃ;
Tattheva sīlaṃ anurakkhamānakā,
Supesalā hotha sadā sagāravā”ti.

Aparampi vuttaṃ – “evameva kho pahārāda yaṃ mayā sāvakānaṃ sikkhāpadaṃ paññattaṃ, taṃ mama sāvakā jīvitahetupi nātikkaṃantī”ti (a. ni. 8.19). Imasmiṃ ca panatthe aṭaviyaṃ corehi baddhatherānaṃ vatthūni veditabbāni.

Mahāvattaniyaṭaviyaṃ kira therāṃ corā kālavallīhi bandhitvā nipajjāpesuṃ. Thero yathānipannova sattadivasāni vipassanaṃ vaḍḍhetvā anāgāmiḥphalaṃ pāpuṇitvā tattheva kālaṃ katvā brahmaloke nibbatti.

Aparampi therāṃ tambapaṇḍīpe pūtilatāya bandhitvā nipajjāpesuṃ. So vanadāhe āgacchante vallim acchinditvā vipassanaṃ paṭṭhapetvā samasīsī hutvā parinibbāyi. Dīghabhāṇakaabhayatthero pañcahi bhikkhusatehi saddhiṃ āgacchanto disvā therassa sarīraṃ jhāpetvā cetiyaṃ kārāpesi. Tasmā aññopi saddho kulaputto –

Pātimokkhaṃ visodhento, appeva jīvitaṃ jahe;
Paññattaṃ lokanāthena, na bhinde sīlasaṃvaram.

Yathā ca pātimokkhasaṃvaro saddhāya, evaṃ satiyā **indriyasaṃvaro** sampādetabbo. **Satisādhano** hi so, satiyā adhiṭṭhitānaṃ indriyānaṃ abhijjhādīhi ananvāssavanīyato. Tasmā “varam, bhikkhave, tattāya ayosalākāya ādittāya sampajjalitāya sajotibhūtāya cakkhundriyaṃ sampalimaṭṭhaṃ, na tveva cakkhuvīññeyyesu rūpesu anubyañjanaṃ nimittaggāho”ti (saṃ. ni. 4.235) ādinā nayena ādittapariyāyaṃ samanussarivā rūpādīsū visayesu cakkhudvārādīpavattassa viññāssa abhijjhādīhi anvāssavanīyaṃ nimittādiggaḥaṃ asamuttāhāya satiyā nisedhenta esa sādhukaṃ sampādetabbo. Evaṃ asaṃpādite hi etasmiṃ pātimokkhasaṃvarasīlampi anaddhaniyaṃ hoti aciraṭṭhitikaṃ, asaṃvihitasākhāparivāramiva sassaṃ. Haññate cāyaṃ kilesacorehi, vivaḍḍvāro viya gāmo parassa hārīhi. Cittañcassa rāgo samativijjhāti, ducchannamagāraṃ vuṭṭhi viya. Vuttampi hetam –

“Rūpesu saddesu atho rasesu,
Gandhesu phassesu ca rakkha indriyaṃ;
Ete hi dvārā vivaḍḍa arakkhitā,
Hananti gāmaṃva parassa hārino”.

“Yathā agāraṃ ducchannaṃ, vuṭṭhi samativijjhāti;
Evaṃ abhāvitaṃ cittaṃ, rāgo samativijjhāti”ti. (dha. pa. 13);

Saṃpādite pana tasmīṃ pātimokkhasaṃvarasīlampi addhaniyaṃ hoti ciraṭṭhitikaṃ, susaṃvihitasākhāparivāramiva sassaṃ. Na haññate cāyaṃ kilesacorehi, susaṃvutadvāro viya gāmo parassa hārīhi. Na cassa cittaṃ rāgo samativijjhāti, succhannamagāraṃ vuṭṭhi viya. Vuttampi cetam –

“Rūpesu saddesu atho rasesu,
Gandhesu phassesu ca rakkha indriyaṃ;
Ete hi dvārā pihitā susaṃvutā,
Na hanti gāmaṃva parassa hārino”.

“Yathā agāraṃ succhannaṃ, vuṭṭhi na samativijjhāti;
Evaṃ subhāvitaṃ cittaṃ, rāgo na samativijjhāti”ti. (dha. pa. 14);

Ayaṃ pana atiukkaṭṭhadesanā.

Cittaṃ nāmetaṃ lahu-parivattaṃ, tasmā uppannaṃ rāgaṃ asubhamanasikārena vinodetvā indriya-saṃvaro sampādetabbo, adhunāpabbajitena vaṅṅisattherena viya.

Therassa kira adhunāpabbajitassa piṇḍāya carato ekaṃ itthiṃ disvā rāgo uppajjati. Tato ānandattheraṃ āha –

“Kāmarāgena ḍayhāmi, cittaṃ me pariḍayhati;
Sādhu nibbāpanaṃ brūhi, anukampāya gotamā”ti. (saṃ. ni. 1.212; theragā. 1232);

Thero āha –

“Saññāya vipariyesā, cittaṃ te pariḍayhati;
Nimittaṃ parivaḷḷehi, subhaṃ rāgūpasañhitam;
Asubhāya cittaṃ bhāvehi, ekaggaṃ susamāhitam. (saṃ. ni. 1.212; theragā. 1233-1234);

“Saṅkhāre parato passa, dukkhato no ca attato;
Nibbāpehi mahārāgaṃ, mā ḍayhittho punappuna”nti. (saṃ. ni. 1.212);

Thero rāgaṃ vinodetvā piṇḍāya carī. Apica indriya-saṃvarapūrakena bhikkhunā kuraṇḍakamahāleṇavāsīnā citta-guttattherena viya corakamahāvihāravāsīnā mahāmittattherena viya ca bhavitabbaṃ. Kuraṇḍakamahāleṇe kira sattannaṃ buddhānaṃ abhinikkhamanacittakammaṃ manoramaṃ ahoṣi, sambahulā bhikkhū senāsanacārikaṃ āhiṇḍantā cittakammaṃ disvā “manoramaṃ, bhante, cittakamma”nti āhaṃsu. Thero āha “atireka-saṭṭhi me, āvuso, vassāni leṇe vasantassa cittakammaṃ atthīti pi na jānāmi, aḷḷa dāni cakkhumante nissāya ñāta”nti. Therena kira ettakaṃ addhānaṃ vasantena cakkhumaṃ ummīletvā leṇaṃ na ullokitapubbaṃ. Leṇadvāre cassa mahānāgarukkhopi ahoṣi. Sopi therena uddhaṃ na ullokitapubbo. Anusaṃvaccharaṃ bhūmiyaṃ kesaranipātaṃ disvāvassa pupphitabhāvaṃ jānāti.

Rājā therassa guṇasampattiṃ sutvā vanditukāmo tikkhattuṃ pesetvā anāgacchante there tasmim gāme taruṇaputtānaṃ itthīnaṃ thane bandhāpetvā lañjāpesi “tāva dāra-kā thaññaṃ mā labhiṃsu, yāva thero na āgacchati”ti. Thero dāra-kānaṃ anukampāya mahāgāmaṃ agamāsi. Rājā sutvā “gacchatha bhāṇe, theram pavesetha sīlāni gaṇhissāmī”ti antepuraṃ abhiharāpetvā vanditvā bhojetvā “ajja, bhante, okāso natthi, sve sīlāni gaṇhissāmīti therassa pattaṃ gahetvā thokaṃ anugantvā deviyā saddhiṃ vanditvā nivatti. Thero rājā vā vandatu devī vā, “sukhī hotu, mahārāja”ti vadati. Evaṃ sattadivasaṃ gatā. Bhikkhū āhaṃsu “kiṃ, bhante, tumhe raññepi vandamāne deviyāpi vandamānāya “sukhī hotu, mahārāja”iceva vadathāti. Thero “nāhaṃ, āvuso, rājāti vā devīti vā vavatthānaṃ karomi”ti vatvā sattāhātikkena “therassa idha vāso dukkho”ti raññā vissajjito kuraṇḍakamahāleṇaṃ gantvā rattibhāge caṅkamaṃ ārūhi. Nāgarukkhe adhi-vatthā devatā daṇḍadīpikaṃ gahetvā aṭṭhāsi. Athassa kammaṭṭhānaṃ atiparisuddhaṃ pākaṭaṃ ahoṣi. Thero “kiṃ nu me ajja kammaṭṭhānaṃ ativiya pakāsatī”ti attamaṃ majjhima-yāmasamanantaraṃ sakalaṃ pabbataṃ unnādayanto arahattaṃ pāpuṇi. Tasmā aññopi attatthakāmo kulaputto –

Makkaṭova araññaṃhi, vane bhantamigo viya;
Bālo viya ca utraṣṭo, na bhava lolalocano.

Adho khipeyya cakkhūni, yugamattadaso siyā;
Vanamakkaṭalossa, na cittaṃ vasaṃ vaje.

Mahāmittattherassa pi mātu visagaṇḍakarogo uppajji, dhītāpissā bhikkhunīsu pabbajitā hoti. Sā taṃ āha – “gaccha ayye, bhātu santikaṃ gantvā mama aphāsukabhāvaṃ ārocetvā bhesajjamāharā”ti. Sā gantvā ārocesi. Thero āha – “nāhaṃ mūlabhesajjādīni saṃharitvā bhesajjaṃ pacitumaṃ jānāmi, apica te bhesajjaṃ ācikkhissāma – “ahaṃ yato pabbajito, tato paṭṭhāya na mayā lobhasahagatena cittaṃ indriyāni bhinditvā visabhāgarūpaṃ olokita-pubbaṃ, iminā saccavacanena mātuyā me phāsu hotu, gaccha idaṃ vatvā upāsikāya sarīraṃ parimajjā”ti. Sā gantvā imamatthaṃ ārocetvā tathā akāsi. Upāsikāya taṃkhaṇaṃyeva gaṇḍo pheṇapiṇḍo viya vilīyitvā antaradhāyi, sā utṭhahitvā “sace sammāsambuddho dhareyya, kasmā mama puttasaḍḍissa bhikkhuno jālavicitrena hatthena sīsaṃ na parāmaseyyā”ti attamanavācaṃ nicchāresi. Tasmā –

Kulaputtamāni aññopi, pabbajitvāna sāsane;
Mittattherova tiṭṭheyya, vare indriya-saṃvare.

Yathā pana indriya-saṃvaro satiyā, tathā vīriyena ājīva-pārisuddhi sampādetabbā. Vīriya-sādhanā hi sā, sammāradhāvīriyassa micchājīva-papphānasambhavato. Tasmā anesanaṃ appatirūpaṃ pahāya vīriyena piṇḍapātacariyādīhi sammā esanāhi esā sampādetabbā parisuddhuppādeyya paccaye paṭisevamānena parisuddhuppāde āsīvise viya parivaḷḷajayātā. Tatha apariggahitadhutaṅgassa saṅghato, gaṇato, dhammadesanādīhi cassa guṇehi pasannānaṃ gīhīnaṃ santikā uppannā paccayā parisuddhuppādā nāma. Piṇḍapātacariyādīhi pana atiparisuddhuppādāyeva. Pariggahitadhutaṅgassa piṇḍapātacariyādīhi dhutaṅge cassa pasannānaṃ santikā dhutaṅganiyamānulomena uppannā parisuddhuppādā nāma.

Ekabyādhivūpasamatthañcassa pūtihariṭakācatumadhuresu uppannesu “catumadhuraṃ aññepi sabrahmacārīno paribhuñjissantī”ti cintetvā hariṭakīkhaṇḍameva paribhuñjamānassa dhutaṅgasamādānaṃ patirūpaṃ hoti. Esa hi “uttamaariyavaṃsiko bhikkhū”ti vuccati. Ye panete cīvarādāyo paccayā, tesu yassa kassaci bhikkhuno ājīvaṃ parisodhentaṃ cīvare ca piṇḍapāte ca nimittobhāsaparikathāviññattīyo na vaṭṭanti. Senāsane pana apariggahitadhutaṅgassa nimittobhāsaparikathā vaṭṭanti. Tattha **nimittaṃ** nāma senāsanatthaṃ bhūmiparikammādīni karontassa “kiṃ, bhante, kariyati, ko kārāpetī”ti gihīhi vutte “na koci”ti paṭivacanaṃ, yaṃ vā panaññampi evarūpaṃ nimittakammaṃ. **Obhāso** nāma “upāsakā tumhe kuhiṃ vasathā”ti. Pāsāde, bhanteti. “Bhikkhūnaṃ pana upāsakā pāsādo na vaṭṭatī”ti vacanaṃ, yaṃ vā panaññampi evarūpaṃ obhāsakammaṃ. **Parikathā** nāma “bhikkhusaṅghassa senāsanatthaṃ sambādha”nti vacanaṃ, yā vā panaññāpi evarūpā pariyaṅkathā. Bhesajje sabbampi vaṭṭati. Tathā uppannaṃ pana bhesajjaṃ roge vūpasante paribhuñjītuṃ vaṭṭati, na vaṭṭatīti.

Tattha vinayadharā “bhagavatā dvāraṃ dinnatā, tasmā vaṭṭatī”ti vadanti. Suttantikā pana “kiñcāpi āpatti na hoti, ājīvaṃ pana kopeti, tasmā na vaṭṭatī”ceva vadanti.

Yo pana bhagavatā anuññātāpi nimittobhāsaparikathāviññattīyo akaronto appicchataḍigūṇeyeva nissāya jīvitakkhayepi paccupaṭṭhite aññatreva obhāsādīhi uppannapaccaye paṭisevati, esa “paramasallekhavuttī”ti vuccati, seyyathāpi therō **sāriputto**.

So kirāyasmā ekasmiṃ samaye pavivekaṃ brūhayamāno mahāmoggallānattherena saddhiṃ aññatarasmiṃ araññe viharati, athassa ekasmiṃ divase udaravātābādho uppajjitvā atidukkhaṃ janesi. Mahāmoggallānatthero sāyanhasamaye tassāyasmato upaṭṭhānaṃ gato therāṃ nipannaṃ disvā taṃ pavattim pucchitvā “pubbe te, āvuso, kena phāsu hotī”ti pucchi. Thero āha, “gihikāle me, āvuso, mātā sappimadhusakkarādīhi yojetvā asambhinnakhīrapāyāsaṃ adāsi, tena me phāsu ahoṣī”ti. Sopi āyasmā “hotu, āvuso, sace mayhaṃ vā tuyhaṃ vā puññaṃ atthi, appeva nāma sve labhissāmā”ti āha.

Imaṃ pana nesam kathāsallāpaṃ caṅkamanakoṭiyam rukkhe adhivatthā devatā sutvā “sve ayyassa pāyāsaṃ uppādessāmī”ti tāvadeva therassa upaṭṭhākakulaṃ gantvā jeṭṭhaputtassa sarīraṃ āvisitvā piḷaṃ janesi. Athassa tikicchānimittaṃ sannipatite ñātake āha – “sace sve therassa evarūpaṃ nāma pāyāsaṃ paṭiyādettha, taṃ muñcissāmī”ti. Te “tayā avuttepi mayam therānaṃ nibaddhaṃ bhikkhaṃ demā”ti vatvā dutiyadivase tathārūpaṃ pāyāsaṃ paṭiyādiyimsu.

Mahāmoggallānatthero pātova āgantvā “āvuso, yāva ahaṃ piṇḍāya caritvā āgacchāmi, tāva idheva hohī”ti vatvā gāmaṃ pāvīsi. Te manussā paccuggantvā therassa pattaṃ gahetvā vuttappakārassa pāyāsassa pūretvā adamsu. Thero gamanākāraṃ dassesi. Te “bhuñjatha – bhante, tumhe, aparampi dassāmā”ti therāṃ bhojetvā puna pattapūraṃ adamsu. Thero gantvā “handāvuso sāriputta, paribhuñjā”ti upanāmesi. Theropi taṃ disvā “atimanāpo pāyāso, kathaṃ nu kho uppanno”ti cinto tassa uppattimūlaṃ disvā āha – “āvuso moggallāna, aparibhogāraho piṇḍapāto”ti. Sopāyasmā “mādisena nāma ābhatam piṇḍapātaṃ na paribhuñjatī”ti cittampi anuppādetvā ekavacaneneva pattaṃ mukhavatṭiyam gahetvā ekamante nikujjesi. Pāyāsassa saha bhūmiyam paṭiṭṭhānā therassa ābādho antaradhāyi, tato paṭṭhāya pañcacattālīsa vassāni na puna uppajji. Tato mahāmoggallānaṃ āha – “āvuso, vacīviññattim nissāya uppanno pāyāso antesu nikkhamitvā bhūmiyam carantesupi paribhuñjītuṃ ayuttarūpo”ti. Imañca udānaṃ udānesi –

“Vacīviññattivipphārā, uppannaṃ madhupāyasaṃ;
Sace bhutto bhavyeyāhaṃ, sājīvo garahito mama.

“Yadipi me antagaṇaṃ, nikkhamitvā bahi care;
Neva bhindeyyam ājīvaṃ, cājamānopi jīvitam.

“Ārādhemi sakaṃ cittaṃ, vivajjemi anesanaṃ;
Nāhaṃ buddhapaṭikuṭṭhaṃ, kāhāmi ca anesana”nti.

Ciragumbavāsikaambakhādakamahātissattheravatthupi cettha kathetabbaṃ. Evaṃ sabbathāpi.

“Anesanāya cittampi, ajanetvā vicakkhaṇo;
Ājīvaṃ parisodheyya, saddhāpabbajito yatī”ti.

Yathā ca vīriyena ājīvapārisuddhi, tathā **paccayasannissitasīlaṃ** paññāya sampādetabbaṃ. **Paññāsādhanam** hi taṃ, paññāvato paccayesu ādīnavānisamsadassanasamatthabhāvato. Tasmā pahāya paccayagedhaṃ dhammena samena uppanne paccaye yathāvuttena vidhinā paññāya paccavekkhitvā paribhuñjantena sampādetabbaṃ.

Tattha duvidhaṃ paccavekkhaṇaṃ paccayānaṃ paṭilābhakāle, paribhogakāle ca. Paṭilābhakālepi hi dhātuvasena vā paṭikūlavasena vā paccavekkhitvā ṭhapitāni cīvarādīni tato uttari paribhuñjantassa anavajjova paribhogo, paribhogakālepi. Tatrāyaṃ sannīṭṭhānakaro vinicchayo –

Cattāro hi paribhogā theyyaparibhogo, iṇaparibhogo, dāyajjaparibhogo, sāmiparibhogoti. Tatra saṅghamajjhēpi nisīditvā paribhuñjantassa dussīlassa paribhogo **theyyaparibhogo** nāma. Sīlavato apaccavekkhitvā paribhogo **iṇaparibhogo** nāma.

Tasmā cīvaram paribhoge paribhoge paccavekkhitabbaṃ, piṇḍapāto ālope ālope, tathā asakkontena purebhattapaccābhattapurimayāmapajjhimayāmapacchimayāmesu. Sacassa apaccavekkhatova aruṇaṃ uggacchati, iṇaparibhogaṭṭhāne tiṭṭhati. Senāsanampi paribhoge paribhoge paccavekkhitabbaṃ. Bhesajjassa paṭiggahaṇepi paribhogeṇepi satipaccayatāva vaṭṭati. Evaṃ santepi paṭiggahaṇe satim katvā paribhoge akarontasseva āpatti, paṭiggahaṇe pana satim akatvā paribhoge karontassa anāpatti.

Catubbidhā hi suddhi desanāsuddhi, saṃvarasuddhi, pariyeṭṭhisuddhi, paccavekkhaṇasuddhīti. Tattha **desanāsuddhi** nāma pātīmokkhasaṃvarasīlaṃ. Tañhi desanāya sujjanato desanāsuddhīti vuccati. **Saṃvarasuddhi** nāma indriyasamvarasīlaṃ. Tañhi “na puna evaṃ karissāmi”ti cittādhiṭṭhānasamvareneva sujjanato saṃvarasuddhīti vuccati. **Pariyeṭṭhisuddhi** nāma ājīvapārisuddhisīlaṃ. Tañhi anesanaṃ pahāya dhammena samena paccaye uppādentassa pariyesanāya suddhattā pariyeṭṭhisuddhīti vuccati. **Paccavekkhaṇasuddhi** nāma paccayasannissitasīlaṃ. Tañhi vuttappakārena paccavekkhaṇena sujjanato paccavekkhaṇasuddhīti vuccati. Tena vuttam “paṭiggahaṇe pana satim akatvā paribhoge karontassa anāpatti”ti.

Sattanaṃ sekkhānaṃ paccayaparibhogo **dāyajjaparibhogo** nāma. Te hi bhagavato puttā, tasmā pitusantakānaṃ paccayānaṃ dāyādā hutvā te paccaye paribhuñjanti. Kiṃpanete bhagavato paccaye paribhuñjanti, udāhu gihīnaṃ paccaye paribhuñjantīti. Gihīni dinnāpi bhagavatā anuññātattā bhagavato santakā honti, tasmā bhagavato paccaye paribhuñjantīti veditabbā. Dhammādāyādasuttañcettha sādhaṃ.

Khīṇāsavānaṃ paribhogo **sāmparibhogo** nāma. Te hi taṇhāya dāsabyaṃ atītattā sāmīno hutvā paribhuñjanti.

Imesu paribhogesu sāmparibhogo ca dāyajjaparibhogo ca sabbesaṃ vaṭṭati. Iṇaparibhogo na vaṭṭati. Theyyaparibhoge kathāyeva natthi. Yo paṇāyaṃ sīlavato paccavekkhitaparibhogo, so iṇaparibhogassa paccanīkattā āṇāyaparibhogo vā hoti, dāyajjaparibhogeveva vā saṅgahaṃ gacchati. Sīlavāpi hi imāya sikkhāya samannāgatattā sekkhotveva saṅkhaṃ gacchati. Ivesu pana paribhogesu yasmā sāmparibhogo aggo, tasmā taṃ patthayamānena bhikkhunā vuttappakārāya paccavekkhaṇāya paccavekkhitvā paribhuñjantena paccayasannissitasīlaṃ sampādetabbaṃ. Evaṃ karonto hi kiccakārī hoti. Vuttampi cetam –

“Piṇḍaṃ vihāraṃ sayanāsanañca,
Āpañca saṅghāṭīrajūpavāhanaṃ;
Sutvāna dhammaṃ sugatena desitaṃ,
Saṅkhāya seve varapaññasāvako.

“Tasmā hi piṇḍe sayanāsane ca,
Āpe ca saṅghāṭīrajūpavāhane;
Etesu dhammesu anūpalitto,
Bhikkhu yathā pokkhare vāribindu. (su. ni. 393-394);

“Kālena laddhā parato anuggahā,
Khajjesu bhojjesu ca sāyanesu ca;
Mattaṃ sa jaññā satataṃ upaṭṭhito,
Vaṇassa ālepanarūhane yathā.

“Kantāre puttamaṃsaṃva, akkhassabbhañjanaṃ yathā;
Evaṃ āhāre āhāraṃ, yāpanatthamamucchito”ti.

Imassa ca paccayasannissitasīlassa paripūrakārītāya bhāgīneyyasaṅgharakkhitasāmaṇerasa vatthu kathetabbaṃ. So hi sammā paccavekkhitvā paribhuñji. Yathāha –

“Upajjhāyo maṃ bhuñjamānaṃ, sālīkūraṃ sunibbutaṃ;
Mā heva tvaṃ sāmaṇera, jivhaṃ jhāpesi asaññāto.

“Upajjhāyassa vaco sutvā, saṃvegamaḷabhiṃ tadā;
Ekāsane nisīditvā, arahattaṃ apāpuṇiṃ.

“Sohaṃ paripuṇṇasaṅkappo, cando pannaraso yathā;
Sabbāsavaparikkhīṇo, natthi dāni punabbhavo”ti.

“Tasmā aññopi dukkhassa, patthayanto parikkhayaṃ;
Yoniso paccavekkhitvā, paṭisevetha paccaye”ti.

Evaṃ pātīmokkhasaṃvarasīlādivasena catubbidhaṃ.

Paṭhamasīlapaṇcakaṃ

20. Pañcavidhakoṭṭhāsassa paṭhamapañcake anupasampannasīlādivasena attho veditabbo. Vuttañhetam paṭisambhidāyam

“Katamaṃ pariyantapārisuddhisīlam? Anupasampannānaṃ pariyantasikkhāpadānaṃ, idaṃ pariyantapārisuddhisīlam. Katamaṃ apariyantapārisuddhisīlam? Upasampannānaṃ apariyantasikkhāpadānaṃ, idaṃ apariyantapārisuddhisīlam. Katamaṃ paripuṇṇapārisuddhisīlam? Puthujjanakalyāṇakānaṃ kusaladhamme yuttānaṃ sekkhapariyante paripūrakārīnaṃ kāye ca jīvite ca anapekkhānaṃ pariccattajīvitānaṃ, idaṃ paripuṇṇapārisuddhisīlam. Katamaṃ aparāmaṭṭhapārisuddhisīlam? Sattannaṃ sekkhānaṃ, idaṃ aparāmaṭṭhapārisuddhisīlam. Katamaṃ paṭippassaddhipārisuddhisīlam? Tathāgatasāvakaṇaṃ khīṇāsavānaṃ paccekabuddhānaṃ tathāgātānaṃ arahantānaṃ sammāsambuddhānaṃ, idaṃ paṭippassaddhipārisuddhisīla”nti (paṭi. ma. 1.37).

Tattha anupasampannānaṃ sīlam gaṇanavasena sariyantattā **pariyantapārisuddhisīlanti** veditabbaṃ. Upasampannānaṃ –

“Nava koṭṭisahasāni, asītisatakoṭṭiyo;
Paññāsasatasahasāni, chattiṃsā ca punāpare.

“Ete saṃvaravinayā, sambuddhena pakāsītā;
Peyyālamukhena niddiṭṭhā, sikkhā vinayasamvare”ti. –

Evaṃ gaṇanavasena sariyantampi anavasesavasena samādānabhāvaṇca lābhayasaññātiṅgaṃ jīvitavasena adiṭṭhapariyantabhāvaṇca sandhāya **apariyantapārisuddhisīlanti** vuttaṃ, ciragumbavāsikaambakhādakamahātissattherassa sīlamiva. Tathā hi so āyasmā –

“Dhanaṃ caje aṅgavarassa hetu, aṅgaṃ caje jīvitam rakkhamāno;
Aṅgaṃ dhanam jīvitañcāpi sabbaṃ, caje naro dhammanussaranto”ti. –

Imaṃ sappurisānussatiṃ avijahanto jīvitasamsayepi sikkhāpadaṃ avitikkamma tadeva apariyantapārisuddhisīlam nissāya upāsakassa piṭṭhigatova arahattaṃ pāpuṇi. Yathāha –

“Na pitā napi te mātā, na nīti napi bandhavo;
Karotetādisaṃ kiccaṃ, sīlavantassa kāraṇā.

Samvegaṃ janayitvāna, sammasitvāna yoniso;
Tassa piṭṭhigato santo, arahattaṃ apāpuṇi”ti.

Puthujjanakalyāṇakānaṃ sīlam upasampadato paṭṭhāya sudhotajātimaṇi viya suparikammakatasuvaṇṇam viya ca atiparisuddhattā cittuppādamattakenapi malena virahitaṃ arahattasseva padaṭṭhānaṃ hoti, tasmā **paripuṇṇapārisuddhīti** vuccati, mahāsaṅgharakkhitabhāḡineyyasaṅgharakkhitattherānaṃ viya.

Mahāsaṅgharakkhitattheram kira atikkantasatṭhivassaṃ maraṇamañce nipannaṃ bhikkhusaṅgho lokuttarādhigamaṃ pucchi. Thero “natthi me lokuttaradhammo”ti āha. Athassa upaṭṭhāko daharabhikkhu āha – “bhante, tumhe parinibbutāti samantā dvādasayojanā manussā sannipatitā, tumhākaṃ puthujjanakālakiriyāya mahājanassa vippaṭisāro bhavissati”ti. Āvuso, ahaṃ “metteyyam bhagavantaṃ passissāmi”ti na vipassanaṃ paṭṭhapesiṃ. Tena hi maṃ nisīdāpetvā okāsaṃ karohīti. So theram nisīdāpetvā bahi nikkhanto. Thero tassa saha nikkhamaṇāva arahattaṃ patvā accharikāya saññaṃ adāsi. Saṅgho sannipatitvā āha – “bhante, evarūpe maraṇakāle lokuttaradhammaṃ nibbattentā dukkaraṃ karitthā”ti. Nāvuso etaṃ dukkaraṃ, apica vo dukkaraṃ ācikkhissāmi – “ahaṃ, āvuso, pabbajitakālate paṭṭhāya asatiyā aññaṇapakataṃ kammaṃ nāma na passāmi”ti. Bhāḡineyyopissa paññāsavassakāle evameva arahattaṃ pāpuṇi.

“Appassutopi ce hoti, sīlesu asamāhito;
Ubhayena naṃ garahanti, sīlato ca sutena ca.

“Appassutopi ce hoti, sīlesu susamāhito;
Sīlato naṃ pasamsanti, tassa sampajjate sutam.

“Bahussutopi ce hoti, sīlesu asamāhito;
Sīlato naṃ garahanti, nāssa sampajjate sutam.

“Bahussutopi ce hoti, sīlesu susamāhito;
Ubhayena naṃ pasamsanti, sīlato ca sutena ca.

“Bahussutam dhammadharaṃ, sappaññaṃ buddhasāvakaṃ;
Nekkham jambonadasseva, ko taṃ ninditumarahati;

Devāpi naṃ paṣaṃsanti, brahmunāpi paṣaṃsito’’ti. (a. ni. 4.6);

Sekkhānaṃ pana sīlaṃ diṭṭhivasena aparāmaṭṭhattā, puthujjanānaṃ vā pana rāgavasena aparāmaṭṭhasīlaṃ **aparāmaṭṭhapārisuddhī**ti veditabbaṃ, kuṭumbiyaputtatissattherassa sīlaṃ viya. So hi āyasmā tathārūpaṃ sīlaṃ nissāya arahatte paṭiṭṭhātukāmo verike āha –

‘‘Ubho pādāni bhinditvā, saññapessāmi vo ahaṃ;
Aṭṭiyāmi harāyāmi, sarāgamaraṇaṃ aha’’nti.

‘‘Evāhaṃ cintayitvāna, sammasitvāna yoniso;
Sampatte aruṇuggamhi, arahattaṃ apāpuṇi’’nti. (dī. ni. aṭṭha. 2.373);

Aññataropi mahāthero bāḷhagilāno sahatthā āhāraṃpi paribhuñjituṃ asakkonto sake muttakarīse palipanno samparivattati, taṃ disvā aññataro daharo ‘‘aho dukkhā jīvitasaṅkhārā’’ti āha. Tameṇaṃ mahāthero āha – ‘‘ahaṃ, āvuso, idāni miyyamāno saggasampattim labhissāmi, natthi me ettha saṃsayo, imaṃ pana sīlaṃ bhinditvā laddhasampatti nāma sikkhaṃ paccakkhāya paṭiladdhagihbhāvasadisī’’ti vatvā ‘‘sīleneva saddhiṃ marissāmī’’ti tattheva nipanno tameva rogaṃ sammasanto arahattaṃ patvā bhikkhusaṅghassa imāhi gāthāhi byākāsi –

‘‘Phuṭṭhassa me aññatarena byādhinā,
Rogena bāḷhaṃ dukhitassa ruppato;
Parisussati khippamidaṃ kaḷevaraṃ,
Pupphaṃ yathā paṃsuni ātape kataṃ.

‘‘Ajaññaṃ jaññasāṅkhātaṃ, asuciṃ sucisammatam;
Nānakuṇapaparipūraṃ, jaññarūpaṃ apassato.

‘‘Dhiratthu maṃ āturaṃ pūtikāyaṃ, duggandhiyaṃ asuci byādhidhammaṃ;
Yatthappamattā adhimucchitā pajā, hāpenti maggaṃ sugatūpapattiyā’’ti.

Arahantādīnaṃ pana sīlaṃ sabbadarathappaṭippassaddhiyā parisuddhattā **paṭippassaddhipārisuddhī**ti veditabbaṃ. Evaṃ pariyantapārisuddhiādivasena pañcavidhaṃ.

Dutiyasīlapañcakaṃ

Dutiyapañcake pañātipātādīnaṃ pahānādivasena attho veditabbo. Vuttañhetam paṭisambhidāyaṃ –

‘‘Pañca sīlāni pañātipātassa pahānaṃ sīlaṃ, veramaṇī sīlaṃ, cetanā sīlaṃ, saṃvaro sīlaṃ, avītikkamo sīlaṃ. Adinnādānassa, kāmesumicchācārassa, musāvādassa, piṣuṇāya vācāya, pharusāya vācāya, samphappalāpassa, abhijjhāya, byāpādassa, micchādiṭṭhiyā, nekkhammena kāmacchandassa, abyāpādena byāpādassa, ālokasaññāya thinamiddhassa, avikkhepa uddhaccassa, dhammavavathānena vicikicchāya, ṇāṇena avijjāya, pāmojjena aratiyā, paṭhamena jhānena nīvaraṇānaṃ, dutiyena jhānena vitakkavicārānaṃ, tatiyena jhānena pītiyā, catutthena jhānena sukhadukkhanāṃ, ākāsaññācāyatanasamāpattiyā rūpasāññāya paṭighasaññāya nānattasaññāya, viññāṇācāyatanasamāpattiyā ākāsaññācāyatanasāññāya, ākiñcaññāyatanasamāpattiyā viññāṇācāyatanasāññāya, nevasāññānāsaññāyatanasamāpattiyā ākiñcaññāyatanasāññāya, aniccānupassanāya niccasaññāya, dukkhānupassanāya sukhasāññāya, anattānupassanāya attasaññāya, nibbidānupassanāya nandiyā, virāgānupassanāya rāgassa, nirodhānupassanāya samudayassa, paṭinissaggānupassanāya ādānassa, khayānupassanāya ghanasaññāya, vayānupassanāya āyūhanassa, vipariṇāmānupassanāya dhuvasaññāya, animittānupassanāya nimittassa, appaṇihitānupassanāya paṇidhiyā, suññatānupassanāya abhinivesassa, adhipaṇñādhammavipassanāya sārādānābhinivesassa, yathābhūtaññānadassanena sammohābhinivesassa, ādīnavānupassanāya ālayābhinivesassa, paṭisañkhānupassanāya appaṭisañkhāya, vivaṭṭānānupassanāya saññogābhinivesassa, sotāpattimaggena diṭṭhekaṭṭhānaṃ kilesānaṃ, sakadāgāmimaggena oḷārikānaṃ kilesānaṃ, anāgāmimaggena aṇusahagatānaṃ kilesānaṃ, arahattamaggena sabbakilesānaṃ pahānaṃ sīlaṃ, veramaṇī, cetanā, saṃvaro, avītikkamo sīlaṃ. Evarūpāni sīlāni cittassa avippaṭisārāya saṃvattanti, pāmojjāya saṃvattanti, pītiyā saṃvattanti, passaddhiyā saṃvattanti, somanassāya saṃvattanti, āsevanāya saṃvattanti, bhāvanāya saṃvattanti, bahulīkammāya saṃvattanti, alaṅkāyā saṃvattanti, parikkhārāya saṃvattanti, parivārāya saṃvattanti, pāripūriyā saṃvattanti, ekantānibbidāya virāgāya nirodhāya upasamāya abhiññāya sambodhāya nibbānāya saṃvattanti’’ti (paṭi. ma. 1.41).

Ettha ca pahānanti koci dhammo nāma natthi aññatra vuttappakārānaṃ pañātipātādīnaṃ anuppādāmatto. Yasmā pana taṃ taṃ pahānaṃ tassa tassa kusaladhammassa paṭiṭṭhānaṭṭhena upadhāraṇaṃ hoti, vikampābhāvakarāṇena ca samādānaṃ. Tasmā pubbe vutteneva upadhāraṇasamādhānasāṅkhātena sīlanaṭṭhena sīlanti vuttam. Itare cattāro dhammā tato tato veramaṇivasena, tassa tassa saṃvaravasena, tadubhayasampayuttacetanāvāsena, taṃ taṃ avītikkamantassa avītikkamanavasena ca cetaso pavattisabbhāvaṃ sandhāya vuttā. Sīlaṭṭho pana tesam pubbe pakāsito yevāti. Evaṃ pahānasīlādivasena pañcavidhaṃ.

Ettāvata ca kiṃ sīlaṃ? Kenatthēna sīlaṃ? Kānassa lakkhaṇarasapaccupaṭṭhānapadaṭṭhānāni? Kimānisamsaṃ sīlaṃ? Katividhaṃ cetamaṃ sīlanti? Imesaṃ pañhānaṃ vissajjanaṃ niṭṭhitaṃ.

Silasamkilesavodānaṃ

21. Yaṃ pana vuttaṃ “ko cassa samkilesa, kiṃ vodāna”nti. Tatra vadāma – khaṇḍādibhāvo sīlassa samkilesa, akhaṇḍādibhāvo vodānaṃ. So pana khaṇḍādibhāvo lābhayasādihetukena bhedenā ca sattavidhamethunasamyogena ca saṅgahito.

Tathā hi yassa sattasu āpattikkhandhesu ādimhi vā ante vā sikkhāpadaṃ bhinnaṃ hoti, tassa sīlaṃ pariyaṅte chinnaṣāṭako viya **khaṇḍaṃ** nāma hoti. Yassa pana vemajjhe bhinnaṃ, tassa majjhe chiddasāṭako viya **chiddaṃ** nāma hoti. Yassa paṭipāṭiyā dve tīni bhinnāni, tassa piṭṭhiyā vā kucchiyā vā uṭṭhitena visabhāgavaṇṇena kāḷarattādīnaṃ aññatarasarīravannaṃ gāvī viya **sabalaṃ** nāma hoti. Yassa antarantarā bhinnāni, tassa antarantarā visabhāgavaṇṇabindu vicitrā gāvī viya **kammāsaṃ** nāma hoti. Evaṃ tāva lābhādihetukena bhedenā khaṇḍādibhāvo hoti.

Evaṃ sattavidhamethunasamyogavasena. Vuttañhi bhagavatā –

“Idha, brāhmaṇa, ekacco samaṇo vā brāhmaṇo vā sammā brahmacārī paṭijānamāno na heva kho mātugāmena saddhiṃ dvayaṃ dvayasamāpattim samāpajjati, apica kho mātugāmassa ucchādanaṃ parimaddanaṃ nhāpanaṃ sambāhanaṃ sādiyati, so tadassādeti, taṃ nikāmeti, tena ca vittim āpajjati, idampi kho, brāhmaṇa, brahmacariyassa khaṇḍampi chiddampi sabalampi kammāsampi. Ayaṃ vuccati, brāhmaṇa, aparissuddhaṃ brahmacariyaṃ carati saṃyutto methunena saṃyogena, na parimuccati jātiyā. Jarāya maraṇena...pe... na parimuccati dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... paṭijānamāno na heva kho mātugāmena saddhiṃ dvayaṃ dvayasamāpattim samāpajjati. Napi mātugāmassa ucchādanaṃ...pe... sādiyati. Apica kho mātugāmena saddhiṃ sañjagghati saṃkīlāti saṃkelāyati, so tadassādeti...pe... na parimuccati dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... na heva kho mātugāmena saddhiṃ dvayaṃ dvayasamāpattim samāpajjati. Napi mātugāmassa ucchādanaṃ...pe... sādiyati. Napi mātugāmena saddhiṃ sañjagghati saṃkīlāti saṃkelāyati. Apica kho mātugāmassa cakkhunā cakkhuṃ upanijjhāyati pekkhati, so tadassādeti...pe... na parimuccati dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... na heva kho mātugāmena... napi mātugāmassa... napi mātugāmena... napi mātugāmassa...pe... pekkhati. Apica kho mātugāmassa saddaṃ suṇāti tirokuṭṭā vā tiroṇā vā hasantiyā vā bhaṇantiyā vā gāyantiyā vā rodantiyā vā, so tadassādeti...pe... dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... na heva kho mātugāmena... napi mātugāmassa... napi mātugāmena... napi mātugāmassa...pe... rodantiyā vā. Apica kho yānissa tāni pubbe mātugāmena saddhiṃ hasitalapitakīlītāni, tāni anussarati, so tadassādeti...pe... dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... na heva kho mātugāmena...pe... napi mātugāmassa...pe... napi yānissa tāni pubbe mātugāmena saddhiṃ hasitalapitakīlītāni, tāni anussarati. Apica kho passati gahapatiṃ vā gahapatiṃ vā pañcahi kāmaguṇehi samappitaṃ samaṅgibhūtaṃ paricārayamānaṃ, so tadassādeti...pe... dukkhasmāti vadāmi.

“Puna caparaṃ, brāhmaṇa, idhekacco samaṇo vā...pe... na heva kho mātugāmena...pe... napi passati gahapatiṃ vā gahapatiṃ vā...pe... paricārayamānaṃ. Apica kho aññataraṃ devanikāyaṃ pañidhāya brahmacariyaṃ carati ‘imināhaṃ sīlena vā vatena vā tapena vā brahmacariyena vā devo vā bhavissāmi devaññatara vā’ti. So tadassādeti, taṃ nikāmeti, tena ca vittim āpajjati. Idampi kho, brāhmaṇa, brahmacariyassa khaṇḍampi chiddampi sabalampi kammāsaṃpī’ti (a. ni. 7.50).

Evaṃ lābhādihetukena bhedenā ca sattavidhamethunasamyogena ca khaṇḍādibhāvo saṅgahitoti veditaṃ.

Akhaṇḍādibhāvo pana sabbaso sikkhāpadaṇaṃ abhedena, bhinnānañca sappaṭikammānaṃ paṭikammakaraṇena, sattavidhamethunasamyogābhāvena ca, aparāya ca “kodho upanāho makkho paḷāso issā macchariyaṃ māyā sātheyyaṃ thambho sārāmbho māno atimāno mado pamādo”tiādīnaṃ pāpadhammānaṃ anuppattiyā, appicchatāsantuṭṭhitāsallekhatādīnañca guṇānaṃ uppattiyā saṅgahito.

Yāni hi sīlāni lābhādīnampi atthāya abhinnāni, pamādadoseṇa vā bhinnānipi paṭikammakatāni, methunasamyogehi vā kodhupanāhādīhi vā pāpadhammehi anupahatāni, tāni sabbaso **akhaṇḍāni acchiddāni asabalāni akammāsānīti** vuccanti. Tāniyeva bhujissabhāvakarāṇato ca **bhujissāni**, viññūhi pasatthattā **viññupasatthāni**, taṇhādīṭṭhīhi aparāmaṭṭhattā **aparāmaṭṭhāni**, upacārasamādhim vā appanāsamādhim vā saṃvattayanti **samādhisaṃvattanikāni** ca hontī. Tasmā nesaṃ

esa ‘akhaṇḍādibhāvo vodāna’nti veditabbo.

Taṃ panetaṃ vodānaṃ dvīhākārehi sampajjati sīlavipattiyā ca ādinavadassanena, sīlasampattiyā ca ānisaṃsadassanena. Tattha ‘pañcime, bhikkhave, ādinavā dussīlassa sīlavipattiyā’ ti (dī. ni. 2.149; a. ni. 5.213) evamādisuttanayena sīlavipattiyā ādinavo daṭṭhabbo.

Apica dussīlo puggalo dussīlyahetu amanāpo hoti devamanussānaṃ, ananusāsaniyo sabrahmacārīnaṃ, dukkhito dussīlyagarahāsu, vippaṭṭisārī sīlavataṃ pasamsāsu, tāya ca pana dussīlyatāya sāṇasāṭako viya dubbaṇṇo hoti. Ye kho panassa dīṭṭhānugatiṃ āpajjanti, tesam dīgharattaṃ apāyadukkhāvahanato dukkhasamphasso. Yesam deyyadhammaṃ paṭiggaṇhāti, tesam namahapphalakaraṇato appaggho. Anekavassagaṇikagūthakūpo viya dubbisodhano. Chavālātamiva ubhato paribāhiro. Bhikkhubhāvaṃ paṭijānantopi abhikkhuyeva gogaṇaṃ anubandhagadrabho viya. Satatubbiggo sabbaverikapuriso viya. Asaṃvāsāraho matakalevaram viya. Sutādiguṇayuttopi sabrahmacārīnaṃ apūjāraho susānaggi viya brāhmaṇānaṃ. Abhabbo visesādhigame andho viya rūpadassane. Nirāso saddhamme caṇḍalākumārako viya rajje. Sukhito smīti maññaṃanopi dukkhitova aggikkhandhāriyāye vuttadukkhahāgitāya.

Dussīlānañhi pañcakāmaguṇaparibhogavandanamānanādisukhassādagadhitacittānaṃ tappaccayaṃ anussaraṇamattenāpi hadayasantāpaṃ janayitvā uṇhalohituggārappavattanasamatthaṃ atikaṭukaṃ dukkhaṃ dassento sabbākārena paccakkhakkammavipāko bhagavā āha –

“Passatha no tumhe, bhikkhave, amuṃ mahantaṃ aggikkhandhaṃ ādittaṃ sampajjalitaṃ sajotibhūta’nti? Evaṃ, bhanteti. Taṃ kiṃ maññaṭha, bhikkhave, katamaṃ nu kho varam yaṃ amuṃ mahantaṃ aggikkhandhaṃ ādittaṃ sampajjalitaṃ sajotibhūtaṃ āliṅgetvā upanīsideyya vā upanipajjeyya vā, yaṃ khattiyakaññaṃ vā brāhmaṇakaññaṃ vā gahapatikaññaṃ vā mudutalunahatthapādaṃ āliṅgetvā upanīsideyya vā upanipajjeyya vāti. Etadeva, bhante, varam yaṃ khattiyakaññaṃ vā...pe... upanipajjeyya vā. Dukkhaṃ hetamaṃ, bhante, yaṃ amuṃ mahantaṃ aggikkhandhaṃ...pe... upanipajjeyya vāti. Arocayāmi vo, bhikkhave, paṭivedayāmi vo, bhikkhave, yathā etadeva tassa varam dussīlassa pāpadhammassa asucisaṅkassarasamācārassa paṭicchannakammantassa assamaṇassa samaṇapaṭiññaṃ abrahmacārissa brahmacāripaṭiññaṃ antopūtikassa avassutassa kasambujātassa yaṃ amuṃ mahantaṃ aggikkhandhaṃ...pe... upanipajjeyya vā. Taṃ kissa hetu? Tatonidānaṃ hi so, bhikkhave, maraṇaṃ vā nigaccheyya maraṇamattaṃ vā dukkhaṃ, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyyā’ ti (a. ni. 7.72).

Evaṃ aggikkhandhupamāya itthipaṭibaddhapañcakāmaguṇaparibhogapaccayaṃ dukkhaṃ dassetvā eteneva upāyena –

“Taṃ kiṃ maññaṭha, bhikkhave, katamaṃ nu kho varam yaṃ balavā puriso dalhāya vālarajjuyā ubho jaṅghā veṭhetvā ghaṃseyya, sā chaviṃ chindeyya, chaviṃ chetvā cammaṃ chindeyya, cammaṃ chetvā maṃsaṃ chindeyya, maṃsaṃ chetvā nhāruṃ chindeyya, nhāruṃ chetvā aṭṭhiṃ chindeyya, aṭṭhiṃ chetvā aṭṭhimījaṃ āhacca tiṭṭheyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā abhivādanaṃ sādiyeyyā’ ti ca.

“Taṃ kiṃ maññaṭha, bhikkhave, katamaṃ nu kho varam yaṃ balavā puriso tiṅhāya sattiyā teladhotāya paccorasmīṃ pahareyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā añjalikammaṃ sādiyeyyā’ ti ca.

“Taṃ kiṃ maññaṭha, bhikkhave, katamaṃ nu kho varam yaṃ balavā puriso tattena ayopattena ādittena sampajjalitena sajotibhūtena kāyaṃ sampalivēṭheyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ cīvaram paribhuñjeyyā’ ti ca.

“Taṃ kiṃ maññaṭha, bhikkhave, katamaṃ nu kho varam yaṃ balavā puriso tattena ayosaṅkunā ādittena sampajjalitena sajotibhūtena mukhaṃ vivarivā tattaṃ lohaguḷaṃ ādittaṃ sampajjalitaṃ sajotibhūtaṃ mukhe pakkhipeyya, taṃ tassa oṭṭhampi ḍaheyya, mukhampi, jivhampi, kaṅṭhampi, udarampi ḍaheyya, antampi antaguṇampi ādāya adhobhāgaṃ nikkhameyya, yaṃ vā khattiya... brāhmaṇa... gahapatimahāsālānaṃ vā saddhādeyyaṃ piṇḍapātaṃ paribhuñjeyyā’ ti ca.

“Taṃ kiṃ maññaṭha, bhikkhave, katamaṃ nu kho varam yaṃ balavā puriso sīse vā gahetvā khandhe vā gahetvā tattaṃ ayomañcaṃ vā ayopīṭhaṃ vā ādittaṃ sampajjalitaṃ sajotibhūtaṃ abhinisīdāpeyya vā abhinipajjāpeyya vā, yaṃ vā khattiya... brāhmaṇa... gahapatimahāsālānaṃ vā saddhādeyyaṃ mañcapīṭhaṃ paribhuñjeyyā’ ti ca.

“Taṃ kiṃ maññaṭha, bhikkhave, katamaṃ nu kho varam yaṃ balavā puriso uddhampādaṃ adhosiraṃ gahetvā tattāya ayokumbhiyā pakkhipeyya ādittāya sampajjalitāya sajotibhūtāya, so tatha pheṇuddehakaṃ paccamāno sakimpi uddhaṃ gaccheyya, sakimpi adho gaccheyya, sakimpi tiriyaṃ gaccheyya, yaṃ vā khattiya... brāhmaṇa... gahapatimahāsālānaṃ vā saddhādeyyaṃ vihāraṃ paribhuñjeyyā’ ti cāti (a. ni. 7.72).

Imāhi vālarajjuṭiṇhasattiyopattāyogūlaayomañcaayopīṭhaayokumbhūpamāhi

abhivādanaañjalikammaṭṭavarapiṇḍapātamañcapīṭhavihāraparibhogapaccayaṃ dukkhaṃ dassesi. Tasmā –

Aggikkhandhāliṅganadukkhādhikadukkhakaṭukaphalaṃ;
Avijahato kāmasukhaṃ, sukhaṃ kuto bhinnasīlassa.

Abhivādanasādiyane, kiṃ nāma sukhaṃ vipannasīlassa;
Daḷhavāḷarajjughamsanadukkhādhikadukkhahāgissa.

Saddhānamañjalikammaṭṭadiyane kiṃ sukhaṃ asīlassa;
Sattippahāradukkhādhimattadukkhassa yaṃhetu.

Cīvaraparibhogasukhaṃ, kiṃ nāma asaṃyatassa;
Yena ciraṃ anubhavitabbo, niraye jalitaayopattasamphasso.

Madhuropi piṇḍapāto, halāhalavisūpamo asīlassa;
Ādittā gilitabbā, ayoguḷā yena cirarattaṃ.

Sukhasammatopi dukkho, asīlino mañcapīṭhaparibhogo;
Yaṃ bādhissanti ciraṃ, jalitaayomañcapīṭhāni.

Dussīlassa vihāre, saddhādeyyamhi kā nivāsa rati;
Jalitesu nivasitabbaṃ, yena ayokumbhimajjhesu.

Saṅkasarasamācāro, kasambujāto avassuto pāpo;
Antopūtīti ca yaṃ, nindanto āha lokagaru.

Dhī jīvitaṃ asaññatassa, tassa samañjanavesadhārissa;
Assamañassa upahataṃ, khatamattānaṃ vahantassa.

Gūthaṃ viya kuṇapaṃ viya, maṇḍanakāmā vivajjayantīdha;
Yaṃ nāma sīlavanto, santo kiṃ jīvitaṃ tassa.

Sabbabhayehi amutto, mutto sabbehi adhigamasukhehi;
Supihitasaggadvāro, apāyamaggaṃ samārūḷho.

Karuṇāya vatthubhūto, kāruṇikajanassa nāma ko añño;
Dussīlasamo dussī, latāya iti bahuvīdhā dosāti.

Evamādinā paccavekkhaṇena sīlavipattiyā ādīnavadassanaṃ vuttappakāraviparītato sīlasampattiyā ānisaṃsadassanañca
veditabbaṃ. Apica –

Tassa pāsādikaṃ hoti, pattacīvaradhāraṇaṃ;
Pabbajjā saphalā tassa, yassa sīlaṃ sunimmalaṃ.

Attānuvādādhībhayaṃ, suddhasīlassa bhikkhuno;
Andhakāraṃ viya raviṃ, hadayaṃ nāvagāhati.

Sīlasampattiyā bhikkhu, sobhamāno tapovane;
Pabhāsampattiyā cando, gagane viya sobhati.

Kāyagandhopi pāmojjaṃ, sīlavantassa bhikkhuno;
Karoti api devānaṃ, sīlagandhe kathāva kā.

Sabbesaṃ gandhajātānaṃ, sampattiṃ abhibhuyyati;
Avighātī disā sabbā, sīlagandho pavāyati.

Appakāpi katā kārā, sīlavante mahapphalā;
Hontīti sīlavā hoti, pūjāsakkārahājanāṃ.

Sīlavantaṃ na bādhanti, āsavā diṭṭhadhammikā;
Samparāyikadukkhānaṃ, mūlaṃ khanati sīlavā.

Yā manussesu sampatti, yā ca devesu sampadā;
Na sā sampannasīlassa, icchato hoti dullabhā.

Accantasantā pana yā, ayaṃ nibbānasampadā;
Mano sampannasīlassa, tameva anudhāvati.

Sabbasampattimūlamhi, sīlamhi iti paṇḍito;
Anekākāravokāraṃ, ānisaṃsaṃ vibhāvayeti.

Evañhi vibhāvayato sīlavipattito ubbijjivā sīlasampattininnaṃ mānasam hoti. Tasmā yathāvuttaṃ imaṃ sīlavipattiyā ādīnavaṃ imañca sīlasampattiyā ānisaṃsaṃ disvā sabbādarena sīlaṃ vodāpetabbanti.

Ettāvata ca “sīle patitthāya naro sapañño”ti imissā gāthāya sīlasamādhipaññāmukhena desite visuddhimagge **sīlaṃ** tāva paridīpitaṃ hoti.

Iti sādhujanapāmojjatthāya kate visuddhimagge

Sīlaniddeso nāma paṭhamo paricchedo.

2. Dhutaṅganiddeso

22. Idāni yehi appicchatāsantuṭṭhitādīhi guṇehi vuttappakārassa sīlassa vodānaṃ hoti, te guṇe sampādetuṃ yasmā samādinnaṣīlena yoginā dhutaṅgasamādānaṃ kātabbam. Evañhissa appicchatāsantuṭṭhitāsallekhaṃpavivekāpacayavīriyārambhasubharatādiguṇasālilavikkhālitaṃ sīlañceva suparisuddhaṃ bhavissati, vatāni ca sampajjissanti. Iti anavajjasīlabbataguṇaparisuddhasabbasamācāro porāṇe ariyavaṃsattaye patitthāya catutthassa bhāvanārāmatāsankhātassa ariyavaṃsassa adhiḡamāraho bhavissati. Tasmā dhutaṅgakathaṃ ārabhissāma.

Bhagavatā hi pariccattalokāmisānaṃ kāye ca jīvite ca anapekkhānaṃ anulomapaṭipadaṃyeva ārādhētukāmānaṃ kulaputtānaṃ terasadhutaṅgāni anuññātāni. Seyyathidaṃ – paṃsukūlikaṅgaṃ, tecīvarikaṅgaṃ, piṇḍapātikaṅgaṃ, sapadānacārikaṅgaṃ, ekāsānikaṅgaṃ, pattapiṇḍikaṅgaṃ, khalupacchābhattikaṅgaṃ, āraññikaṅgaṃ, rukkhāmūlikaṅgaṃ, abbhokāsikaṅgaṃ, sosānikaṅgaṃ, yathāsanthatikaṅgaṃ, nesajjikaṅganti. Tattha –

Atthato lakkhaṇādīhi, samādānavidhānato;
Pabhedato bhedato ca, tassa tassānisaṃsato.

Kusalattikato ceva, dhutādīnaṃ vibhāgato;
Samāsabyāsato cāpi, viññātabbo vinicchayo.

23. Tattha **atthatoti** tāva rathikasusānasānkārakūṭādīnaṃ yattha katthaci paṃsūnaṃ upari ṭhitattā abbhuggataṭṭhena tesu tesu paṃsukūlamivāti paṃsukūlaṃ, atha vā paṃsu viya kucchitabhāvaṃ ulaṭṭi paṃsukūlaṃ, kucchitabhāvaṃ gacchatīti vuttaṃ hoti. Evaṃ laddhanibbanassa paṃsukūlassa dhāraṇaṃ paṃsukūlaṃ, taṃ sīlamassāti **paṃsukūliko**. Paṃsukūlikassa aṅgaṃ **paṃsukūlikaṅgaṃ**. Aṅgānti kāraṇaṃ vuccati. Tasmā yena samādānena so paṃsukūliko hoti, tassetam adhivacananti vedītabbāṃ.

Eteneva nayena saṅghāṭiuttarāsāngaantaravāsakasaṅkhātāṃ ticīvaraṃ sīlamassāti **tecīvariko**. Tecīvarikassa aṅgaṃ **tecīvarikaṅgaṃ**.

Bhikkhāsānkhatānaṃ pana āmisapiṇḍānaṃ pātoti piṇḍapāto, parehi dinnānaṃ piṇḍānaṃ patte nipatananti vuttaṃ hoti. Taṃ piṇḍapātaṃ uñchati taṃ taṃ kulaṃ upasaṅkamanto gavesatīti **piṇḍapātiko**. Piṇḍāya vā patituṃ vatametassāti piṇḍapātī, patitunti carituṃ, piṇḍapātī eva piṇḍapātiko. Piṇḍapātikassa aṅgaṃ **piṇḍapātikaṅgaṃ**.

Dānaṃ vuccati avakhaṇḍanaṃ, apetaṃ dānatoti apadānaṃ, anavakhaṇḍananti attho. Saha apadānena sapadānaṃ, avakhaṇḍanarahitaṃ anugharanti vuttaṃ hoti. Sapadānaṃ carituṃ idamassa sīlanti sapadānacārī, sapadānacārī eva **sapadānacāriko**. Tassa aṅgaṃ **sapadānacārikaṅgaṃ**.

Ekāsane bhojanaṃ ekāsanaṃ, taṃ sīlamassāti **ekāsāniko**. Tassa aṅgaṃ **ekāsānikaṅgaṃ**.

Dutiyabhājanassa paṭikkhittattā kevalaṃ ekasmiṃyeva patte piṇḍo pattapiṇḍo. Idāni pattapiṇḍagahaṇe pattapiṇḍasaññaṃ katvā pattapiṇḍo sīlamassāti **pattapiṇḍiko**. Tassa aṅgaṃ **pattapiṇḍikaṅgaṃ**.

Khalūti paṭisedhanatthe nipāto. Pavāritena satā pacchā laddhaṃ bhattaṃ pacchābhattaṃ nāma, tassa pacchābhattassa

bhojanaṃ pacchābhattabhojanaṃ, tasmim̐ pacchābhattabhojane pacchābhattasaññaṃ katvā pacchābhattaṃ sīlamassāti pacchābhattiko. Na pacchābhattiko **khalupacchābhattiko**. Samādānavasena paṭikkhittārittabhojanassetam̐ nāmaṃ. Aṭṭhakathāyaṃ pana vuttaṃ khalūti eko sakuṇo. So mukhena phalaṃ gahetvā tasmim̐ patite puna aññaṃ na khādati. Tādiso ayanti khalupacchābhattiko. Tassa aṅgaṃ **khalupacchābhattikaṅgaṃ**.

Araññe nivāso sīlamassāti **āraññiko**. Tassa aṅgaṃ **āraññikaṅgaṃ**.

Rukkhamūle nivāso rukkhamūlaṃ, taṃ sīlamassāti **rukkhamūliko**. Rukkhamūlikassa aṅgaṃ **rukkhamūlikaṅgaṃ**. **Abbhokāsikasosānikaṅgesupī** eseva nayo.

Yadeva santhataṃ yathāsanthataṃ, idaṃ tuyhaṃ pāpuṇātīti evaṃ paṭhamam̐ uddiṭṭhasenāsanassetam̐ adhivacanaṃ. Tasmim̐ yathāsanthate viharitum̐ sīlamassāti **yathāsanthatiko**. Tassa aṅgaṃ **yathāsanthatikaṅgaṃ**.

Sayanaṃ paṭikkhipitvā nisajjāya viharitum̐ sīlamassāti **nesajjiko**. Tassa aṅgaṃ **nesajjikaṅgaṃ**.

Sabbāneva panetāni tena tena samādānena dhutakilesatā dhutassa bhikkhuno aṅgāni, kilesadhunanato vā dhutanti laddhavoḥāraṃ ñānaṃ aṅgaṃ etesanti **dhutaṅgāni**. Atha vā dhutāni ca tāni paṭipakkhaniddhunanato aṅgāni ca paṭipattiyātipi **dhutaṅgāni**. Evaṃ tāvettha **atthato** viññātabbo vinicchayo.

Sabbāneva panetāni samādānacetanālakkaṇāni. Vuttampi cetam̐ “yo samādiyati, so puggalo. Yena samādiyati, cittacetasikā ete dhammā. Yā samādānacetanā, taṃ dhutaṅgaṃ. Yaṃ paṭikkhipati, taṃ vatthū”ti. Sabbāneva ca loluppaviddham̐ sanarasāni, nilloluppabhāvapaccupaṭṭhānāni appicchatādiariyadhammapadaṭṭhānāni. Evamettha **lakkaṇādīhi** veditabbo vinicchayo.

Samādānavidhānatotiādīsu pana pañcasu sabbāneva dhutaṅgāni dharamāne bhagavati bhagavatova santike samādātābbāni. Parinibbute mahāsāvakaṃ santike. Tasmim̐ asati khīṇāsavassa, anāgāmissa, sakadāgāmissa, sotāpannassa, tipītakassa, dvīpītakassa, ekapītakassa, ekasaṅgītikassa, aṭṭhakathācariyassa. Tasmim̐ asati dhutaṅgadharassa, tasmim̐ asati cetiyaṅgaṃ sammajjitvā ukkūtikaṃ nisīditvā sammāsambuddhassa santike vadantena viya samādātābbāni, apica sayampi samādātum̐ vaṭṭati eva. Ettha ca cetiyapabbate dve bhātikattherānaṃ jeṭṭhakabhātu dhutaṅgappicchatāya vatthu kathetabbam̐. Ayam̐ tāva sādharāṇakathā.

1. Paṃsukūlikaṅgakathā

24. Idāni ekekassa samādānavidhānappabhedabhedānisam̐se vaṇṇayissāma. **Paṃsukūlikaṅgaṃ** tāva “gahapatidānacīvaraṃ paṭikkhipāmi, paṃsukūlikaṅgaṃ samādiyāmi”ti imesu dvīsu vacanesu aññatarena samādinnaṃ hoti. Idaṃ tāvettha **samādānaṃ**.

Evaṃ samādinnaḍhutaṅgena pana tena sosānikaṃ, pāpaṇikaṃ, rathiyacoḷam̐, saṅkāraḷam̐, sotthiyam̐, nhānacoḷam̐, titthacoḷam̐, gatapaccāgataṃ, aggīdaḍḍham̐, gokhāyitam̐, upacikākhāyitam̐, undūrakhāyitam̐, antacchinnaṃ, dasācchinnaṃ, dhajāhaṭam̐, thūpacīvaraṃ, samaṇacīvaraṃ, ābhisekikaṃ, iddhimayaṃ, panthikaṃ, vātāhaṭam̐, devadattiyam̐, sāmuddiyantiesu aññataraṃ cīvaraṃ gahetvā phāletvā dubbalaṭṭhānaṃ pahāya thirattṭhānāni dhovitvā cīvaraṃ katvā porāṇam̐ gahapaticīvaraṃ apanetvā paribhuñjitabbam̐.

Tattha **sosānikanti** susāne patitakaṃ. **Pāpaṇikanti** āpaṇadvāre patitakaṃ. **Rathiyacoḷanti** puññatthikehi vātapānantarena rathikāya chaḍḍitacoḷakaṃ. **Saṅkāraḷanti** saṅkāraṭṭhāne chaḍḍitacoḷakaṃ. **Sotthiyanti** gabbhamalaṃ puñchitvā chaḍḍitavattham̐. Tīssāmaccāmātā kira satagghanakena vatthena gabbhamalaṃ puñchāpetvā paṃsukūlikā gaṇhissantīti tālavelimāge chaḍḍāpesi. Bhikkhū jīṇṇakaṭṭhānatthameva gaṇhanti. **Nhānacoḷanti** yaṃ bhūtavejjehi sasīsam̐ nhāpitā kāḷakaṇṇicoḷanti chaḍḍetvā gacchanti.

Titthacoḷanti nhānatitthe chaḍḍitapilotikā. **Gatapaccāgataṃ** yaṃ manussā susānaṃ gantvā paccāgatā nhatvā chaḍḍenti. **Aggīdaḍḍhanti** agginā ḍaḍḍhappadesam̐. Tañhi manussā chaḍḍenti. **Gokhāyitādīni** pākāṭāneva. Tādisānīpi hi manussā chaḍḍenti. **Dhajāhaṭanti** nāvaṃ ārohanā dhajam̐ bandhitvā ārūhanti. Taṃ tesam̐ dassanātikame gahetum̐ vaṭṭati. Yampi yuddhabhūmiyaṃ dhajam̐ bandhitvā ṭhapitam̐, taṃ dvinnampi senānaṃ gatakāle gahetum̐ vaṭṭati.

Thūpacīvaranti vammikaṃ parikkhipitvā balikammaṃ kataṃ. **Samaṇacīvaranti** bhikkhusantakaṃ. **Ābhisekikanti** rañño abhisekaṭṭhāne chaḍḍitacīvaraṃ. **Iddhimayanti** ehibhikkhucīvaraṃ. **Panthikanti** antarāmagge patitakaṃ. Yaṃ pana sāmikānaṃ satisammosena patitam̐, taṃ thokaṃ rakkhitvā gahetabbam̐. **Vātāhaṭanti** vātena paharivā dūre pātitam̐, taṃ pana sāmike apassantena gahetum̐ vaṭṭati. **Devadattiyanti** anuruddhattherassa viya devatāhi dinnakaṃ. **Sāmuddiyanti** samuddavīcīhi thale ussāritam̐.

Yaṃ pana saṅghassa demāti dinnam̐, coḷakabhikkhāya vā caramānehi laddham̐, na taṃ paṃsukūlam̐. Bhikkhudattiyepi yaṃ vassaggena gāhetvā vā dīyati, senāsanacīvaraṃ vā hoti, na taṃ paṃsukūlam̐. No gāhāpetvā dinnameva paṃsukūlam̐.

Tatrapī yaṃ dāyakehi bhikkhussa pādamūle nikkhittaṃ, tena pana bhikkhunā paṃsukūlikassa hatthe ṭhapetvā dinnāṃ, taṃ ekatosuddhikaṃ nāma. Yaṃ bhikkhuno hatthe ṭhapetvā dinnāṃ, tena pana pādamūle ṭhapitaṃ, taṃ ekatosuddhikaṃ. Yaṃ bhikkhunopi pādamūle ṭhapitaṃ, tenāpi tatheva dinnāṃ, taṃ ubhatosuddhikaṃ. Yaṃ hatthe ṭhapetvā laddhaṃ, hattheyeva ṭhapitaṃ, taṃ anukkaṭṭhacīvaraṃ nāma. Iti imaṃ paṃsukūlabhedāṃ ṇatvā paṃsukūlikena cīvaraṃ paribhuñjitabbanti idamettha **vidhānaṃ**.

Ayaṃ pana **pabhedo**, tayo paṃsukūlikā ukkaṭṭho majjhimo mudūti. Tattha sosānikaṃyeva gaṇhanto **ukkaṭṭho** hoti. Pabbajitā gaṇhissantīti ṭhapitakaṃ gaṇhanto **majjhimo**. Pādamūle ṭhapetvā dinnakaṃ gaṇhanto **mudūti**.

Tesu yassa kassaci attano ruciyā gihidinnakaṃ sādittakkaṇe dhutaṅgaṃ bhijjati. Ayamettha **bhedo**.

Ayaṃ panānisamso, “paṃsukūlacīvaraṃ nissāya pabbajā”ti (mahāva. 128) vacanato nissayānurūpapaṭipattisabbhāvo, paṭhame ariyavaṃse paṭiṭṭhānaṃ, ārakkhadukkabhāvo, aparāyattavuttitā, corabhayena abhayatā, paribhogataṇhāya abhāvo, samaṇasārūppaparikkhāratā, “appāni ceva sulabhāni ca tāni ca anavajjāni”ti (a. ni. 4.27; itivu. 101) bhagavatā saṃvaṇṇitapaccayatā, pāsādikatā, appicchatādīnaṃ phalanipphatti, sammāpaṭipattiyā anubrūhanaṃ, pacchimāya janatāya diṭṭhānugatiāpādananti.

Mārasenavighātāya, paṃsukūladharo yati;
Sannaddhakavaco yuddhe, khattiyō viya sobhati.

Pahāya kāsikādīni, varavatthāni dhāritaṃ;
Yaṃ lokagarunā ko taṃ, paṃsukūlaṃ na dhāraye.

Tasmā hi attano bhikkhu, paṭiññaṃ samanussaraṃ;
Yogācārānukūlamhi, paṃsukūle rato siyāti.

Ayaṃ tāva paṃsukūlikaṅge samādānavidhānappabhedabhedānisamsavaṇṇanā.

2. Tecīvarikaṅgakathā

25. Tadanantaraṃ pana **tecīvarikaṅgaṃ** “catutthakacīvaraṃ paṭikkhipāmi, tecīvarikaṅgaṃ samādiyāmi”ti imesaṃ aññataravacanena samādinnaṃ hoti.

Tena pana tecīvarikena cīvaradussaṃ labhitvā yāva aphāsukabhāvena kātuṃ vā na sakkoti, vicārikaṃ vā na labhati, sūciādīsu vāssa kiñci na sampajjati, tāva nikkhipitabbaṃ. Nikkhittapaccayā doso natthi. Rajitakālatō pana paṭṭhāya nikkhipitūṃ na vaṭṭati, dhutaṅgacoro nāma hoti. Idamassa **vidhānaṃ**.

Pabhedato pana ayampi tividho hoti. Tattha **ukkaṭṭhena** rajanakāle paṭhamāṃ antaravāsakaṃ vā uttarāsaṅgaṃ vā rajitvā taṃ nivāsetvā itaraṃ rajitabbaṃ. Taṃ pārupitvā saṅghāṭi rajitabbā. Saṅghāṭiṃ pana nivāsetuṃ na vaṭṭati. Idamassa gāmantasenāsane vattaṃ. Āraññake pana dve ekato dhovitvā rajitūṃ vaṭṭati. Yathā pana kañci disvā sakkoti kāsāvaṃ ākaḍḍhitvā uparikātuṃ, evaṃ āsanne ṭhāne nisīditabbaṃ. **Majjhimassa** rajanasālāyaṃ rajanakāsāvaṃ nāma hoti, taṃ nivāsetvā vā pārupitvā vā rajanakammaṃ kātuṃ vaṭṭati. **Mudukassa** sabhāgabhiikkhūnaṃ cīvarāni nivāsetvā vā pārupitvā vā rajanakammaṃ kātuṃ vaṭṭati. Tatraṭṭhakapaccattharaṇampi tassa vaṭṭati. Pariharitūṃ pana na vaṭṭati. Sabhāgabhiikkhūnaṃ cīvarampi antarantarā paribhuñjitūṃ vaṭṭati. Dhutaṅgatecīvarikassa pana catutthaṃ vattamānaṃ aṃsakāsāvameva vaṭṭati. Tañca kho vitthārato vidatthi, diḅhato tihatthameva vaṭṭati.

Imesaṃ pana tiṇṇampi catutthakacīvaraṃ sādittakkaṇeyeva dhutaṅgaṃ bhijjati. Ayamettha **bhedo**.

Ayaṃ panānisamso, tecīvariko bhikkhu santuṭṭho hoti kāyaparihārikena cīvarena. Tenassa pakkhino viya samādāyeva gamaṇaṃ, appasamārambhātā, vatthasannidhiparivajjanaṃ, sallahukavuttitā, atirekacīvaraloluppappahānaṃ, kappiye mattakāritāya sallekhavuttitā, appicchatādīnaṃ phalanipphattīti evamādayo guṇā sampajjantīti.

Atirekavatthataṇhaṃ, pahāya sannidhivivajjito dhīro;
Santosasukharasaññū, ticīvaradharo bhavati yogī.

Tasmā sapattacaraṇo, pakkhīva sacīvarova yogivaro;
Sukhamanuvicaritukāmo, cīvaraniyame ratīṃ kayirāti.

Ayaṃ tecīvarikaṅge samādānavidhānappabhedabhedānisamsavaṇṇanā.

3. Piṇḍapātikaṅgakathā

26. Piṇḍapātikaṅgampi “atirekalābhaṃ paṭikkhipāmi, piṇḍapātikaṅgaṃ samādiyāmi”ti imesaṃ aññataravacanena samādinnaṃ hoti.

Tena pana piṇḍapātikena “saṅghabhattaṃ, uddesabhattaṃ, nimantanabhattaṃ, salākabhattaṃ, pakkhikaṃ, uposathikaṃ, pāṭipadikaṃ, āgantukabhattaṃ, gamikabhattaṃ, gilānabhattaṃ, gilānupaṭṭhākabhattaṃ, vihārabhattaṃ, dhurabhattaṃ, vārakabhatta”nti etāni cuddasa bhattāni na sādītābāni. Sace pana “saṅghabhattaṃ gaṇhathā”tiādinaṃ nayena avatvā “amhākaṃ gehe saṅgho bhikkhaṃ gaṇhātu, tumhepi bhikkhaṃ gaṇhathā”ti vatvā dinnāni honti, tāni sādītuṃ vaṭṭanti. Saṅghato nirāmisasālākāpi vihāre pakkabhattampi vaṭṭatiyevāti idamassa **vidhānaṃ**.

Pabhedato pana ayampi tividho hoti. Tattha **ukkaṭṭho** puratopi pacchatopi āhaṭabhikkhaṃ gaṇhati, pattadvāre ṭhatvā pattaṃ gaṇhantānampi deti, paṭikkamaṇaṃ āharitvā dinnabhikkhampi gaṇhati, taṃ divasaṃ pana nisīditvā bhikkhaṃ na gaṇhati. **Majjhimo** taṃ divasaṃ nisīditvāpi gaṇhati, svātanāya pana nādhivāseti. **Mudukosvātanāyapi** punadivasaṃyapi bhikkhaṃ adhivāseti. Te ubhopi serivihārasukhaṃ na labhanti, ukkaṭṭhova labhati. Ekasmiṃ kira gāme ariyavaṃso hoti, ukkaṭṭho itare āha – “āyāmāvuso, dhammasavanāyā”ti. Tesu eko ekenamhi, bhante, manussena nisīdāpitoti āha. Aparo mayā, bhante, svātanāya ekassa bhikkhā adhivāsītāti. Evaṃ te ubho pariḥinā. Itaro pātova piṇḍāya caritvā gantvā dhammarasaṃ paṭisaṃvedesi.

Imesaṃ pana tiṇṇampi saṅghabhattādiatirekalābhaṃ sādītakkhaṇeva dhutaṅgaṃ bhijjati. Ayamettha **bhedo**.

Ayaṃ panānisamaṃso, “piṇḍiyālopabhojanaṃ nissāya pabbajjā”ti (a. ni. 4.27; itivu. 101) vacanato nissayānurūpapaṭipattisabbhāvo, dutiye ariyavaṃse paṭiṭṭhānaṃ, aparāyattavuttitā, “appāni ceva sulabhāni ca tāni ca anavajjāni”ti bhagavatā saṃvaṇṇitapaccayatā, kosajjanimmaddanātā, parisuddhājīvatā, sekhiyapaṭipattipūraṇaṃ, aparapositā, parānuggahakiriya, mānappahānaṃ, rasataṇhānivāraṇaṃ, gaṇabhojanaparamparabhojanacārittasikkhāpadehi anāpattitā, appicchatādīnaṃ anulomavuttitā, sammāpaṭipattibrūhanaṃ, pacchimajjanatānukampananti.

Piṇḍiyālopasantuṭṭho, aparāyattajīviko;
Pahīnāhāraloluppo, hoti cātuddiso yati.

Vinodayati kosajjaṃ, ājīvassa visujjhati;
Tasmā hi nātimaññeyya, bhikkhācariyāya sumedhaso.

Evarūpassa hi –

“Piṇḍapātikassa bhikkhuno,
Attabharassa anaññaposino;
Devāpi pihayanti tādino,
No ce lābhasilokanissito”ti.

Ayaṃ piṇḍapātikaṅge samādānavidhānappabhedabhedānisamaṃsavaṇṇanā.

4. Sapadānacārikaṅgakathā

27. Sapadānacārikaṅgampi “loluppacāraṃ paṭikkhipāmi, sapadānacārikaṅgaṃ samādiyāmi”ti imesaṃ aññataravacanena samādinnaṃ hoti.

Tena pana sapadānacārikena gāmadvāre ṭhatvā parissayābhāvo sallakkhetabbo. Yassā racchāya vā gāme vā parissayo hoti, taṃ pahāya aññattha carituṃ vaṭṭati. Yasmiṃ gharadvāre vā racchāya vā gāme vā kiñci na labhati, agāmasaññaṃ katvā gantabbaṃ. Yattha kiñci labhati, taṃ pahāya gantuṃ na vaṭṭati. Iminā ca bhikkhunā kālataraṃ pavisitabbaṃ, evañhi aphāsukaṭṭhānaṃ pahāya aññattha gantuṃ sakkhissati. Sace panassa vihāre dānaṃ dentā antarāmagge vā āgacchantā manussā pattaṃ gahetvā piṇḍapātaṃ denti vaṭṭati. Iminā ca maggaṃ gacchantenāpi bhikkhācāraṇelāyaṃ sampattagāmaṃ anattikkamitvā caritabbameva. Tattha alabhivā vā thokaṃ labhitvā vā gāmapaṭipāṭiyā caritabbanti idamassa **vidhānaṃ**.

Pabhedato pana ayampi tividho hoti. Tattha **ukkaṭṭho** purato āhaṭabhikkhampi pacchato āhaṭabhikkhampi paṭikkamaṇaṃ āharitvā diyyamānampi na gaṇhati, pattadvāre pana pattaṃ vissajjati. Imasmiñhi dhutaṅge mahākassapattherena sadiso nāma natthi. Tassapi pattavissatṭhaṭṭhānameva paññāyati. **Majjhimo** purato vā pacchato vā āhaṭampi paṭikkamaṇaṃ āhaṭampi gaṇhati, pattadvārepi pattaṃ vissajjati, na pana bhikkhaṃ āgamayamāno nisīdati. Evaṃ so ukkaṭṭhapiṇḍapātikassa anulometi. **Muduko** taṃ divasaṃ nisīditvā āgāmeti.

Imesaṃ pana tiṇṇampi loluppacāre uppannamatte dhutaṅgaṃ bhijjati. Ayamettha **bhedo**.

Ayaṃ panānisamaṃso, kulesu niccānavakatā, candūpamatā, kulamaccherappahānaṃ, samānukampitā, kulūpakādīnavābhāvo, avhānānabhinandanā, abhihārena anattikkatā, appicchatādīnaṃ anulomavuttitāti.

Candūpamo niccanavo kulesu,
Amaccharī sabbasamānukampo;
Kulūpakādīnavavippamutto,
Hotīdha bhikkhu sapaḍānacārī.

Loluppacārañca pahāya tasmā,
Okkhittacakkhu yugamattadassī;
Ākañkhamāno bhuvī sericāraṃ,
Careyya dhīro sapaḍānacāranti.

Ayaṃ sapaḍānacārikaṅge samāḍānavidhānappabhedabhedānisamsavaṇṇanā.

5. Ekāsanikaṅgakathā

28. Ekāsanikaṅgampi “nānāsanabhojanaṃ paṭikkhipāmi, ekāsanikaṅgaṃ samādiyāmi”ti imesaṃ aññataravacanena samādinnaṃ hoti.

Tena pana ekāsanikena āsanasālāyaṃ nisīdantena therāsane anisīditvā “idaṃ mayhaṃ pāpuñissatī”ti patirūpaṃ āsanaṃ sallakkhetvā nisīditabbaṃ. Sacassa vippakate bhojane ācariyo vā upajjhāyo vā āgacchati, uṭṭhāya vattaṃ kātuṃ vaṭṭati. Tipiṭakacūḷābhayaṭṭhena panāha “āsanaṃ vā rakkheyya bhojanaṃ vā, ayañca vippakatabhojano, tasmā vattaṃ karotu, bhojanaṃ pana mā bhuñjatū”ti. Idamassa **vidhānaṃ**.

Pabhedato pana ayampi tividho hoti. Tattha **ukkaṭṭho** appaṃ vā hotu bahu vā, yamhi bhojane hatthaṃ otāreti, tato aññaṃ gaṇhituṃ na labhati. Sacepi manussā “therena na kiñci bhutta”nti sappiādīni āharanti, bhesajjatthameva vaṭṭanti, na āhāratthaṃ. **Majjhimo** yāva patte bhattaṃ na khīyati, tāva aññaṃ gaṇhituṃ labhati. Ayañhi bhojanapariyantiko nāma hoti. **Muduko** yāva āsanā na vuṭṭhāti tāva bhuñjituṃ labhati. So hi udakapariyantiko vā hoti yāva pattadhovanaṃ na gaṇhāti tāva bhuñjanato, āsanapariyantiko vā yāva na vuṭṭhāti tāva bhuñjanato.

Imesaṃ pana tiṇṇampi nānāsanabhojanaṃ bhuttakkhaṇe dhutaṅgaṃ bhijjati. Ayamettha **bhedo**.

Ayaṃ panānisamsa, appābādhatā, appātānkatā, lahuṭṭhānaṃ, balaṃ, phāsuvihāro, anatirittapaccayā anāpatti, rasataṇhāvīnodanaṃ appicchatādīnaṃ anulomavuttitāti.

Ekāsanabhojane rataṃ,
Na yatīṃ bhojanapaccayā rujā;
Visahanti rase alolupo,
Parihāpeti na kammamattano.

Iti phāsuvihārakāraṇe,
Sucisallekharatūpasevite;
Janayetha visuddhamānaso,
Ratimekāsanabhojane yatīti.

Ayaṃ ekāsanikaṅge samāḍānavidhānappabhedabhedānisamsavaṇṇanā.

6. Pattapiṇḍikaṅgakathā

29. Pattapiṇḍikaṅgampi “dutiyaḥabhājanaṃ paṭikkhipāmi, pattapiṇḍikaṅgaṃ samādiyāmi”ti imesaṃ aññataravacanena samādinnaṃ hoti.

Tena pana pattapiṇḍikena yāgupānakāle bhājane ṭhapetvā byañjane laddhe byañjanaṃ vā paṭhamamaṃ khāditabbaṃ, yāgu vā pātabbā. Sace pana yāguyaṃ pakkhipati, pūtimacchakādīmi byañjane pakkhitte yāgu paṭikūlā hoti, appaṭikūlameva ca katvā bhuñjituṃ vaṭṭati. Tasmā tathārūpaṃ byañjanaṃ sandhāya idaṃ vuttaṃ. Yaṃ pana madhusakkarādikaṃ appaṭikūlaṃ hoti, taṃ pakkhipitabbaṃ. Gaṇhantena ca pamāṇayuttameva gaṇhitabbaṃ. Āmakasākaṃ hatthena gaṇetvā khādituṃ vaṭṭati. Tathā pana akatvā patteyeva pakkhipitabbaṃ. Dutiyaḥabhājanassa pana paṭikkhittatā aññaṃ rukkhapaṇṇampi na vaṭṭatīti idamassa **vidhānaṃ**.

Pabhedato pana ayampi tividho hoti. Tattha **ukkaṭṭhassa** aññatra ucchukhādanakālā kacavarampi chaḍḍetuṃ na vaṭṭati. Odanapiṇḍamacchamaṃsapūvepi bhinditvā khādituṃ na vaṭṭati. **Majjhimassa** ekena hatthena bhinditvā khādituṃ vaṭṭati, hatthayogī nāmesa. **Muduko** pana pattayogī nāma hoti, tassa yaṃ sakkā hoti patte pakkhipituṃ, taṃ sabbaṃ hatthena vā dantehi vā bhinditvā khādituṃ vaṭṭati.

Imesaṃ pana tiṇṇampi dutiyakabhājanam sādittakkhaṇe dhutaṅgam bhijjati. Ayamettha **bhedo**.

Ayam panānisaṃso, nānārasataṅghāvinodanam. Atricchatāya pahānam, āhāre payojanamattadassitā, thālakādīpariharaṅghedābhāvo, avikkhittabhojita, appicchatādīnam anulomavuttitāti.

Nānābhājanavikkhepaṃ, hitvā okkhittalocano;
Khaṇanto viya mūlāni, rasataṅghāya subbato.

Sarūpaṃ viya santuṭṭhiṃ, dhārayanto sumānaso;
Paribhuñjeyya āhāraṃ, ko añño pattapiṇḍikoti.

Ayam pattapiṇḍikaṅge samādānavidhānappabhedabhedānisaṃsavaṇṇanā.

7. Khalupacchābhattikaṅgakathā

30. Khalupacchābhattikaṅgampi “atirittabhojanam paṭikkhipāmi, khalupacchābhattikaṅgam samādiyāmī”ti imesaṃ aññataravacanena samādinnaṃ hoti.

Tena pana khalupacchābhattikena pavāretvā puna bhojanam kappiyam kāretvā na bhuñjitabbaṃ. Idamassa **vidhānam**.

Pabhedato pana ayampi tividho hoti. Tattha **ukkaṭṭho** yasmā paṭhamapiṇḍe pavāraṇā nāma natthi, tasmim̐ pana ajjhohariyamāne aññaṃ paṭikkhipato hoti, tasmā evaṃ pavārito paṭhamapiṇḍam ajjhoharivā dutiyapiṇḍam na bhuñjati. **Majjhimo** yasmim̐ bhojane pavārito, tadeva bhuñjati. **Muduko** pana yāva āsanā na vuṭṭhāti tāva bhuñjati.

Imesaṃ pana tiṇṇampi pavāritānam kappiyam kārapetvā bhuttakkhaṇe dhutaṅgam bhijjati. Ayamettha **bhedo**.

Ayam panānisaṃso, anatirittabhojanāpattiyā dūrabhāvo, odarikattābhāvo, nirāmisasannidhitā, puna pariyesanāya abhāvo, appicchatādīnam anulomavuttitāti.

Pariyesanāya khedaṃ, na yāti na karoti sannidhiṃ dhīro;
Odarikattaṃ pajahati, khalupacchābhattiko yogī.

Tasmā sugatapasattham, santosaguṇādivuddhisañjananam;
Dose vidhunitukāmo, bhajeyya yogī dhutaṅgamidanti.

Ayam khalupacchābhattikaṅge samādānavidhānappabhedabhedānisaṃsavaṇṇanā.

8. Āraññikaṅgakathā

31. Āraññikaṅgampi “gāmantasenāsanam paṭikkhipāmi, āraññikaṅgam samādiyāmī”ti imesaṃ aññataravacanena samādinnaṃ hoti.

Tena pana āraññikena gāmantasenāsanam pahāya araññe aruṇam uṭṭhāpetabbaṃ. Tattha saddhiṃ upacārena gāmo yeva **gāmantasenāsanam**.

Gāmo nāma yo koci ekakuṭiko vā anekakuṭiko vā parikkhitto vā aparikkhitto vā samanusso vā amanusso vā antamaso atirekacātumāsanivṭṭho yo koci satthopi.

Gāmūpacāro nāma parikkhittassa gāmassa sace anurādhapurasseva dve indakhīlā honti, abhantarime indakhīle ṭhitassa thāmamajjhimassa purisassa leḍḍupāto. Tassa lakkhaṇam yathā taruṇamanussā attano balaṃ dassentā bāham pasāretvā leḍḍum khipanti, evaṃ khittassa leḍḍussa patanaṭṭhānabbhantaranti vinayadharā. Suttantikā pana kākanivāraṇānyamena khittassāti vadanti. Aparikkhittagāme yaṃ sabbapaccantimassa gharassa dvāre ṭhito mātugāmo bhājanena udakaṃ chaḍḍeti, tassa patanaṭṭhānam gharūpacāro. Tato vuttanayena eko leḍḍupāto gāmo, dutiyo gāmūpacāro.

Araññaṃ pana vinayapariyāye tāva “ṭhapetvā gāmañca gāmūpacārañca sabbametaṃ arañña”nti (pārā. 92) vuttaṃ. Abhidhammapariyāye “nikkhamitvā bahi indakhīlā, sabbametaṃ arañña”nti (vibha. 529) vuttaṃ. Imasmim̐ pana suttantikapariyāye “āraññakam nāma senāsanam pañcadhanusatikam pacchima”nti idaṃ lakkhaṇam. Taṃ āropitena ācariyadhanunā parikkhittassa gāmassa indakhīlato aparikkhittassa paṭhamaledḍupātato paṭṭhāya yāva vihāraparikkhepā minitvā vavatthapetabbaṃ.

Sace pana vihāro aparikkhitto hoti, yaṃ sabbapaṭhamam senāsanam vā bhattasālā vā dhuvasannipātattānaṃ vā bodhi vā

cetiyaṃ vā dūre cepi senāsanato hoti, taṃ paricchedaṃ katvā minitabbanti **vinayaṭṭhakathāsu** vuttaṃ.

Majjhimaṭṭhakathāyaṃ pana vihāressapi gāmasseva upacāraṃ nīharitvā ubhinnaṃ leḍḍupātānaṃ antarā minitabbanti vuttaṃ. Idamettha pamāṇaṃ.

Sacepi āsanne gāmo hoti, vihāre ṭhitehi mānusakānaṃ saddo suyayati, pabbatanadīdāhi pana antaritattā na sakkā ujum gantum. Yo tassa pakatimaggo hoti, sacepi nāvāya sañcaritabbo, tena maggena pañcadhanusatikaṃ gahetabbaṃ. Yo pana āsannagāmassa aṅgasampādanatthaṃ tato tato maggaṃ pidahati, ayaṃ dhutaṅgacoro hoti.

Sace pana āraññikassa bhikkhuno upajjhāyo vā ācariyo vā gilāno hoti, tena araññe sappāyaṃ alabhantena gāmantasenāsanāṃ netvā upaṭṭhātabbo. Kālasseva pana nikkhamitvā aṅgayuttaṭṭhāne aruṇaṃ uṭṭhāpetabbaṃ. Sace aruṇuṭṭhānavelāyaṃ tesam ābādho vaḍḍhanti, tesameva kiccaṃ kātābbaṃ. Na dhutaṅgasuddhikena bhavitabbanti idamassa **vidhānaṃ**.

Pabhedato pana ayampi tividho hoti. Tattha **ukkaṭṭhena** sabbakālaṃ araññe aruṇaṃ uṭṭhāpetabbaṃ. **Majjhimo** cattāro vassike māse gāmate vasitum labhati. **Muduko** hemantikepi.

Imesaṃ pana tiṇṇampi yathā paricchinne kāle araññato āgantvā gāmantasenāsane dhammassavanaṃ suṇantānaṃ aruṇe uṭṭhitepi dhutaṅgaṃ na bhijjati. Sutvā gacchantānaṃ antarāmagge uṭṭhitepi na bhijjati. Sace pana uṭṭhitepi dhammakathike muhuttaṃ nīpajjitvā gamissāmāti niddāyantānaṃ aruṇaṃ uṭṭhahati, attano vā ruciyā gāmantasenāsane aruṇaṃ uṭṭhapenti, dhutaṅgaṃ bhijjatīti ayamettha **bhedo**.

Ayaṃ panānisamso, āraññiko bhikkhu araññasaññaṃ manasikaronto bhabbo aladdhaṃ vā samādhiṃ paṭiladdhum laddhaṃ vā rakkhitum, satthāpissa attamano hoti. Yathāha – “tenāhaṃ, nāgita, tassa bhikkhuno attamano homi araññavihārenā”ti (a. ni. 6.42; 8.86). Pantasenāsanavāsino cassa asappāyarūpādayo cittaṃ na vikkhipanti, vigatasantāso hoti, jīvitānikantiṃ jahati, pavivekasukharasaṃ assādeti, paṃsukūlikādibhāvopi cassa patirūpo hotīti.

Pavivitto asaṃsaṭṭho, pantasenāsane rato;
Ārādhayanto nāthassa, vanavāsena mānasaṃ.

Eko araññe nivasam, yaṃ sukhaṃ labhate yati;
Rasaṃ tassa na vindanti, api devā saindakā.

Paṃsukūlañca esova, kavacaṃ viya dhārayam;
Araññasaṅgāmagato, avasesadhutāyudho.

Samattho nacirasseva, jetum mārāṃ savāhinim;
Tasmā araññavāsamhi, ratim kayirātha paṇḍitoti.

Ayaṃ āraññikaṅge samādānavidhānappabhedabhedānisamsavaṇṇanā.

9. Rukkhamūlikaṅgathā

32. Rukkhamūlikaṅgampi “channaṃ paṭikkhipāmi, rukkhamūlikaṅgaṃ samādiyāmī”ti imesaṃ aññataravacanena samādinnaṃ hoti.

Tena pana rukkhamūlikena sīmantarīkarukkhaṃ, cetiyarukkhaṃ, niyyāsarukkhaṃ, phalarukkhaṃ, vaggulirukkhaṃ, susirarukkhaṃ, vihāramajjhe ṭhitarukkhaṃ ime rukkhe vivajjetvā vihārapaccante ṭhitarukkho gahetabboti idamassa **vidhānaṃ**.

Pabhedato pana ayampi tividho hoti. Tattha **ukkaṭṭho** yathārucitaṃ rukkhaṃ gahetvā paṭijaggāpetum na labhati. Pādena paṇṇasaṭaṃ apanetvā vasitabbaṃ. **Majjhimo** taṃ thānaṃ sampattehiyeva paṭijaggāpetum labhati. **Mudukena** āramikasamaṇuddese pakkosītva sodhāpetvā samaṃ kārāpetvā vālukaṃ okirāpetvā pākāraparikkhepaṃ kārāpetvā dvāraṃ yoḷāpetvā vasitabbaṃ. Mahadivase pana rukkhamūlikena tattha anisīditvā aññattha paṭicchane thāne nisīditabbaṃ.

Imesaṃ pana tiṇṇampi channe vāsaṃ kappitakkhaṇe dhutaṅgaṃ bhijjati. Jānitvā channe aruṇaṃ uṭṭhāpitamatteti **aṅguttarabhāṅakā**. Ayamettha **bhedo**.

Ayaṃ panānisamso, rukkhamūlasenāsanāṃ nissāya pabbajjāti (mahāva. 128) vacanato nissayānurūpapaṭipattisabbhāvo, appāni ceva sulabhāni ca tāni ca anavajjānīti (a. ni. 4.27; itivu. 101) bhagavatā saṃvaṇṇitapaccayatā, abhinhaṃ tarupaṇṇavikāradassanena aniccasaññāsamuṭṭhāpanatā, senāsanamaccherakammārāmatānaṃ abhāvo, devatāhi sahvāsītā, appicchatādīnaṃ anulomavuttitāti.

Vaṇṇito buddhaseṭṭhena, nissayoti ca bhāsito;

Nivāso pavivittassa, rukkhamūlasamo kuto.

Āvāsamaccherahare, devatā paripālite;
Pavivitte vasanto hi, rukkhamūlamhi subbato.

Abhirattāni nīlāni, paṇḍūni patitāni ca;
Passanto tarupaṇṇāni, niccasaññaṃ panūdati.

Tasmā hi buddhadāyajjaṃ, bhāvanābhiraṭālayaṃ;
Vivittaṃ nātimaññeya, rukkhamūlaṃ vicakkaṇoti.

Ayaṃ rukkhamūlikaṅge samādānavidhānappabhedabhedānisamsavaṇṇanā.

10. Abbhokāsikaṅgathā

33. Abbhokāsikaṅgampi “channañca rukkhamūlañca paṭikkhipāmi, abbhokāsikaṅgaṃ samādiyāmī”ti imesaṃ aññataravacanena samādinnaṃ hoti.

Tassa pana abbhokāsikassa dhammassavanāya vā uposathatthāya vā uposathāgāraṃ pavisitum vaṭṭati. Sace pavittassa devo vassati, deve vassamāne anikkhamitvā vassūparame nikkhamitabbaṃ. Bhojanasālaṃ vā aggisālaṃ vā pavisitvā vattaṃ kātuṃ, bhojanasālāya there bhikkhū bhattena āpucchitum, uddisanta vā uddisāpentena vā channaṃ pavisitum, bahi dunnikkhittāni mañcapīṭhādīni anto pavesetuñca vaṭṭati. Sace maggaṃ gacchantena vuḍḍhatarānaṃ parikkhāro gahito hoti, deve vassante maggamajjhe thitaṃ sālāṃ pavisitum vaṭṭati. Sace na kiñci gahitaṃ hoti, sālāya ṭhassāmīti vegena gantum na vaṭṭati. Pakatigatiyā gantvā pavittathena pana yāva vassūparamā thātvā gantabbanti idamassa **vidhānaṃ. Rukkhamūlikassāpi** eseva nayo.

Pabhedato pana ayampi tividho hoti. Tattha **ukkaṭṭhassa** rukkhaṃ vā pabbataṃ vā gehaṃ vā upanissāya vasitum na vaṭṭati. Abbhokāseyeva cīvarakuṭim katvā vasitabbaṃ. **Majjhimassa** rukkhapabbatagehāni upanissāya anto appavisitvā vasitum vaṭṭati. **Mudukassa** acchannamariyādaṃ pabbhāraṃpi sākhaṃaṇḍapopi pīṭhapaṭopi khettarakkhakādīhi chaḍḍitā tatraṭṭhakakuṭikāpi vaṭṭatīti.

Imesaṃ pana tiṇṇampi vāsathāya channaṃ vā rukkhamūlaṃ vā pavittakkhaṇe dhutaṅgaṃ bhijjati. Jānitvā tattha aruṇaṃ utṭhāpitamatteti aṅguttarabhāṇakā. Ayamettha **bhedo**.

Ayaṃ panānisamso, āvāsapalibodhupacchedo, thinamiddhapanūdanaṃ, “migā viya asaṅgacārino, aniketā viharanti bhikkhavo”ti (sam. ni. 1.224) pasamsāya anurūpatā, nissaṅgatā, cātuddisatā, appicchatādīnaṃ anulomavuttitāti.

Anagāriyabhāvassa, anurūpe adullabhe;
Tārāmaṇivītanamhi, candadīpappabhāsīte.

Abbhokāse vasaṃ bhikkhu, migabhūtena cetasā;
Thinamiddhaṃ vinodetvā, bhāvanārāmatam sito.

Pavivekarasassādaṃ, nacirasseva vindati;
Yasmā tasmā hi sappañño, abbhokāsarato siyāti.

Ayaṃ abbhokāsikaṅge samādānavidhānappabhedabhedānisamsavaṇṇanā.

11. Sosānikaṅgathā

34. Sosānikaṅgampi “na susānaṃ paṭikkhipāmi, sosānikaṅgaṃ samādiyāmī”ti imesaṃ aññataravacanena samādinnaṃ hoti.

Tena pana sosānikaṅgaṃ yaṃ manussā gāmaṃ nivesantā “idaṃ susāna”nti vavattapenti, na tattha vasitabbaṃ. Na hi matasarīre ajjhāpīte taṃ susānaṃ nāma hoti, jhāpitakālato pana paṭṭhāya sacepi dvādasavassāni chaḍḍitaṃ, taṃ susānameva.

Tasmiṃ pana vasantena caṅkamaṇḍapādīni kāretvā mañcapīṭhaṃ paññāpetvā pānīyaparibhojanīyaṃ upaṭṭhāpetvā dhammaṃ vācentena na vasitabbaṃ. Garukaṃ hi idaṃ dhutaṅgaṃ, tasmā uppannaparissayavighātathāya saṅghattheraṃ vā rājayuttakaṃ vā jānāpetvā appamattena vasitabbaṃ. Caṅkamantena addhakkhikena ālāhanaṃ olokentena caṅkamitabbaṃ.

Susānaṃ gacchantenāpi mahāpathā ukkamma uppathamaggena gantabbaṃ. Divāyeva ārammaṇaṃ vavattapetabbaṃ.

Evañhissa taṃ rattim bhayānaṃ na bhavissati, amanussā rattim viravitvā viravitvā āhiṇḍantāpi na kenaci paharitabbā. Ekadivasampi susānaṃ agantaṃ na vaṭṭati. Majjhimaṃ susāne khepetvā pacchimayāme paṭikkamituṃ vaṭṭatī aṅguttarabhāṇakā. Amanussānaṃ piyaṃ tilapiṭṭhamāsabhattamacchamaṃsakhīratelaguḷādikhajjabhojjaṃ na sevitabbaṃ. Kulagehaṃ na pavisitabbanti idamassa **vidhānaṃ**.

Pabhedato pana ayampi tividho hoti. Tattha **ukkaṭṭhena** yattha dhuvaḍāhadhuvakuṇapadhuvarodanāni atthi, tattheva vasitabbaṃ. **Majjhimassa** tīsu ekasmimpi sati vaṭṭati. **Mudukassa** vuttanayena susānalakkhaṇaṃ pattamatte vaṭṭati.

Imesaṃ pana tiṇṇampi na susānaṃhi vāsaṃ kappanena dhutaṅgaṃ bhijjati. Susānaṃ agatadivaseti aṅguttarabhāṇakā. Ayamettha **bhedo**.

Ayaṃ panānisamso maraṇassatipaṭilābho, appamādavihāritā, asubhanimittādhigamo, kāmarāgavinodanaṃ, abhiṇṇaṃ kāyasabhāvadassanaṃ, saṃvegabahulatā ārogyamadāpāhānaṃ, bhayabheravasāhanatā, amanussānaṃ garubhāvanīyatā, appicchatādīnaṃ anulomavuttitāti.

Sosānikañhi maraṇānusatippabhāvā,
Niddāgatampi na phusanti pamādadosa;
Sampassato ca kuṇapāni bahūni tassa,
Kāmānubhāvavasagampi na hoti cittaṃ.

Saṃvegameti vipulaṃ na madaṃ upeti,
Sammā atho ghaṭati nibbutimesamāno;
Sosānikaṅgamitinekaḡuṇāvahattā,
Nibbānaninnahadayena nisevitabbanti.

Ayaṃ sosānikaṅge samādānavidhānappabhedabhedānisamsavaṇṇanā.

12. Yathāsanthatikaṅgakathā

35. Yathāsanthatikaṅgampi “senāsanaloluppaṃ paṭikkhipāmi, yathāsanthatikaṅgaṃ samādiyāmi” ti imesaṃ aññataravacanena samādinnaṃ hoti.

Tena pana yathāsanthatikena yadassa senāsanaṃ “idaṃ tuyhaṃ pāpuṇāti” ti gāhitaṃ hoti, teneva tuṭṭhabbaṃ, na añño uṭṭhāpetabbo. Idamassa **vidhānaṃ**.

Pabhedato pana ayampi tividho hoti. Tattha **ukkaṭṭho** attano pattasenāsanaṃ dūreti vā accāsanneti vā amanussadīghajātikādīhi upaddutanti vā uṇhanti vā sītalanti vā pucchituṃ na labhati. **Majjhimo** pucchituṃ labhati. Gantvā pana oloketuṃ na labhati. **Muduko** gantvā oloketvā sacassa taṃ na rucati, aññaṃ gahetuṃ labhati.

Imesaṃ pana tiṇṇampi senāsanaloluppe uppannamatte dhutaṅgaṃ bhijjati ayamettha **bhedo**.

Ayaṃ panānisamso, “yaṃ laddhaṃ tena tuṭṭhabba” nti (jā. 1.1.136; pāci. 793) vuttovādakaraṇaṃ, sabrahmacārīnaṃ hitesitā, hīnapaṇītavikappapariccāgo, anurodhavirodhappahānaṃ, atricchatāya dvārapidhanaṃ, appicchatādīnaṃ anulomavuttitāti.

Yaṃ laddhaṃ tena santuṭṭho, yathāsanthatiko yati;
Nibbikappo sukhaṃ seti, tiṇṇasantharakesupi.

Na so rajjati seṭṭhamhi, hīnaṃ laddhā na kuppati;
Sabrahmacārīnavake, hitena anukampati.

Tasmā ariyasatāciṇṇaṃ, munipuṅgavavaṇṇitaṃ;
Anuyuṇjetha medhāvī, yathāsanthatarāmatanti.

Ayaṃ yathāsanthatikaṅge samādānavidhānappabhedabhedānisamsavaṇṇanā.

13. Nesajjikaṅgakathā

36. Nesajjikaṅgampi “seyyaṃ paṭikkhipāmi, nesajjikaṅgaṃ samādiyāmi” ti imesaṃ aññataravacanena samādinnaṃ hoti.

Tena pana nesajjikenā rattiyā tīsu yāmesu ekaṃ yāmaṃ uṭṭhāya caṅkamitabbaṃ. Iriyāpathesu hi nipajjitumeva na vaṭṭati.

Idamassa **vidhānaṃ**.

Pabhedato pana ayampi tividho hoti. Tattha **ukkaṭṭhassa** neva apassenam, na dussapallatthikā, na āyogapaṭṭo vaṭṭati. **Majjhimassa** imesu tīsu yaṃkiñci vaṭṭati. **Mudukassa** apassenampi dussapallatthikāpi āyogapaṭṭopi bibbohanampi pañcaṅgopi sattaṅgopi vaṭṭati. Pañcaṅgo pana piṭṭhiapassayena saddhiṃ kato. Sattaṅgo nāma piṭṭhiapassayena ca ubhatopassesu apassayehi ca saddhiṃ kato. Taṃ kira miḷābhayattherassa akaṃsu. Thero anāgāmī hutvā parinibbāyi.

Imesaṃ pana tiṇṇampi seyyaṃ kappitamatte dhutaṅgaṃ bhijjati. Ayamettha **bhedo**.

Ayaṃ panānisamso, “seyyasukhaṃ passasukhaṃ middhasukhaṃ anuyutto viharatī”ti (dī. ni. 3.320; ma. ni. 1.186) vuttassa cetaso vinibandhassa upacchedanaṃ, sabbakammaṭṭhānānuyogasappāyatā, pāsādikairiyāpathatā, vīriyārambhānukūlatā, sammāpaṭipattiyā anubrūhananti.

Ābhujitvāna pallaṅkaṃ, pañidhāya ujum tanum;
Nisīdanto vikampeti, mārasa hadayaṃ yati.

Seyyasukhaṃ middhasukhaṃ, hitvā āraddhavīriyo;
Nisajjābhirato bhikkhu, sobhayaṃ tapovanam.

Nirāmisam pītisukhaṃ, yasmā samadhigacchati;
Tasmā samanuyuñjeyya, dhīro nesajjikaṃ vatanti.

Ayaṃ nesajjikaṅge samādāna vidhānappabheda bhedānisamsavaṇṇanā.

Dhutaṅgapakiṇṇakakathā

37. Idāni –

Kusalattikato ceva, dhutādīnaṃ vibhāgato;
Samāsabyāsato cāpi, viññātabbo vinicchayoti. –

Imissā gāthāya vasena vaṇṇanā hoti.

Tattha **kusalattikatoti** sabbāneva hi dhutaṅgāni sekkhaputhujjanakhīṇāsavānaṃ vasena siyā kusalāni, siyā abyākatāni, natthi dhutaṅgaṃ akusalanti.

Yo pana vadeyya “pāpiccho icchāpakato āraññiko hotīti ādivacanato (a. ni. 5.181; pari. 325) akusalampi dhutaṅga”nti. So vattabbo – na mayaṃ “akusalacittena araññe na vasatī”ti vadāma. Yassa hi araññe nivāso, so āraññiko. So ca pāpiccho vā bhavēyya appiccho vā. Imāni pana tena tena samādānena dhutakilesatā dhutassa bhikkhuno aṅgāni, kilesadhunanato vā dhutanti laddhavohāraṃ nīnaṃ aṅgametesanti dhutaṅgāni. Atha vā dhutāni ca tāni paṭipakkhaniddhunanato aṅgāni ca paṭipattiyātipi dhutaṅgānīti vuttaṃ. Na ca akusalena koci dhuto nāma hoti, yassetāni aṅgāni bhavēyyuṃ, na ca akusalaṃ kiñci dhunāti, yesaṃ taṃ aṅgantikatvā dhutaṅgānīti vucceyyuṃ. Nāpi akusalaṃ cīvaraloluppādīni ceva niddhunāti paṭipattiyā ca aṅgaṃ hoti. Tasmā suvuttamidaṃ “natthi akusalaṃ dhutaṅga”nti.

“Yesampi kusalattikavinimuttaṃ dhutaṅgaṃ, tesam atthato dhutaṅgameva natthi. Asantaṃ kassa dhunanato dhutaṅgaṃ nāma bhavissati. Dhutaguṇe samādāya vattatīti vacanavirodhopi ca nesaṃ āpajjati, tasmā taṃ na gahetabba”nti ayaṃ tāva kusalattikato vaṇṇanā.

Dhutādīnaṃ vibhāgatoti dhuto veditabbo. Dhutavādo veditabbo. Dhutadhammā veditabbā. Dhutaṅgāni veditabbāni. Kassa dhutaṅgasevanā sappāyāti veditabbaṃ.

Tattha **dhutoti** dhutakilesa vā puggalo kilesadhunano vā dhammo.

Dhutavādoti ettha pana atthi dhuto na dhutavādo, atthi na dhuto dhutavādo, atthi neva dhuto na dhutavādo, atthi dhuto ceva dhutavādo ca.

Tattha yo dhutaṅgena attano kilese dhuni, paraṃ pana dhutaṅgena na ovadati, nānusāsati bākulatthero viya, ayaṃ dhuto na dhutavādo. Yathāha, “tayidaṃ āyasmā bākulo dhuto na dhutavādo”ti. Yo pana na dhutaṅgena attano kilese dhuni, kevalaṃ aṅgāni dhutaṅgena ovadati anusāsati upanandatthero viya, ayaṃ na dhuto dhutavādo. Yathāha, “tayidaṃ āyasmā upanando sakyaputto na dhuto dhutavādo”ti. Yo ubhayavipanno lāḷudāyī viya, ayaṃ neva dhuto na dhutavādo. Yathāha, “tayidaṃ āyasmā lāḷudāyī neva dhuto na dhutavādo”ti. Yo pana ubhayasampanno dhammasenāpati viya, ayaṃ dhuto ceva dhutavādo ca. Yathāha, “tayidaṃ āyasmā sārīputto dhuto ceva dhutavādo cāti.

Dhutadhammā veditabbāti appicchatā, santuṭṭhitā, sallekhatā, pavivekatā, idamatthitāti ime dhutaṅgacetaṇāya parivārakā pañca dhammā “appicchatameva nissāyā”tiādivacanato (a. ni. 5.181; pari. 325) dhutadhammā nāma, tattha appicchatā ca santuṭṭhitā ca alobho. Sallekhatā ca pavivekatā ca dvīsu dhammesu anupatanti alobhe ca amohe ca. Idamatthitā ñāṇameva. Tattha ca alobhena paṭikkhepavattḥūsu lobhaṃ, amohena tesveva ādīnavapaṭicchādakaṃ mohaṃ dhunāti. Alobhena ca anuññātānaṃ paṭisevanamukhena pavattaṃ kāmasukhānuyogaṃ, amohena dhutaṅgesu atisallekhamukhena pavattaṃ attakilamathānuyogaṃ dhunāti. Tasmā ime dhammā dhutadhammāti veditabbā.

Dhutaṅgāni veditabbānīti terasa dhutaṅgāni veditabbāni paṃsukūlikaṅgaṃ...pe... nesajjikaṅganti. Tāni atthato lakkhaṇādīhi ca vuttāneva.

Kassa dhutaṅgasevanā sappāyāti rāgacaritassa ceva mohacaritassa ca. Kasmā? Dhutaṅgasevanā hi dukkhāpaṭipadā ceva sallekhavīhāro ca. Dukkāpaṭipadañca nissāya rāgo vūpasammati. Sallekhaṃ nissāya appamattassa moho pahīyati. Āraññikaṅgarukkhamūlikaṅgapaṭisevanā vā ettha dosacaritassāpi sappāyā. Tattha hissa asaṅghaṭṭiyamānassa vīharato dosopi vūpasammatīti ayaṃ dhutādīnaṃ vibhāgato vaṇṇanā.

Samāsabyāsatoti imāni pana dhutaṅgāni **samāsato** tīṇi sīsāṅgāni, pañca asambhinnaṅgānīti aṭṭheva honti. Tattha sapaḍānacārikaṅgaṃ, ekāsanikaṅgaṃ, abbhokāsikaṅganti imāni tīṇi sīsāṅgāni. Sapaḍānacārikaṅgañhi rakkhanto piṇḍapātikaṅgampi rakkhissati. Ekāsanikaṅgañca rakkhato pattapiṇḍikaṅgakhalupacchābhattikaṅgāni surakkhanīyāni bhavissanti. Abbhokāsikaṅgaṃ rakkhantassa kiṃ atthi rukkhamūlikaṅgayathāsanthatikaṅgesu rakkhitabbaṃ nāma. Iti imāni tīṇi sīsāṅgāni, araññikaṅgaṃ, paṃsukūlikaṅgaṃ, tecīvarikaṅgaṃ, nesajjikaṅgaṃ, sosānikaṅganti imāni pañca asambhinnaṅgāni cāti aṭṭheva honti.

Puna dve cīvarapaṭisaṃyuttāni, pañca piṇḍapāṭisaṃyuttāni, pañca senāsanapaṭisaṃyuttāni, ekaṃ vīriyapaṭisaṃyuttanti evaṃ cattārova honti. Tattha nesajjikaṅgaṃ vīriyapaṭisaṃyuttaṃ. Itarāni pākāṭāneva.

Puna sabbāneva nissayavasena dve honti paccayanissitāni dvādasa, vīriyanissitaṃ ekanti. Sevittabbāsevitabbavasenapi dveveva honti. Yassa hi dhutaṅgaṃ sevantassa kammaṭṭhānaṃ vaḍḍhati, tena sevittabbāni. Yassa sevato hāyati, tena na sevittabbāni. Yassa pana sevatoṇi asevatopi vaḍḍhateva, na hāyati, tenāpi pacchimaṃ janataṃ anukampantena sevittabbāni. Yassāpi sevatoṇi asevatopi na vaḍḍhati, tenāpi sevittabbāniyeva āyatim vāsantatthāyāti.

Evaṃ sevittabbāsevitabbavasena duvidhānīpi sabbāneva cetanāvasena ekavidhāni honti. Ekameva hi dhutaṅgaṃ samādānacetaṇāti. Aṭṭhakathāyampi vuttaṃ “yā cetanā, taṃ dhutaṅganti vadanti”ti.

Byāsato pana bhikkhūnaṃ terasa, bhikkhunīnaṃ aṭṭha, sāmaṇerānaṃ dvādasa, sikkhamānasāmaṇerīnaṃ satta, upāsakaupāsikānaṃ dveti dvācattālīsa honti. Sace pana abbhokāse araññikaṅgasampannaṃ susānaṃ hoti, ekopi bhikkhu ekappahārena sabbadhutaṅgāni paribhuñjituṃ sakkoti. Bhikkhunīnaṃ pana araññikaṅgaṃ khalupacchābhattikaṅgañca dvepi sikkhāpadeneva paṭikkhittāni, abbhokāsikaṅgaṃ, rukkhamūlikaṅgaṃ, sosānikaṅganti imāni tīṇi dupparihārāni. Bhikkhunīyā hi dutiyikaṃ vinā vasituṃ na vaṭṭati. Evarūpe ca ṭhāne samānacchandaṃ dutiyikā dullabhā. Sacepi labheyya saṃsaṭṭhavihārato na mucceyya. Evaṃ sati yassatthāya dhutaṅgaṃ seveyya, svevassā attho na sampajjeyya. Evaṃ paribhuñjituṃ asakkuṇeyyatāya pañca hāpetvā bhikkhunīnaṃ aṭṭheva hontīti veditabbāni. Yathāvuttesu pana ṭhapetvā tecīvarikaṅgaṃ sesāni dvādasa sāmaṇerānaṃ, satta sikkhamānasāmaṇerīnaṃ veditabbāni. Upāsakaupāsikānaṃ pana ekāsanikaṅgaṃ, pattapiṇḍikaṅganti imāni dve patirūpāni ceva sakkā ca paribhuñjītuntī dve dhutaṅgānīti evaṃ byāsato dvecattālīsa hontīti ayaṃ samāsabyāsato vaṇṇanā.

Ettāvata ca “sīle patiṭṭhāya naro sapañño”ti imissā gāthāya sīlasamādhipaññāmukhena desite visuddhimagge yehi appicchatāsantuṭṭhitādīhi guṇehi vuttappakārassa sīlassa vodānaṃ hoti, tesam sampādanatthaṃ samādātābbadhutaṅgakathā bhāsītā hoti.

Iti sādhujanapāmojjatthāya kate visuddhimagge

Dhutaṅganiddeso nāma dutiyo paricchedo.

3. Kammaṭṭhānaggahaṇaniddeso

38. Idāni yasmā evaṃ dhutaṅgapariharāṇasampāditehi appicchatādīhi guṇehi pariyodāte imasmim sīle patiṭṭhitena “sīle patiṭṭhāya naro sapañño, cittaṃ paññañca bhāvaya”nti vacanato cittasīna niddiṭṭho samādhi bhāvetabbo. So ca atisaṅkhepadesitattā viññātumpi tāva na sukaro, pageva bhāvetuṃ, tasmā tassa vitthārañca bhāvanānayañca dassetuṃ idaṃ pañhākammaṃ hoti.

Ko samādhi? Kenaṭṭhena samādhi? Kānassa lakkhaṇarasapaccupaṭṭhānapadaṭṭhānāni? Katividho samādhi? Ko cassa saṃkilesa? Kiṃ vodānaṃ? Kathaṃ bhāvetabbo? Samādhibhāvanāya ko ānisaṃsoti?

Tatridaṃ vissajjanaṃ. **Ko samādhīti** samādhī bahuvidho nānappakāraḥ. Taṃ sabbam vibhāvayituṃ ārabhamānaṃ vissajjanaṃ adhippetāñceva atthaṃ na sādheyya, uttari ca vikkhepāya saṃvatteyya, tasmā idhādhippetameva sandhāya vadāma, kusalacittakaggatā samādhī.

Kenatthena samādhīti samādhānatthena samādhī. Kimidaṃ samādhānaṃ nāma? Ekārammaṇe cittacetasikānaṃ samaṃ sammā ca ādhānaṃ, tapananti vuttaṃ hoti. Tasmā yassa dhammassānubhāvena ekārammaṇe cittacetasikā samaṃ sammā ca avikkhipamānā avippakiṇṇā ca hutvā tiṭṭhanti, idaṃ samādhānanti veditabbaṃ.

Kānassa lakkhaṇarasapaccupaṭṭhānapadaṭṭhānānīti ettha pana avikkhepalakkhaṇo samādhī, vikkhepaviddhamaṇasaraso, avikampanapaccupaṭṭhāno. “Sukhino cittaṃ samādhīyatī”ti vacanato pana sukhamassa padaṭṭhānaṃ.

39. Katividho samādhīti avikkhepalakkhaṇena tāva ekavidho. Upacāraappanāvasena duvidho, tathā lokiyalokuttaravasena sappītikaniṭṭhikavasena sukhasahagataupekkhāsahagatavasena ca. Tividho hīnamajjhimaṇṭavāsena, tathā savitakkasavicārādivasena pītisahagatādivasena parittamahaggatappamāṇavasena ca. Catubbidho dukkhāpaṭipadādandhābhīññādivasena, tathā parittaparittārammaṇādivasena catujhānaṅgavasena hānabhāgiyādivasena kāmāvacarādivasena adhipativasena ca. Pañcavidho pañcakanaye pañcajhānaṅgavasena.

Samādhiekakadukavaṇṇanā

Tattha **ekavidhakoṭṭhāso** uttānatthoyeva. **Duvidhakoṭṭhāso** channaṃ anussatiṭṭhānaṃ maraṇassatiyā upasamānussatiyā āhāre paṭikūlasaññāya catudhātuvavattānassati imesaṃ vasena laddhacittakaggatā, yā ca appanāsamādhīnaṃ pubbhāge ekaggatā, ayaṃ **upacārasamādhī**. “Paṭhamassa jhānassa parikammaṃ paṭhamassa jhānassa anantarapaccayena paccayo”ti ādivacanato pana yā parikammānantarā ekaggatā, ayaṃ **appanāsamādhīti** evaṃ upacāraappanāvasena duvidho.

Dutiyaḍuke tīsu bhūmīsu kusalacittakaggatā lokiyo samādhī. Ariyamaggasampayuttā ekaggatā lokuttaro samādhīti evaṃ lokiyalokuttaravasena duvidho.

Tatiyaḍuke catukkanaye dvīsu pañcakanaye tīsu jhānesu ekaggatā sappītiko samādhī. Avasesesu dvīsu jhānesu ekaggatā nippītiko samādhī. Upacārasamādhī pana siyā sappītiko, siyā nippītikoti evaṃ sappītikaniṭṭhikavasena duvidho.

Catutthaduke catukkanaye tīsu pañcakanaye catīsu jhānesu ekaggatā sukhasahagato samādhī. Avasesasmim upekkhāsahagato samādhī. Upacārasamādhī pana siyā sukhasahagato, siyā upekkhāsahagatoti evaṃ sukhasahagataupekkhāsahagatavasena duvidho.

Samādhitikavaṇṇanā

Tikesu paṭhamattike paṭiladdhamatto hīno, nātiśubhāvito majjhimo, subhāvito vasippatto paṇṭoti evaṃ hīnamajjhimaṇṭavāsena tividho.

Dutiyaṭṭike paṭhamajjhānasamādhī saddhiṃ upacārasamādhīnā savitakkasavicāro. Pañcakanaye dutiyaṭṭhānasamādhī avitakkavicāramatto. Yo hi vitakkamatteyyeva ādīnaṃ disvā vicāre adisvā kevalaṃ vitakkappahānamattaṃ ākaṅkhamāno paṭhamajjhānaṃ atikkamati, so avitakkavicāramattaṃ samādhīṃ paṭilabhati. Taṃ sandhāyetaṃ vuttaṃ. Catukkanaye pana dutiyādivasena pañcakanaye tatiyādivasena tīsu jhānesu ekaggatā avitakkāvicāro samādhīti evaṃ savitakkasavicārādivasena tividho.

Tatiyaṭṭike catukkanaye ādito dvīsu pañcakanaye ca tīsu jhānesu ekaggatā pītisahagato samādhī. Tesveva tatiye ca catutthe ca jhāne ekaggatā sukhasahagato samādhī. Avasāne upekkhāsahagato. Upacārasamādhī pana pītisukhasahagato vā hoti upekkhāsahagato vāti evaṃ pītisahagatādivasena tividho.

Catutthattike upacārabhūmiyaṃ ekaggatā paritto samādhī. Rūpāvacarārūpāvacarakusale ekaggatā mahaggato samādhī. Ariyamaggasampayuttā ekaggatā appamāṇo samādhīti evaṃ parittamahaggatappamāṇavasena tividho.

Samādhicatukkavaṇṇanā

Catukkesu paṭhamacatukke atthi samādhī dukkhāpaṭipado dandhābhīñño, atthi dukkhāpaṭipado khippābhīñño, atthi sukhāpaṭipado dandhābhīñño, atthi sukhāpaṭipado khippābhīññoti.

Tattha paṭhamasamannāhārato paṭṭhāya yāva tassa tassa jhānassa upacāraṃ uppajjati, tāva pavattā samādhībhāvanā **paṭipadāti** vuccati. Upacārato pana paṭṭhāya yāva appanā, tāva pavattā paññā **abhiññāti** vuccati. Sā panesā paṭipadā ekaccassa dukkhā hoti, nīvaraṇādivipaccanīkadhammasamudācāragahaṇatāya kicchā asukhāsevanāti attho. Ekaccassa tadabhāvena sukhā. Abhiññāpi ekaccassa dandhā hoti mandā asīghappavatti. Ekaccassa khippā amandā sīghappavatti.

Tattha yāni parato sappāyāsappāyāni ca palibodhupacchedādāni pubbakiccāni ca appanākosallāni ca vaṇṇayissāma, tesu yo asappāyasevī hoti, tassa dukkhā paṭipadā dandhā ca abhiññā hoti. Sappāyasevino sukhā paṭipadā khippā ca abhiññā. Yo pana pubbabhāge asappāyaṃ sevitvā aparabhāge sappāyasevī hoti, pubbabhāge vā sappāyaṃ sevitvā aparabhāge asappāyasevī, tassa vomissakatā veditabbā. Tathā palibodhupacchedādikaṃ pubbakiccaṃ asampādetvā bhāvanamanuyuttassa dukkhā paṭipadā hoti. Vipariyāyena sukhā. Appanākosallāni pana asampādentassa dandhā abhiññā hoti. Sampādentassa khippā.

Apica taṇhāvijjāvasena samathavipassanādhikārasena cāpi etāsaṃ pabhedo veditabbo. Taṇhābhūtaṃ hi dukkhā paṭipadā hoti. Anabhūtaṃ hi sukhā. Avijjābhūtaṃ ca dandhā abhiññā hoti. Anabhūtaṃ khippā. Yo ca samathe akatādhikāro, tassa dukkhā paṭipadā hoti. Katādhikāraṃ sukhā. Yo pana vipassanāya akatādhikāro hoti, tassa dandhā abhiññā hoti, katādhikāraṃ khippā. Kilesindriyavasena cāpi etāsaṃ pabhedo veditabbo. Tibbakesassa hi mudindriyassa dukkhā paṭipadā hoti dandhā ca abhiññā, tikkhindriyassa pana khippā abhiññā. Mandakesassa ca mudindriyassa sukhā paṭipadā hoti dandhā ca abhiññā. Tikkhindriyassa pana khippā abhiññāti.

Iti imāsu paṭipadābhiññāsu yo puggalo dukkhāya paṭipadāya dandhāya ca abhiññāya samādhim pāpuṇāti, tassa so samādhī dukkhāpaṭipado dandhābhiññoti vuccati. Esa nayo sesattayepīti evaṃ dukkhāpaṭipadādandhābhiññādivasena catubbidho.

Dutiyacatukka atthi samādhī paritto parittārammaṇo, atthi paritto appamāṇārammaṇo, atthi appamāṇo parittārammaṇo, atthi appamāṇo appamāṇārammaṇoti. Tattha yo samādhī appaṇṇo uparijānassa paccayo bhavitum na sakkoti, ayaṃ paritto. Yo pana avaḍḍhite ārammaṇe pavatto, ayaṃ parittārammaṇo. Yo paṇṇo subhāvito, uparijānassa paccayo bhavitum sakkoti, ayaṃ appamāṇo. Yo ca vaḍḍhite ārammaṇe pavatto, ayaṃ appamāṇārammaṇo. Vuttalakkhaṇavomissatāya pana vomissakanayo veditabbo. Evaṃ parittaparittārammaṇādivasena catubbidho.

Tatthacatukka vikkhambhitanīvaraṇānaṃ vitakkavicārapīṭisukhasamādhīnaṃ vasena pañcaṅgikaṃ paṭhamāṃ jhānaṃ, tato vūpasantavitakkavicāraṃ tivaṅgikaṃ dutiyaṃ, tato virattapīṭikaṃ duvaṅgikaṃ tatiyaṃ, tato pahīnasukhaṃ upekkhāvedanāsahitassa samādhīno vasena duvaṅgikaṃ catutthaṃ. Iti imesaṃ catunnaṃ jhānaṃ aṅgabhūtā cattāro samādhī honti. Evaṃ catujhānaṅgavasena catubbidho.

Catutthacatukka atthi samādhī hānabhāgiyo, atthi tītibhāgiyo, atthi visesabhāgiyo, atthi nibbedhabhāgiyo. Tattha paccanīkasamudācārasena hānabhāgiyatā, tadanudhammatāya satiyā saṅghānavasena tītibhāgiyatā, uparivisesādhigamavasena visesabhāgiyatā, nibbidāsahagatasaññāmanasikārasamudācārasena nibbedhabhāgiyatā ca veditabbā. Yathāha, “paṭhamassa jhānassa lābhiṃ kāmasahagatā saññāmanasikārā samudācaranti hānabhāginī paññā. Tadanudhammatā sati santiṭṭhati tītibhāginī paññā. Avitakkasahagatā saññāmanasikārā samudācaranti visesabhāginī paññā. Nibbidāsahagatā saññāmanasikārā samudācaranti virāgūpasañhitā nibbedhabhāginī paññā”ti (vibha. 799). Tāya pana paññāya sampayuttā samādhīpi cattāro hontīti. Evaṃ hānabhāgiyādivasena catubbidho.

Pañcamacatukka kāmāvacaro samādhī, rūpāvacaro samādhī, arūpāvacaro samādhī, apariyāpanno samādhīti evaṃ cattāro samādhī. Tattha sabbāpi upacārekaggatā kāmāvacaro samādhī. Tathā rūpāvacarādikusalacittekaggatā itare tayoti evaṃ kāmāvacarādivasena catubbidho.

Chaṭṭhacatukka “chandaṃ ce bhikkhu adhipatiṃ karitvā labhati samādhim, labhati cittassekaggataṃ, ayaṃ vuccati chandasamādhī...pe... vīriyaṃ ce bhikkhu...pe... cittaṃ ce bhikkhu...pe... vīmaṃsaṃ ce bhikkhu adhipatiṃ karitvā labhati samādhim, labhati cittassekaggataṃ, ayaṃ vuccati vīmaṃsāsamādhī”ti (vibha. 432; saṃ. ni. 3.825) evaṃ adhipativasena catubbidho.

Pañcake yaṃ catukkabhede vuttaṃ dutiyaṃ jhānaṃ, taṃ vitakkamattātikkena dutiyaṃ, vitakkavicāratikkamena tatiyanti evaṃ dvidhā bhinditvā pañca jhānāni veditabbāni. Tesāṃ aṅgabhūtā ca pañca samādhīti evaṃ pañcājhānaṅgavasena pañcavidhatā veditabbā.

40. Ko cassa saṃkilesa kiṃ vodānanti ettha pana vissajjanaṃ vibhaṅge vuttameva. Vuttañhi tattha “saṃkilesanti hānabhāgiyo dhammo. Vodānanti visesabhāgiyo dhammo”ti (vibha. 828). Tattha “paṭhamassa jhānassa lābhiṃ kāmasahagatā saññāmanasikārā samudācaranti hānabhāginī paññā”ti (vibha. 799) iminā nayena hānabhāgiyadhammo veditabbo. “Avitakkasahagatā saññāmanasikārā samudācaranti visesabhāginī paññā”ti (vibha. 799) iminā nayena visesabhāgiyadhammo veditabbo.

Dasapalibodhavaṇṇanā

41. Kathaṃ bhāvetabboti ettha pana yo tāva ayaṃ lokiyalokuttaravasena duvidhotiādīsu ariyamaggasampayutto samādhī vutto, tassa bhāvanāyā paññābhāvanāyāyeva saṅgahito. Paññāya hi bhāvitāya so bhāvito hoti. Tasmā taṃ sandhāya evaṃ bhāvetabboti na kiñci viṣuṃ vadāma.

Yo panāyaṃ lokiyo, so vuttanayena sīlāni visodhetvā suparisuddhe sīle patiṭṭhita yvāssa dasasu palibodhesu palibodho

atthi, taṃ upacchinditvā kammaṭṭhānadāyakaṃ kalyāṇamittaṃ upasaṅkamitvā attano cariyānukūlaṃ cattālīsāya kammaṭṭhānesu aññatarāṃ kammaṭṭhānaṃ gahetvā samādhībhāvanāya ananurūpaṃ vihāraṃ pahāya anurūpe vihāre viharantena khuddakapalibodhupacchedaṃ katvā sabbāṃ bhāvanāvīdhānaṃ aparīhāpentena bhāvetabboti ayamettha saṅkhepo.

Ayaṃ pana vitthāro, yaṃ tāva vuttaṃ “yvässa dasasu palibodhesu palibodho atthi, taṃ upacchinditvā”ti, ettha –

Āvāso ca kulaṃ lābho, gaṇo kammaṅca pañcamāṃ;
Addhānaṃ ñāti ābādho, gantho iddhīti te dasāti. –

Ime dasa palibodhā nāma. Tattha āvāsoyeva āvāsapalibodho. Esa nayo kulādīsu.

Tattha āvāsoti ekopi ovarako vuccati ekampi pariveṇaṃ sakalopi saṅghārāmo. Svāyaṃ na sabbasseva palibodho hoti. Yo panettha navakammādīsu ussukkaṃ vā āpajjati, bahubhaṇḍasannicayo vā hoti, yena kenaci vā kāraṇena apekkhavaṃ paṭibaddhacitto, tasseva palibodho hoti, na itarassa.

Tatridaṃ vatthu – dve kira kulaputtā anurādhapurā nikkhamitvā anupubbena thūpārāme pabbajīṃsu. Tesu eko dve mātikā paguṇā katvā pañcavassiko hutvā pavāretvā pācinakhaṇḍarājīṃ nāma gato. Eko tattheva vasati. Pācinakhaṇḍarājigato tattha ciraṃ vasitvā thero hutvā cintesi “paṭisallānasārūppamidaṃ thānaṃ, handa naṃ sahāyakassāpi āroceṃī”ti. Tato nikkhamitvā anupubbena thūpārāmaṃ pāvīsi. Pavisantaṃyeva ca naṃ disvā samānavassikatthero paccuggantvā pattacīvaraṃ paṭiggahetvā vattaṃ akāsi. Āgantukatthero senāsanāṃ pavisitvā cintesi “idāni me sahāyo sappiṃ vā phāṇitaṃ vā pānakaṃ vā pesessati. Ayañhi imasmiṃ nagare ciranivāsī”ti. So rattim aladdhā pāto cintesi “idāni upaṭṭhakehi gahitaṃ yāgukhajjakaṃ pesessati”ti. Tampi adisvā “pahiṇāntā natthi, pavīṭṭhassa maññe dassati”ti pātova tena saddhiṃ gāmaṃ pāvīsi. Te dve ekaṃ vīthiṃ caritvā uḷukamattaṃ yāguṃ labhitvā āsanāsālāyaṃ nisīditvā pivīṃsu. Tato āgantuko cintesi “nibaddhayāgu maññe natthi, bhattakāle idāni manussā paṇītaṃ bhattaṃ dassanti”ti, tato bhattakālepi piṇḍāya caritvā laddhameva bhūñjitvā itaro āha – “kiṃ, bhante, sabbakālaṃ evaṃ yāpethā”ti? Āmāvusoti. Bhante, pācinakhaṇḍarājī phāsukā, tattha gacchāmāti. Thero nagarato dakkhiṇadvārena nikkhamanto kumbhakāragāmaggaṃ paṭipajji. Itaro āha – “kiṃ pana, bhante, imaṃ maggaṃ paṭipannatthā”ti? Nanu tvamāvuso, pācinakhaṇḍarājīyā vaṇṇaṃ abhāsīti? Kiṃ pana, bhante, tumhākaṃ ettakaṃ kālaṃ vasitattṭhāne na koci atirekparikkhāro atthīti? Āmāvuso mañcapīṭhaṃ saṅghikaṃ, taṃ paṭisāmitameva, aññaṃ kiñci natthīti. Mayhaṃ pana, bhante, kattaradaṇḍo telanāli upāhanatthavikā ca tatthevāti. Tayāvuso, ekadivasāṃ vasitvā ettakaṃ ṭhapitanti? Āma, bhante. So pasannacitto therāṃ vanditvā “tumhādīsānaṃ, bhante, sabbattha araññāvāsoyeva. Thūpārāmo catunnaṃ buddhānaṃ dhātunīdhānatthānaṃ, lohapaśāde sappāyaṃ dhammassavanaṃ mahācetiyaḍassanaṃ theradassanaṅca labbhati, buddhakālo viya pavattati. Idheva tumhe vasathā”ti dutiyadivase pattacīvaraṃ gahetvā sayameva agamāsīti. Īdisassa āvāso na palibodho hoti.

Kulanti ñātikulaṃ vā upaṭṭhākakulaṃ vā. Ekaccassa hi upaṭṭhākakulampi “sukhitesu sukhitō”tiādinā (vibha. 888; saṃ. ni. 4.241) nayena saṃsaṭṭhassa viharato palibodho hoti, so kulamānusakehi vinā dhammassavanaṃ sāmantavihārampī na gacchati. Ekaccassa mātāpitaropi palibodhā na honti, koraṇḍakavīhāravāsītherassa bhāgīneyyadahaṃbhikkhuno viya.

So kira uddeśatthaṃ rohaṇaṃ agamāsi. Therabhaginīpi upāsikā sadā therāṃ tassa pavattim pucchati. Thero ekadivasāṃ daharaṃ ānessāmīti rohaṇābhīṃmukho pāyāsi. Daharopi “ciraṃ me idha vutthaṃ, upajjhāyaṃ dāni passitvā upāsikāya ca pavattim ñatvā āgamissāmī”ti rohaṇato nikkhamī. Te ubhopi gaṅgātīre samāgacchīṃsu. So aññatarasmiṃ rukkhamūle therassa vattaṃ katvā “kuhiṃ yāsī”ti pucchito tamatthaṃ ārocesi. Thero suṭṭhu te kataṃ, upāsikāpi sadā pucchati, ahampi etadatthameva āgato, gaccha tvāṃ, ahaṃ pana idheva imaṃ vassaṃ vasissāmīti taṃ uyyojesi. So vassūpanāyikadivaseyeva taṃ vihāraṃ patto. Senāsanampissa pitarā kāritameva pattam.

Athassa pitā dutiyadivase āgantvā “kassa, bhante, amhākaṃ senāsanāṃ patta”nti pucchanto “āgantukassa daharassā”ti sutvā taṃ upasaṅkamitvā vanditvā āha – “bhante, amhākaṃ senāsane vassaṃ upagatassa vattaṃ atthī”ti. Kiṃ upāsakāti? Temāsaṃ amhākaṃyeva ghare bhikkhaṃ gahetvā pavāretvā gamanakāle āpucchitabbanti. So tuṅhibhāvena adhivāsesi. Upāsakopi gharaṃ gantvā “amhākaṃ āvāse eko āgantuko ayyo upagato sakkaccaṃ upaṭṭhātabbo”ti āha. Upāsikā “sādhū”ti sampācicchitvā paṇītaṃ khādanīyaṃ bhojanīyaṃ paṭiyādesi. Daharopi bhattakāle ñātigharaṃ agamāsi. Na naṃ koci sañjāni.

So temāsampi tattha piṇḍapātaṃ paribhuñjitvā vassaṃvuttho “ahaṃ gacchāmī”ti āpucchi. Athassa ñātakā “sve, bhante, gacchathā”ti dutiyadivase ghareyeva bhojetvā telanāliṃ pūretvā ekaṃ guḷapiṇḍaṃ navahatthaṅca sātakaṃ datvā “gacchatha, bhante”ti āhaṃsu. So anumodanaṃ katvā rohaṇābhīṃmukho pāyāsi.

Upajjhāyopissa pavāretvā paṭipathaṃ āgacchanto pubbe diṭṭhatṭhāneyeva taṃ addasa. So aññatarasmiṃ rukkhamūle therassa vattaṃ akāsi. Atha naṃ thero pucchi “kiṃ, bhaddamukha, diṭṭhā te upāsikā”ti? So “āma, bhante”ti sabbāṃ pavattim ārocetvā tena telena therassa pāde makkhetvā guḷena pānakaṃ katvā tampi sātakaṃ therasseva datvā therāṃ vanditvā “mayhaṃ, bhante, rohaṇaṃyeva sappāya”nti agamāsi. Theropi vihāraṃ āgantvā dutiyadivase koraṇḍakagāmaṃ pāvīsi.

Upāsikāpi “mayhaṃ bhātā mama puttaṃ gahetvā idāni āgacchati”ti sadā maggaṃ olokayamānāva tiṭṭhati. Sā taṃ ekakameva āgacchantam disvā “mato me maññe putto, ayaṃ thero ekakova āgacchati”ti therassa pādāmūle nipatitvā

paridevamānā rodi. Thero “nūna daharo appicchatāya attānaṃ ajānāpetvāva gato”ti taṃ samassāsetvā sabbam pavattim ārocetvā pattatthavikato taṃ sātakaṃ nīharitvā dasseti.

Upāsikā pasīditvā puttena gatadisābhimukhā urena nipajjitvā namassamānā āha – “mayham puttasadisaṃ vata maññe bhikkhum kāyasakkhim katvā bhagavā rathavinītaṃ paṭipadam (ma. ni. 1.252 ādayo), nālakapaṭipadam (su. ni. 684 ādayo), tuvattakapaṭipadam (su. ni. 921 ādayo), catupaccayasantosabhāvanārāmatādīpakam mahāariyavaṃsapaṭipadañca (a. ni. 4.28; dī. ni. 3.309) desesi. Vijātamātuyā nāma gehe temāsaṃ bhuñjamānopi ‘aḥam putto tvam mātā’ti na vakkhati, aho accharyamanusso”ti. Evarūpassa mātāpitaropi palibodhā na honti, pageva aññaṃ upaṭṭhākakula”nti.

Labhoti cattāro paccayā. Te katham palibodhā honti? Puññavantassa hi bhikkhuno gatagataṭṭhāne manussā mahāparivāre paccaye denti. So tesam anumodento dhammam desento samaṇadhammam kātuṃ na okāsaṃ labhati. Aruṇuggamanato yāva paṭhamayāmo, tāva manussasaṃsaggo na upacchijjati. Puna balavapaccūseyeva bāhullikapīṇḍapātikā āgantvā “bhante, asuko upāsako upāsikā amacco amaccadhīta tumhākaṃ dassanakāmā”ti vadanti, so gaṇhāvuso, pattacīvaranti gamanasajjova hoṭīti niccabyāvaṇo, tasseva te paccayā palibodhā honti. Tena gaṇaṃ pahāya yattha naṃ na jānanti, tattha ekakena caritabbam. Evaṃ so palibodho upacchijjati.

Gaṇoti suttantikagaṇo vā ābhidhammikagaṇo vā, yo tassa uddesaṃ vā paripucchaṃ vā dento samaṇadhammassa okāsaṃ na labhati, tasseva gaṇo palibodho hoti, tena so evaṃ upacchinditabbo. Sace tesam bhikkhūnaṃ bahu gahitaṃ hoti, appaṃ avasiṭṭhaṃ, taṃ niṭṭhapetvā araññaṃ pavisitabbam. Sace appaṃ gahitaṃ, bahu avasiṭṭhaṃ, yojanato paraṃ agantvā antoyojanaparicchede aññaṃ gaṇavācakaṃ upasaṅkamitvā “ime āyasmā uddesādīhi saṅgaṇhatū”ti vattabbam. Evaṃ alabhamānena “mayhamāvuso, ekaṃ kiccaṃ atthi, tumhe yathāphāsukaṭṭhānāni gacchathā”ti gaṇaṃ pahāya attano kammaṃ kattabbanti.

Kammanti navakammaṃ. Taṃ karontena vaḍḍhakādīhi laddhāladham jānitabbam, katācate ussukkaṃ āpajjitabbanti sabbadā palibodho hoti. Sopi evaṃ upacchinditabbo, sace appaṃ avasiṭṭhaṃ hoti niṭṭhapetabbam. Sace bahu, saṅghikañce navakammaṃ, saṅghassa vā saṅghabhārahārahakabhikkhūnaṃ vā niyyādetabbam. Attano santakañce, attano bhārahārahānaṃ niyyādetabbam. Tādise alabhantena saṅghassa pariccajitvā gantabbanti.

Addhānanti maggagamaṇaṃ. Yassa hi katthaci pabbajjāpekkho vā hoti, paccayaajātaṃ vā kiñci laddhabbam hoti. Sace taṃ alabhanto na sakkoti adhiyāsetuṃ, araññaṃ pavisitvā samaṇadhammam karontassapi gamikacittaṃ nāma duppaṭivindaniyaṃ hoti, tasmā gantvā taṃ kiccaṃ tīretvāva samaṇadhamme ussukkaṃ kātabbanti.

Ñāṭīti vihāre ācariyupaṭṭhāyāsaddhivihārikaantevāsikasamānupajjhāyakasamānācariyakā, ghare mātā pitā bhātāti evamādikā. Te gilānā imassa palibodhā honti, tasmā so palibodho upaṭṭhahitvā tesam pākatikakaraṇena upacchinditabbo.

Tattha upajjhāyo tāva gilāno sace lahuṃ na vuṭṭhāti, yāvajīvampi paṭijaggitabbo. Tathā pabbajjācariyo upasampadācariyo saddhivihāriko upasampādītapabbājītaantevāsikasamānupajjhāyakā ca. Nissayācariyauddesācariyanissayantevāsikauddesantevāsikasamānācariyakā pana yāva nissayauddesā anupacchinnā, tāva paṭijaggitabbā. Pahontena tato uddhampi paṭijaggitabbā eva. Mātāpitūsu upajjhāye viya paṭipajjitabbam. Sacepi hi te rajje ṭhitā honti, puttato ca upaṭṭhānaṃ paccāsīsanti, kātabbameva. Atha tesam bhesajjaṃ natthi, attano santakaṃ dātabbam. Asati bhikkhācariyāya pariyesitvāpi dātabbameva. Bhātubhaginīnaṃ pana tesam santakameva yojetvā dātabbam. Sace natthi attano santakaṃ tāvakālikam datvā pacchā labhantena gaṇhitabbam. Alabhantena na codetabbā. Aññātakassa bhaginisāmikassa bhesajjaṃ neva kātuṃ na dātuṃ vaṭṭati. “Tuyham sāmikassa dehi”ti vatvā pana bhaginiyā dātabbam. Bhātujāyāyapi eseva nayo. Tesam pana puttā imassa ñātakā evāti tesam kātuṃ vaṭṭati.

Ābādhoti yokoci rogo. So bādhamāno palibodho hoti, tasmā bhesajjakaraṇena upacchinditabbo. Sace pana katipāham bhesajjaṃ karontassapi na vūpasammāti, nāham tuyham dāso, na bhāṭako, taṃyeva hi posento amatagge saṃsāraṇaṭṭe dukkhaṃ pattoti attabhāvaṃ garahitvā samaṇadhammo kātabboti.

Ganthoti pariyattiharaṇaṃ. Taṃ sajjhāyādīhi niccabyāvaṭṭassa palibodho hoti, na itarassa. Tatrimāni vatthūni –

Majjhimbhāṇakadevatthero kira malayavāsīdevattherassa santikaṃ gantvā kammaṭṭhānaṃ yāci. Thero kīdisosi, āvuso, pariyattiyanti pucchi. Majjhimo me, bhante, paṇḍoti. Āvuso, majjhimo nāmeso dupparihāro, mūlapaṇṇasaṃ sajjhāyantassa majjhimapāṇṇāsako āgacchati, taṃ sajjhāyantassa uparipaṇṇāsako. Kuto tuyham kammaṭṭhānanti? Bhante, tumhākaṃ santike kammaṭṭhānaṃ labhitvā puna na olokessāmīti kammaṭṭhānaṃ gahetvā ekūnavāsativassāni sajjhāyaṃ akatvā vīsatiṃ vasse arahattaṃ patvā sajjhāyatthāya āgatānaṃ bhikkhūnaṃ “vīsati me, āvuso, vassāni pariyattim anolokentassa, apica kho kataparicayo ahamettha ārabhathā”ti vatvā ādito paṭṭhāya yāva pariyosānā ekabyañjanepissa kankhā nāhosi.

Karuṭiyagirivāsīnāgattheropi aṭṭhārasavassāni pariyattim chaḍḍetvā bhikkhūnaṃ dhātukathaṃ uddisi. Tesam gāmvāsikattherehi saddhim saṃsantentānaṃ ekapañhopi uppaṭipāṭiyā āgato nāhosi.

Mahāvihārepi tipitakacūḷābhayatthero nāma aṭṭhakathaṃ anuggahetvāva pañcanikāyamaṇḍale tīṇi piṭākāni

parivattessāmīti suvaṇṇabheriṃ paharāpesi. Bhikkhusaṅgho katamācariyānaṃ uggaho, attano ācariyuggahaññeva vadatu, itarathā vattum na demāti āha. Upajjhāyopi naṃ attano upaṭṭhānamāgataṃ pucchi “tvamāvuso, bheriṃ paharāpesi”ti? Āma, bhante. Kiṃ kāraṇāti? Pariyattiṃ, bhante, parivattessāmīti. Āvuso abhaya, ācariyā idaṃ padaṃ kathaṃ vadantīti? Evaṃ vadanti, bhanteti. Thero hanti paṭibāhi. Puna so aññena aññena pariyāyena evaṃ vadanti bhanteti tikkhattum āha. Thero sabbaṃ hanti paṭibāhitvā “āvuso, tayā paṭhamam kadhito eva ācariyamaggo, ācariyamukhato pana anuggahitattā ‘evaṃ ācariyā vadantī’ti saṅghātam nāsakkhi. Gaccha attano ācariyānaṃ santike suṇāhi”ti. Kuhiṃ, bhante, gacchāmīti? Gaṅgāya parato rohaṇajanapade tuladhārapabbatavihāre sabbapariyattiko mahādharmarakkhitatthero nāma vasati, tassa santikaṃ gacchāti. Sādhu, bhanteti theram vanditvā pañcahi bhikkhusatehi saddhiṃ therassa santikaṃ gantvā vanditvā nisīdi. Thero kasmā āgatosīti pucchi. Dhammam sotum, bhanteti. Āvuso abhaya, dīghamajjhimesu maṃ kālena kālam pucchanti. Avasesam pana me tiṃsamattāni vassāni na olokitaṃpubbam. Apica tvam rattim mama santike parivattheti. Aham te divā kathayissāmīti. So sādhu, bhanteti tathā akāsi. Parivenadvāre mahāmaṇḍapaṃ kāretvā gāmaṃvāsino divase divase dhammassavanatthāya āgacchanti. Thero rattim parivatti. Tam divā kathayanto anupubbena desanam niṭṭhapetvā abhayattherassa santike taṭṭikāya nisīditvā “āvuso, mayham kammaṭṭhānam kathehi”ti āha. Bhante, kiṃ bhāṇatha, nanu mayā tumhākameva santike sutam? Kimaham tumhehi aññātam kathessāmīti? Tato nam thero añño esa, āvuso, gatakassa maggo nāmāti āha. Abhayathero kira tadā sotāpanno hoti. Athassa so kammaṭṭhānam datvā āgantvā lohapaśāde dhammam parivattento thero parinibbutoti assosi. Sutvā “āharathāvuso, cīvara”nti cīvaram pārupitvā “anucchaviko, āvuso, amhākam ācariyassa arahattamaggo. Ācariyo no, āvuso, uju ājānīyo. So attano dhammantevāsikassa santike taṭṭikāya nisīditvā ‘mayham kammaṭṭhānam kathehi’ti āha. Anucchaviko, āvuso, therassa arahattamaggo”ti. Evarūpanam gantho palibodho na hotīti.

Iddhīti pothujjanikā iddhi. Sā hi uttānaseyyakadārako viya taruṇasassam viya ca dupparihārā hoti. Appamattakeneva bhijjati. Sā pana vipassanāya palibodho hoti, na samādhissa, samādhim patvā pattabbato. Tasmā vipassanatthikena iddhipalibodho upacchinditabbo, itarena avasesāti ayam tāva palibodhakathāya vitthāro.

Kammaṭṭhānadāyakaṇṇā

42. Kammaṭṭhānadāyakaṃ kalyāṇamittam upasaṅkamitvāti ettha pana duvidham kammaṭṭhānam sabbatthakakammaṭṭhānam pārihāriyakammaṭṭhānaṃca. Tattha sabbatthakakammaṭṭhānam nāma bhikkhusaṅghādisu mettā maraṇassati ca. Asubhasaññātipi eke.

Kammaṭṭhānikena hi bhikkhunā paṭhamam tāva paricchinditvā sīmaṭṭhakabhikkhusaṅghe sukhitā hontu abyāpajjāti mettā bhāvetabbā. Tato sīmaṭṭhakadevatāsu. Tato gocaragāmaṃhi issarajane. Tato tattha manusse upādāya sabbasattesu. So hi bhikkhusaṅghe mettāya sahaṃvāsīnam muducittatam janeti. Athassa te sukhasaṃvāsā honti. Sīmaṭṭhakadevatāsu mettāya mudukatacittāhi devatāhi dhammikāya rakkhāya susaṃvihitarakkho hoti. Gocaragāmaṃhi issarajane mettāya mudukatacittasantānehi issarehi dhammikāya rakkhāya surakkhitaparikkhāro hoti. Tattha manussesu mettāya pasādītacitteti tehi aparibhūto hutvā vicarati. Sabbasattesu mettāya sabbattha appaṭihatacāro hoti. Maraṇassatiyā pana avassam mayā maritabbanti cintento anesanam pahāya uparūpari vaḍḍhamānasamvego anolīnavuttiko hoti. Asubhasaññāparicittacittassa panassa dibbānīpi ārammaṇāni lobhavasena cittaṃ na pariyādiyanti.

Evaṃ bahūpakārattā sabbattha atthayitabbam icchitabbanti ca adhippetassa yogānuyogakammassa ṭhānañcāti **sabbatthakakammaṭṭhānanti** vuccati.

Cattālīsiya pana kammaṭṭhānesu yaṃ yassa cariyānukūlam, tam tassa niccam pariharitabbattā uparimassa ca uparimassa bhāvanākammassa padaṭṭhānantā **pārihāriyakammaṭṭhānanti** vuccati. Iti imaṃ duvidhampi kammaṭṭhānam yo deti, ayam **kammaṭṭhānadāyako** nāma. Tam kammaṭṭhānadāyakaṃ.

Kalyāṇamittanti –

Piyo garu bhāvanīyo, vattā ca vacanakkhamo;
Gambhīraṇa katham kattā, no caṭṭhāne niyojakoti. (a. ni. 7.37);

Evaṃādiguṇasamannāgataṃ ekantena hitesim vuddhipakkhe ṭhitam kalyāṇamittam.

“Mamaṃ hi, ānanda, kalyāṇamittam āgamma jātidhammā sattā jātiyā parimuccantī”ti (saṃ. ni. 1.129; 5.2) ādivacanato pana sammāsambuddhoyeva sabbākārasampanno kalyāṇamitto. Tasmā tasmim sati tasseva bhagavato santike gahitakammaṭṭhānam sugahitam hoti. Parinibbuto pana tasmim asītiyā mahāsāvakesu yo dharati, tassa santike gahetum vaṭṭati. Tasmim asati yaṃ kammaṭṭhānam gahetukāmo hoti, tasseva vasena catukkapañcakajjhānāni nibbattetvā jhānapadaṭṭhānam vipassanam vaḍḍhetvā āsavakkhayappattassa khīṇāsavassa santike gahetabbam.

Kiṃ pana khīṇāsavo aham khīṇāsavoti attānam pakāsetīti? Kiṃ vattabbam, kārahāvaṃ hi jānitvā pakāseti. Nanu assaguttatthero āradhakammaṭṭhānassa bhikkhuno “kammaṭṭhānakārako aya”nti jānitvā ākāse cammakhaṇḍam paññāpetvā tattha pallaṅkena nisinnam kammaṭṭhānam kathesīti.

Tasmā sace khīṇāsavaṃ labhati, iccetaṃ kusalaṃ, no ce labhati, anāgāmisakadāgāmisotāpannañhānalābhīputhujjanatīpīṭakadharadvīṭakadharaekapīṭakadharesu purimassa purimassa santike. Ekapīṭakadharepi asatī yassa ekasaṅgītipi aṭṭhakathāya saddhīm paguṇā, ayañca lajjī hoti, tassa santike gahetabbaṃ. Evarūpo hi tantidharo vaṃsānurakkhako paveṇīpālako ācariyo ācariyamatikova hoti, na attanomatiko hoti. Teneva porāṇakattherā “lajjī rakkhissati lajjī rakkhissatī”ti tikkhattuṃ āhaṃsu.

Pubbe vuttakhīṇāsavādayo cettha attanā adhigatamaggameva ācikkhanti. Bahussuto pana taṃ taṃ ācariyaṃ upasaṅkamitvā uggahaparipucchānaṃ visodhitattā ito cito ca suttañca kāraṇaṇca sallakkhetvā sappāyāsappāyaṃ yojtvā gahaṇaṭṭhāne gacchanto mahāhatthī viya mahāmaggaṃ dassento kammaṭṭhānaṃ kathessati. Tasmā evarūpaṃ kammaṭṭhānadāyakaṃ kalyāṇamittaṃ upasaṅkamitvā tassa vattapaṭipattiṃ katvā kammaṭṭhānaṃ gahetabbaṃ.

Sace panetaṃ ekavīhāreyeva labhati, iccetaṃ kusalaṃ, no ce labhati, yattha so vasatī, tattha gantabbaṃ. Gacchantena ca na dhotamakkhitehi pādehi upāhanā ārūhitvā chattaṃ gahetvā telanālimadhuphāṇitādīni gāhāpetvā antevāsikaparivutena gantabbaṃ. Gamikavattaṃ pana pūretvā attano pattaṭṭhāraṃ sayameva gahetvā antarāmagge yaṃ yaṃ vihāraṃ pavisatī sabbattha vattapaṭipattiṃ kurumānena sallahukaparikkhārena paramasallekhavuttinā hutvā gantabbaṃ.

Taṃ vihāraṃ pavisantena antarāmaggeyeva dantakaṭṭhaṃ kappiyaṃ kārapetvā gahetvā pavisitabbaṃ, na ca “muhuttaṃ vissametvā pādadhovanamakkhanādīni katvā ācariyassa santikaṃ gamissāmi”ti aññaṃ pariveṇaṃ pavisitabbaṃ. Kasmā? Sace hissa tatra ācariyassa visabhāgā bhikkhū bhaveyyuṃ, te āgamanakāraṇaṃ pucchitvā ācariyassa avaṇṇaṃ pakāsetvā “naṭṭhosi, sace tassa santikaṃ āgato”ti vippaṭisāraṃ uppādeyyuṃ, yena tatova paṭinivatteyya, tasmā ācariyassa vasanaṭṭhānaṃ pucchitvā ujukaṃ tattheva gantabbaṃ.

Sace ācariyo daharataro hoti, pattaṭṭhāraṃ gahaṇāṇīni na sādītābbāni. Sace vuḍḍhataro hoti, gantvā ācariyaṃ vanditvā ṭhātabbaṃ. “Nikkhipāvuso, pattaṭṭhāraṃ”nti vuttena nikkhipitabbaṃ. “Pāṇiyaṃ pivā”ti vuttena sace icchatī pātabbaṃ. “Pāde dhovāhi”ti vuttena na tāva pādā dhovītābbā. Sace hi ācariyena ābhataṃ udakaṃ bhaveyya, na sārappaṃ siyā. “Dhovāhāvuso, na mayā ābhataṃ, aññehi ābhata”nti vuttena pana yattha ācariyo na passatī, evarūpe paṭicchanne vā okāse, abbhokāse vihārassāpi vā ekamante nisīditvā pādā dhovītābbā.

Sace ācariyo telanāliṃ āharatī uṭṭhahitvā ubhohi hatthehi sakkaccaṃ gahetābbā. Sace hi na gaṇheyya, “ayaṃ bhikkhu ito eva paṭṭhāya sambhogāṃ kopetī”ti ācariyassa aññathattaṃ bhaveyya. Gahetvā pana na āditova pādā makkhetābbā. Sace hi taṃ ācariyassa gattabhañjanatelaṃ bhaveyya, na sārappaṃ siyā. Tasmā sīsaṃ makkhetvā khandhādīni makkhetābbāni. “Sabbapārihāriyatelaṃ, āvuso, pādepi makkhehi”ti vuttena pana thokaṃ sīse katvā pāde makkhetvā “imaṃ telanāliṃ ṭhapemi, bhante”ti vatvā ācariye gaṇhante dātābbā.

Āgatadivasato paṭṭhāya kammaṭṭhānaṃ me, bhante, kathetha iccevaṃ na vattabbaṃ. Dutiyadivasato pana paṭṭhāya sace ācariyassa pakatiupaṭṭhāko atthi, taṃ yācitvā vattaṃ kātābbā. Sace yācitopi na deti, okāse laddheyyeva kātābbā. Karontena khuddakamaññimamahantāni tīṇi dantakaṭṭhāni upanāmetābbāni. Sītaṃ uṇhanti duvidhaṃ mukhadhovanaudakañca nhānodakañca paṭiyādetābbā. Tato yaṃ ācariyo tīṇi divasāni paribhuñjati, tādisameva niccaṃ upanāmetābbā. Niyamaṃ akatvā yaṃ vā taṃ vā paribhuñjantassa yathāladhāṃ upanāmetābbā. Kiṃ bahunā vuttena? Yaṃ taṃ bhagavatā “antevāsikena, bhikkhave, ācariyamhi sammā vattitābbā. Tatrāyaṃ sammā vattanā, kālasseva uṭṭhāya upāhanā omuñcitvā ekaṃsaṃ uttarāsaṅgaṃ karitvā dantakaṭṭhaṃ dātābbā, mukhodakaṃ dātābbā, āsanaṃ paññāpetābbā. Sace yāgu hoti, bhājanaṃ dhovitvā yāgu upanāmetābbā”ti (mahāva. 78) ādikaṃ khandhake sammāvattaṃ paññattaṃ, taṃ sabbampi kātābbā.

Evaṃ vattasampattiyā garuṃ ārādhayamānena sāyaṃ vanditvā yāhīti vissajjitena gantabbaṃ, yadā so kissāgatosīti pucchati, tadā āgamanakāraṇaṃ kathetābbā. Sace so neva pucchati, vattaṃ pana sādīyati, dasāhe vā pakkhe vā vītivatte ekadivasāṃ vissajjitenāpi agantvā okāsaṃ kāretvā āgamanakāraṇaṃ ārocetābbā. Akāle vā gantvā kimatthamāgatosīti puṭṭhena ārocetābbā. Sace so pātova āgacchātī vadati, pātova gantabbaṃ.

Sace panassa tāya velāya pittābādhena vā kucchi pariḍayhanti, aggimandatāya vā bhattaṃ na jīrati, añña vā koci rogo bādhati, taṃ yathābhūtaṃ āvikatvā attano sappāyavelaṃ ārocetvā tāya velāya upasaṅkamitābbā. Asappāyavelāya hi vuccamānampi kammaṭṭhānaṃ na sakkā hoti manasikātunti. Ayaṃ kammaṭṭhānadāyakaṃ kalyāṇamittaṃ upasaṅkamitvāti ettha vitthāro.

Cariyāvaṇṇanā

43. Idāni attano cariyānukūlanti ettha **cariyāti** cha cariyā rāgacariyā, dosacariyā, mohacariyā, saddhācariyā, buddhicariyā, vitakkacariyāti. Keci pana rāgādīnaṃ saṃsaggasannipātavasena aparāpi catasso, tathā saddhādīnanti imāhi aṭṭhahi saddhīm cuddasa icchanti. Evaṃ pana bhede vuccamāne rāgādīnaṃ saddhādīhipi saṃsaggāṃ katvā anekā cariyā honti, tasmā saṅkhepena chaḷeva cariyā veditābbā. Cariyā, pakati, ussannatāti atthato ekaṃ. Tāsaṃ vasena chaḷeva puggalā honti rāgacarito, dosacarito, mohacarito, saddhācarito, buddhacarito, vitakkacaritoti.

Tattha yasmā rāgacaritassa kusalappavattisamaye saddhā balavatī hoti, rāgassa āsannaguṇattā. Yathā hi akusalapakkhe

rāgo siniddho nātīlūkho, evaṃ kusalapakkhe saddhā. Yathā rāgo vatthukāme pariyesati, evaṃ saddhā silādiguṇe. Yathā rāgo ahitaṃ na pariccajati, evaṃ saddhā hitaṃ na pariccajati, tasmā rāgacaritassa saddhācarito sabhāgo.

Yasmā pana dosacaritassa kusalapavattisamaye paññā balavatī hoti, dosassa āsannaguṇattā. Yathā hi akusalapakkhe doso nissineho na ārammaṇaṃ allīyati, evaṃ kusalapakkhe paññā. Yathā ca doso abhūtampi dosameva pariyesati, evaṃ paññā bhūtaṃ dosameva. Yathā doso sattaparivajjanākārena pavattati, evaṃ paññā sankhāraparivajjanākārena, tasmā dosacaritassa buddhacarito sabhāgo.

Yasmā pana mohacaritassa anuppannaṃ kusalaṇaṃ dhammaṇaṃ uppādāya vāyamamānassa yebhuyyena antarāyakarā vitakkā uppajjanti, mohassa āsannaakkhaṇattā. Yathā hi moho paribhūtaṃ anavaṭṭhito, evaṃ vitakko nānappakāravitakkanaṭṭhā. Yathā ca moho aparivajjanākārena pavattati, evaṃ vitakko lahu-parikappanaṭṭhā, tasmā mohacaritassa vitakkacarito sabhāgoti.

Apare taṇhāmānādīṭṭhivasena aparāpi tisso cariyā vadanti. Tattha taṇhā rāgoyeva, māno ca taṃsappayuttoti tadubhayaṃ rāgacariyaṃ nātivattati. Mohanidānattā ca dīṭṭhiyā dīṭṭhicariyā mohacariyameva anupatati.

44. Tā panetā cariyā kinnidānā? Kathaṅca jānitabbaṃ “ayaṃ puggalo rāgacarito, ayaṃ puggalo dosādīsu aññataracarito”ti? Kiṃ caritassa puggalassa kiṃ sappāyanti?

Tatra purimā tāva tisso cariyā pubbācīṇṇanidānā, dhātudosanidānā cāti ekacce vadanti. Pubbe kira iṭṭhappayogasubhakammabahulo rāgacarito hoti, saggā vā cavitvā idhūpapanno. Pubbe chedanavadhabandhanaverakammabahulo dosacarito hoti, nirayanāgayonīhi vā cavitvā idhūpapanno. Pubbe majjapānabahulo sutaparipucchāvihīno ca mohacarito hoti, tiracchānāyoniyā vā cavitvā idhūpapannoti evaṃ pubbācīṇṇanidānāti vadanti. Dvinnāṃ pana dhātūnaṃ ussannattā puggalo mohacarito hoti pathavīdhātuyā ca āpodhātuyā ca. Itarāsaṃ dvinnāṃ ussannattā dosacarito. Sabbāsaṃ samattā pana rāgacaritoti. Dosesu ca semhādhiko rāgacarito hoti. Vātādhiko mohacarito. Semhādhiko vā mohacarito. Vātādhiko rāgacaritoti evaṃ dhātudosanidānāti vadanti.

Tattha yasmā pubbe iṭṭhappayogasubhakammabahulāpi saggā cavitvā idhūpapannāpi ca na sabbe rāgacaritāyeva honti, na itare vā dosamohacaritā. Evaṃ dhātūnaṃca yathāvutteneva nayena ussadanīyamo nāma natthi. Dosaniyame ca rāgamohadvayameva vuttaṃ, tampi ca pubbāparaviruddhameva. Saddhācariyādīsu ca ekissāpi nidānaṃ na vuttameva. Tasmā sabbameṭaṃ aparicchinnavacanaṃ.

Ayaṃ panettha aṭṭhakathācariyānaṃ matānusārena vinicchayo, vuttaṅhetāṃ ussadakittane (dha. sa. aṭṭha. 498) “ime sattā pubbahetunīyāmena lobhussadā dosussadā mohussadā alobhussadā adosussadā amohussadā ca honti.

Yassa hi kammāyūhanakkhaṇe lobho balavā hoti alobho mando, adosāmoḥā balavanto dosamoḥā mandā, tassa mando alobho lobhaṃ pariyādātumaṃ na sakkoti. Adosāmoḥā pana balavanto dosamohe pariyādātumaṃ sakkoti. Tasmā so tena kamma dinnapaṭisandhivasena nibbatta luddho hoti sukhasīlo akkodhano paññāvā vajirūpamaññaṃ.

Yassa pana kammāyūhanakkhaṇe lobhadosaṃ balavanto honti alobhadosā mandā, amoho balavā moho mando, so purimanayeneva luddho ceva hoti duṭṭho ca. Paññāvā pana hoti vajirūpamaññaṃ dattābhayatthero viya.

Yassa kammāyūhanakkhaṇe lobhadosamoḥā balavanto honti itare mandā, so purimanayeneva luddho ceva hoti dandho ca, silako pana hoti akkodhano (bākulatthero viya).

Tathā yassa kammāyūhanakkhaṇe tayopi lobhadosamoḥā balavanto honti alobhādayo mandā, so purimanayeneva luddho ceva hoti duṭṭho ca mūḷho ca.

Yassa pana kammāyūhanakkhaṇe alobhadosamoḥā balavanto honti itare mandā, so purimanayeneva aluddho appakilesa hoti dībbārammaṇampi disvā niccalo, duṭṭho pana hoti dandhapaññaṃ ca.

Yassa pana kammāyūhanakkhaṇe alobhadosamoḥā balavanto honti itare mandā, so purimanayeneva aluddho ceva hoti aduṭṭho silako ca, dandho pana hoti.

Tathā yassa kammāyūhanakkhaṇe alobhadosamoḥā balavanto honti itare mandā, so purimanayeneva aluddho ceva hoti paññāvā ca, duṭṭho ca pana hoti kodhano.

Yassa pana kammāyūhanakkhaṇe tayopi alobhadosamoḥā balavanto honti lobhādayo mandā, so purimanayeneva mahāsaṅgharakkhitatthero viya aluddho aduṭṭho paññāvā ca hoti”ti.

Ettha ca yo luddhoti vutto, ayaṃ rāgacarito. Duṭṭhadandhā dosamohacaritā. Paññāvā buddhacarito. Aluddhaaduṭṭhā pasanna-pakatitāya saddhācaritā. Yathā vā amohaparivārena kammunā nibbatta buddhacarito, evaṃ balavasaddhāparivārena

kammunā nibbatta saddhācarito. Kāmaṅgavittakāḍḍiparivāreṇa kammunā nibbatta vitakkacarito. Lobhādīnā vomissaparivāreṇa kammunā nibbatta vomissacaritoti. Evaṃ lobhādīsu aññataraññataraparivāraṃ paṭisandhijanakaṃ kammaṃ cariyānaṃ nidānanti veditabbaṃ.

45. Yaṃ pana vuttaṃ kathaṅca jānitabbaṃ ayaṃ puggalo rāgacaritotiādi. Tatrāyaṃ nayo.

Iriyāpathato kiccā, bhojanā dassanādito;
Dhammapavattito ceva, cariyāyo vibhāvayeti.

Tattha iriyāpathatoti rāgacarito hi pakatigamanena gacchanta cāturiyena gacchati, saṅhikaṃ pādaṃ nikkhipati, samaṃ nikkhipati, samaṃ uddharati, ukkuṭṭhikaṅcassa padaṃ hoti. Dosacarito pādagehi khaṇanto viya gacchati, sahasā pādaṃ nikkhipati, sahasā uddharati, anukaḍḍhitaṅcassa padaṃ hoti. Mohacarito paribhāyā gatiyā gacchati, chambhito viya padaṃ nikkhipati, chambhito viya uddharati, sahasānupīṭhitaṅcassa padaṃ hoti. Vuttampi cetam māgaṇḍiyasuttupattiyā –

“Rattassa hi ukkuṭṭhikaṃ padaṃ bhava,
Duṭṭhassa hoti anukaḍḍhitaṃ padaṃ;
Mūḷhassa hoti sahasānupīṭhitaṃ,
Vivaṭṭacchadassa idamīdisaṃ pada’nti.

Ṭhānampi rāgacaritassa pāsādikāṃ hoti madhurākāraṃ, dosacaritassa thaddhākāraṃ, mohacaritassa ākulākāraṃ. Nisajjāyapi eeva nayo. Rāgacarito ca ataramāno samaṃ seyyaṃ paññāpetvā saṅhikaṃ nipajjitvā aṅgapaccaṅgāni samodhāya pāsādikena ākāreṇa sayati, vuṭṭhāpiyamāno ca sīghaṃ avuṭṭhāya saṅhito viya saṅhikaṃ paṭivacanaṃ deti. Dosacarito taramāno yathā vā tathā vā seyyaṃ paññāpetvā pakkhittakāyo bhākuṭṭiṃ katvā sayati, vuṭṭhāpiyamāno ca sīghaṃ vuṭṭhāya kupito viya paṭivacanaṃ deti. Mohacarito dussaññānaṃ seyyaṃ paññāpetvā vikkhittakāyo bahulaṃ adhomukho sayati, vuṭṭhāpiyamāno ca huṅkāraṃ karonto dandhaṃ vuṭṭhāti. Saddhācaritādayo pana yasmā rāgacaritādīnaṃ sabhāgā, tasmā tesampi tādisova iriyāpatho hotīti. Evaṃ tāva iriyāpathato cariyāyo vibhāvaye.

Kiccāti sammajjanādīsu ca kicesu rāgacarito sādhuṅkaṃ sammajjanaṃ gahetvā ataramāno vālikaṃ avippakiranto sinduvārakusumasantharamiva santharanta suddhaṃ samaṃ sammajjati. Dosacarito gāḷhaṃ sammajjanaṃ gahetvā taramānarūpo ubhato vālikaṃ ussārento kharena saddena asuddhaṃ visamaṃ sammajjati. Mohacarito sithilaṃ sammajjanaṃ gahetvā samparivattakaṃ āloayamāno asuddhaṃ visamaṃ sammajjati.

Yathā sammajjane, evaṃ cīvaradhovanarajanādīsipi sabbakicesu nipuṇamadhurasamasakkaccakārī rāgacarito. Gāḷhathaddhavisamakārī dosacarito. Anipuṇabyākulavisamāparicchinakārī mohacarito. Cīvaradhāraṇampi ca rāgacaritassa nātigāḷhaṃ nātisithilaṃ hoti pāsādikāṃ parimaṇḍalaṃ. Dosacaritassa atigāḷhaṃ aparimaṇḍalaṃ. Mohacaritassa sithilaṃ paribhāyā. Saddhācaritādayo tesamyevanūsāreṇa veditabbā, taṃ sabhāgattāti. Evaṃ kiccato cariyāyo vibhāvaye.

Bhojanāti rāgacarito siniddhamadhurabhojanappiyo hoti, bhuñjamāno ca nātimahantaṃ parimaṇḍalaṃ ālopaṃ katvā rasapaṭisaṃvedī ataramāno bhuñjati, kiñcideva ca sādhuṃ labhitvā somanassaṃ āpajjati. Dosacarito lūkaambalabhojanappiyo hoti, bhuñjamāno ca mukhapūraṅkaṃ ālopaṃ katvā arasapaṭisaṃvedī taramāno bhuñjati, kiñcideva ca asādhuṃ labhitvā domanassaṃ āpajjati. Mohacarito aniyataruciko hoti, bhuñjamāno ca aparimaṇḍalaṃ parittaṃ ālopaṃ katvā bhājane chaḍḍento mukhaṃ makkhento vikkhittacitto taṃ taṃ vitakkento bhuñjati. Saddhācaritādayopi tesamyevanūsāreṇa veditabbā, taṃ sabhāgattāti. Evaṃ bhojanato cariyāyo vibhāvaye.

Dassanādītōti rāgacarito īsakampi manoramaṃ rūpaṃ disvā vimhayaḍāto viya ciraṃ oloketi, parittepi guṇe sajjati, bhūtampi dosaṃ na gaṇhāti, pakkamantopi amuñcitukāmoḥa hutvā sāpekkho pakkamati. Dosacarito īsakampi amanoramaṃ rūpaṃ disvā kilantarūpo viya na ciraṃ oloketi, parittepi dose paṭihaññati, bhūtampi guṇaṃ na gaṇhāti, pakkamantopi muñcitukāmoḥa hutvā anapekkho pakkamati. Mohacarito yaṃkiñci rūpaṃ disvā parapaccayiko hoti, paraṃ nindantaṃ sutvā nindati, pasamsantaṃ sutvā pasamsati, sayaṃ pana aññānupekkhāya upekkhakoḥa hoti. Esa nayo saddasavanādīsipi. Saddhācaritādayo pana tesamyevanūsāreṇa veditabbā, taṃ sabhāgattāti. Evaṃ dassanādito cariyāyo vibhāvaye.

Dhammapavattito cevāti rāgacaritassa ca māyā, sāṭṭheyyaṃ, māno, pāpicchatā, mahicchatā, asantuṭṭhitā, siṅgaṃ, cāpalyanti evamādayo dhammā bahulaṃ pavattanti. Dosacaritassa kodho, upanāho, makkho, paḷāso, issā, macchariyanti evamādayo. Mohacaritassa thinaṃ, middhaṃ, uddhaccaṃ, kukkuccaṃ, vicikicchā, ādhānaggāhitā, duppaṭinissaggītāti evamādayo. Saddhācaritassa muttacāgatā, ariyānaṃ dassanākāmatā, saddhammaṃ sotukāmatā, pāmojjabahulātā, asaṭhātā, amāyāvītā, pasādanīyesu ṭhānesu pasādoti evamādayo. Buddhicaritassa sovacassatā, kalyāṇamittatā, bhojanemattaññūtā, sātisaṃpajāññaṃ, jāgariyānuyogo, saṃvejanīyesu ṭhānesu saṃvego, saṃviggassa ca yoniso padhānanti evamādayo. Vitakkacaritassa bhassabahulātā, gaṇārāmatā, kusalanuyoge arati, anavaṭṭhitakiccatā, rattiṃ dhūmāyanā, divā pajjalānā, hurāhuraṃ dhāvanāti evamādayo dhammā bahulaṃ pavattanti. Evaṃ dhammapavattito cariyāyo vibhāvaye.

Yasmā pana idam cariyāvibhāvanavidhānaṃ sabbākāreṇa neva pāliyaṃ na aṭṭhakathāyaṃ āgataṃ, kevalaṃ ācariyamātānūsāreṇa vuttaṃ, tasmā na sārato paccetabbaṃ. Rāgacaritassa hi vuttāni iriyāpathādīni dosacaritādayopi

appamādavihāro kātuṃ sakkonti. Saṃsaṭṭhacaritassa ca puggalassa ekasseva bhinnalakkhaṇā iriyāpathādayo na upapajjanti. Yaṃ panetaṃ aṭṭhakathāsu cariyāvibhāvanavidhānaṃ vuttaṃ, tadeva sārato paccetabbaṃ. Vuttañhettaṃ “cetopariyañānaṃ lābhī ācariyo cariyāṃ ñatvā kammaṭṭhānaṃ kathessati, itarena antevāsiko pucchitabbo”ti. Tasmā cetopariyañānaṃ vā taṃ vā puggalaṃ pucchitvā jānitabbaṃ. Ayaṃ puggalo rāgararito, ayaṃ dosādīsu aññataracaritoti.

46. Kiṃ caritassa puggalassa kiṃ sappāyanti ettha pana senāsanāṃ tāva rāgararitassa adhotavedikaṃ bhūmaṭṭhakaṃ akatapabbhāraṃ tiṇakuṭikaṃ paṇṇasālādīnaṃ aññataraṃ rajokīṇṇaṃ jatukābharitaṃ oluggaviluggaṃ atiuccaṃ vā atinīcaṃ vā ujjāṅgalaṃ sāsākaṃ asucivisaṃmaggaṃ, yattha mañcapīṭhampi mañkuṇabharitaṃ durūpaṃ dubbaṇṇaṃ, yaṃ olokentasseva jigucchā uppajjati, tādisaṃ sappāyaṃ. Nivāsanaṃpārupanaṃ antacchinnaṃ olambavilambasuttakākiṇṇaṃ jālapūvasadisāṃ sāni viya kharasamphassaṃ kilīṭṭhaṃ bhārikaṃ kicchapariharaṇaṃ sappāyaṃ. Pattopi dubbaṇṇo mattikāpatto vā ānigaṇṭhikāhato ayopatto vā garuko dussañṭhāno sīsakapālamiva jeguccho vaṭṭati. Bhikkhācāramaggopi amanāpo anāsannagāmo visamo vaṭṭati. Bhikkhācāragāmo pi yattha manussā apassantā viya caranti, yattha ekakulepi bhikkhaṃ alabhitvā nikkhamantaṃ “ehi, bhante”ti āsanasālaṃ pavesetvā yāgubhattaṃ datvā gacchantā gāvī viya vaje pavesetvā anapalokentā gacchanti, tādiso vaṭṭati. Parivisaṃkamaṇussāpi dāsā vā kammakarā vā dubbaṇṇā duddasikā kilīṭṭhavasanaṃ duggandhā jegucchā, ye acittikārena yāgubhattaṃ chaḍḍentā viya parivisanti, tādīsā sappāyā. Yāgubhattakhaṇḍakampi lūkhaṃ dubbaṇṇaṃ sāmākakudrūsakakāñjakādīmayāṃ pūtitakkaṃ bilaṅgaṃ jīṇṇasākasūpeyyaṃ yaṃkiñcīdeva kevalaṃ udarapūramattaṃ vaṭṭati. Iriyāpathopissa ṭhānaṃ vā caṅkamo vā vaṭṭati. Ārammaṇaṃ nīlādīsu vaṇṇakasiṇesu yaṃkiñci aparissuddhavaṇṇanti idaṃ rāgararitassa sappāyaṃ.

Dosacaritassa senāsanāṃ nātiuccaṃ nātinīcaṃ chāyūdakasampannaṃ suvibhattabhittithambhasopānaṃ supariniṭṭhitamālākammalātākammaṇānāvidhacittakammaṃsamujjasamasiniddhamudubhūmitaṃ brahmavimānaṃviva kusumadāmaṃvicitravaṇṇacelavitānasamalaṅkataṃ supaññattasucimanoramattharaṇamañcapīṭhaṃ tattha tattha vāsathāya nikkhattakusumavāsagandhasugandhaṃ yaṃ dassanamatteneva pītipāmojjaṃ janayati, evarūpaṃ sappāyaṃ. Tassa pana senāsanassa maggopi sabbaparissayavimutto sucisamāto alaṅkatapaṭiyattova vaṭṭati. Senāsanaparikkhāropettha kīṭamañkuṇadīghajātīmūsikānaṃ nissayapaccichindanattaṃ nātibahuko, ekamañcapīṭhamattameva vaṭṭati. Nivāsanaṃpārupanaṃpissa cīnapaṭṭasomārapaṭṭakoseyyakappāsikasukhumakhomādīnaṃ yaṃ yaṃ paṇītaṃ, tena tena ekapaṭṭaṃ vā dupaṭṭaṃ vā sallahukaṃ samaṇasārūppena surattaṃ suddhavaṇṇaṃ vaṭṭati. Patto udakapupphūlamiva susañṭhāno maṇi viya sumaṭṭho nimmalo samaṇasārūppena suparisuddhavaṇṇo ayomayo vaṭṭati. Bhikkhācāramaggo parissayavimutto samo maṇāpo nātidūranācāsannagāmo vaṭṭati. Bhikkhācāragāmo pi yattha manussā “idāni ayyo āgamissati”ti sittasammatṭhe padese āsanaṃ paññāpetvā paccuggantvā pattaṃ ādāya gharaṃ pavesetvā paññāttāsane nisīdāpetvā sakkaccaṃ sahatthā parivisanti, tādiso vaṭṭati. Parivesakā panassa ye honti abhirūpā pāsādikā sunhātā suvilittā dhūpavāsakusumagandhasurabhino nānāvīrāgasucimanuññavathābharanaṃpaṭimaṇḍitā sakkaccakārino, tādīsā sappāyā. Yāgubhattakhaṇḍakampi vaṇṇagandharasasampannaṃ ojavantaṃ manoramaṃ sabbākārapaṇītaṃ yāvadattaṃ vaṭṭati. Iriyāpathopissa seyyā vā nisajjā vā vaṭṭati, ārammaṇaṃ nīlādīsu vaṇṇakasiṇesu yaṃkiñci suparisuddhavaṇṇanti idaṃ dosacaritassa sappāyaṃ.

Mohacaritassa senāsanāṃ disāmukhaṃ asambādhaṃ vaṭṭati, yattha nisinnassa vivaṭṭā disā khāyanti, iriyāpathesu caṅkamo vaṭṭati. Ārammaṇaṃ panassa parittaṃ supparamattaṃ sarāvamattaṃ vā (khuddakaṃ) na vaṭṭati. Sambādhasmiñhi okāse cittaṃ bhīyyo sammohamāpajjati, tasmā vipulaṃ mahākasiṇaṃ vaṭṭati. Sesāṃ dosacaritassa vuttasadisamevāti idaṃ mohacaritassa sappāyaṃ.

Saddhācaritassa sabbampi dosacaritamhi vuttavidhānaṃ sappāyaṃ. Ārammaṇesu cassa anussatiṭṭhānampi vaṭṭati.

Buddhacaritassa senāsanādīsu idaṃ nāma asappāyanti natthi.

Vitakkacaritassa senāsanāṃ vivaṭṭaṃ disāmukhaṃ yattha nisinnassa āramavanapokkharāṇīrāmaṇeyyakāni gāmanigamaṇapadaṭṭapaṭiyāyo nīlobhāsā ca pabbatā paññāyanti, taṃ na vaṭṭati, tañhi vitakkavidhāvanasseva paccayo hoti, tasmā gambhīre darīmukhe vanappaṭicchane hatthikucchipabbhāramahindaguhāsādise senāsane vasitabbaṃ. Ārammaṇaṃpissa vipulaṃ na vaṭṭati. Tādīsāñhi vitakkavasena sandhāvanassa paccayo hoti. Parittaṃ pana vaṭṭati.

Sesaṃ rāgararitassa vuttasadisamevāti idaṃ vitakkacaritassa sappāyaṃ. Ayaṃ attano cariyānukūlanti ettha āgatacariyānaṃ pabhedanīdānavibhāvanasappāyapaccichedato vitthāro. Na ca tāva cariyānukūlaṃ kammaṭṭhānaṃ sabbākārena āvikataṃ. Tañhi anantarassa mātīkāpadassa vitthāre sayameva āvibhavissati.

Cattālīsakammaṭṭhānavāṇṇanā

47. Tasmā yaṃ vuttaṃ cattālīsāya kammaṭṭhānesu aññataraṃ kammaṭṭhānaṃ gahetvāti ettha saṅkhātaniddesato, upacārappanāvahato, jhānappabhedato, samatikkamato, vaḍḍhanāvāḍḍhanato, ārammaṇato, bhūmito, gahaṇato, paccayato, cariyānukūlatoti imehi tāva dasahākārehi kammaṭṭhānavinīchayo veditabbo.

Tattha **saṅkhātaniddesato**ti cattālīsāya kammaṭṭhānesūti hi vuttaṃ, tatrimāni cattālīsā kammaṭṭhānāni dasa kasiṇā, dasa asubhā, dasa anussatiyo, cattāro brahmavihārā, cattāro āruppā, ekā saññā, ekaṃ vavattānanti.

Tattha pathavīkasiṇaṃ, āpokasiṇaṃ, tejokasiṇaṃ, vāyokasiṇaṃ, nīlakasiṇaṃ, pītakasiṇaṃ, lohītakasiṇaṃ, odātakasiṇaṃ, ālokakasiṇaṃ, paricchinnākāsakasiṇanti ime **dasa kasiṇā**.

Uddhumātakam, vinīlakam, vipubbakam, vicchiddakam, vikkhāyītakam, vikkhittakam, hatavikkhittakam, lohītakam, puḷuvakam, aṭṭhikanti ime **dasa asubhā**.

Buddhānussati, dhammānussati, saṅghānussati, sīlānussati, cāgānussati, devatānussati, maraṇānussati, kāyagatāsati, ānāpānassati, upasamānussatīti imā **dasa anussatiyo**.

Mettā, karuṇā, muditā, upekkhātī ime **cattāro brahmavihārā**.

Ākāsañācāyatanam, viññāṇaṇcāyatanam, ākiñcaññāyatanam, nevasaññānāsaññāyatananti ime **cattāro āruppā**. Āhāre paṭikūlasaññā **ekā saññā**. Catudhātuvavattānaṃ **ekam vavattānaṃ** evaṃ saṅkhātaniddesato vinicchayo vedītabbo.

Upacārappanāvahatoti ṭhapetvā kāyagatāsatiṇca ānāpānassatiṇca avasesā aṭṭha anussatiyo, āhāre paṭikūlasaññā, catudhātuvavattānanti imāneva hettha dasakammaṭṭhānāni upacāravahāni. Sesāni appanāvahāni. Evaṃ upacārappanāvahato.

Jhānappabhedatoti appanāvahesu cettha ānāpānassatiyā saddhiṃ dasa kasiṇā catukkajjhānikā honti. Kāyagatāsatiyā saddhiṃ dasa asubhā paṭhamajjhānikā. Purimā tayo brahmavihārā tikajjhānikā. Catutthabrahmavihāro cattāro ca āruppā catutthajjhānikāti evaṃ jhānappabhedato.

Samatikkamatoti dve samatikkamā aṅgasamatikkamo ca ārammaṇasamatikkamo ca. Tattha sabbesupi tikacattukkajjhānikesu kammaṭṭhānesu aṅgasamatikkamo hoti vitakkavicārādīni jhānaṅgāni samatikkamitvā tesvevārammaṇesu dutiyajjhānādīnaṃ pattabbato. Tathā catutthabrahmavihāre. Sopi hi mettādīnaṃyeva ārammaṇe somanassaṃ samatikkamitvā pattabboti. Catūsu pana āruppesu ārammaṇasamatikkamo hoti. Purimesu hi navasu kasiṇesu aññataraṃ samatikkamitvā ākāsañācāyatanam pattabbam. Ākāśādīni ca samatikkamitvā viññāṇaṇcāyatanādīni. Sesesu samatikkamo natthīti evaṃ samatikkamato.

Vaḍḍhanāvāḍḍhanatoti imesu cattālīsāya kammaṭṭhānesu dasa kasiṇāneva vaḍḍhetabbāni. Yattakañhi okāsaṃ kasiṇena pharati, tadabbhantare dibbāya sotadhātuyā saddaṃ sotuṃ dibbena cakkhunā rūpāni passituṃ parasattānaṇca cetasaṃ cittamaññātumuṃ samattho hoti. Kāyagatāsati pana asubhāni ca na vaḍḍhetabbāni. Kasmā? Okāsaṇa paricchinnattā ānisaṃsābhāvā ca. Sā ca nesam okāsaṇa paricchinnattā bhāvanānaye avibhāvissati. Tesu pana vaḍḍhitesu kuṇaparāsiyeva vaḍḍhātī, na koci ānisaṃso atthi. Vuttampi cetam sopākapaññābyākaraṇe, “vibhūtā bhagavā rūpasaññā avibhūtā aṭṭhikasaññā”ti. Tatra hi nimittavaḍḍhanavasena rūpasaññā vibhūtātī vuttā. Aṭṭhikasaññā avāḍḍhanavasena avibhūtātī vuttā.

Yaṃ panetaṃ “kevalam aṭṭhisaññāya, aphaṛī pathaviṃ ima”nti (theragā. 18) vuttam, taṃ lābhissa sato upaṭṭhānākārasena vuttam. Yatheva hi dhammāsokakāle karavīkasakuṇo samantā ādāsabhittīsū attano chāyaṃ disvā sabbadisāsū karavīkasaññī hutvā madhuraṃ giraṃ nicchāresi, evaṃ theropi aṭṭhikasaññāya lābhittā sabbadisāsū upaṭṭhitam nimittam passanto kevalāpi pathavī aṭṭhikabharitātī cintesīti.

Yadi evaṃ yā asubhajjhānānaṃ appamāṇārammaṇatā vuttā, sā virujjhatīti. Sā ca na virujjhati. Ekacco hi uddhumātake vā aṭṭhike vā mahante nimittam ganhātī. Ekacco appake. Iminā pariyaṇena ekaccassa parittārammaṇam jhānam hoti. Ekaccassa appamāṇārammaṇanti. Yo vā etaṃ vaḍḍhane ādīnavam apassanto vaḍḍheti. Tam sandhāya “appamāṇārammaṇa”nti vuttam. Ānisaṃsābhāvā pana na vaḍḍhetabbāni.

Yathā ca etāni, evaṃ sesānipi na vaḍḍhetabbāni. Kasmā? Tesu hi ānāpānanimittam tāva vaḍḍhayato vātarāsiyeva vaḍḍhātī, okāsaṇa ca paricchinnam. Iti sādīnavattā okāsaṇa ca paricchinnattā na vaḍḍhetabbam. Brahmavihārā sattārammaṇā, tesam nimittam vaḍḍhayato sattarāsiyeva vaḍḍheyya, na ca tena attho atthi, tasmā tampi na vaḍḍhetabbam. Yaṃ pana vuttam “mettāsaṃhagatena cetasaṃ ekam disam pharivā”ti (dī. ni. 1.556) ādi, tam pariggahavaseneva vuttam. Ekāvāsadvivāsādīnā hi anukkamaṇa ekissā disāya satte pariggahetvā bhāvento ekam disam pharivātī vutto. Na nimittam vaḍḍhento. Paṭibhāganimitameva cettha natthi. Yadayam vaḍḍheyya, parittaappamāṇārammaṇatāpettha pariggahavaseneva vedītabbā. Āruppārammaṇesupi ākāsam kasiṇuggahātimattā. Tañhi kasiṇāpagamavaseneva manasi kātabbām. Tato param vaḍḍhayatopi na kiñci hoti. Viññāṇam sabhāvadhammattā. Na hi sakkā sabhāvadhammam vaḍḍhetum. Viññāṇāpagamo viññāṇassa abhāvamattattā. Nevasaññānāsaññāyatanārammaṇam sabhāvadhammattāyeva na vaḍḍhetabbam. Sesāni animittattā. Paṭibhāganimitaṇhi vaḍḍhetabbam nāma bhavēyya. Buddhānussatiādīnaṇca neva paṭibhāganimittam ārammaṇam hoti, tasmā tam na vaḍḍhetabbanti evaṃ vaḍḍhanāvāḍḍhanato.

Ārammaṇatoti imesu ca cattālīsāya kammaṭṭhānesu dasakasiṇā, dasaasubhā, ānāpānassati, kāyagatāsati imāni dvāvīsati paṭibhāganimittārammaṇāni. Sesāni na paṭibhāganimittārammaṇāni. Tathā dasasu anussatīsū ṭhapetvā ānāpānassatiṇca kāyagatāsatiṇca avasesā aṭṭha anussatiyo, āhāre paṭikūlasaññā, catudhātuvavattānaṃ, viññāṇaṇcāyatanam, nevasaññānāsaññāyatananti imāni dvādasa sabhāvadhammārammaṇāni. Dasa kasiṇā, dasa asubhā, ānāpānassati, kāyagatāsati imāni dvāvīsati nimittārammaṇāni. Sesāni cha na vattabbārammaṇāni. Tathā vipubbakam, lohītakam, puḷuvakam, ānāpānassati,

āpokasiṇaṃ, tejokasiṇaṃ, vāyokasiṇaṃ, yañca ālokakasiṇe sūriyādīnaṃ obhāsamaṇḍalārammaṇanti imāni aṭṭha calitārammaṇāni, tāni ca kho pubbabhāge, paṭibhāgaṃ pana sannisinnameva hoti. Sesāni na calitārammaṇānti evaṃ ārammaṇato.

Bhūmitoti ettha ca dasa asubhā, kāyagatāsati, āhāre paṭikūlasaññāti imāni dvādasa devesu nappavattanti. Tāni dvādasa, ānāpānassati cāti imāni terasa brahmaloke nappavattanti. Arūpabhava pana ṭhapetvā cattāro āruppe aññaṃ nappavattati. Manussesu sabbānipi pavattantīti evaṃ bhūmito.

Gahaṇatoti diṭṭhaphuṭṭhasutaggahaṇatopettha vinicchayo veditabbo. Tatra ṭhapetvā vāyokasiṇaṃ sesā nava kasiṇā, dasa asubhāti imāni ekūnavīsati diṭṭhena gahetabbāni. Pubbabhāge cakkhunā oloketvā nimittaṃ nesaṃ gahetabbanti attho. Kāyagatāsatiyaṃ tacapañcakaṃ diṭṭhena, sesaṃ sutenāti evaṃ tassā ārammaṇaṃ diṭṭhasutena gahetabbaṃ. Ānāpānassati phuṭṭhena, vāyokasiṇaṃ diṭṭhaphuṭṭhena, sesāni aṭṭhārasa sutena gahetabbāni. Upekkhābrahmavihāro, cattāro āruppāti imāni cettha na ādikammikena gahetabbāni. Sesāni pañcatimsa gahetabbāntīti evaṃ gahaṇato.

Paccayatoti imesu pana kammaṭṭhānesu ṭhapetvā ākāsakasiṇaṃ sesā nava kasiṇā āruppānaṃ paccayā hoti, dasa kasiṇā abhiññānaṃ, tayo brahmavihārā catutthabrahmavihārassa, heṭṭhimaṃ heṭṭhimaṃ āruppaṃ uparimassa uparimassa, nevasaññānāsaññāyatanam nirodhasamāpattiyā, sabbānipi sukhavihāravipassanābhavasampattīnanti evaṃ paccayato.

Cariyānukūlatoti cariyānaṃ anukūlatopettha vinicchayo veditabbo. Seyyathidaṃ – rāgaritassa tāva ettha dasa asubhā, kāyagatāsati ekādasa kammaṭṭhānāni anukūlāni. Dosacaritassa cattāro brahmavihārā, cattāri vaṇṇakasiṇāntīti aṭṭha. Mohacaritassa, vitakkacaritassa ca ekaṃ ānāpānassati kammaṭṭhānameva. Saddhācaritassa purimā cha anussatiyo. Buddhacaritassa maraṇassati, upasamānussati, catudhātuvavattānaṃ, āhāre paṭikūlasaññāti cattāri. Sesakasiṇāni, cattāro ca āruppā sabbacaritānaṃ anukūlāni. Kasiṇesu ca yaṃkiñci parittaṃ vitakkacaritassa, appamānaṃ mohacaritassāti.

Evamettha cariyānukūlato vinicchayo veditabboti sabbāñcetaṃ ujuvipaccanīkavasena ca atisappāyavasena ca vuttaṃ. Rāgādīnaṃ pana avikkhambhikā saddhādīnaṃ vā anupakārā kusalabhāvanā nāma natthi. Vuttampi cetaṃ meghiyasutte –

“Cattāro dhammā uttari bhāvetabbā. Asubhā bhāvetabbā rāgassa pahānāya. Mettā bhāvetabbā byāpādassa pahānāya. Ānāpānassati bhāvetabbā vitakkupacchedāya. Aniccasaññā bhāvetabbā asmimānasamugghātāyā”ti.

Rāhulasuttepi “mettaṃ, rāhula, bhāvanaṃ bhāvehi”tiādīnā (ma. ni. 2.120) nayena ekasseva satta kammaṭṭhānāni vuttāni. Tasmā vacanamatte abhinivesaṃ akatvā sabbattha adhippāyo pariyesitabboti ayaṃ kammaṭṭhānaṃ gahetvāti ettha kammaṭṭhānakathā vinicchayo.

48. Gahetvāti imassa pana padassa ayamatthadīpanā. “Tena yoginā kammaṭṭhānadāyakaṃ kalyāṇamittaṃ upasaṅkamitvā”ti ettha vuttanayeneva vuttappakāraṃ kalyāṇamittaṃ upasaṅkamitvā buddhassa vā bhagavato ācariyassa vā attānaṃ niyyātetvā sampannañjhāsayena sampannādhimuttinā ca hutvā kammaṭṭhānaṃ yācītambaṃ.

Tatra “imāhaṃ bhagavā attabhāvaṃ tumhākaṃ pariccajāmi”ti evaṃ buddhassa bhagavato attā niyyātetabbo. Evañhi aniyyātetvā pantesu senāsanesu viharanto bheravārammaṇe āpāthamāgate santhambhituṃ asakkoṃto gāmantam osaritvā gihīhi saṃsaṭṭho hutvā anesanaṃ āpajjitvā anayabyasanaṃ pāpuṇeyya. Niyyātitattabhāvassa panassa bheravārammaṇe āpāthamāgatepi bhayaṃ na uppajjati. “Nanu tayā, paṇḍita, purimameva attā buddhānaṃ niyyātito”ti paccavekkhato panassa somanassameva uppajjati. Yathā hi purisassa uttamaṃ kāsikavattam bhavyeṃ, tassa tasmim mūsikāya vā kīṭhi vā khādite uppajjeyya domanassaṃ. Sace pana taṃ acīvarakassa bhikkhuno dadeyya, athassa taṃ tena bhikkhunā khaṇḍākhandaṃ kariyamānaṃ disvāpi somanassameva uppajjeyya. Evaṃsampaadamidaṃ veditabbaṃ.

Ācariyassa niyyātentenāpi “imāhaṃ, bhante, attabhāvaṃ tumhākaṃ pariccajāmi”ti vattabbaṃ. Evaṃ aniyyātitattabhāvo hi atajjanīyo vā hoti, dubbaco vā anovādakaro, yenakāmaṃgamo vā ācariyaṃ anāpucchāva yatthicchatī, tattha gantā, tamenam ācariyo āmisena vā dhammena vā na saṅgañhāti, gūlhaṃ ganthaṃ na sikkhāpeti. So imaṃ duvidhaṃ saṅgahaṃ alabhanto sāsane patiṭṭhaṃ na labhati, nacirasseva dussīlyam vā gihibhāvaṃ vā pāpuṇāti. Niyyātitattabhāvo pana neva atajjanīyo hoti, na yenakāmaṃgamo, suvaco ācariyāyattavuttīyeva hoti. So ācariyato duvidhaṃ saṅgahaṃ labhanto sāsane vuḍḍhiṃ virūḍhiṃ vepullaṃ pāpuṇāti cūḷaṇḍapātikatissattherassa antevāsikā viya.

Therassa kira santikaṃ tayo bhikkhū āgamaṃsu. Tesu eko “ahaṃ, bhante, tumhākamattāyā”ti vutte sataporise papāte patituṃ ussaheyyanti āha. Dutīyo “ahaṃ, bhante, tumhākamattāyā”ti vutte imaṃ attabhāvaṃ pañhito paṭṭhāya pāsānapīṭṭhe ghaṃsento niravasesaṃ khetuṃ ussaheyyanti āha. Tatiyo “ahaṃ, bhante, tumhākamattāyā”ti vutte assāsapassāse uparundhitvā kālakiriyaṃ kātuṃ ussaheyyanti āha. Thero bhābbāvatime bhikkhūti kammaṭṭhānaṃ kathesi. Te tassa ovāde ṭhatvā tayopi arahattaṃ pāpuṇimsūti ayamānisamso attaniyyātane. Tena vuttaṃ “buddhassa vā bhagavato ācariyassa vā attānaṃ niyyātetvā”ti.

49. Sampannañjhāsayena sampannādhimuttinā ca hutvāti ettha pana tena yoginā alobhādīnaṃ vasena chahākārehi sampannañjhāsayena bhavitabbaṃ. Evaṃ sampannañjhāsayo hi tissannaṃ bodhīnaṃ aññataraṃ pāpuṇāti. Yathāha, “cha

ajjhāsaya bodhisattānaṃ bodhiparipākāya saṃvattanti, alobhajjhāsaya ca bodhisattā lobhe dosadassāvino, adosajjhāsaya ca bodhisattā dose dosadassāvino, amohajjhāsaya ca bodhisattā mohe dosadassāvino, nekkhammajjhāsaya ca bodhisattā gharāvāse dosadassāvino, pavivekajjhāsaya ca bodhisattā saṅgaṅikāya dosadassāvino, nissaraṇajjhāsaya ca bodhisattā sabbabhavagatīsu dosadassāvino’’ti. Ye hi keci atītānāgatapaccuppannā sotāpannasakadāgāmiānāgāmiḥīṇāsavapaccekabuddhasammāsambuddhā, sabbe te imeheva chahākārehi attanā attanā pattabbaṃ visesaṃ pattā. Tasmā imehi chahākārehi sampannaajjhāsaya bhavitabbaṃ. Tadadhimuttatāya pana adhimuttisampannena bhavitabbaṃ. Samādhādhimuttena samādhigarukena samādhipabbhārena, nibbānādhimuttena nibbānagarukena nibbānapabbhārena ca bhavitabbanti attho.

50. Evaṃ sampannaajjhāsaya dhimuttino panassa kammaṭṭhānaṃ yācato cetopariyaññalābhina ācariyena cittācāraṃ oloketvā cariyā jānitabbā. Itarena kiṃ caritosi? Ke vā te dhammā bahulaṃ samudācaranti? Kiṃ vā te manasikaroto phāsu hoti? Katarasmiṃ vā te kammaṭṭhāne cittaṃ namatīti evamādīhi nayehi pucchitvā jānitabbā. Evaṃ ñatvā cariyānukūlaṃ kammaṭṭhānaṃ kathetabbaṃ.

Kathentena ca tividhena kathetabbaṃ. Pakatiyā uggahitakammaṭṭhānassa ekaṃ dve nisajjāni sajjhāyaṃ kāretvā dātābbaṃ. Santike vasantassa āgatāgatakkhaṇe kathetabbaṃ. Uggahetvā aññatra gantukāmassa nātiṣaṃkhittaṃ nātivitthārikaṃ katvā kathetabbaṃ.

Tattha pathavīkasiṇaṃ tāva kathentena cattāro kasiṇadosā, kasiṇakaraṇaṃ, katassa bhāvanānayo, duvidhaṃ nimittaṃ, duvidho samādhī, sattavidhaṃ sappāyāsappāyaṃ, dasavidhaṃ appanākosallaṃ, vīriyasamatā, appanāvīdhananti ime nava ākāra kathetabbā. Sesakammaṭṭhānesupī tassa tassa anurūpaṃ kathetabbaṃ. Taṃ sabbaṃ tesāṃ bhāvanāvīdhanā āvibhavissati.

Evaṃ kathyamāne pana kammaṭṭhāne tena yoginā nimittaṃ gahetvā sotabbaṃ. **Nimittaṃ gahetvāti** idaṃ heṭṭhimapadaṃ, idaṃ uparimapadaṃ, ayamassa attho, ayamadhippāyo, idamopamanti evaṃ taṃ taṃ ākāraṃ upanibandhitvāti attho. Evaṃ nimittaṃ gahetvā sakkaccaṃ suṇantena hi kammaṭṭhānaṃ suggahitaṃ hoti. Athassa taṃ nissāya visesādhigamo sampajjati, na itarassāti ayaṃ gahetvāti imassa padassa atthaparidīpanā.

Ettāvatā kalyāṇamittaṃ upasankamitvā attano cariyānukūlaṃ cattālīsāya kammaṭṭhānesu aññataraṃ kammaṭṭhānaṃ gahetvāti imāni padāni sabbākārena vitthāritāni hotīti.

Iti sādhujanapāmojjatthāya kate visuddhimagge

Samādhībhāvanādhikāre

Kammaṭṭhānaggahaṇaniddeso nāma

Tatiyo paricchedo.

4. Pathavīkasiṇaniddeso

51. Idāni yaṃ vuttaṃ ‘‘samādhībhāvanāya ananurūpaṃ vihāraṃ pahāya anurūpe vihāre viharantenā’’ti ettha yassa tāvācariyena saddhiṃ ekavīhāre vasato phāsu hoti, tena tattheva kammaṭṭhānaṃ parisodhentena vasitabbaṃ. Sace tattha phāsu na hoti, yo añño gāvute vā aḍḍhayaṃ vā yojanamattepi vā sappāyo vihāro hoti, tattha vasitabbaṃ. Evañhi sati kammaṭṭhānassa kismiñcīdeva ṭhāne sandehe vā satsamāse vā jāte kālasseva vihāre vattaṃ katvā antarāmagge piṇḍāya caritvā bhattakiccapariyosāneyeva ācariyassa vasanaṭṭhānaṃ gantvā taṃdivasamācariyassa santike kammaṭṭhānaṃ sodhetvā dutiyadivase ācariyaṃ vanditvā nikkhamitvā antarāmagge piṇḍāya caritvā akilamantoyeva attano vasanaṭṭhānaṃ āgantvā sakkhissati. Yo pana yojanappamāṇepi phāsukaṭṭhānaṃ na labhati, tena kammaṭṭhāne sabbaṃ gaṇṭhiṭṭhānaṃ chinditvā suvisuddhaṃ āvajjanapaṭibaddhaṃ kammaṭṭhānaṃ katvā dūrampi gantvā samādhībhāvanāya ananurūpaṃ vihāraṃ pahāya anurūpe vihāre vihātabbaṃ.

Ananurūpavihāro

52. Tattha ananurūpo nāma aṭṭhārasannaṃ dosānaṃ aññatarena samannāgato. Tatrima aṭṭhārasa dosā – mahattaṃ, navattaṃ, jinṇattaṃ, panthanissittattaṃ, soṇḍī, paṇṇaṃ, pupphaṃ, phalaṃ, patthanīyatā, nagarasannissittā, dārusannissittā, khettasannissittā, visabhāgānaṃ puggalānaṃ atthitā, paṭṭanasannissittā, paccantasannissittā, rajjasīmasannissittā, asappāyatā, kalyāṇamittānaṃ alābhoti imesaṃ aṭṭhārasannaṃ dosānaṃ aññatarena dosena samannāgato ananurūpo nāma. Na tattha vihātabbaṃ.

Kasmā? **Mahāvīhāre** tāva bahū nānāchandā sannipatanti, te aññamaññaṃ paṭiviruddhatāya vattaṃ na karonti. Bodhiyaṅgaṇādīni asammaṭṭhāneva honti. Anupaṭṭhāpitaṃ pāṇīyaṃ paribhojanīyaṃ. Tatrāyaṃ gocaragāme piṇḍāya carissāmīti pattacīvaramādāya nikkhanto sace passati vattaṃ vā akataṃ pāṇīyaghaṭaṃ vā rittaṃ, athānena vattaṃ kātabbaṃ hoti, pāṇīyaṃ

upaṭṭhāpetabbaṃ. Akaronto vattabhede dukkaṭaṃ āpajjati. Karontassa kālo atikkamati, atidivā pavitṭho niṭṭhitāya bhikkhāya kiñci na labhati. Paṭisallānagatopi sāmaṇeradaharabhikkhūnaṃ uccāsaddena saṅghakammehi ca vikkhipati. Yattha pana sabbam vattaṃ katameva hoti, avasesāpi ca saṅghaṭṭanā natthi. Evarūpe mahāvihārepi vihātabbaṃ.

Navavihāre bahu navakammaṃ hoti, akarontaṃ ujjhāyanti. Yattha pana bhikkhū evaṃ vadanti “āyasmā yathāsukhaṃ samaṇadhammaṃ karotu, mayaṃ navakammaṃ karissāmā”ti evarūpe vihātabbaṃ.

Jiṇṇavihāre pana bahu paṭijjaggitabbaṃ hoti, antamaso attano senāsanamattampi appaṭijjagantaṃ ujjhāyanti, paṭijjagantassa kammaṭṭhānaṃ parihāyati.

Panthanissite mahāpathavihāre rattindivaṃ āgantukā sannipatanti. Vikāle āgatānaṃ attano senāsaṇaṃ datvā rukkhamūle vā pāsānapiṭṭhe vā vasitabbaṃ hoti. Punadivasepi evamevāti kammaṭṭhānassa okāso na hoti. Yattha pana evarūpo āgantukasambādho na hoti, tattha vihātabbaṃ.

Soṇḍī nāma pāsānapokkharāṇī hoti, tattha pānīyatthaṃ mahājano samosarati, nagaravāsīnaṃ rājakulūpakattherānaṃ antevāsikā rajanakammaṭṭhāya āgacchanti, tesam bhājanadārudoṇikādīni pucchantānaṃ asuke ca asuke ca ṭhāneti dassetabbāni honti, evaṃ sabbakālampi niccabyāvaṇo hoti.

Yattha nānāvidhaṃ sākapaṇṇaṃ hoti, tatthassa kammaṭṭhānaṃ gahetvā divāvihāraṃ nisinnassāpi santike sākahārikā gāyamaṇā paṇṇaṃ uccinantiyo visabhāgasaddasaṅghaṭṭanena kammaṭṭhānantarāyaṃ karonti.

Yattha pana nānāvidhā mālāgacchā supupphitā honti, tatrāpi tādisoyeva upaddavo.

Yattha nānāvidhaṃ ambajambupanasādiphalaṃ hoti, tattha phalatthikā āgantvā yācanti, adentassa kujjhanti, balakkārena vā gaṇhanti, sāyanhasamaye vihāramajjhe caṅkamantena te disvā “kiṃ upāsakā evaṃ karoṭhā”ti vuttā yathārucci akkosanti. Avāsāyapissa parakkamanti.

Patthanīye pana leṇasammate dakkhiṇagiriṭṭhikucchicetiyaḡiricittalapabbatasadise vihāre viharantaṃ ayamarahāti sambhāvetvā vanditukāmā manussā samantā osaranti, tenassa na phāsu hoti, yassa pana taṃ sappāyaṃ hoti, tena divā aññatra gantvā rattiṃ vasitabbaṃ.

Nagarasannissite visabhāgārammaṇāni āpāthamāgacchanti, kumbhadāsiyopi ghaṭehi nighamsantiyo gacchanti, okkamitvā maggaṃ na denti, issaramanussāpi vihāramajjhe sāṇiṃ parikkhipitvā nisīdanti.

Dārusannissaye pana yattha kaṭṭhāni ca dabbupakaraṇarukkā ca santi, tattha kaṭṭhahārikā pubbe vuttasākapupphahārikā viya aphāsuṃ karonti, vihāre rukkā santi, te chinditvā gharāni karissāmāti manussā āgantvā chindanti. Sace sāyanhasamayam padhānagarā nikkhamitvā vihāramajjhe caṅkamanto te disvā “kiṃ upāsakā evaṃ karoṭhā”ti vadati, yathārucci akkosanti, avāsāyapissa parakkamanti.

Yo pana **khetasannissito** hoti samantā khetehi parivārito, tattha manussā vihāramajjheyeva khalam katvā dhaññaṃ maddanti, pamukhesu sayanti, aññaṃpi bahuṃ aphāsuṃ karonti. Yatrāpi mahāsaṅghabhogo hoti, āramikā kulānaṃ gāvo rundhanti, udakavāraṃ paṭisedhenti, manussā vīhisīsaṃ gahetvā “passatha tumhākaṃ āramikānaṃ kamma”nti saṅghassa dassenti. Tena tena kāraṇena rājarājamahāmatānaṃ gharadvāraṃ gantabbaṃ hoti, ayampi khetasannissiteneva saṅghahito.

Visabhāgānaṃ puggalānaṃ atthitāti yattha aññaṃaññaṃ visabhāgaverī bhikkhū viharanti, ye kalahaṃ karontā mā, bhante, evaṃ karoṭhāti vāriyamānā etassa paṃsukūlikassa āgatakālato paṭṭhāya paṭṭhāmhāti vattāro bhavanti.

Yopi udakapaṭṭanaṃ vā thalapaṭṭanaṃ vā nissito hoti, tattha abhiṇhaṃ nāvāhi ca satthehi ca āgatamanussā okāsaṃ detha, pānīyam detha, loṇaṃ dethāti ghaṭṭayantā aphāsuṃ karonti.

Paccantasannissite pana manussā buddhādīsu appasannā honti.

Rajjasīmasannissite rājabhayaṃ hoti. Tañhi padesaṃ eko rājā na mayhaṃ vase vattaṭīti paharati, itaropi na mayhaṃ vase vattaṭīti. Tatrāyaṃ bhikkhu kadāci imassa rañño vijite vicarati, kadāci etassa. Atha naṃ “carapuriso aya”nti maññaṃānā anayabyasaṇaṃ pāpenti.

Asappāyatāti visabhāgarūpādīārammaṇasamosaraṇena vā amanussapariggahitāya vā asappāyatā. **Tatridaṃ vatthu.** Eko kira thero araññe vasati. Athassa ekā yakkhinī paṇṇasāladvāre ṭhatvā gāyi. So nikkhamitvā dvāre aṭṭhāsi, sā gantvā caṅkamanasīse gāyi. Thero caṅkamanasīsaṃ agamāsi. Sā sataporise papāte ṭhatvā gāyi. Thero paṇinivatti. Atha naṃ sā vegenāgantvā gahetvā “mayā, bhante, na eko na dve tumhādisā khādītā”ti āha.

Kalyāṇamittānaṃ alābhoti yattha na sakkā hoti ācariyaṃ vā ācariyasamaṃ vā upajjhāyaṃ vā upajjhāyasamaṃ vā

kalyānamittam laddhum. Tattha so kalyānamittānam alābho mahādosoyevāti imesaṃ aṭṭhārasannaṃ dosānaṃ aññatarena samannāgato ananurūpoti veditabbo. Vuttampi cetam aṭṭhakathāsu –

Mahāvāsaṃ navāvāsaṃ, jarāvāsaṃ panthaniṃ;
Soṇḍiṃ paṇṇaṃ pupphaṃ, phalaṃ patthitameva ca.

Nagaraṃ dārunā khettaṃ, visabhāgena paṭṭanaṃ;
Paccantasīmāsappāyaṃ, yattha mitto na labbhati.

Aṭṭhāresetāni ṭhānāni, iti viññāya paṇḍito;
Ārakā parivajjeyya, maggaṃ sappatiḥhayaṃ yathāti.

Anurūpavihāro

53. Yo pana gocaragāmato nātidūranāccāsannaṭṭhāni pañcahaṅgehi samannāgato, ayaṃ anurūpo nāma. Vuttañhetam bhagavatā – “kathaṃ, bhikkhave, senāsanaṃ pañcaṅgasamannāgataṃ hoti? Idha, bhikkhave, senāsanaṃ nātidūraṃ hoti nāccāsannaṃ gamanāgamasampannaṃ, divā appākiṇṇaṃ rattiṃ appasaddaṃ appanigghosaṃ, appaḍaṃsamakasavātātapasarīsapasamphassaṃ, tasmim kho pana senāsane viharantassa appakasireneva uppajjanti cīvarapiṇḍapātasenāsanaḅhānāpaccayabhesajjaparikkhārā. Tasmim kho pana senāsane therā bhikkhū viharanti bahussutā āgatāgamā dhammadharā vinayadharā mātīkādhārā, te kālena kālaṃ upasaṅkamitvā paripucchati paripaṇḥati ‘idaṃ, bhante, kathaṃ imassa ko attho’ ti, tassa te āyasmanto avivaṭṭhāya vivaranti, anuttānīkathaṃ uttānīkaronti, anekavihitesu ca kaṅkhaṭṭhānīyesu dhammesu kaṅkhaṃ paṭivinodenti. Evaṃ kho, bhikkhave, senāsanaṃ pañcaṅgasamannāgataṃ hoti’ ti (a. ni. 10.11).

Ayaṃ “samādhībhāvanāya ananurūpaṃ vihāraṃ pahāya anurūpe vihāre viharantena” ti ettha vitthāro.

Khuddakapalibodhā

54. **Khuddakapalibodhupacchedaṃ katvāti** evaṃ patirūpe vihāre viharantena yepissa te honti khuddakapalibodhā, tepi upacchinditabbā. Seyyathidaṃ, dīghāni kesanakhalomāni chinditabbāni. Jiṇṇacīvaresu dalhīkammaṃ vā tunnakammaṃ vā kātabbamaṃ. Kiliṭṭhāni vā rajitabbāni. Sace patte malaṃ hoti, patto pacitabbo. Mañcapīṭhādāni sodhetabbāni. “Ayaṃ khuddakapalibodhupacchedaṃ katvā” ti ettha vitthāro.

Bhāvanāvidhānaṃ

55. Idāni **sabbaṃ bhāvanāvidhānaṃ aparīhāpentena bhāvetabboti** ettha ayaṃ pathavīkasiṇaṃ ādiṃ katvā sabbakammaṭṭhānavasena vitthārakathā hoti.

Evaṃ upacchinnakhuddakapalibodhena hi bhikkhunā pacchābhataṃ piṇḍapātaṭṭhāntena bhattasammasaṃ paṭivinodetvā pavivitte okāse sukhanisinnena katāya vā akatāya vā pathaviyā nimittaṃ gaṇhitabbaṃ. Vuttañhetam –

“Pathavīkasiṇaṃ uggaṇhanto pathaviyaṃ nimittaṃ gaṇhāti kate vā akate vā sāntake, no anantake, sakoṭiye, no akoṭiye, savaṭṭume, no avatṭume, sapariyante, no apariyante, suppatte vā sarāvamatte vā. So tam nimittaṃ suggahitaṃ karoti, sūpadhāritaṃ upadhāreti, suvatthitaṃ vavatthapeti. So tam nimittaṃ suggahitaṃ katvā sūpadhāritaṃ upadhāretvā suvatthitaṃ vavatthapetvā ānisaṃsadassāvī ratanasaññī hutvā cīttīkaraṃ upaṭṭhapetvā sampiyāyamaṇo tasmim ārammaṇe cittaṃ upanibandhati ‘addhā imāya paṭipadāya jarāmarāṇamhā muccissāmi’ ti. So vivicceva kāmehi...pe... paṭhamam jhānaṃ upasampajja viharati” ti.

Tattha yena atītabhavepi sāsane vā isipabbajjāya vā pabbajitvā pathavīkasiṇe catukkapañcakaḅhānāni nibbattitapubbāni, evarūpassa puññavato upanissayasampannaṃ akatāya pathaviyā kasitaṭṭhāne vā khalamaṇḍale vā nimittaṃ uppajjati, **mallaḅkatharassa** viya. Tassa kirāyasmato kasitaṭṭhānaṃ olokentassa tamṭṭhānappamaṇameva nimittaṃ udapādi. So tam vaḍḍhetvā pañcakaḅhānāni nibbattetvā jhānapadaṭṭhānaṃ vipassanaṃ paṭṭhapetvā arahattaṃ pāpuṇi.

Yo panevaṃ akatādhīkāro hoti, tena ācariyasantike uggaḅhitakammaṭṭhānavidhānaṃ avirādhetaṃ cattāro kasiṇadosaṃ pariharantena kasiṇaṃ kātabbamaṃ. Nīlapītalohitaodātasambhedavasena hi cattāro pathavīkasiṇadosā. Tasmā nīlādīvaṇṇam mattikaṃ aggaḅhetvā gaṅgāvahe mattikāsadisāya aruṇavaṇṇāya mattikāya kasiṇaṃ kātabbamaṃ. Taṅka kho vihāramajhe sāmaṇerādīnaṃ saṅcāraṇaṭṭhāne na kātabbamaṃ. Vihārapaccante pana paṭicchannaṭṭhāne pabbhāre vā paṇṇasālāya vā saṃhārimaṃ vā tatraṭṭhakaṃ vā kātabbamaṃ. Tatra saṃhārimaṃ catūsu daṇḍakesu pilotikaṃ vā cammaṃ vā kaṭasāraḅhaṃ vā bandhitvā tattha apanītiṇaṃ ulāsakkharakathalīkāya sumadditāya mattikāya vuttappamaṇaṃ vaṭṭam limpetaṃ kātabbamaṃ. Tam parikammaḅkāle bhūmiyaṃ atthariva oloketabbaṃ. Tatraṭṭhakaṃ bhūmiyaṃ padumaḅhīkāreṇa khāṇuke ākoṭetvā vallīhi vinandhitvā kātabbamaṃ. Yadi sā mattikā nappahoti, adho aññaṃ pakkhipitvā uparibhāge suparisodhitāya aruṇavaṇṇāya mattikāya vidatthīcaturaṅgulavithāraṃ vaṭṭam kātabbamaṃ. Etadeva hi pamaṇaṃ sandhāya “suppamattaṃ vā sarāvamattaṃ

vā’’ti vuttaṃ. ‘‘Sāntake no anantake’’tiādi panassa paricchedatthāya vuttaṃ.

56. Tasmā evaṃ vuttappamaṇaparicchedaṃ katvā rukkhapāṇikā viśabhāgavaṇṇaṃ samuṭṭhapeti. Tasmā taṃ aggahetvā pāsāṇapāṇikāya ghaṃsetvā samaṃ bherītalasadiśaṃ katvā taṃ ṭhānaṃ sammajjitvā nhatvā āgantvā kasiṇamaṇḍalato aḍḍhateyyahatthantare padese paññatte vidatthacaturāṅgulapādake suatthate pīṭhe nisīditabbaṃ. Tato dūratare nisinnassa hi kasiṇaṃ na upaṭṭhāti, āsannatare kasiṇadosā paññāyanti. Uccatare nisinnena gīvaṃ onamitvā oloketabbaṃ hoti, nīcatare jaṇṇukāni rujanti. Tasmā vuttanayeneva nisīditvā ‘‘appaśādā kāmā’’tiādinā nayena kāmesu ādīnavāṃ paccavekkhitvā kāmanissaraṇe sabbadukkhāsamatikkaṃ upāyabhūte nekkhamme jātābhilāsena buddhadhammasaṅghaṅṇānussaraṇena pītipāmojjaṃ janayitvā ‘‘ayaṃ dāni sā sabbabuddha paccekabuddha ariyasāvakehi paṭipannā nekkhammapaṭipadā’’ti paṭipattiyā saṅjātagāraṇena ‘‘addhā imāya paṭipadāya pavivekasukharasassa bhāgī bhavissāmī’’ti ussāhaṃ janayitvā samena ākāreṇa cakkhūni ummīletvā nimittaṃ gaṇhantena bhāvetabbaṃ.

Atiummīlayato hi cakkhu kilamati, maṇḍalaṅca ativibhūtaṃ hoti, tenassa nimittaṃ nuppajjati. Atimandaṃ ummīlayato maṇḍalamavibhūtaṃ hoti, cittaṅca līnaṃ hoti, evampi nimittaṃ nuppajjati. Tasmā ādāsatale mukhanimittadassinā viya samena kāreṇa cakkhūni ummīletvā nimittaṃ gaṇhantena bhāvetabbaṃ, na vaṇṇo paccavekkhitabbo, na lakkhaṇaṃ manasikātabbaṃ. Apica vaṇṇaṃ amuñcitvā nissayasavaṇṇaṃ katvā ussadasena paṇṇattidhamme cittaṃ paṭṭhapetvā manasi kātabbaṃ. Pathavī mahī, medinī, bhūmi, vasudhā, vasundharatīādisu pathavīnāmesu yamicchati, yadassa saññānukūlaṃ hoti, taṃ vattabbaṃ. Apica pathavīti etadeva nāmaṃ pākātaṃ, tasmā pākātaṃvaseneva pathavī pathavīti bhāvetabbaṃ. Kālena ummīletvā kālena nimīletvā āvajjitabbaṃ. Yāva uggahanimittaṃ nuppajjati, tāva kālasatampi kālasahassampi tato bhiyyopi eteneva nayena bhāvetabbaṃ.

57. Tassevaṃ bhāvayato yadā nimīletvā āvajjantassa ummīlitakāle viya āpāthamāgacchati, tadā uggahanimittaṃ jātaṃ nāma hoti. Tassa jātakālo paṭṭhāya na tasmim ṭhāne nisīditabbaṃ. Attano vasaṇṭṭhānaṃ pavisitvā tattha nisinnena bhāvetabbaṃ. Pādadhovanapaṇcaparihāratthaṃ panassa ekapaṭalakupāhanā ca kattaradaṇḍo ca icchitabbo. Athānena sace taruṇo samādhi kenacideva asappāyakāraṇena nassati, upāhanā āruya kattaradaṇḍaṃ gahetvā taṃ ṭhānaṃ gantvā nimittaṃ ādāya āgantvā sukhanisinnena bhāvetabbaṃ, punappunaṃ samannāharitabbaṃ, takkāhataṃ vitakkāhataṃ kātabbaṃ. Tassevaṃ karontassa anukkamena nīvaraṇāni vikkhambhanti, kilesā sannisīdanti, upacārasamādhiṇā cittaṃ samādhiyati, paṭibhāganimittaṃ uppajjati.

Tatrāyaṃ purimassa ca uggahanimittassa imassa ca viśeso, uggahanimitte kasiṇadoso paññāyati, paṭibhāganimittaṃ thavikato nihatādāsamaṇḍalaṃ viya sudhotasaṅkhathālaṃ viya valāhakarā nikkhantacandaṇḍalaṃ viya meghamukhe balākā viya uggahanimittaṃ padāletvā nikkhantamiva tato satagaṇaṃ sahasagaṇaṃ suparisuddhaṃ hutvā upaṭṭhāti. Taṅca kho neva vaṇṇavantaṃ, na saṅṭhānavantaṃ. Yadi hi taṃ īdisaṃ bhaveyya, cakkhuvīññeyyaṃ siyā oḷārikaṃ sammāsanupagaṃ tilakkhaṇabbhāhataṃ, na panetaṃ tādisaṃ. Kevalaṅhi samādhilābhīno upaṭṭhānākāramattaṃ saññājametanti.

58. Uppanākālo ca panassa paṭṭhāya nīvaraṇāni vikkhambhitāneva honti, kilesā sannisinnāva, upacārasamādhiṇā cittaṃ samāhitamevāti.

Duvidho hi samādhi upacārasamādhi ca appanāsamādhi ca. Dvīhākārehi cittaṃ samādhiyati upacārabhūmiyaṃ vā paṭilābhabhūmiyaṃ vā. Tattha upacārabhūmiyaṃ nīvaraṇappahānena cittaṃ samāhitaṃ hoti. Paṭilābhabhūmiyaṃ aṅgapātubhāvena.

Dvīnaṃ pana samādhiṇaṃ idaṃ nānākāraṇaṃ, upacāre aṅgāni na thāmajātāni honti, aṅgānaṃ athāmajātattā, yathā nāma daharo kumārako ukkhipitvā ṭhapiyamāno punappunaṃ bhūmiyaṃ patati, evameva upacāre uppanne cittaṃ kālena nimittamārammaṇaṃ karoti, kālena bhavaṅgamotarati. Appanāyaṃ pana aṅgāni thāmajātāni honti, tesam thāmajātattā, yathā nāma balavā puriso āsanā vuṭṭhāya divasampi tiṭṭheyya, evameva appanāsamādhiṃhi uppanne cittaṃ sakim bhavaṅgavāraṃ chīnditvā kevalampi rattim kevalampi divasaṃ tiṭṭhati, kusalajavanapaṭipāṭivaseneva pavattatīti.

Tatra yadetaṃ upacārasamādhiṇā saddhiṃ paṭibhāganimittaṃ uppannaṃ, tassa uppādanaṃ nāma atidukkaraṃ. Tasmā sace teneva pallaṅkena taṃ nimittaṃ vaḍḍhetvā appanaṃ adhigantaṃ sakkoti, sundaraṃ. No ce sakkoti, athānena taṃ nimittaṃ appamattena cakkavattigabbho viya rakkhitabbaṃ. Evaṅhi –

Nimittaṃ rakkhato laddha-parihāni na vijjati;
Ārakkhamhi asantamhi, laddhaṃ laddhaṃ vinassati.

Sattasappāyā

59. Tatrāyaṃ rakkhaṇavidhi –

Āvāso gocaro bhassaṃ, puggalo bhojanaṃ utu;
Iriyāpathoti sattete, asappāye vivajjaye.

Sappāye satta sevetha, evañhi paṭipajjato;
Nacireneva kālena, hoti kassaci appanā.

Tatrasa yasmim āvāse vasantassa anuppannaṃ vā nimittaṃ nuppaṃjati, uppannaṃ vā vinassati, anupaṭṭhitā ca sati na upaṭṭhāti, asamāhitaṃ cittaṃ na samādhiyati, ayaṃ asappāyo. Yattha nimittaṃ uppaṃjati ceva thāvaraṃca hoti, sati upaṭṭhāti, cittaṃ samādhiyati nāgapabbatavāsīpadhāniyatissattherassa viya, ayaṃ sappāyo. Tasmā yasmim vihare bahū āvāsā honti, tattha ekamekasmim tīṇi tīṇi divasāni vasitvā yathassa cittaṃ ekaggaṃ hoti, tattha vasitabbaṃ. Āvāsasappāyatāya hi tambapaṇṇidīpamhi cūlanāgaḷeṇe vasantā tattheva kammaṭṭhānaṃ gahetvā pañcasatā bhikkhū arahattaṃ pāpuṃimsu. Sotāpannādīnaṃ pana aññattha ariyabhūmiṃ patvā tattha arahattappattānaṃca gaṇanā natthi. Evamaññesupi cittalapabbatavihārādīsu.

Gocaragāmo pana yo senāsanato uttarena vā dakkhiṇena vā nātidūre diyaḍḍhakosabbhantare hoti sulabhasampannabhikkho, so sappāyo. Viparīto asappāyo.

Bhassanti dvattiṃsaticchānakathāpariyāpannaṃ asappāyaṃ, tañhissa nimittantaradhānāya saṃvattati. Dasakathāvattunissitaṃ sappāyaṃ, tampi mattāya bhāsitaṃ.

Puggalopi atiracchānakathiko sīlādiguṇasampanno, yaṃ nissāya asamāhitaṃ vā cittaṃ samādhiyati, samāhitaṃ vā cittaṃ thirataṃ hoti, evarūpo sappāyo. Kāyadaḥhībahulo pana tiracchānakathiko asappāyo. So hi taṃ kaddamodakamiva acchaṃ udakaṃ malīnameva karoti, tādisaṃca āgamma koṭapabbatavāsīdaharasseva samāpattipi nassati, pageva nimittaṃ.

Bhojanaṃ pana kassaci madhuraṃ, kassaci ambilaṃ sappāyaṃ hoti. **Utupi** kassaci sīto, kassaci uṇho sappāyo hoti. Tasmā yaṃ bhojanaṃ vā utuṃ vā sevantassa phāsu hoti, asamāhitaṃ vā cittaṃ samādhiyati, samāhitaṃ vā thirataṃ hoti, taṃ bhojanaṃ so ca utu sappāyo. Itaraṃ bhojanaṃ itaro ca utu asappāyo.

Iriyāpathesupi kassaci caṅkamo sappāyo hoti, kassaci sayanaṭṭhānanisajjānaṃ aññataro. Tasmā taṃ āvāsaṃ viya tīṇi divasāni upaparikkhitvā yasmim iriyāpathe asamāhitaṃ vā cittaṃ samādhiyati, samāhitaṃ vā thirataṃ hoti, so sappāyo. Itaro asappāyoti veditabbo.

Iti imaṃ sattavidhaṃ asappāyaṃ vajjetvā sappāyaṃ sevitabbaṃ. Evaṃ paṭipannassa hi nimittāsevanabahulassa nacireneva kālena hoti kassaci appanā.

Dasavidhaappanākosallaṃ

60. Yassa pana evampi paṭipajjato na hoti, tena dasavidhaṃ appanākosallaṃ sampādetabbaṃ. Tatrāyaṃ nayo, dasāhākārehi appanākosallaṃ icchitabbaṃ, vatthuvisadakiriyato, indriyasamattapaṭipādanato, nimittakusalato, yasmim samaye cittaṃ paggahetabbaṃ tasmim samaye cittaṃ paggaṇhāti, yasmim samaye cittaṃ niggaḥetabbaṃ tasmim samaye cittaṃ niggaṇhāti, yasmim samaye cittaṃ sampahaṃsitabbaṃ tasmim samaye cittaṃ sampahaṃseti, yasmim samaye cittaṃ ajjupekkhitabbaṃ tasmim samaye cittaṃ ajjupekkhati, asamāhitapuggalaparivajjanato, samāhitapuggalasevanato, tadadhimuttatoti.

61. Tattha **vatthuvisadakiriyā** nāma ajjhattikabāhirānaṃ vatthūnaṃ visadabhāvakaraṇaṃ. Yadā hissa kesanakhalomāni dīghāni honti, sarīraṃ vā sedamalaggahitaṃ, tadā ajjhattikavatthu avisadaṃ hoti aparisuddhaṃ. Yadā panassa cīvaraṃ jīṇaṃ kiliṭṭhaṃ duggandhaṃ hoti, senāsaṃ vā uklāpaṃ hoti, tadā bāhiraṃvatthu avisadaṃ hoti aparisuddhaṃ. Ajjhattikabāhire ca vatthumhi avisade uppannesu cittacetasikesu ñāṇampi aparisuddhaṃ hoti, aparisuddhāni dīpakapallikavaṭṭitelāni nissāya uppannadīpasikhāya obhāso viya. Aparisuddhena ñāṇena saṅkhāre sammasato saṅkhārāpi avibhūtā honti, kammaṭṭhānāmanuyūñjato kammaṭṭhānampi vuḍḍhiṃ viruḷhiṃ vepullaṃ na gacchati. Visade pana ajjhattikabāhire vatthumhi uppannesu cittacetasikesu ñāṇampi visadaṃ hoti parisuddhaṃ, parisuddhāni dīpakapallikavaṭṭitelāni nissāya uppannadīpasikhāya obhāso viya. Parisuddhena ca ñāṇena saṅkhāre sammasato saṅkhārāpi vibhūtā honti, kammaṭṭhānāmanuyūñjato kammaṭṭhānampi vuḍḍhiṃ viruḷhiṃ vepullaṃ gacchati.

62. Indriyasamattapaṭipādanam nāma saddhādīnaṃ indriyānaṃ samabhāvakaraṇaṃ. Sace hissa saddhindriyaṃ balavaṃ hoti itarāni mandāni, tato vīriyindriyaṃ paggahakiccaṃ, satindriyaṃ upaṭṭhānakiccaṃ, samādhindriyaṃ avikkhepakiccaṃ, paññindriyaṃ dassanakiccaṃ kātuṃ na sakkoti, tasmā taṃ dhammasabhāvapaccavekkhaṇena vā yathā vā manasikaroto balavaṃ jātaṃ, tathā amanasikārena hāpetabbaṃ. Vakkalītheravatthu cettha nidassanaṃ. Sace pana vīriyindriyaṃ balavaṃ hoti, atha neva saddhindriyaṃ adhimokkhakiccaṃ kātuṃ sakkoti, na itarāni itarakiccabhedam, tasmā taṃ passaddhādibhāvanāya hāpetabbaṃ. Tatrāpi soṇattheravatthu dassetabbaṃ. Evaṃ sesesupi ekassa balavabhāve sati itaresaṃ attano kiccesu asamattatā veditabbā. Viseso panettaṃ saddhāpaññānaṃ samādhivīriyānaṃca samataṃ pasaṃsanti. Balavasaddho hi mandapañño muddhappasano hoti, avatthumim pasīdati. Balavapañño mandasaddho kerāṭīkapakkham bhajati, bhesajjasamuṭṭhito viya rogo atekiccho hoti. Ubhinnaṃ samatāya vatthumimyeva pasīdati. Balavasamādhim pana mandavīriyaṃ samādhissa kosajjapakkhattā kosajjaṃ abhibhavati. Balavavīriyaṃ mandasamādhim vīriyassa uddhaccapakkhattā uddhaccaṃ abhibhavati. Samādhī pana vīriyena saṃyojito kosajje patituṃ na labhati. Vīriyaṃ samādhinā

saṃyojitaṃ uddhacce patitum na labhati, tasmā tadubhayaṃ samaṃ kātabbaṃ. Ubhayaśamatāya hi appanā hoti. Apica samādhikammikassa balavatīpi saddhā vaṭṭati. Evaṃ saddahanto okappento appanaṃ pāpuṇissati. Samādhipaṇṇāsu pana samādhikammikassa ekagatā balavatī vaṭṭati. Evañhi so appanaṃ pāpuṇāti. Vipassanākammikassa paññā balavatī vaṭṭati. Evañhi so lakkhaṇapaṭivedhaṃ pāpuṇāti. Ubhinnaṃ pana samatāyapi appanā hotiyeva. Sati pana sabbattha balavatī vaṭṭati. Sati hi cittaṃ uddhaccapakkhikānaṃ saddhāvīriyapaṇṇānaṃ vasena uddhaccapātato kosajjapakkhena ca samādhinā kosajjapātato rakkhati, tasmā sā loṇadhūpanaṃ viya sabbabyañjanesu, sabbakammikaamacco viya ca sabbarājakkicesu sabbattha icchitabbā. Tenāha – “sati ca pana sabbatthikā vuttā bhagavatā. Kiṃ kāraṇā? Cittañhi satipaṭisaraṇaṃ, ārakkhapaccupaṭṭhānā ca sati, na vinā satiya cittaṃ paggahaniggaho hoti”ti.

63. Nimittakosallaṃ nāma pathavīkasiṇādikassa cittelkaggatānimittassa akatassa karaṇakosallaṃ, katassa ca bhāvanākosallaṃ, bhāvanāya laddhassa rakkhaṇakosallaṃca, taṃ idha adhippetam.

64. Kathaṅca yasmiṃ samaye cittaṃ paggahetabbaṃ, tasmīṃ samaye cittaṃ paggaṇhāti? Yaḍassa atisīhilaṃvīriyatādīhi līnaṃ cittaṃ hoti, tadā passaddhisambojjhaṅgādayo tayo abhāvetvā dhammavicayasambojjhaṅgādayo bhāveti. Vuttañhetam bhagavatā –

“Seyyathāpi, bhikkhave, puriso parittaṃ aggim ujjāletukāmo assa, so tattha allāni ceva tiṇāni pakkhipeyya, allāni ca gomayāni pakkhipeyya, allāni ca kaṭṭhāni pakkhipeyya, udakavātaṅca dadeyya, paṃsukena ca okireyya, bhabbo nu kho so, bhikkhave, puriso parittaṃ aggim ujjāletunti? No hetam, bhante. Evameva kho, bhikkhave, yasmiṃ samaye līnaṃ cittaṃ hoti, akālo tasmīṃ samaye passaddhisambojjhaṅgassa bhāvanāya, akālo samādhi...pe... akālo upekkhāsambojjhaṅgassa bhāvanāya. Tam kissa hetu? Līnaṃ, bhikkhave, cittaṃ, tam etehi dhammehi dusamuṭṭhāpayam hoti. Yasmiṃ ca kho, bhikkhave, līnaṃ cittaṃ hoti, kālo tasmīṃ samaye dhammavicayasambojjhaṅgassa bhāvanāya, kālo vīriyasambojjhaṅgassa bhāvanāya, kālo pītisambojjhaṅgassa bhāvanāya. Tam kissa hetu? Līnaṃ, bhikkhave, cittaṃ, tam etehi dhammehi susamuṭṭhāpayam hoti. Seyyathāpi, bhikkhave, puriso parittaṃ aggim ujjāletukāmo assa, so tattha sukkhāni ceva tiṇāni pakkhipeyya, sukkhāni ca gomayāni pakkhipeyya, sukkhāni ca kaṭṭhāni pakkhipeyya, mukhavātaṅca dadeyya, na ca paṃsukena okireyya, bhabbo nu kho so, bhikkhave, puriso parittaṃ aggim ujjāletunti? Evaṃ bhante”ti (saṃ. ni. 5.234).

Ettha ca yathāsakamāhārasena dhammavicayasambojjhaṅgādīnaṃ bhāvanā veditabbā. Vuttañhetam –

“Atthi, bhikkhave, kusalākusalā dhammā sāvajjānavajjā dhammā hīnapaṇṇitā dhammā kaṇhasukkasappaṭibhāgā dhammā. Tattha yoniso manasikārabahulīkāro, ayamāhāro anuppannaṃ vā dhammavicayasambojjhaṅgassa uppādāya uppannaṃ vā dhammavicayasambojjhaṅgassa bhīyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tathā “atthi, bhikkhave, ārambhadhātu nikkamadhātu parakkamadhātu. Tattha yoniso manasikārabahulīkāro, ayamāhāro anuppannaṃ vā vīriyasambojjhaṅgassa uppādāya uppannaṃ vā vīriyasambojjhaṅgassa bhīyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tathā “atthi, bhikkhave, pītisambojjhaṅgaṭṭhāniyā dhammā. Tattha yoniso manasikārabahulīkāro, ayamāhāro anuppannaṃ vā pītisambojjhaṅgassa uppādāya uppannaṃ vā pītisambojjhaṅgassa bhīyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tattha sabhāvasāmaññalakkhaṇapaṭivedhasena pavattamanasikāro kusalādīsu yoniso manasikāro nāma. Ārambhadhātuādīnaṃ uppādanavasena pavattamanasikāro ārambhadhātuādīsu yoniso manasikāro nāma. Tattha ārambhadhātūti paṭhamavīriyaṃ vuccati. **Nikkamadhātūti** kosajjato nikkhantattā tato balavataṃ. **Parakkamadhātūti** paraṃ paraṃ ṭhānaṃ akkamanato tatopi balavataṃ. **Pītisambojjhaṅgaṭṭhāniyā dhammāti** pana pītiyā eva etaṃ nāmaṃ. Tassāpi uppādakamanasikārova yoniso manasikāro nāma.

Apica satta dhammā dhammavicayasambojjhaṅgassa uppādāya saṃvattanti paripucchakatā, vatthuisadakeriyā, indriyasamattapaṭipādanā, duppaññapuggalaparivajjanā, paññavantapuggalasevanā, gambhīraññācariyapaccavekkhaṇā, tadadhimuttatīti.

Ekādasadhammā vīriyasambojjhaṅgassa uppādāya saṃvattanti apāyādibhayapaccavekkhaṇatā, vīriyāyattalokiyalokuttaravisesādhigamānisamsadassitā, “buddhapaccekabuddhamahāsāvakehi gatamaggo mayā gantabbo, so ca na sakkā kusītena gantu”nti evaṃ gamanavīthipaccavekkhaṇatā, dāyakanāṃ mahapphalabhāvākaraṇena piṇḍāpacāyanatā, “vīriyārambhassa vaṇṇavādī me satthā, so ca anattikkamanīyasāsano amhākaṅca bahūpakāro paṭipattiyā ca pūjijamāno pūjito hoti na itarathā”ti evaṃ sattho mahattapaccavekkhaṇatā, “saddhammasaṅkhātāṃ me mahādāyajjāṃ gahetabbaṃ, taṅca na sakkā kusītena gahetu”nti evaṃ dāyajjamahattapaccavekkhaṇatā, ālokasaññāmanasikāriyāpathaparivattanaabbhokāsasevanādīhi thinamiddhavinodanā, kusītapuggalaparivajjanatā, āradhāvīriyapuggalasevanatā, sammappadhānapaccavekkhaṇatā, tadadhimuttatīti.

Ekādasadhammā pītisambojjhaṅgassa uppādāya saṃvattanti buddhānussati, dhamma... saṅgha... sīla... cāga... devatānussati, upasamānussati, lūkhapuggalaparivajjanatā, siniddhapuggalasevanatā, pasādaniyasuttantapaccavekkhaṇatā, tadadhimuttatāti. Iti imehi ākārehi ete dhamme uppādentō dhammavicayasambojjhaṅgādayo bhāveti nāma. Evaṃ yasmiṃ samaye cittaṃ paggahetabbaṃ, tasmīṃ samaye cittaṃ paggaṇhāti.

65. Kathaṃ yasmiṃ samaye cittaṃ niggaḥetabbaṃ, tasmīṃ samaye cittaṃ niggaṇhāti? Yadāssa accāraddhavīriyatādīhi uddhataṃ cittaṃ hoti, tadā dhammavicayasambojjhaṅgādayo tayo abhāvetvā passaddhisambojjhaṅgādayo bhāveti. Vuttañhetāṃ bhagavatā –

“Seyyathāpi, bhikkhave, puriso mahantaṃ aggikkhandhaṃ nibbāpetukāmo assa, so tattha sukkhāni ceva tiṇāni pakkhipeyya...pe... na ca paṃsukena okireyya, bhabbo nu kho so, bhikkhave, puriso mahantaṃ aggikkhandhaṃ nibbāpetunti? No hetāṃ, bhante. Evameva kho, bhikkhave, yasmiṃ samaye uddhataṃ cittaṃ hoti, akālo tasmīṃ samaye dhammavicayasambojjhaṅgassa bhāvanāya, akālo vīriya...pe... akālo pītisambojjhaṅgassa bhāvanāya. Taṃ kissa hetu? Uddhataṃ, bhikkhave, cittaṃ, taṃ etehi dhammehi divūpasamayaṃ hoti. Yasmiṃ ca kho, bhikkhave, samaye uddhataṃ cittaṃ hoti, kālo tasmīṃ samaye passaddhisambojjhaṅgassa bhāvanāya, kālo samādhisambojjhaṅgassa bhāvanāya, kālo upekkhāsambojjhaṅgassa bhāvanāya. Taṃ kissa hetu? Uddhataṃ, bhikkhave, cittaṃ, taṃ etehi dhammehi suvūpasamayaṃ hoti. Seyyathāpi, bhikkhave, puriso mahantaṃ aggikkhandhaṃ nibbāpetukāmo assa, so tattha allāni ceva tiṇāni pakkhipeyya...pe... paṃsukena ca okireyya, bhabbo nu kho so, bhikkhave, puriso mahantaṃ aggikkhandhaṃ nibbāpetunti? Evaṃ, bhante”ti (saṃ. ni. 5.234).

Etthāpi yathāsakaṃ āhārasena passaddhisambojjhaṅgādīnaṃ bhāvanā veditabbā. Vuttañhetāṃ bhagavatā –

“Atthi, bhikkhave, kāyapassaddhi cittapassaddhi. Tattha yoniso manasikārabahulīkāro, ayamāhāro anuppannaṃ vā passaddhisambojjhaṅgassa uppādāya uppannaṃ vā passaddhisambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tathā “atthi, bhikkhave, samathanimittāṃ abyaggaṇimittāṃ. Tattha yoniso manasikārabahulīkāro, ayamāhāro anuppannaṃ vā samādhisambojjhaṅgassa uppādāya uppannaṃ vā samādhisambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tathā “atthi, bhikkhave, upekkhāsambojjhaṅgāṭṭhāniyā dhammā. Tattha yoniso manasikārabahulīkāro, ayamāhāro anuppannaṃ vā upekkhāsambojjhaṅgassa uppādāya uppannaṃ vā upekkhāsambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232).

Tattha yathāssa passaddhīdayo uppannapubbā, taṃ ākāraṃ sallakkhetvā tesāṃ uppādanavasena pavattamanasikārova tīsupi padesu yoniso manasikāro nāma. **Samathanimittanti** ca samathassevetamadhivacanaṃ. Avikkhepaṭṭhena ca tasseeva **abyaggaṇimittanti**.

Apica satta dhammā passaddhisambojjhaṅgassa uppādāya saṃvattanti paṇītabhojanasevanatā, utasukhasevanatā, iriyāpathasukhasevanatā, majjhataṃpayogatā, sāraddhakāyapuggalaparivajjanatā, passaddhakāyapuggalasevanatā, tadadhimuttatāti.

Ekādasa dhammā samādhisambojjhaṅgassa uppādāya saṃvattanti vatthuvisadatā, nimittakusalatā, indriyasamattapaṭipādanatā, samaye cittassa niggaḥaṇatā, samaye cittassa paggaḥaṇatā, nirassādassa cittassa saddhāsāṃvegavasena sampahaṃsanatā, sammāpavattassa ajjuhekkhaṇatā, asamāhitapuggalaparivajjanatā, samāhitapuggalasevanatā, jhānavimokkhapaccavekkhaṇatā, tadadhimuttatāti.

Pañca dhammā upekkhāsambojjhaṅgassa uppādāya saṃvattanti sattamajjhataṃ, saṅkhāramajjhataṃ, sattaṅkhāraḥāyānapuggalaparivajjanatā, sattaṅkhāramajjhataṃpuggalasevanatā, tadadhimuttatāti. Iti imehākārehi ete dhamme uppādentō passaddhisambojjhaṅgādayo bhāveti nāma. Evaṃ yasmiṃ samaye cittaṃ niggaḥetabbaṃ tasmīṃ samaye cittaṃ niggaṇhāti.

66. Kathaṃ yasmiṃ samaye cittaṃ sampahaṃsitabbaṃ, tasmīṃ samaye cittaṃ sampahaṃseti? Yadāssa paññāpayogamandatāya vā upasamasukhānadhigamena vā nirassādaṃ cittaṃ hoti, tadā naṃ aṭṭhasāṃvegavattapaccavekkhaṇena saṃvejeti. **Aṭṭha saṃvegavattḥūni** nāma jātijarābyādhimaraṇāni cattāri, apāyadukkhaṃ pañcamāṃ, atīte vaṭṭamūlakaṃ dukkhaṃ, anāgate vaṭṭamūlakaṃ dukkhaṃ, paccuppanne āhārapariyeṭṭhimūlakaṃ dukkhanti. Buddhadhammasaṅghaguṇānussaraṇena cassa pasādaṃ janeti. Evaṃ yasmiṃ samaye cittaṃ sampahaṃsitabbaṃ, tasmīṃ samaye cittaṃ sampahaṃseti.

Kathaṃ yasmiṃ samaye cittaṃ ajjuhekkhitabbaṃ, tasmīṃ samaye cittaṃ ajjuhekkhati? Yadāssa evaṃ paṭipajjato alīnaṃ anuddhataṃ anirassādaṃ ārammaṇe samappavattaṃ samathavīthipaṭipannaṃ cittaṃ hoti, tadāssa paggaḥaniggahasampahaṃsanesu na byāpāraṃ āpajjati, sārathi viya samappavattesu assesu. Evaṃ yasmiṃ samaye cittaṃ

ajjupekkhitabbaṃ, tasmim̐ samaye cittaṃ ajjupekkhati.

Asamāhitapuggalaparivajjanatā nāma nekkhammapaṭipadaṃ anāruḥhapubbānaṃ anekakiccapasutānaṃ vikkhattahadayānaṃ puggalānaṃ ārakā pariccāgo.

Samāhitapuggalasevanatā nāma nekkhammapaṭipadaṃ paṭipannānaṃ samādhiḷābhīnaṃ puggalānaṃ kālena kālaṃ upasaṅkamaṇaṃ.

Tadadhimuttatā nāma samādhiadhimuttatā samādhigarusamādhininnasamādhipoṇasamādhipabbhāratāti attho.

Evametaṃ dasavidhaṃ appanākosallaṃ sampādetabbaṃ.

67. Evañhi sampādayato, appanākosallaṃ imaṃ;
Paṭiladdhe nimittasmiṃ, appanā sampavattati.

Evañhi paṭipannassa, sace sā nappavattati;
Tathāpi na jahe yogaṃ, vāyametheva paṇḍito.

Hitvā hi sammāvāyāmaṃ, visesaṃ nāma māṇavo;
Adhigacche parittampi, ṭhānametaṃ na vijjati.

Cittappavattiākāraṃ, tasmā sallakkhayaṃ budho;
Samataṃ vīriyasessa, yojayetha punappunaṃ.

Īsakampi layaṃ yantaṃ, paggaṇhetheva mānasaṃ;
Accāraddhaṃ nisedhetvā, samameva pavattaye.

Reṇumhi uppaladale, sutte nāvāya nāḷiyā;
Yathā madhukarādīnaṃ, pavatti sammavaṇṇitā.

Līnauddhatabhāvehi, mocayitvāna sabbaso;
Evaṃ nimittābhimukhaṃ, mānasaṃ paṭipādayeti.

Nimittābhimukhapaṭipādanaṃ

68. Tatrāyamatthadīpanā – yathā hi acheke madhukaro asukasmim̐ rukkhe pupphaṃ pupphitanti ñatvā tikkhena vegena pakkhando taṃ atikkamitvā paṭinivattento khīṇe reṇumhi sampāpuṇāti. Aparo acheke mandena javena pakkhando khīṇeyeva sampāpuṇāti. Cheko pana samena javena pakkhando sukkena puppharāsīm̐ sampatvā yāvadicchakaṃ reṇum̐ ādāya madhuṃ sampādetvā madhurasamanubhavati.

Yathā ca sallakattaantevāsikesu udakathālagate uppalapatte satthakammaṃ sikkhantesu eko acheke vegena satthaṃ pātentō uppalapattaṃ dvidhā vā chindati, udae vā paveseti. Aparo acheke chijjanapavesanabhayā satthakena phusitumpi na visahati. Cheko pana samena payogena tattha satthapahāraṃ dassetvā pariyodātasippo hutvā tathārūpesu ṭhānesu kammaṃ katvā lābhaṃ labhati.

Yathā ca yo catubyāmapamāṇaṃ makkaṭasuttamāharati, so cattāri sahasāni labhatīti raññā vutte eko achekapuriso vegena makkaṭasuttamākaḍḍhanto tahiṃ tahiṃ chindatiyeva. Aparo acheke chedanabhayā hatthena phusitumpi na visahati. Cheko pana koṭito paṭṭhāya samena payogena daṇḍake vedhetvā āharitvā lābhaṃ labhati.

Yathā ca acheke niyāmako balavavāte laṅkāraṃ pūrento nāvaṃ videsaṃ pakkhandāpeti. Aparo acheke mandavāte laṅkāraṃ oropento nāvaṃ tattheva ṭhāpeti. Cheko pana mandavāte laṅkāraṃ pūretvā balavavāte aḍḍhalaṅkāraṃ katvā sotthinā icchitaṭṭhānaṃ pāpuṇāti.

Yathā ca yo telena chaḍḍento nāḷim̐ pūreti, so lābhaṃ labhatīti ācariyena antevāsikānaṃ vutte eko acheke lābhaluddho vegena pūrento telam̐ chaḍḍeti. Aparo acheke telachaḍḍanabhayā āsiñcitumpi na visahati. Cheko pana samena payogena pūretvā lābhaṃ labhati.

Evameva eko bhikkhu uppanne nimitte sīghameva appanaṃ pāpuṇissāmīti gālhaṃ vīriyaṃ karoti, tassa cittaṃ accāraddhavīriyatā uddhacce patati, so na sakkoti appanaṃ pāpuṇitum̐. Eko accāraddhavīriyatāya dosaṃ disvā kiṃ dānime appanāyāti vīriyaṃ hāpeti, tassa cittaṃ atilīnavīriyatā kosajje patati, sopi na sakkoti appanaṃ pāpuṇitum̐. Yo pana īsakampi līnaṃ līnabhāvato uddhataṃ uddhacato mocetvā samena payogena nimittābhimukhaṃ pavatteti, so appanaṃ pāpuṇāti, tādisena bhavitabbaṃ. Imamatthaṃ sandhāya etaṃ vuttaṃ –

Reṇumhi uppaladale, sutte nāvāya nāḷiyā;
Yathā madhukarādīnaṃ, pavattī sammavaṇṇitā.

Līnauddhatabhāvehi, mocayitvāna sabbaso;
Evaṃ nimittābhimukhaṃ, mānasaṃ paṭipādayeti.

Paṭhamajjhānakathā

69. Iti evaṃ nimittābhimukhaṃ mānasaṃ paṭipādayato panassa idāni appanā ijjhissatīti bhavaṅgaṃ upacchinditvā pathavī pathavīti anuyogavasena upaṭṭhitam tadeva pathavīkasiṅgaṃ ārammaṇaṃ katvā manodvārāvajjanamuppajjati. Tato tasmim̐yevārammaṇe cattāri pañca vā javanāni javanti. Tesu avasāne ekaṃ rūpāvacaraṃ, sesāni kāmāvacarāni. Pakaticittehi balavataravitakkavicārapītisukhacittekaggatāni yāni appanāya parikammattā **parikammānītipi**, yathā gāmādīnaṃ āsannaṃ padeso gāmūpacāro nagarūpacāroti vuccati, evaṃ appanāya āsannattā samīpacārattā vā **upacārānītipi**, ito pubbe parikammānaṃ, upari appanāya ca anulomato **anulomānītipi** vuccanti. Yañcetta sabbantimaṃ, taṃ parittagottābhībhavanato, mahaggaṭtagottābhāvanato ca **gotrabhūtipi** vuccati. Agahitaggahaṇena panettha paṭhamaṃ parikammaṃ, dutiyaṃ upacāraṃ, tatiyaṃ anulomaṃ, catutthaṃ gotrabhu. Paṭhamaṃ vā upacāraṃ, dutiyaṃ anulomaṃ, tatiyaṃ gotrabhu, catutthaṃ pañcamaṃ vā appanācittaṃ. Catutthameva hi pañcamaṃ vā appeti, tañca kho khippābhīññadandhābhīññavasena. Tato paraṃ javanaṃ patati. Bhavaṅgassa vāro hoti.

Ābhidhammikagodattatthero pana “purimā purimā kusalā dhammā pacchimānaṃ pacchimānaṃ kusalanāṃ dhammānaṃ āsevanapaccayena paccayo”ti (paṭṭhā. 1.1.12) imaṃ suttaṃ vatvā āsevanapaccayena pacchimo pacchimo dhammo balavā hoti, tasmā chaṭṭhepi sattamepi appanā hotīti āha, taṃ aṭṭhakathāsu “attano matimattaṃ therasseta”nti vatvā paṭikkhittaṃ. Catutthapañcamesuyeva pana appanā hoti. Parato javanaṃ patitaṃ nāma hoti, bhavaṅgassa āsannattāti vuttaṃ. Tameva vicāretvā vuttattā na sakkā paṭikkhipituṃ. Yathā hi puriso chinnapapātābhimukho dhāvanto ṭhātukāṃopi pariyante pādaṃ katvā ṭhātuṃ na sakkoti papāte eva patati, evaṃ chaṭṭhe vā sattame vā appetuṃ na sakkoti, bhavaṅgassa āsannattā. Tasmā catutthapañcamesuyeva appanā hotīti veditabbā.

Sā ca pana ekacittakkhaṇīkāyeva. Sattasu hi ṭhānesu addhānaparicchedo nāma natthi paṭhamappanāyaṃ, lokiyābhīññāsu, catūsu maggesu, maggānantaraphale, rūpārūpabhavesu bhavaṅgajjhāne, nirodhassa paccaye nevasaññānāsaññāyatane, nirodhā vuṭṭhahantassa phalasaṃpattiyanti. Ettha maggānantaraphalaṃ tiṇṇaṃ upari na hoti. Nirodhassa paccayo nevasaññānāsaññāyatanaṃ dvinnamupari na hoti. Rūpārūpesu bhavaṅgassa parimaṇaṃ natthi, sesaṭṭhānesu ekameva cittanti. Iti ekacittakkhaṇīkāyeva appanā. Tato bhavaṅgapāto. Atha bhavaṅgaṃ vocchinditvā jhānapaccavekkhaṇatthāya āvajjanaṃ, tato jhānapaccavekkhaṇanti.

Ettāvatā ca panesa vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharati (dha. sa. 160; dī. ni. 1.226). Evamanena pañcaṅgavippahīnaṃ pañcaṅgasamannāgataṃ tivīdhakalyāṇaṃ dasalakkhaṇasampannaṃ paṭhamaṃ jhānaṃ adhigataṃ hoti pathavīkasiṅgaṃ.

70. Tattha **vivicceva kāmehi**ti kāmehi viviccitvā vinā hutvā apakkamitvā. Yo panāyamaṃ evakāro, so niyamatthoti veditabbo. Yasmā ca niyamattho, tasmā tasmim̐ paṭhamajjhānaṃ upasampajja viharāṇasamaye avijjamañānampi kāmānaṃ tassa paṭhamajjhānassa paṭipakkhabhāvaṃ kāmaparicāgeneva cassa adhigamaṃ dīpeti.

Kathaṃ? “Vivicceva kāmehi”ti evaṃhi niyame kariyamāne idaṃ paññāyati, nūna jhānassa kāmā paṭipakkabhūtā yesu sati idaṃ nappavattati, andhakāre sati paṭipobhāso viya. Tesam̐ paricāgeneva cassa adhigamo hoti, orimatīraparicāgena pārimatīrasseva. Tasmā niyamaṃ karotīti.

Tattha siyā, kasmā panesa pubbapadeyeva vutto, na uttarapade, kiṃ akusalehi dhammehi aviviccāpi jhānaṃ upasampajja vihareyyāti? Na kho panetaṃ evaṃ daṭṭhabbaṃ. Taṃnissaraṇato hi pubbapade esa vutto. Kāmadhātusamatikkamanato hi kāmarāgapaṭipakkhato ca idaṃ jhānaṃ kāmānameva nissaraṇaṃ. Yathāha, “kāmānametaṃ nissaraṇaṃ yadidaṃ nekkhamma”nti (dī. ni. 3.353). Uttarapadepi pana yathā “idheva, bhikkhave, samaṇo, idha dutiyo samaṇo”ti (ma. ni. 1.139; a. ni. 4.241) ettha evakāro ānetvā vuccati, evaṃ vattabbo. Na hi sakkā ito aññehipi nīvaraṇasaṅkhātehi akusaladhammehi avivicca jhānaṃ upasampajja viharituṃ. Tasmā “vivicceva kāmehi vivicceva akusalehi dhammehi”ti evaṃ padadvayepi esa daṭṭhabbo. Padadvayepi ca kiñcāpi viviccāti iminā sādharmaṇavacanena tadaṅgavivekādayo, kāyavivekādayo ca sabbepi vivekā saṅgahaṃ gacchanti, tathāpi kāyaviveko cittaviveko vikkhambhanavivekoti tayo eva idha daṭṭhabbā.

Kāmehi iminā pana padena ye ca niddese “katame vatthukāmā, manāpiyā rūpā”tiādīnā (mahāni. 1) nayena vatthukāmā vuttā, ye ca tattheva vibhaṅge ca “chando kāmō, rāgo kāmō, chandarāgo kāmō, saṅkappo kāmō, rāgo kāmō, saṅkapparāgo kāmō, ime vuccanti kāmā”ti (mahāni. 1; vibha. 564) evaṃ kilesakāmā vuttā, te sabbepi saṅgahitāciveva daṭṭhabbā. Evaṃhi sati vivicceva kāmehi vatthukāmehipi viviccevatī attho yujjati, tena kāyaviveko vutto hoti. Vivicca akusalehi dhammehi kilesakāmehi sabbākusalehi vā viviccāti attho yujjati, tena cittaviveko vutto hoti. Purimena cettha vatthukāmehi vivekavacanato eva kāmasukhaparicāgo, dutiyena kilesakāmehi vivekavacanato nekkhammasukhapariggaho vibhāvito hoti. Evaṃ vatthukāmākilesakāmavivekavacanato yeva ca etesaṃ paṭhameṃ saṃkilesavattupphānaṃ, dutiyena saṃkilesapphānaṃ.

Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposaṇaṃ vibhāvitaṃ hotīti viññātabbaṃ. Esa tāva nayo kāmeḥīti ettha vuttakāmesu vatthukāmapakkhe.

Kilesakāmapakkhe pana chandoti ca rāgoti ca evamādīhi anekabhedo kāmacchandoyeva kāmoti adhippeto. So ca akusalapariyāpannopi samāno “tatha katamo kāmo chando kāmo”tiādīnā (vibha. 564) nayena vibhaṅge jhānapaṭipakkhato visuṃ vutto. Kilesakāmattā vā purimapade vutto, akusalapariyāpannattā dutiyapade. Anekabhedato cassa kāmatoti avatvā kāmeḥīti vuttaṃ.

Aññesampi ca dhammānaṃ akusalabhāve vijjamāne “tatha katame akusalā dhammā, kāmacchando”tiādīnā nayena vibhaṅge upari jhānaṅgānaṃ paccanīkapaṭipakkhabhāvadassanato nīvaraṇāneva vuttāni. Nīvaraṇāni hi jhānaṅgapaccanīkāni, tesam jhānaṅgāneva paṭipakkhāni viddhaṃsakāni vighātākānīti vuttaṃ hoti. Tathā hi **samādhi kāmacchandassa paṭipakkho, pīti byāpādassa, vitakko thinamiddhassa, sukhaṃ uddhaccakukkuccassa, vicāro vicikicchāyāti** peṭake vuttaṃ.

Evamettha vivicceva kāmeḥīti iminā kāmacchandassa vikkhambhanaviveko vutto hoti. Vivicca akusalehi dhammeḥīti iminā pañcannampi nīvaraṇānaṃ, agahitaggahaṇena pana paṭhamena kāmacchandassa, dutiyena sesanīvaraṇānaṃ. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghātavatthubhedādivisayānaṃ dosamohānaṃ. Oghādīsu vā dhammesu paṭhamena kāmoghakāmayogakāmāsavakāmupādānaabhijjhākāyaganthakāmarāgasamyojanānaṃ, dutiyena avasesaoghayogāsavaupādānanthasamyojanānaṃ. Paṭhamena ca taṇhāya taṃsampayuttakānañca, dutiyena avijjāya taṃsampayuttakānañca. Apica paṭhamena lobhasampayuttānaṃ atthannaṃ cittuppādānaṃ, dutiyena sesānaṃ catunnaṃ akusalacittuppādānaṃ vikkhambhanaviveko vutto hotīti vedītabbo. Ayaṃ tāva vivicceva kāmeḥīti vivicca akusalehi dhammeḥīti ettha atthappakāsānā.

71. Ettāvata ca paṭhamassa jhānassa pahānaṅgaṃ dassetvā idāni sampayogaṅgaṃ dassetuṃ savitakkaṃ savicārantiādi vuttaṃ. Tattha vitakkaṇaṃ **vitakko**, ūhananti vuttaṃ hoti. Svāyaṃ ārammaṇe cīttassa abhinīropanalakkhaṇo, āhananapariyāhananaraso. Tathā hi tena yogāvacarō ārammaṇaṃ vitakkātaṃ vitakkapariyāhataṃ karotīti vuccati. Ārammaṇe cīttassa ānayanapaccupaṭṭhāno.

Vicāraṇaṃ **vicāro**, anusañcaraṇanti vuttaṃ hoti. Svāyaṃ ārammaṇānumajjanalakkhaṇo, tattha sahaṭṭānuyojanaraso, cīttassa anuppabandhanapaccupaṭṭhāno.

Santepi ca nesam katthaci avippayoge oḷārikatthēna pubbaṅgamatthēna ca ghaṇḍābhighāto viya cetaso paṭhamābhiniṭṭāto vitakko. Sukhumatthēna anumajjanasabhāvena ca ghaṇḍānuravo viya anuppabandho vicāro. Vipphāravā cettha vitakko paṭhamuppattikāle paripphandanabhūto cīttassa ākāse uppatitukāmassa pakkhino pakkhavikkhepo viya padumābhimukhapāto viya ca gandhānubandhacetaso bhamarassa. Santavutti vicāro nātiparipphandanabhāvo cīttassa ākāse uppatitassa pakkhino pakkhappasāraṇaṃ viya, paribbhamanaṃ viya ca padumābhimukhapatitassa bhamarassa padumassa uparibhāge. Dukanipāṭāṭṭhakathāyaṃ pana “ākāse gacchato mahāsakuṇassa ubhohi pakkhehi vātaṃ gahetvā pakkhe sannisīdāpetvā gamanaṃ viya ārammaṇe cetaso abhinīropanabhāvena pavatto vitakko. Vātaggahaṇatthaṃ pakkhe phandāpayamānassa gamanaṃ viya anumajjanabhāvena pavatto vicāro”ti vuttaṃ, taṃ anuppabandhena pavattiyam yujjati. So pana nesam viseso paṭhamadutiyaññānesu pākaṭo hoti.

Apica malaggaḥitaṃ kamsabhājanaṃ ekena hatthēna daḷhaṃ gahetvā itarena hatthēna cunṇatelaṅgādupakena parimajjanatassa daḷhagahaṇattho viya vitakko, parimajjanattho viya vicāro. Tathā kumbhakārassa daṇḍappahārena cakkam bhamayitvā bhājanaṃ karontassa uppīḷanahattho viya vitakko, ito cito ca sañcaraṇattho viya vicāro. Tathā maṇḍalaṃ karontassa majje sannirumbhitvā ṭhitakaṇṭako viya abhinīropano vitakko, bahi paribbhamanakaṇṭako viya anumajjano vicāro. Iti iminā ca vitakkena iminā ca vicārena saha vattati rukkho viya pupphena phalena cāti idaṃ jhānaṃ “savitakkaṃ savicāra”nti vuccati. Vibhaṅge pana “iminā ca vitakkena iminā ca vicārena upeto hoti samupeto”tiādīnā (vibha. 565) nayena puggalādhiṭṭhānā desanā katā. Attho pana tatrāpi evameva daṭṭhabbo.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasampayuttadhammāsīti attho. Tasmā vivekā, tasmim vā viveke jātanti vivekaṃ.

72. **Pītisukhanti** ettha pīṇayatīti pīti. Sā sampiyāyanalakkhaṇā, kāyacittapīnanarāsā, pharaṇarāsā vā, odagyapaccupaṭṭhānā. Sā panesā khuddikā pīti, khaṇīkāpīti, okkantīkāpīti, ubbegāpīti, pharaṇāpīti pañcavidhā hoti. Tattha **khuddīkāpīti** sarīre lomahaṃsamattameva kātuṃ sakkoti. **Khaṇīkāpīti** khaṇe khaṇe vijjuppādasadisā hoti. **Okkantīkāpīti** samuddatīraṃ vīci viya kāyaṃ okkamitvā okkamitvā bhijjati. **Ubbegāpīti** balavatī hoti kāyaṃ uddhaggaṃ katvā ākāse laṅghāpanappamāṇappattā. Tathā hi puṇṇavallikavāsī **mahātissatthero** puṇṇamadivase sāyaṃ cetiyaṅgaṇaṃ gantvā candālokaṃ disvā mahācetiyaḥhimukho hutvā “imāya vata velāya catasso parisā mahācetiyaṃ vandantī”ti pakatiyā dīṭṭhārammaṇavasena buddhārammaṇaṃ ubbegāpītiṃ uppādetvā sudhātale pahaṭṭacitrageṇḍuko viya ākāse uppatitvā mahācetiyaṅgaṇeyeva patiṭṭhāsī. Tathā girikaṇḍakavīhārassa upanissaye vattakālakaḡame **ekā kuladhīṭāpi** balavabuddhārammaṇāya ubbegāpītiyā ākāse laṅghesi.

Tassā kira mātāpitaro sāyaṃ dhammassavanatthāya vihāraṃ gacchantā “amma tvaṃ garubhārā akāle vicarituṃ na sakkosi, mayaṃ tuyhaṃ pattim katvā dhammaṃ sossāmā”ti agamaṃsu. Sā gantukāmāpi tesam vacanaṃ paṭibāhituṃ asakkontī ghare ohiyitvā gharājire thatvā candālokena girikaṇḍake ākāsacetiyaṅgaṇaṃ oloketī cetiyassa dīpapūjaṃ addasa, catasso ca parisā mālāgandhādīhi cetiyapūjaṃ katvā padakkhiṇaṃ karontiyo bhikkhusaṅghassa ca gaṇasajjhāyasaddaṃ assosi. Athassā “dhaññāvatiṃ, ye vihāraṃ gantvā evarūpe cetiyaṅgaṇe anusañcarituṃ, evarūpañca madhuradhammakathaṃ sotuṃ labhanti”ti muttarāsisadisam cetiyaṃ passantiyā eva ubbegāpīti udapādi. Sā ākāse laṅghitvā mātāpitūnaṃ purimataraṃyeva ākāso cetiyaṅgaṇe oruyha cetiyaṃ vanditvā dhammaṃ suṇamānā aṭṭhāsi. Atha naṃ mātāpitaro āgantvā “amma tvaṃ katarena maggena āgatāsī”ti pucchimṃsu. Sā “ākāsena āgatāmi, na maggena”ti vatvā “amma ākāsenā nāma khīṇasavā sañcaranti, tvaṃ kathaṃ āgatā”ti vuttā āha – “mayhaṃ candālokena cetiyaṃ āloketiyā ṭhitāya buddhārammaṇā balavapīti uppajji. Athāhaṃ neva attano ṭhitabhāvaṃ, na nisinnabhāvaṃ aññāsim, gahitanimitteneva pana ākāse laṅghitvā cetiyaṅgaṇe patiṭṭhitāmi”ti.

Evam ubbegāpīti ākāse laṅghāpanappamānā hoti. Pharaṇāpītiyā pana uppannāya sakalasaṅgāraṃ dhamitvā pūritavatti viya mahatā udakoghena pakkhandapabbatakucchi viya ca anupariphuṭaṃ hoti.

Sā panesā pañcavidhā pīti gabbhaṃ gaṇhantī paripākaṃ gacchantī duvidhaṃ passaddhiṃ paripūreti kāyapassaddhiñca cittapassaddhiñca. Passaddhi gabbhaṃ gaṇhantī paripākaṃ gacchantī duvidhampi sukhaṃ paripūreti kāyikañca cetasañca. Sukhaṃ gabbhaṃ gaṇhantaṃ paripākaṃ gacchantaṃ tividhaṃ samādhim paripūreti khaṇikasamādhim upacārasamādhim appanā samādhinti. Tāsu yā appanāsamādhissa mūlaṃ hutvā vaḍḍhamānā samādhisampayogaṃ gatā pharaṇāpīti, ayaṃ imasmiṃ atthe adhippetā pīti.

73. Itaraṃ pana sukhaṃ sukhaṃ, suṭṭhu vā khādati, khanati ca kāyacittābādhanāti sukhaṃ, taṃ sātalaḥkhaṇaṃ, sampayuttānaṃ upabrūhanasamā, anuggahapaccupaṭṭhānaṃ. Satipi ca nesaṃ katthaci avippayoge iṭṭhārammaṇapaṭilābhatuṭṭhi pīti. Paṭiladdharasānubhavanaṃ sukhaṃ. Yattha pīti, tattha sukhaṃ. Yattha sukhaṃ, tattha na niyamato pīti. Sañkhārakkhandhasaṅgahitā pīti. Vedanākkhandhasaṅgahitaṃ sukhaṃ. Kantārakhinnassa vanantudakadassanasavanesu viya pīti. Vanacchāyāpavesanaudakaparibhogesu viya sukhaṃ. Tasmim tasmim samaye pākābhāvato cetam vuttanti veditabbaṃ. Iti ayañca pīti idañca sukhaṃ assa jhānassa, asmim vā jhāne atthīti idaṃ jhānaṃ pītisukhanti vuccati.

Atha vā pīti ca sukhañca pītisukhaṃ, dhammavinayādayo viya. Vivekaṃ pītisukhamassa jhānassa, asmim vā jhāne atthīti evampi **vivekaṃ pītisukhaṃ**. Yatheva hi jhānaṃ, evaṃ pītisukhampettha vivekajameva hoti, tañcassa atthi, tasmā ekapadeneva “vivekaṃ pītisukha”ntipi vuttam yujjati. Vibhaṅge pana “idaṃ sukhaṃ imāya pītiyā sahagata”ntiādinā (vibha. 567) nayena vuttam. Attho pana tathāpi evameva daṭṭhabbo.

Paṭhamam jhānanti idaṃ parato āvibhavissati. **Upasampajjāti** upagantvā, pāpuṇitvāti vuttam hoti. Upasampādayitvā vā, nipphādetvāti vuttam hoti. Vibhaṅge pana “upasampajjāti paṭhamassa jhānassa lābho paṭilābho patti sampatti phusanā sacchikiriyā upasampadā”ti vuttam. Tassāpi evamevattho daṭṭhabbo. **Viharati** tadanurūpena iriyāpathavihārena itivuttappakārajhānasamaṅgī hutvā attabhāvassa iriyaṃ vuttim pālanam yapanam yāpanam cāram vihāram abhinipphādeti. Vuttañhetam vibhaṅge “viharati iriyati vattati pāleti yapeti yāpeti carati viharati, tena vuccati viharati”ti (vibha. 540).

Pañcaṅgavippahīnādi

74. Yaṃ pana vuttam “**pañcaṅgavippahīnaṃ pañcaṅgasamannāgata**”nti, tattha kāmacchando, byāpādo, thinamiddham, uddhaccakukkuccam, vicikicchāti imesaṃ pañcannaṃ nīvaraṇānaṃ pahānavasena pañcaṅgavippahīnāti veditabbā. Na hi etesu appahīnesu jhānaṃ uppajjati. Tenassetāni pahānaṅgānīti vuccanti. Kiñcāpi hi jhānakkhaṇe aññepi akusalā dhammā pahīyanti, tathāpi etāneva visesena jhānantarāyakarāni. Kāmacchandena hi nānāvisayappalobhitam cittaṃ na ekattārammaṇe samādhīyati. Kāmacchandābhībhūtam vā tam na kāmadhātuppahānāya paṭipadaṃ paṭipajjati. Byāpādena cārammaṇe paṭihaññamānaṃ na nīrantaraṃ pavattati. Thinamiddhābhībhūtam akammaññaṃ hoti. Uddhaccakukkuccaparetaṃ avūpasantaṃ eva hutvā paribbhamati. Vicikicchāya upahataṃ jhānādhigamasādhikam paṭipadaṃ nārohati. Iti visesena jhānantarāyakarattā etāneva **pañcaṅgānīti** vuttānīti.

Yasmā pana vitakko ārammaṇe cittaṃ abhiniropeti, vicāro anuppabandhati, tehi avikkhepāya sampāditappayogassa cetaso payogasampattisambhavā pīti pīṇanaṃ, sukhañca upabrūhanaṃ karoti. Atha naṃ sasesasampayuttadhammaṃ etehi abhiniropānānuppabandhanapīṇanaupabrūhanehi anuggahitā ekaggatā ekattārammaṇe samaṃ sammā ca ādhīyati, tasmā vitakko vicāro pīti sukhaṃ cित्तेkaggatāti imesaṃ pañcannaṃ uppattivasena pañcaṅgasamannāgatāti veditabbā. Uppannesu hi etesu pañcasu jhānaṃ uppannaṃ nāma hoti. Tenassa etāni pañca **samannāgataṅgānīti** vuccanti. Tasmā na etehi samannāgataṃ aññadeva jhānaṃ nāma atthīti gahetabbaṃ. Yathā pana āngamattavaseneva caturaṅginī senā, pañcaṅgikam tūriyaṃ, aṭṭhaṅgiko ca maggoti vuccati, evamidampi āngamattavaseneva pañcaṅgikanti vā pañcaṅgasamannāgatanti vā vuccatīti veditabbaṃ.

Etāni ca pañcaṅgāni kiñcāpi upacārakkhaṇepi atthi, atha kho upacāre pakaticittato balavatarāni. Idha pana upacāratopi balavatarāni rūpāvacaralakkhaṇappattāni. Ettha hi vitakko suvisadena ākārena ārammaṇe cittaṃ abhiniropayamāno uppajjati. Vicāro ativiya ārammaṇam anumajjamāno. Pītisukhaṃ sabbāvantaṃ kāyaṃ pharamānaṃ. Tenevāha – “nāssa kiñci sabbāvato kāyassa vivekajena pītisukhena apphuṭaṃ hoti”ti (dī. nī. 1.228). Cित्तेkaggatāpi heṭṭhimamhi samuggapaṭale

uparimaṃ samuggapaṭalaṃ viya ārammaṇesu phusitā hutvā uppajjati, ayametesam itarehi viseso. Tattha cittaekaggatā kiñcāpi savitakkaṃ savicāranti imasmiṃ pāṭhe na niddiṭṭhā, tathāpi vibhaṅge “jhānanti vitakko vicāro pīti sukkaṃ cittassekaggatā”ti (vibha. 569) evaṃ vuttatā aṅgameva. Yena hi adhippāyena bhagavatā uddeso kato, soyeva tena vibhaṅge pakāsītoti.

Tividhakalyāṇaṃ

75. Tividhakalyāṇaṃ dasalakkhaṇasampannanti ettha pana ādimajjhapariyosānavasena tividhakalyāṇatā. Tesamyeva ca ādimajjhapariyosānānaṃ lakkhaṇavasena dasalakkhaṇasampannatā veditabbā.

Tatrāyaṃ pāli –

“Paṭhamassa jhānassa paṭipadāvisuddhi ādi, upekkhānubrūhanā majjhe, sampahaṃsanā pariyosānaṃ, paṭhamassa jhānassa paṭipadāvisuddhi ādi, ādissa kati lakkhaṇāni? Ādissa tīni lakkhaṇāni, yo tassa paribandho, tato cittaṃ visujjhati, visuddhattā cittaṃ majjhimaṃ samathanimittaṃ paṭipajjati, paṭipannatā tattha cittaṃ pakkhandati. Yañca paribandhato cittaṃ visujjhati, yañca visuddhattā cittaṃ majjhimaṃ samathanimittaṃ paṭipajjati, yañca paṭipannatā tattha cittaṃ pakkhandati. Paṭhamassa jhānassa paṭipadāvisuddhi ādi, ādissa imāni tīni lakkhaṇāni. Tena vuccati paṭhamam jhānaṃ ādikalyāṇaṇceva hoti tilakkhaṇasampannañca.

“Paṭhamassa jhānassa upekkhānubrūhanā majjhe, majjhassa kati lakkhaṇāni? Majjhassa tīni lakkhaṇāni, visuddham cittaṃ ajjupekkhati, samathapaṭipannaṃ ajjupekkhati, ekattupaṭṭhānaṃ ajjupekkhati. Yañca visuddham cittaṃ ajjupekkhati, yañca samathapaṭipannaṃ ajjupekkhati, yañca ekattupaṭṭhānaṃ ajjupekkhati. Paṭhamassa jhānassa upekkhānubrūhanā majjhe, majjhassa imāni tīni lakkhaṇāni. Tena vuccati paṭhamam jhānaṃ majjhakalyāṇaṇceva hoti tilakkhaṇasampannañca.

“Paṭhamassa jhānassa sampahaṃsanā pariyosānaṃ, pariyosānassa kati lakkhaṇāni? Pariyosānassa cattāri lakkhaṇāni, tattha jātānaṃ dhammānaṃ anativattanaṭṭhena sampahaṃsanā, indriyānaṃ ekarasaṭṭhena sampahaṃsanā, tadupagavīriyavāhanaṭṭhena sampahaṃsanā, āsevanaṭṭhena sampahaṃsanā. Paṭhamassa jhānassa sampahaṃsanā pariyosānaṃ, pariyosānassa imāni cattāri lakkhaṇāni. Tena vuccati paṭhamam jhānaṃ pariyosānakalyāṇaṇceva hoti catulakkhaṇasampannañcā”ti (paṭi. ma. 1.158).

Tatra paṭipadāvisuddhi nāma sasambhāriko upacāro. Upekkhānubrūhanā nāma appanā. Sampahaṃsanā nāma paccavekkhānti evameke vaṇṇayanti. Yasmā pana “ekattagataṃ cittaṃ paṭipadāvisuddhipakkhandañceva hoti upekkhānubrūhitañca ñāṇena ca sampahaṃsita”nti (paṭi. ma. 1.158) pāliyaṃ vuttaṃ, tasmā antoappanāyameva āgamanavasena **paṭipadāvisuddhi**, ttramajjhātupekkhāya kiccavasena **upekkhānubrūhanā**, dhammānaṃ anativattanādibhāvasādhanena pariyodāpakassa ñāṇassa kiccanipphattivasena sampahaṃsanā ca veditabbā.

Kathaṃ? Yasmiñhi vāre appanā uppajjati, tasmim yo nīvaraṇasañkhāto kilesagaṇo tassa jhānassa paribandho, tato cittaṃ visujjhati. Visuddhattā āvaraṇavirahitaṃ hutvā majjhimaṃ samathanimittaṃ paṭipajjati. **Majjhimaṃ samathanimittaṃ** nāma samappavatto appanāsamādhīyeva. Tadanantaraṃ pana purimacittaṃ ekasantatipariṇāmanayena tathattamupagacchamānaṃ majjhimaṃ samathanimittaṃ paṭipajjati nāma, evaṃ paṭipannatā tathattupagamanena tattha pakkhandati nāma. Evaṃ tāva purimacitte vijjamañākāranipphādikā paṭhamassa jhānassa uppādakkhaṇeyeva āgamanavasena paṭipadāvisuddhi veditabbā.

Evaṃ visuddhassa pana tassa puna visodhetabbabhāvato visodhane byāpāraṃ akaronto visuddham cittaṃ ajjupekkhati nāma. Samathabhāvupagamanena samathapaṭipannassa puna samādhāne byāpāraṃ akaronto samathapaṭipannaṃ ajjupekkhati nāma. Samathapaṭipannabhāvato eva cassa kilesasaṃsaggaṃ pahāya ekattena upaṭṭhitassa puna ekattupaṭṭhāne byāpāraṃ akaronto ekattupaṭṭhānaṃ ajjupekkhati nāma. Evaṃ ttramajjhātupekkhāya kiccavasena upekkhānubrūhanā veditabbā.

Ye panete evaṃ upekkhānubrūhite tattha jātā samādhīpaññāsankhātā yuganaddhadhammā aññamaññaṃ anativattamānā hutvā pavattā, yāni ca saddhādīni indriyāni nānākilesehi vimuttatā vimuttirasena ekarasāni hutvā pavattāni, yañcesā tadupagaṃ tesam anativattanaekarasabhāvānaṃ anucchavikaṃ vīriyaṃ vāhayati, yā cassa tasmim khaṇe pavattā āsevanā, sabbepi te ākāra yasmā ñāṇena saṃkilesavodānesu taṃ taṃ ādīnavañca ānisaṃsañca disvā tathā tathā sampahaṃsītattā visodhitattā pariyodāpitattā nipphannāva, tasmā “dhammānaṃ anativattanādibhāvasādhanena pariyodāpakassa ñāṇassa kiccanipphattivasena sampahaṃsanā veditabbā”ti vuttaṃ.

Tattha yasmā upekkhāvasena ñāṇaṃ pākaṭaṃ hoti. Yathāha – “tathāpaggahitaṃ cittaṃ sādhuṃ ajjupekkhati, upekkhāvasena paññāvasena paññindriyaṃ adhimattaṃ hoti, upekkhāvasena nānattakilesehi cittaṃ vimuccati, vimokkhasena paññāvasena paññindriyaṃ adhimattaṃ hoti. Vimuttatā te dhammā ekarasā honti. Ekarasaṭṭhena bhāvanā”ti (paṭi. ma. 1.201). Tasmā ñāṇakiccabhūtā sampahaṃsanā pariyosānanti vuttā.

Idāni paṭhamam jhānaṃ adhigataṃ hoti pathavīkasiṇanti ettha gaṇanānupubbatā **paṭhamam**, paṭhamam uppannanti **paṭhamam**. Ārammaṇūpanijjhānato paccanīkajhāpanato vā **jhānaṃ**. Pathavīmaṇḍalaṃ pana sakalaṭṭhena **pathavīkasiṇanti**

vuccati, taṃ nissāya paṭiladdhanimittampi, pathavīkasiṇanimitte paṭiladdhajhānampi. Tatra imasmiṃ atthe jhānaṃ pathavīkasiṇanti vedītabbaṃ. Taṃ sandhāya vuttaṃ “paṭhamamaṃ jhānaṃ adhigataṃ hoti pathavīkasiṇa”nti.

Ciraṭṭhitisampādanaṃ

76. Evamadhigate pana etasmiṃ tena yoginā vāavedhinā viya, sūdena viya ca ākāraṃ pariggahetabbā. Yathā hi sukusalo dhanuggaho vāavedhāya kammaṃ kurumāno yasmiṃ vāre vālaṃ vijjhati, tasmīṃ vāre akkantaṭṭapadānañca dhanudaṇḍassa ca jiyāya ca sarassa ca ākāraṃ pariggaṇheyya. “Evaṃ me ṭhītena evaṃ dhanudaṇḍaṃ evaṃ jiyāya evaṃ saraṃ gahetvā vālo viddho”ti. So tato paṭṭhāya tatheva te ākāre sampādentō avirādhetaṃ vālaṃ vijjheyya. Evameva yogināpi “imaṃ nāma me bhojanaṃ bhujjivā evarūpaṃ puggalaṃ sevamānena evarūpe senāsane iminā nāma iriyāpathena imasmiṃ kāle idaṃ adhigata”nti ete bhojanasappāyādayo ākāraṃ pariggahetabbā. Evañhi so naṭṭhe vā tasmīṃ te ākāre sampādetvā puna uppādetuṃ, appaṇaṃ vā paṇaṃ karonto punappunaṃ appetaṃ sakkhissati.

Yathā ca kusalo sūdo bhattāraṃ parivisanto tassa yaṃ yaṃ rūciyā bhujjati, taṃ taṃ sallakkhetvā tato paṭṭhāya tādisameva upanāmento lābhassa bhāgī hoti, evamayampi adhigatakkhaṇe bhojanaḍayo ākāre gahetvā te sampādentō naṭṭhe naṭṭhe punappunaṃ appanāya lābhī hoti. Tasmā tena vāavedhinā viya sūdena viya ca ākāraṃ pariggahetabbā. Vuttampi cetamaṃ bhagavatā –

“Seyyathāpi, bhikkhave, paṇḍito byatto kusalo sūdo rājānaṃ vā rājamahāmatṭaṃ vā nānaccayehi sūpehi paccupaṭṭhito assa ambilaggehiṃ tittakaggehiṃ kaṭukaggehiṃ madhuraggehiṃ khārikehiṃ akhārikehiṃ loṇikehiṃ aloṇikehiṃ. Sa kho so, bhikkhave, paṇḍito byatto kusalo sūdo sakassa bhattu nimittaṃ uggaṇhāti ‘idaṃ vā me ajja bhattu sūpeyyaṃ ruccati, imassa vā abhiharati, imassa vā bahūṃ gaṇhāti, imassa vā vaṇṇaṃ bhāsati, ambilaggaṃ vā me ajja bhattu sūpeyyaṃ ruccati, ambilaggassa vā abhiharati, ambilaggassa vā bahūṃ gaṇhāti, ambilaggassa vā vaṇṇaṃ bhāsati...pe... aloṇikassa vā vaṇṇaṃ bhāsati’ti. Sa kho so, bhikkhave, paṇḍito byatto kusalo sūdo lābhī ceva hoti accchādanassa, lābhī vetanassa, lābhī abhihārānaṃ. Taṃ kissa hetu? Tathā hi so, bhikkhave, paṇḍito byatto kusalo sūdo sakassa bhattu nimittaṃ uggaṇhāti. Evameva kho, bhikkhave, idhekacco paṇḍito byatto kusalo bhikkhu kāye kāyānupassī viharati...pe... vedanāsu vedanā... citte cittā... dhammesu dhammānupassī viharati ātāpī sampajāno satimā vineyya loke abhijjhādomanassaṃ. Tassa dhammesu dhammānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. Sa kho so, bhikkhave, paṇḍito byatto kusalo bhikkhu lābhī ceva hoti diṭṭhadhammasukhavahārānaṃ, lābhī satisampajāñhassa. Taṃ kissa hetu? Tathā hi so, bhikkhave, paṇḍito byatto kusalo bhikkhu sakassa cittaṃ nimittaṃ uggaṇhāti”ti (saṃ. ni. 5.374).

Nimittaggahaṇena cassa puna te ākāre sampādayato appanāmatameva ijjhāti, na ciraṭṭhānaṃ. Ciraṭṭhānaṃ pana samādhīparibandhānaṃ dhammānaṃ suvisodhitattā hoti. Yo hi bhikkhu kāmadīnavapaccavekkhaṇādīhi kāmacchandaṃ na suṭṭhu vikkhambhetvā, kāyapassaddhivasena kāyaduṭṭhullaṃ na suppaṭṭipassaddhaṃ katvā, ārambhadhātumanasikārādivasena thīnamiddhaṃ na suṭṭhu paṭṭivinodetvā, samathanimittamanasikārādivasena uddhaccakukkuccaṃ na susamūhataṃ katvā, aññeṇi samādhīparibandhe dhamme na suṭṭhu visodhetvā jhānaṃ samāpajjati, so avisodhitāṃ āsayāṃ pavīṭṭhabhamaro viya avisuddhaṃ uyyānaṃ pavīṭṭharājā viya ca khippameva nikkhamati. Yo pana samādhīparibandhe dhamme suṭṭhu visodhetvā jhānaṃ samāpajjati, so suvisodhitāṃ āsayāṃ pavīṭṭhabhamaro viya suparisuddhaṃ uyyānaṃ pavīṭṭharājā viya ca sakalampi divasabhāgaṃ antosamāpattiyāmyeva hoti. Tenāhu porāṇā –

“Kāmesu chandaṃ paṭighaṃ vinodaye,
Uddhaccamidhaṃ vicikicchapañcamāṃ;
Vivekapāmojjakarena cetasā,
Rājāva suddhantagato tahiṃ rame”ti.

Tasmā ciraṭṭhīkāmena paribandhakadhamme visodhetvā jhānaṃ samāpajjitabbaṃ. Cittabhāvanāvepullatthañca yathāladhaṃ paṭibhāganimittaṃ vaḍḍhetabbaṃ. Tassa dve vaḍḍhanābhūmiyo upacāraṃ vā appanaṃ vā. Upacāraṃ patvāpi hi taṃ vaḍḍhetuṃ vaṭṭati appanaṃ patvāpi. Ekasmiṃ pana ṭhāne avassaṃ vaḍḍhetabbaṃ. Tena vuttaṃ “yathāladhaṃ paṭibhāganimittaṃ vaḍḍhetabba”nti.

Nimittavaḍḍhananayo

77. Tatrāyaṃ vaḍḍhananayo, tena yoginā taṃ nimittaṃ pattavaḍḍhanapūvavaḍḍhanabhattavaḍḍhanalatāvaḍḍhanadussavaḍḍhanayogena avaḍḍhetvā yathā nāma kassako kasitabbaṭṭhānaṃ naṅgalena paricchinditvā paricchedabbhantare kasati, yathā vā pana bhikkhū sīmaṃ bandhantā paṭhamamaṃ nimittāni sallakkhetvā pacchā bandhanti, evameva tassa yathāladhassa nimittassa anukkamena ekaṅguladvāṅgulatvaṅgulacaturāṅgulamattaṃ manasā paricchinditvā yathāparicchedaṃ vaḍḍhetabbaṃ. Aparicchinditvā pana na vaḍḍhetabbaṃ. Tato vidatthiratanapamukhapariveṇavīhārasīmānaṃ gāmanigamajanapadarajjasamuddasīmānañca paricchedavasena vaḍḍhayantena cakkavāḷaparicchedena vā tato vāpi uttari paricchinditvā vaḍḍhetabbaṃ.

Yathā hi haṃsapotakā pakkhānaṃ utṭhitakālatō paṭṭhāya parittaṃ parittaṃ padesaṃ uppatantā paricayaṃ katvā

anukkamena candimasūriyasantikam gacchanti, evameva bhikkhu vuttanayena nimittam paricchinditvā vaḍḍhento yāva cakkavālapariccheda tato vā uttari vaḍḍheti. Athassa taṃ nimittam vaḍḍhitavaḍḍhitaṭṭhāne pathaviyā ukkūlavikūlanadividuggapabbatavisamesu saṅkusatasamabbhāhataṃ usabhacammaṃ viya hoti.

Tasmiṃ pana nimitte pattapaṭhamajjhānena ādikammikena samāpajjanabahulena bhavitabbaṃ, na paccavekkhaṇabahulena. Paccavekkhaṇabahulassa hi jhānaṅgāni thūlāni dubbalāni hutvā upaṭṭhahanti. Athassa tāni evaṃ upaṭṭhitattā upari usukkanāya paccayatam āpajjanti. So appaṅṅe jhāne usukkamaṇo pattapaṭhamajjhānā ca parihāyati, na ca sakkoti dutiyam pāpuṇitum. Tenāha bhagavā –

“Seyyathāpi, bhikkhave, gāvī pabbateyyā bālā abyattā akhettaññū akusalā visame pabbate caritum. Tassā evamassa ‘yaṃnūnāhaṃ agatapubbañceva disaṃ gaccheyyaṃ, akhāditapubbāni ca tiṇāni khādeyyaṃ, apītapubbāni ca pānīyāni piveyya’nti. Sā purimaṃ pādaṃ na supatīṭṭhitam patiṭṭhāpetvā pacchimaṃ pādaṃ uddhareyya, sā na ceva agatapubbaṃ disaṃ gaccheyya, na ca akhāditapubbāni tiṇāni khādeyya, na ca apītapubbāni pānīyāni piveyya. Yasmiṃcassā padese ṭhitāya evamassa ‘yaṃnūnāhaṃ agatapubbañceva...pe... piveyya’nti. Taṃ padesaṃ na sotthina paccāgaccheyya. Taṃ kissa hetu? Tathā hi sā, bhikkhave, gāvī pabbateyyā bālā abyattā akhettaññū akusalā visame pabbate caritum, evameva kho, bhikkhave, idhekacco bhikkhu bālo abyatto akhettaññū akusalō vivicceva kāmehi... pe... paṭhamaṃ jhānaṃ upasampajja viharitum. So taṃ nimittam nāsevati, na bhāveti, na bahulīkaroti, na svādhiṭṭhitam adhiṭṭhāti, tassa evaṃ hoti ‘yaṃnūnāhaṃ vitakkavicārānaṃ vūpasamā...pe... dutiyam jhānaṃ upasampajja vihareyya’nti. So na sakkoti vitakkavicārānaṃ vūpasamā...pe... dutiyam jhānaṃ upasampajja viharitum. Tassevaṃ hoti ‘yaṃnūnāhaṃ vivicceva kāmehi...pe... paṭhamaṃ jhānaṃ upasampajja vihareyya’nti. So na sakkoti vivicceva kāmehi...pe... paṭhamaṃ jhānaṃ upasampajja viharitum. Ayaṃ vuccati, bhikkhave, bhikkhu ubhato bhaṭṭho ubhato parihīno, seyathāpi sā gāvī pabbateyyā bālā abyattā akhettaññū akusalā visame pabbate caritu’nti (a. ni. 9.35).

Tasmānena tasmiṃyeva tāva paṭhamajjhāne pañcahākārehi ciṅṅnavasinā bhavitabbaṃ.

Pañcavasīkathā

78. Tatrimā pañca vasiyo āvajjanavasī, samāpajjanavasī, adhiṭṭhānavasī, vuṭṭhānavasī, paccavekkhaṇavasīti. Paṭhamaṃ jhānaṃ yatthicchakaṃ yadicchakaṃ yāvadicchakaṃ āvajjeti, āvajjanāya dandhāyitattam natthīti **āvajjanavasī**. Paṭhamaṃ jhānaṃ yatthicchakaṃ...pe... samāpajjati, samāpajjanāya dandhāyitattam natthīti **samāpajjanavasī**. Evaṃ sesāpi vitthāretabba.

Ayaṃ panettha atthappakāsanā, paṭhamajjhānato vuṭṭhāya paṭhamaṃ vitakkaṃ āvajjayato bhavaṅgaṃ upacchinditvā uppannāvajjanānantaram vitakkārammaṇāneva cattāri pañca vā javanāni javanti. Tato dve bhavaṅgāni, tato puna vicārārammaṇam āvajjanaṃ, vuttanayāneva javanānīti evaṃ pañcasu jhānaṅgesu yadā niranaram cittaṃ pesetum sakkoti, athassa **āvajjanavasī** siddhā hoti. Ayaṃ pana matthakappattā vasī bhagavato yamakapāṭihāriye labbhati, aññesaṃ vā evarūpe kāle. Ito paraṃ sīghatarā āvajjanavasī nāma natthi.

Āyasmato pana mahāmoggallānassa nandopanandanāgarājadamane viya sīgham samāpajjanasamatthatā **samāpajjanavasī** nāma.

Accharāmatam vā dasaccharāmatam vā khaṇam ṭhāpetum samatthatā **adhiṭṭhānavasī** nāma. Tatheva lahum vuṭṭhātum samatthatā **vuṭṭhānavasī** nāma. Tadubhayadassanatham buddharakkhitattherassa vatthum kathetum vaṭṭati.

So hāyasmā upasampadāya aṭṭhavassiko hutvā therambatthale mahārohaṇaguttattherassa gilānupaṭṭhānaṃ āgatānaṃ tiṃsamattānaṃ iddhimantasahassānaṃ majjhe nisinnō therassa yāguṃ paṭiggāhāyamānaṃ upaṭṭhākanāgarājānaṃ gahessāmīti ākāso pakkhandantaṃ supaṇṇarājānaṃ disvā tāvadeva pabbataṃ nimminitvā nāgarājānaṃ bāhāyaṃ gahetvā tattha pāvīsi. Supaṇṇarājā pabbate pahāraṃ datvā palāyi. Mahāthero āha – “sace, āvuso, buddharakkhito nābhavissa, sabbeva gārayhā assāmā”ti.

Paccavekkhaṇavasī pana āvajjanavasiyā eva vuttā. Paccavekkhaṇajavanāneva hi tattha āvajjanānantarānīti.

Dutiyajjhānakathā

79. Imāsu pana pañcasu vasīsu ciṅṅnavasinā paṅṅapaṭhamajjhānato vuṭṭhāya “ayaṃ samāpatti āsannaṅvāraṇapaccatthikā, vitakkavicārānaṃ oḷārikattā āngadubbala”ti ca tattha dosaṃ disvā dutiyajjhānaṃ santato manasikatvā paṭhamajjhāne nikantim pariyaḍāya dutiyādhigamāya yogo kātabbo. Athassa yadā paṭhamajjhānā vuṭṭhāya satassa sampajjānassa jhānaṅgāni paccavekkhato vitakkavicārā oḷārikato upaṭṭhahanti, pītisukhañceva cittaṃaggatā ca santato upaṭṭhāti, tadassa oḷārikaṅgaṃ pahānāya santaṅgapaṭilābhāya ca tadeva nimittam “pathavī pathavī”ti punappunaṃ manasikaroto “idāni dutiyajjhānaṃ uppajjissatī”ti bhavaṅgaṃ upacchinditvā tadeva pathavīkasiṇaṃ ārammaṇam katvā manodvārāvajjanaṃ uppajjati. Tato tasmiṃyevārammaṇe cattāri pañca vā javanāni javanti, yesamavasāne ekaṃ rūpāvacaraṃ dutiyajjhānikaṃ. Sesāni vuttappakāreṇeva kāmāvacarānīti.

Ettāvata cesa vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Evamanena dvaṅgavippahīnaṃ tivaṅgasamannāgataṃ tividhakalyāṇaṃ dasalakkaṇasampannaṃ dutiyaṃ jhānaṃ adhigataṃ hoti pathavikasīnaṃ.

80. Tattha vitakkavicārānaṃ vūpasamāti vitakkassa ca vicārassa cāti imesaṃ dvinnaṃ vūpasamā samatikkamā, dutiyajjhānakkhaṇe apātubhāvāti vuttaṃ hoti. Tattha kiñcāpi dutiyajjhāne sabbepi paṭhamajjhānadhammā na santi. Aññeyeva hi paṭhamajjhāne phassādayo, aññe idha. Oḷārikassa pana oḷārikassa aṅgassa samatikkamā paṭhamajjhānato paresaṃ dutiyajjhānādīnaṃ adhigamo hotīti dīpanatthaṃ “vitakkavicārānaṃ vūpasamā”ti evaṃ vuttanti veditabbaṃ.

Ajjhattanti idha niyakajjhattamadhippetam. Vibhaṅge pana “ajjhattaṃ paccatta”nti ettakameva vuttaṃ. Yasmā ca niyakajjhattamadhippetam, tasmā attani jātam attano santāne nibbattanti ayamettha attho. **Sampasādananti** sampasādanaṃ vuccati saddhā. Sampasādanayogato jhānampi sampasādanaṃ. Nīlavaṇṇayogato nīlavatthaṃ viya. Yasmā vā taṃ jhānaṃ sampasādanasamannāgatattā vitakkavicārakkhobhavūpasamanena ca cetaso sampasādayati, tasmāpi sampasādananti vuttaṃ. Imasmiṃca atthavikappe sampasādanaṃ cetasoti evaṃ padasambandho veditabbo. Purimasmiṃ pana atthavikappe cetasoti etaṃ ekodibhāvena saddhiṃ yojetabbaṃ.

Tatrāyamattthayojanā, eko udetīti ekodi, vitakkavicārehi anajjhārūḷhattā aggo seṭṭho hutvā udetīti attho. Seṭṭhopi hi loke ekoti vuccati. Vitakkavicāravirahato vā eko asahāyo hutvā itipi vattum vaṭṭati. Atha vā sampayuttadhamme udāyatīti udi, utthāpetīti attho. Seṭṭhatthena eko ca so udi cāti ekodi, samādhissetaṃ adhivacanaṃ. Iti imaṃ ekodiṃ bhāveti vaḍḍhetīti idaṃ dutiyajjhānaṃ ekodibhāvaṃ. So panāyaṃ ekodi yasmā cetaso, na sattassa, na jīvassa, tasmā etaṃ cetaso ekodibhāvanti vuttaṃ.

Nanu cāyaṃ saddhā paṭhamajjhānepi atthi, ayañca ekodināmako samādhi, atha kasmā idameva “sampasādanaṃ cetaso ekodibhāvañcā”ti vuttanti. Vuccate, aduñhi paṭhamajjhānaṃ vitakkavicārakkhobhena vīcitarāṅgasamākulamiva jalaṃ na suppasannaṃ hoti, tasmā satiyāpi saddhāya “sampasādana”nti na vuttaṃ. Na suppasannattāyeva cettha samādhipi na sutṭhu pākaṭo, tasmā “ekodibhāva”ntipi na vuttaṃ. Imasmiṃ pana jhāne vitakkavicārāpalibodhābhāvena laddhokāsā balavatī saddhā, balavasaddhāsahāyapaṭilābheneva ca samādhipi pākaṭo, tasmā idameva evaṃ vuttanti veditabbaṃ. Vibhaṅge pana “sampasādananti yā saddhā saddahanā okappanā abhippasādo. Cetaso ekodibhāvanti yā cittassa tṭhiti...pe... sammāsamādhi”ti ettakameva vuttaṃ. Evaṃ vuttana pana tena saddhiṃ ayamattthavāṇṇanā yathā na virujjhati, aññadatthu samsandati ceva sameti ca, evaṃ veditabbā.

81. Avitakkaṃ avicāranti bhāvanāya pahīnatā etasmiṃ, etassa vā vitakko natthīti avitakkaṃ. Imināva nayena avicāraṃ. Vibhaṅgepi vuttaṃ “iti ayañca vitakko ayañca vicāro santā honti samitā vūpasantā atthaṅgatā abbatthaṅgatā appitā byappitā sositā visositā byantikātā, tena vuccati avitakkaṃ avicāra”nti (vibha. 576).

Ethāha “nanu ca ‘vitakkavicārānaṃ vūpasamā’ti imināpi ayamatttho siddho, atha kasmā puna vuttaṃ ‘avitakkaṃ avicāra’nti”. Vuccate, evametam siddhovāyamatttho, na panetaṃ tadatthadīpakam. Nanu avocumha “oḷārikassa pana oḷārikassa aṅgassa samatikkamā paṭhamajjhānato paresaṃ dutiyajjhānādīnaṃ samadhigamo hotīti dassanatthaṃ vitakkavicārānaṃ vūpasamāti evaṃ vutta”nti.

Apica vitakkavicārānaṃ vūpasamā idaṃ sampasādanaṃ, na kilesakālussiyassa. Vitakkavicārānañca vūpasamā ekodibhāvaṃ, na upacārājjhānamiva nīvaraṇappahānā, paṭhamajjhānamiva ca na aṅgapātubhāvāti evaṃ sampasādanaekodibhāvānaṃ hetuparidīpakamidaṃ vacanaṃ. Tathā vitakkavicārānaṃ vūpasamā idaṃ avitakkaṃ avicāraṃ, na tatiyacatutthajjhānāni viya cakkhuvīññānādīni viya ca abhāvāti evaṃ avitakkaavicārābhāvassa hetuparidīpakañca, na vitakkavicārābhāvamattaparidīpakam. Vitakkavicārābhāvamattaparidīpakameva pana “avitakkaṃ avicāra”nti idaṃ vacanaṃ. Tasmā purimaṃ vatvāpi vattabbamevāti.

Samādhijanti paṭhamajjhānasamādhito sampayuttasamādhito vā jātanti attho. Tattha kiñcāpi paṭhamampi sampayuttasamādhito jātam, atha kho ayameva samādhi “samādhi”ti vattabbaṃ arahati vitakkavicārakkhobhavirahena ativiya acalattā, suppasannattā ca, tasmā imassa vaṇṇabhaṇanattam idameva “samādhija”nti vuttaṃ. Pītisukhanti idaṃ vuttanayameva.

Dutiyaṃ gaṇānānupubbataṃ dutiyaṃ. Idaṃ dutiyaṃ samāpajjatītipi dutiyaṃ. Yaṃ pana vuttaṃ “dvaṅgavippahīnaṃ tivaṅgasamannāgata”nti, tattha vitakkavicārānaṃ pahānavasena dvaṅgavippahīnatā veditabbā. Yathā ca paṭhamajjhānassa upacārakkhaṇe nīvaraṇāni pahīyanti, na tathā imassa vitakkavicārā. Appanākkhaṇeyeva ca panetaṃ vinā tehi uppajjati. Tenassa te “pahānaṅga”nti vuccanti. Pīti sukhaṃ cittekaggatāti imesaṃ pana tiṇṇaṃ uppattivasena tivaṅgasamannāgatattā veditabbā. Tasmā yaṃ vibhaṅge “jhānanti sampasādo pīti sukhaṃ cittassa ekaggatā”ti (vibha. 580) vuttaṃ, taṃ saparikkhāraṃ jhānaṃ dassetuṃ pariyāyena vuttaṃ. Thapetvā pana sampasādanaṃ nippariyāyena upanijjhānalakkhaṇappattānaṃ aṅgānaṃ vasena tivaṅgikameva etaṃ hoti. Yathāha – “katamaṃ tasmiṃ samaye tivaṅgikam jhānaṃ hoti, pīti sukhaṃ cittassa ekaggatā”ti (dha. sa. 161; vibha. 628). Sesam paṭhamajjhāne vuttanayameva.

Tatiyajjhānakathā

82. Evamadhigate pana tasmimpi vuttanayeneva pañcahākārehi ciñṇavasina hutvā paguṇadutiyañjānato vuṭṭhāya “ayaṃ samāpatti āsannavitakkavicārapaccatthikā, ‘yadeva tattha pītigataṃ cetaso uppilāvitaṃ, etenetaṃ oḷārikaṃ akkhāyatī’ ti (dī. ni. 1.96) vuttāya pītiyā oḷārikattā aṅgadubbala” ti ca tattha dosaṃ disvā tatiyañjānaṃ santato manasikarivā dutiyañjāne nikaṅṅim pariyādāya tatiyadhigamāya yogo kātabbo. Athassa yadā dutiyañjānato vuṭṭhāya satassa sampajānassa jhānaṅgāni paccavekkhato pīti oḷārikato upaṭṭhāti, sukhañceva ekaggatā ca santato upaṭṭhāti. Tadāssa oḷārikaṅgappahānāya santaṅgapaṭilābhāya ca tadeva nimittaṃ “pathavī pathavī” ti punappunaṃ manasikaroto “idāni tatiyañjānaṃ uppajjissatī” ti bhavaṅgaṃ upacchinditvā tadeva pathavīkasiṅgaṃ ārammaṅgaṃ katvā manodvārāvajjanaṃ uppajjati. Tato tasmimyevārammaṇe cattāri pañca vā javanāni javanti, yesaṃ avasāne ekaṃ rūpāvacaraṃ tatiyañjānikaṃ, sesāni vuttanayeneva kāmāvacarānī. Ettāvata ca panesa pītiyā ca virāgā upekkhako ca viharatī sato ca sampajāno, sukhañca kāyena paṭisaṃvedeti, yaṃ taṃ ariyā ācikkhanti upekkhako satimā sukhavihārīti, tatiyaṃ jhānaṃ upasampajja viharatīti (dī. ni. 1.230; dha. sa. 163). Evamanena ekaṅgavippahīnaṃ duvaṅgasamannāgatāṃ tividdhakalyāṇaṃ dasalakkhaṇasampannaṃ tatiyaṃ jhānaṃ adhigataṃ hoti pathavīkasiṅgaṃ.

83. Tattha pītiyā ca virāgāti virāgo nāma vuttappakārāya pītiyā jigucchanāṃ vā samatikkamo vā. Ubhinnaṃ pana antara casaddo sampiṇḍanatto, so vūpasamaṃ vā sampiṇḍeti vitakkavicārānaṃ vūpasamaṃ vā. Tattha yadā vūpasamameva sampiṇḍeti, tadā “pītiyā ca virāgā kiñca bhiyyo vūpasamā cā” ti evaṃ yojanā veditabbā. Imissā ca yojanāya virāgo jigucchanatto hoti, tasmā “pītiyā jigucchanā ca vūpasamā cā” ti ayamatto daṭṭhabbo. Yadā pana vitakkavicārāvūpasamaṃ sampiṇḍeti, tadā “pītiyā ca virāgā, kiñca bhiyyo vitakkavicārānañca vūpasamā” ti evaṃ yojanā veditabbā. Imissā ca yojanāya virāgo samatikkamanatto hoti, tasmā “pītiyā ca samatikkamā vitakkavicārānañca vūpasamā” ti ayamatto daṭṭhabbo.

Kāmañcete vitakkavicārā dutiyañjāneyeva vūpasantā, imassa pana jhānassa maggaparidīpanatthaṃ vaṇṇabhaṇanattañcetanaṃ vuttaṃ. Vitakkavicārānañca vūpasamāti hi vutte idaṃ paññāyati, nūna vitakkavicārāvūpasamo maggo imassa jhānassatī. Yathā ca tatiye ariyamagge appahīnānampi sakkāyadīṭṭhādīnaṃ “pañcannaṃ orambhāgiyānaṃ saṃyojanānaṃ pahānā” ti (dī. ni. 1.373; ma. ni. 2.133; saṃ. ni. 5.184; a. ni. 3.88) evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukkānaṃ ussāhajanakaṃ, evameva idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti. Tenāyamatto vutto “pītiyā ca samatikkamā vitakkavicārānañca vūpasamā” ti.

84. Upekkhako ca viharatīti ettha upapattito ikkhatīti upekkhā. Samaṃ passati, apakkhapatitā hutvā passatīti attho. Tāya visadāya vipulāya thāmagatāya samannāgatattā tatiyañjānasamaṅgī upekkhakoti vuccati.

Upekkhā pana dasavidhā hoti chaḷaṅgupekkhā, brahmavihārupekkhā, bojjhaṅgupekkhā, vīriyupekkhā, saṅkhārupekkhā, vedanupekkhā, vipassanupekkhā, tatraṃmajjhātupekkhā, jhānupekkhā, pārisuddhupekkhāti.

Tattha yā “idha, bhikkhave, bhikkhu cakkhunā rūpaṃ disvā neva sumano hoti, na dummano, upekkhako ca viharatī sato sampajāno” ti (a. ni. 6.1) evamāgatā khīṇāsavassa chasu dvāresu iṭṭhāniṭṭhachāḷārammaṅgāpāthe pārisuddhapakatibhāvāvijahanākārahūtā upekkhā, ayaṃ **chaḷaṅgupekkhā** nāma.

Yā pana “upekkhāsahagatena cetasā ekaṃ disaṃ pharitvā viharatī” ti (dī. ni. 1.556; ma. ni. 1.77) evamāgatā sattesu majjhattākārahūtā upekkhā, ayaṃ **brahmavihārupekkhā** nāma.

Yā “upekkhāsambojjhaṅgaṃ bhāveti vivekanissita” ti (ma. ni. 1.27) evamāgatā sahañjātadhammānaṃ majjhattākārahūtā upekkhā, ayaṃ **bojjhaṅgupekkhā** nāma.

Yā pana “kālenakālaṃ upekkhānimittaṃ manasikarotī” ti (a. ni. 3.103) evamāgatā anaccāradhānāṭisithilavīriyasāṅkhātā upekkhā, ayaṃ **vīriyupekkhā** nāma.

Yā “kati saṅkhārupekkhā samathavasena uppajjanti, kati saṅkhārupekkhā vipassanāvasena uppajjanti. Atṭṭha saṅkhārupekkhā samathavasena uppajjanti. Dasa saṅkhārupekkhā vipassanāvasena uppajjanti” ti (paṭi. ma. 1.57) evamāgatā nīvaraṇādīpaṭisaṅkhāsantiṭṭhanā gahaṇe majjhattabhūtā upekkhā, ayaṃ **saṅkhārupekkhā** nāma.

Yā pana “yasmim samaye kāmāvacaraṃ kusalaṃ cittaṃ uppannaṃ hoti upekkhāsahagata” ti (dha. sa. 150) evamāgatā adukkhamasukhasaññitā upekkhā, ayaṃ **vedanupekkhā** nāma.

Yā “yadatthi yaṃ bhūtaṃ, taṃ pajahati, upekkhaṃ paṭilabhatī” ti (ma. ni. 3.71; a. ni. 7.55) evamāgatā vicināne majjhattabhūtā upekkhā, ayaṃ **vipassanupekkhā** nāma.

Yā pana chandādisu yevāpanakesu āgatā sahañjātānaṃ samavāhitabhūtā upekkhā, ayaṃ **tatraṃmajjhātupekkhā** nāma.

Yā “upekkhako ca viharatī” ti (dī. ni. 1.230; dha. sa. 163) evamāgatā aggasukhepi tasmim apakkhapātajanāni upekkhā, ayaṃ **jhānupekkhā** nāma.

Yā pana “upekkhāsati pārisuddhiṃ catutthaṃ jhāna” ti (dī. ni. 1.232; dha. sa. 165) evamāgatā sabbapaccanīkapaṭisuddhā

paccanīkavūpasamanepi abyāpārabhūtā upekkhā, ayaṃ **pārisuddhupekkhā** nāma.

Tatra chaḷaṅgupekkhā ca brahmavīhārupekkhā ca bojjhaṅgupekkhā ca tatramajjhātupekkhā ca jhānupekkhā ca pārisuddhupekkhā ca atthato ekā, tatramajjhātupekkhāva hoti. Tena tena avatthābhedenā panassā ayaṃ bhedo. Ekassāpi sato sattassa kumārayuvatherasenāpatirājādivasena bhedo viya. Tasmā tāsu yattha chaḷaṅgupekkhā, na tattha bojjhaṅgupekkhādayo. Yattha vā pana bojjhaṅgupekkhā, na tattha chaḷaṅgupekkhādayo hontīti veditabbā.

Yathā cetāsamatthato ekībhāvo, evaṃ saṅkhārupekkhā vipassanupekkhānampi. Paññā eva hi sā kiccavasena dvidhā bhinnā. Yathā hi purisassa sāyaṃ gehaṃ pavitṭhaṃ sappamā ajapadadaṇḍam gahetvā pariyesamānassa taṃ thusakoṭṭhake nipannaṃ disvā “sappo nu kho, no”ti avalokentassa sovattikattayaṃ disvā nibbematikassa “sappo, na sappo”ti vicinane majjhataṭṭā hoti, evameva yā āradhāvīpasakassa vipassanāññāna lakkhaṇattaye diṭṭhe saṅkhārānaṃ aniccabhāvādivicinane majjhataṭṭā uppajjati, ayaṃ **vipassanupekkhā** nāma. Yathā pana tassa purisassa ajapadadaṇḍena gāḷhaṃ sappamā gahetvā “kiṃ tāhaṃ imaṃ sappamā aviheṭhento attānañca iminā aḍaṃsāpento muñceyya”nti muñcanākārameva pariyesato gahaṇe majjhataṭṭā hoti. Evameva yā lakkhaṇattayassa diṭṭhattā āditte viya tayo bhava passato saṅkhāraggahaṇe majjhataṭṭā, ayaṃ **saṅkhārupekkhā** nāma. Iti vipassanupekkhāya siddhāya saṅkhārupekkhāpi siddhāva hoti. Iminā panesā vicinanaggahaṇesu majjhataṭṭasaṅkhātena kiccena dvidhā bhinnāti. Vīriyupekkhā pana vedanupekkhā ca aññamaññañca avasesāhi ca atthato bhinnā evāti.

Iti imāsu upekkhāsu jhānupekkhā idhādhīpetā. Sā majjhatalakkhaṇā, anābhogarasā, abyāpārapaccupaṭṭhānā, pītivirāgapadaṭṭhānāti. Etthāha, nanu cāyamatthato tatramajjhātupekkhāva hoti, sā ca paṭhamadutiyaṃjānesupī atthī. Tasmā tatrāpi upekkhako ca viharatīti evamayam vattabbā siyā, sā kasmā na vuttāti. Aparibyattakiccato. Aparibyattañhi tassā tattha kiccaṃ vitakkādīhi abhibhūtattā. Idha panāyaṃ vitakkavicārapīṭhi anabhibhūtattā ukkhittasirā viya hutvā paribyattakiccā jātā, tasmā vuttāti.

Niṭṭhitā upekkhako ca viharatīti etassa

Sabbaso atthavaṇṇanā.

85. Idāni sato ca sampajānoti ettha saratīti sato. Sampajānātīti sampajāno. Puggalena sati ca sampajāññañca vuttaṃ. Tattha saraṇalakkhaṇā sati, asammussanarasā, āraḅhapaccupaṭṭhānā. Asammohalakkhaṇaṃ sampajāññaṃ, tīraṇarasam, pavīcayapaccupaṭṭhānaṃ.

Tattha kiñcāpi idaṃ satisampajāññaṃ purimajjhānesupī atthī. Muṭṭhasatissa hi asampajānassa upacāramattampi na sampajjati, pageva appanā. Oḷārikattā pana tesam jhānānaṃ bhūmiyaṃ viya purisassa cittassa gati sukhā hoti, abyattaṃ tattha satisampajāññakiccaṃ. Oḷārikaṅgappahānena pana sukhumattā imassa jhānassa purisassa khuradhārāyaṃ viya satisampajāññakiccapariggahitā eva cittassa gati icchitabbāti idheva vuttaṃ. Kiñca bhīyyo, yathā dhenupago vaccho dhenuto apanīto arakkhiyamāno punadeva dhenum upagacchati, evamidam tatiyājñānasukhaṃ pīṭito apanītam, taṃ satisampajāññārakkhena arakkhiyamānaṃ punadeva pīṭim upagaccheyya, pīṭisampayuttameva siyā. Sukhe vāpi sattā sārājanti, idañca atimadhuraṃ sukhaṃ, tato paraṃ sukhābhāvā. Satisampajāññānubhāvena panettha sukhe asārājantā hoti, no aññathāti imampi atthavisesaṃ dassetuṃ idamidheva vuttanti veditabbam.

Idāni **sukhañca kāyena paṭisaṃvedetīti** ettha kiñcāpi tatiyājñānasamaṅgino sukhaṃpaṭisaṃvedanābhogo natthi. Evaṃ santepe yasmā tassa nāmakāyena sampayuttaṃ sukhaṃ. Yaṃ vā taṃ nāmakāyasampayuttaṃ sukhaṃ, taṃsamuṭṭhānenassa yasmā atipaṇītena rūpena rūpakāyo phuṭo, yassa phuṭattā jhānā vuṭṭhitopi sukhaṃ paṭisaṃvedeyya. Tasmā etamattham dassento sukhañca kāyena paṭisaṃvedetīti āha.

86. Idāni yaṃ taṃ ariyā ācikkhanti upekkhako satimā sukhavīhārīti ettha yaṃjhānahetu yaṃjhānakāraṇā taṃ tatiyājñānasamaṅgipuggalaṃ buddhādayo ariyā ācikkhanti desenti paññapenti paṭṭhapenti vivaranti vibhajanti uttānīkaronti pakāsenti, pasaṃsantīti adhippāyo. Kintī? Upekkhako satimā sukhavīhārīti. Taṃ tatiyaṃ jhānaṃ upasampajja viharatīti evamettha yojanā veditabbā.

Kasmā pana taṃ te evaṃ pasaṃsantīti? Pasaṃsārahato. Ayañhi yasmā atimadhurasukhe sukhaṃpāramippatteepe tatiyājñāne upekkhako, na tattha sukhābhisaṅgena ākaḍḍhiyati. Yathā ca pīti na uppajjati, evaṃ upaṭṭhitasatitāya satimā. Yasmā ca ariyakantaṃ ariyajanasevitameva ca asaṃkiliṭṭhaṃ sukhaṃ nāmakāyena paṭisaṃvedeti, tasmā pasaṃsāraho hoti. Iti pasaṃsārahato naṃ ariyā te evaṃ pasaṃsāhetubhūte guṇe pakāsento “upekkhako satimā sukhavīhārī”ti evaṃ pasaṃsantīti veditabbam.

Tatiyanti gaṇanānupubbatā tatiyaṃ, idaṃ tatiyaṃ samāpajjatītipi tatiyaṃ. Yaṃ pana vuttaṃ “ekaṅgavippahīnaṃ duvaṅgasamannāgata”nti, ettha pītiyā pahānavasena ekaṅgavippahīnatā veditabbā. Sā panesā dutiyājñānassa vitakkavicārā viya appanākkhaṇeyeva pahīyati. Tena nassa sā pahānānti vuccati. Sukhaṃ cittekaggatāti imesaṃ pana dvinnaṃ uppattivasena duvaṅgasamannāgatatā veditabbā. Tasmā yaṃ vibhaṅge “jhānanti upekkhā sati sampajāññaṃ sukhaṃ cittassekaggatā”ti (vibha. 591) vuttaṃ, taṃ saparikkhāraṃ jhānaṃ dassetuṃ pariyāyena vuttaṃ. Ṭhapetvā pana

upekkhāsatisampajaññāni nippariyāyena upanijjhānalakkhaṇappattānaṃ aṅgānaṃ vasena duvaṅgikamevetamaṃ hoti. Yathāha – “katamaṃ tasmim samaye duvaṅgikaṃ jhānaṃ hoti, sukhaṃ cittassekaggatā”ti (dha. sa. 163; vibha. 624). Sesamaṃ paṭhamajjhāne vuttanayameva.

Catutthajjhānakathā

87. Evamadhigate pana tasmimpi vuttanayeneva pañcahākārehi ciṅnavasina hutvā paguṇatatiyajjhānato vuṭṭhāya “ayamaṃ samāpatti āsannaṃpītipaccatthikā, ‘yadeva tattha sukhamiti cetaso ābhogo, etenetaṃ oḷārikaṃ akkhāyati”ti (dī. ni. 1.96) evamaṃ vuttassa sukhasa oḷārikattā aṅgadubbala”ti ca tattha dosaṃ disvā catutthamaṃ jhānaṃ santato manasikatvā tatiyajjhāne nikantiṃ pariyaḍāya catutthādhigamāya yogo kātabbo. Athassa yadā tatiyajjhānato vuṭṭhāya satassa sampajānassa jhānaṅgāni paccavekkhato cetasikasomanassasankhātamaṃ sukhaṃ oḷārikato upaṭṭhāti, upekkhāvedanā ceva cittekaggatā ca santato upaṭṭhāti, tadāssa oḷārikaṅgappahānāya santaṅgapaṭilābhāya ca tadeva nimittamaṃ “pathavī pathavī”ti punappunamaṃ manasikaroto “idāni catutthamaṃ jhānaṃ uppajjissati”ti bhavaṅgaṃ upacchinditvā tadeva pathavīkasiṅgaṃ ārammaṇamaṃ katvā manodvārāvajjanaṃ uppajjati. Tato tasmimyevaraṃmaṇe cattāri pañca vā javanāni uppajjanti, yesamaṃ avasāne ekaṃ rūpāvacaraṃ catutthajjhānikaṃ, sesāni vuttappakārāneva kāmāvacarāni. Ayaṃ pana viseso, yasmā sukhavedanā adukkhamasukhāya vedanāya āsevanapaccayena paccayo na hoti, catutthajjhāne ca adukkhamasukhāya vedanāya uppajjitabbaṃ, tasmā tāni upekkhāvedanāsampayuttāni honti. Upekkhāsampayuttatāyeva cettha pītipi pariyaḍāyati. Ettāvata cesa sukhasa ca pahānā dukkhasa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsatiṃpārisuddhiṃ catutthamaṃ jhānaṃ upasampajja viharati (dī. ni. 1.232; dha. sa. 165). Evamanena ekaṅgavippahīnaṃ duvaṅgasamānāgataṃ tivīdhakalyāṇamaṃ dasalakkhaṇasampannaṃ catutthamaṃ jhānaṃ adhigataṃ hoti pathavīkasiṅgaṃ.

88. Tattha sukhasa ca pahānā dukkhasa ca pahānāti kāyikasukhasa ca kāyikadukkhasa ca pahānā. Pubbevāti tañca kho pubbeva, na catutthajjhānakkhaṇe. Somanassadomanassānaṃ atthaṅgamāti cetasikasukhasa ca cetasikadukkhasa cāti imesampi dvinnamaṃ pubbeva atthaṅgamā, pahānā icceva vuttaṃ hoti.

Kadā pana nesaṃ pahānaṃ hotīti. Catunnaṃ jhānaṃ upacārakkhaṇe. Somanassaṃhi catutthajjhānassa upacārakkhaṇeyeva pahīyati. Dukkhadomanassasukhāni paṭhamadutiyatatiyajjhānaṃ upacārakkhaṇesu. Evametesamaṃ pahānakkamena avuttānampi indriyavibhaṅge pana indriyānaṃ uddesakkameneva idhāpi vuttānaṃ sukhadukkhasomanassadomanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇeyeva pahīyanti, atha kasmā “kattha cuppannaṃ dukkhindriyaṃ aparisesamaṃ nirujjhati, idha, bhikkhave, bhikkhu vivicceva kāmehipi...pe... paṭhamamaṃ jhānaṃ upasampajja viharati. Ettha cuppannaṃ dukkhindriyaṃ aparisesamaṃ nirujjhati. Kattha cuppannaṃ domanassindriyaṃ sukhindriyaṃ somanassindriyaṃ aparisesamaṃ nirujjhati, idha, bhikkhave, bhikkhu sukhasa ca pahānā...pe... catutthamaṃ jhānaṃ upasampajja viharati, ettha cuppannaṃ somanassindriyaṃ aparisesamaṃ nirujjhati”ti (saṃ. ni. 5.510) evamaṃ jhānesveva nirodho vuttoti? Atisayanirodhattā. Atisayanirodho hi nesaṃ paṭhamajjhānādisu, na nirodhoyeva. Nirodhoyeva pana upacārakkhaṇe, nātisayanirodho.

Tathā hi nānāvajjane paṭhamajjhānupacāre niruddhassāpi dukkhindriyassa ḍaṃsamakāsādisamphassena vā visamāsanupatāpena vā siyā uppatti, na tveva antoappanāyaṃ. Upacāre vā niruddhampetamaṃ na suṭṭhu niruddhamaṃ hoti, paṭipakkhena avihatattā. Antoappanāyaṃ pana pītipharaṇena sabbo kāyo sukhokkanto hoti, sukhokkantakāyassa ca suṭṭhu niruddhamaṃ hoti dukkhindriyaṃ, paṭipakkhena vihatattā. Nānāvajjaneyeva ca dutiyajjhānupacāre pahīnassa domanassindriyassa yasmā etaṃ vitakkavicārapaccayepi kāyakilatthe cittupaghāte ca sati uppajjati. Vitakkavicārābhāve ca neva uppajjati. Yattha pana uppajjati, tattha vitakkavicārābhāve, appahīnā eva ca dutiyajjhānupacāre vitakkavicārāti tatthassa siyā uppatti, na tveva dutiyajjhāne, pahīnapaccayattā. Tathā tatiyajjhānupacāre pahīnassāpi sukhindriyassa pītisamuṭṭhānapanātarūpaphuṭakāyassa siyā uppatti, na tveva tatiyajjhāne. Tatiyajjhāne hi sukhasa paccayabhūtā pīti sabbaso niruddhāti. Tathā catutthajjhānupacāre pahīnassāpi somanassindriyassa āsannattā appanāppattāya upekkhāya abhāvena sammā anatikkantattā ca siyā uppatti, na tveva catutthajjhāne. Tasmā eva ca etthuppannaṃ dukkhindriyaṃ aparisesamaṃ nirujjhatīti tattha tattha aparisesaggahaṇamaṃ katanti.

Etthāha “athevamaṃ tassa tassa jhānassupacāre pahīnāpi etā vedanā idha kasmā samāhaṭā”ti? Sukhaggahaṇatthamaṃ. Yā hi ayaṃ adukkhamasukhanti ettha adukkhamasukhā vedanā vuttā, sā sukhumā duviññeyyā na sakkā sukkena gahetuṃ, tasmā yathā nāma duṭṭhassa yathā vā tathā vā upasaṅkamitvā gahetuṃ asakkuṇeyyassa goṇassa sukhaggahaṇatthamaṃ gopo ekasmim vaje sabbā gāvo samāharati, athekekaṃ nīharanto paṭipāṭiyā āgataṃ “ayamaṃ so gaṇhatha na”nti tampi gāhayati, evameva bhagavā sukhaggahaṇatthamaṃ sabbā etā samāhari. Evañhi samāhaṭā etā dassetvā yamaṃ neva sukhaṃ na dukkhaṃ na somanassaṃ na domanassaṃ, ayaṃ adukkhamasukhā vedanāti sakkā hoti esā gāhayituṃ.

Apica adukkhamasukhāya cetovimuttiyā paccayadassanattañcāpi etā vuttāti veditabbā. Dukkhapahānādayo hi tassā paccayā. Yathāha – “cattāro kho, āvuso, paccayā adukkhamasukhāya cetovimuttiyā samāpattiyā. Idhāvuso, bhikkhu sukhasa ca pahānā...pe... catutthamaṃ jhānaṃ upasampajja viharati. Ime khvāvuso, cattāro paccayā adukkhamasukhāya cetovimuttiyā samāpattiyā”ti (ma. ni. 1.458).

Yathā vā aññattha pahīnāpi sakkāyaditṭhiādayo tatiyamaggassa vaṇṇabhaṇanattamaṃ tattha pahīnāti vuttā, evamaṃ vaṇṇabhaṇanattampetassa jhānassetā idha vuttātipi veditabbā.

Paccayaghātena vā ettha rāgadosānamatidūrabhāvaṃ dassetumpetā vuttāti veditabbā. Etāsu hi sukhaṃ somanassassa paccayo, somanassaṃ rāgassa. Dukkhaṃ domanassassa paccayo, domanassaṃ dosassa. Sukhādighātena cassa sappaccayā rāgadosā hatāti atidūre hontīti.

Adukkhamasukhanti dukkhābhāvena adukkhaṃ. Sukhābhāvena asukhaṃ. Etenettha dukkhasukhapaṭipakkhabhūtaṃ tatiyavedanaṃ dīpeti, na dukkhasukhābhāvamattaṃ. Tatiyavedanā nāma adukkhamasukhā, upekkhātīpi vuccati. Sā iṭṭhāniṭṭhāvīparitānubhavanalakkhaṇā, majjhatarasā, avibhūtapaccupaṭṭhānā, sukhadukkhanirodhapadaṭṭhānāti veditabbā.

89. Upekkhāsati pārisuddhīti upekkhāya janitasatiyā pārisuddhī. Imasmiñhi jhāne supārisuddhā sati, yā ca tassā sati yā pārisuddhī, sā upekkhāya katā, na aññena. Tasmā etaṃ “upekkhāsati pārisuddhī”nti vuccati. Vibhaṅgepi vuttaṃ “ayaṃ sati imāya upekkhāya visadā hoti pārisuddhā pariyoḍātā. Tena vuccati upekkhāsati pārisuddhī”ti (vibha. 597). Yāya ca upekkhāya ettha sati yā pārisuddhī hoti, sā atthato tatramajjhataṭṭhāti veditabbā. Na kevalañcetta tāya satiyeva pārisuddhā, apica kho sabbe pi sampayuttadhammā, satisīsenā pana desanā vuttā.

Tattha kiñcāpi ayaṃ upekkhā hetthāpi tīsu jhānesu vijjati. Yathā pana divā sūriyappabhābhābhavā sommabhāvena ca attano upakāra kattena vā sabhāgāya rattiyā alābhā divā vijjāmānāpi candalekhā aparissuddhā hoti aparissuddhā, evamayampi tatramajjhataṭṭhāti upekkhācandalekhā vitakkādīpaccanīkadhammatejābhābhavā sabhāgāya ca upekkhāvedanārattiyā appaṭilābhā vijjāmānāpi paṭhamādījjhānabhedesu aparissuddhā hoti. Tassā ca aparissuddhāya divā aparissuddhacandalekhāya pabhā viya saha jātāpi satiādayo aparissuddhāya honti. Tasmā tesu ekampi “upekkhāsati pārisuddhī”nti na vuttaṃ. Idha pana vitakkādīpaccanīkadhammatejābhābhavābhāva sabhāgāya ca upekkhāvedanārattiyā paṭilābhā ayaṃ tatramajjhataṭṭhāti upekkhācandalekhā ativiya pārisuddhā. Tassā pārisuddhattā pārisuddhacandalekhāya pabhā viya saha jātāpi satiādayo pārisuddhā honti pariyoḍātā. Tasmā idameva “upekkhāsati pārisuddhī”nti vuttanti veditabbā.

Catutthanti gaṇanānupubbatā catutthaṃ. Idaṃ catutthaṃ samāpajjati pi catutthaṃ. Yaṃ pana vuttaṃ “ekaṅgavippahīnaṃ duvaṅgasamannāgata”nti, tattha somanassassa pahānavasena ekaṅgavippahīnatā veditabbā. Tañca pana somanassaṃ ekavīthiyaṃ purimajavanēsuyeva pahīyati. Tenassa taṃ pahānaṅgānti vuccati. Upekkhāvedanā cittassekaggatāti imesaṃ pana dvinnāṃ uppattivasena duvaṅgasamannāgatāti veditabbā. Sesāṃ paṭhamajjhāne vuttanayameva. Esa tāva catukkajjhāne nayo.

Pañcakajjhānakathā

90. Pañcakajjhānaṃ pana nibbattentena paṇḍapaṭhamajjhānato vuṭṭhāya “ayaṃ samāpatti āsannaṃ ivaraṇapaccatthikā, vitakkassa oḷārikattā aṅgadubbalā”ti ca tattha dosaṃ disvā dutiyajjhānaṃ santato manasikarivā paṭhamajjhāne nīkantiṃ pariyoḍāya dutiyādhigamāya yogo kātabbo. Athassa yadā paṭhamajjhānā vuṭṭhāya satassa sampajjānassa jhānaṅgāni paccavekkhato vitakkamattaṃ oḷārikato upaṭṭhāti, vicārādayo santato. Tadassa oḷārikaṅgappahānāya santaṅgapaṭilābhāya ca tadeva nimittaṃ “pathavī pathavī”ti punappunaṃ manasikaroto vuttanayeneva dutiyajjhānaṃ uppajjati. Tassa vitakkamattameva pahānaṅgaṃ. Vicārādīni cattāri samannāgataṅgāni. Sesāṃ vuttapakārameva.

Evamadhigate pana tasmimpi vuttanayeneva pañcahākārehi ciñṇavasinā hutvā paṇḍadutiyajjhānato vuṭṭhāya “ayaṃ samāpatti āsanna vitakkapaccatthikā, vicārassa oḷārikattā aṅgadubbalā”ti ca tattha dosaṃ disvā tatiyaṃ jhānaṃ santato manasikarivā dutiyajjhāne nīkantiṃ pariyoḍāya tatiyādhigamāya yogo kātabbo. Athassa yadā dutiyajjhānato vuṭṭhāya satassa sampajjānassa jhānaṅgāni paccavekkhato vicāramattaṃ oḷārikato upaṭṭhāti, pītiādīni santato. Tadassa oḷārikaṅgappahānāya santaṅgapaṭilābhāya ca tadeva nimittaṃ “pathavī pathavī”ti punappunaṃ manasikaroto vuttanayeneva tatiyaṃ jhānaṃ uppajjati. Tassa vicāramattameva pahānaṅgaṃ catukkanayassa dutiyajjhāne viya pītiādīni tīni samannāgataṅgāni. Sesāṃ vuttapakārameva.

Iti yaṃ catukkanaye dutiyaṃ, taṃ dvidhā bhinditvā pañcakanaye dutiyañceva tatiyañca hoti. Yāni ca tattha tatiyacatutthāni, tāni ca catutthapañcamāni honti. Paṭhamāṃ paṭhamamevāti.

Iti sādhujanapāmojjatthāya kate visuddhimagge

Samādhībhāvanādhikāre

Pathavīkaṣiṇaniddeso nāma

Catuttho paricchedo.

5. Sesakāṣiṇaniddeso

Āpokāṣiṇakathā

91. Idāni pathavīkasiṇānantare āpokasiṇe vitthārakathā hoti. Yatheva hi pathavīkasiṇaṃ, evaṃ āpokasiṇampi bhāvetukāmena sukhanisinnena āpasmim̐ nimittam̐ gaṇhitabbaṃ, kate vā akate vāti sabbam̐ vitthāretabbaṃ. Yathā ca idha, evaṃ sabbattha. Ito parañhi ettakampi avatvā visesamattameva vakkhāma.

Idhāpi pubbekatādhikārassa puññavato akate āpasmim̐ pokkharāṇiyā vā taḷāke vā loṇiyam̐ vā samudde vā nimittam̐ uppajjati cūḷasivattherassa viya. Tassa kirāyasmato lābhāsakkāraṃ pahāya vivittavāsam̐ vasissāmīti mahātitthe nāvamārūhitvā jambudīpam̐ gacchato antarā mahāsamuddam̐ olokayato tappaṭibhāgam̐ kasiṇanimittam̐ udapādi.

Akatādhikārena cattāro kasiṇadose pariharantena nīlapītalohitodātavaṇṇānāmaññataravaṇṇam̐ āpam̐ agahetvā yaṃ pana bhūmim̐ asampattameva ākāse suddhavatthena gahitam̐ udakam̐, aññam̐ vā tathārūpam̐ vippasannam̐ anāvīlam̐, tena pattam̐ vā kuṇḍikam̐ vā samatittikam̐ pūretvā vihārapaccante vuttappakāre paṭicchane okāse ṭhapetvā sukhanisinnena na vaṇṇo paccavekkhitabbo. Na lakkhaṇam̐ manasi kātābbaṃ. Nissayasavaṇṇameva katvā ussadasena paṇṇattidhamme cittam̐ ṭhapetvā ambu, udakam̐, vāri, salilantiādīsu āponāmesu pākāṭanāmasaseneva “āpo āpo”ti bhāvetabbaṃ.

Tassevaṃ bhāvayato anukkamena vuttanayeneva nimittadvayam̐ uppajjati. Idha pana uggahanimittam̐ calamānam̐ viya upaṭṭhāti, sace pheṇapupphūlakamissam̐ udakam̐ hoti, tādīsameva upaṭṭhāti, kasiṇadoso paññāyati. Paṭibhāganimittam̐ pana nīparipphandam̐ ākāse ṭhapitamāṇitālavaṇṇam̐ viya maṇimayādāsamaṇḍalamiva ca hutvā upaṭṭhāti. So tassa saha upaṭṭhāneva upacārajjhānam̐, vuttanayeneva catukkapañcakajjhānāni ca pāpuṇātīti. Āpokasiṇam̐.

Tejokasiṇakathā

92. Tejokasiṇam̐ bhāvetukāmenāpi tejasim̐ nimittam̐ gaṇhitabbaṃ. Tattha katādhikārassa puññavato akate nimittam̐ gaṇhantassa dīpasikhāya vā uddhane vā pattapacanaṭṭhāne vā davadāhe vā yattha katthaci aggijjālam̐ olokentassa nimittam̐ uppajjati cittaḡuttattherassa viya. Tassa hāyasmato dhammassavanadivase uposathāgāraṃ pavittṭhassa dīpasikhā olokentasseva nimittam̐ uppajji.

Itarena pana kātābbaṃ. Tatridam̐ karaṇavidhānam̐, siniddhāni sārādārūni phāletvā sukkhāpetvā ghaṭikam̐ ghaṭikam̐ katvā patirūpam̐ rukkhamūlam̐ vā maṇḍapam̐ vā gantvā pattapacanaṅkārena rāsim̐ katvā ālimpetvā kaṭasārake vā camme vā paṭe vā vidatthacaturāṅgulappamāṇam̐ chiddam̐ kātābbaṃ. Tam̐ purato ṭhapetvā vuttanayeneva nisīditvā heṭṭhā tiṇakattṭham̐ vā upari dhūmasikhā vā amanasikarivā vemajjhe ghanajālāya nimittam̐ gaṇhitabbaṃ, nīlanti vā pītanti vātiādīvasena vaṇṇo na paccavekkhitabbo, uṇhattavasena lakkhaṇam̐ na manasi kātābbaṃ. Nissayasavaṇṇameva katvā ussadasena paṇṇattidhamme cittam̐ ṭhapetvā pāvako, kaṇhavattani, jātavedo, hutāsanoṭiādīsu aggināmesu pākāṭanāmasaseneva “tejo tejo”ti bhāvetabbaṃ.

Tassevaṃ bhāvayato anukkamena vuttanayeneva nimittadvayam̐ uppajjati. Tattha uggahanimittam̐ jālam̐ chijjivā chijjivā patanasadisam̐ hutvā upaṭṭhāti. Akate gaṇhantassa pana kasiṇadoso paññāyati, alātakhaṇḍam̐ vā āṅgarapiṇḍo vā chārikā vā dhūmo vā upaṭṭhāti. Paṭibhāganimittam̐ niccalam̐ ākāse ṭhapitarattakambalakkhaṇḍam̐ viya suvaṇṇatālavaṇṇam̐ viya kaṭicanatthambho viya ca upaṭṭhāti. So tassa saha upaṭṭhāneva upacārajjhānam̐, vuttanayeneva catukkapañcakajjhānāni ca pāpuṇātīti. Tejokasiṇam̐.

Vāyokasiṇakathā

93. Vāyokasiṇam̐ bhāvetukāmenāpi vāyusim̐ nimittam̐ gaṇhitabbaṃ. Tañca kho diṭṭhavasena vā phuṭṭhavasena vā. Vuttañhetam̐ aṭṭhakathāsu “vāyokasiṇam̐ uggaṇhanto vāyusim̐ nimittam̐ gaṇhāti, ucchaggaṃ vā eritam̐ sameritam̐ upalakkheti, veḷaggaṃ vā...pe... rukkaggaṃ vā kesaggaṃ vā eritam̐ sameritam̐ upalakkheti, kāyasmim̐ vā phuṭṭham̐ upalakkheti”ti. Tasmā samasīsaṭṭhitam̐ ghanapattam̐ ucchuṃ vā veḷuṃ vā rukkham̐ vā caturāṅgulappamāṇam̐ ghanakesassa purisassa sīsam̐ vā vātena pahariyamānam̐ disvā “ayam̐ vāto etasmim̐ ṭhāne paharati”ti satim̐ ṭhapetvā, yaṃ vā panassa vātapānantarikāya vā bhittichiddena vā pavisitvā vāto kāyappadesam̐ paharati, tattha satim̐ ṭhapetvā vātamālutaanilādīsu vāyūnāmesu pākāṭanāmasaseneva “vāto vāto”ti bhāvetabbaṃ. Idha uggahanimittavaḍḍhanato otāritamattassa pāyāsassa usumavaṭṭhisadisam̐ calam̐ hutvā upaṭṭhāti. Paṭibhāganimittam̐ sannisinam̐ hoti niccalam̐. Sesam̐ vuttanayeneva veditabbanti. Vāyokasiṇam̐.

Nīlakasiṇakathā

94. Tadanantaram̐ pana nīlakasiṇam̐ uggaṇhanto nīlakasmim̐ nimittam̐ gaṇhāti pupphasmim̐ vā vatthasmim̐ vā vaṇṇadhātuyā vāti vacanato katādhikārassa puññavato tāva tathārūpam̐ māḷagaccham̐ vā pūjāṭhānesu pupphasantharam̐ vā nīlavatthamaññam̐ vā aññataram̐ disvāva nimittam̐ uppajjati. Itarena nīluppalagirikaṇṇikādīni pupphāni gahetvā yathā kesaram̐ vā vaṇṇam̐ vā na paññāyati, evaṃ caṅgotakam̐ vā karaṇḍapaṭalam̐ vā pattehiyeva samatittikam̐ pūretvā santharitabbaṃ. Nīlavaṇṇena vā vatthena bhaṇḍikam̐ bandhitvā pūretabbaṃ. Mukhavatṭiyam̐ vā assa bheritalamiva bandhitabbaṃ. Kaṃsanīlapalāsanīlaaññananīlānam̐ vā aññatarena dhātunā pathavīkasiṇe vuttanayena samhārimam̐ vā bhittiyam̐yeva vā kasiṇamaṇḍalam̐ katvā visabhāgavaṇṇena paricchinditabbaṃ. Tato pathavīkasiṇe vuttanayena “nīlam̐ nīla”nti manasikāro pavattetabbo. Idhāpi uggahanimitte kasiṇadoso paññāyati, kesaradaṇḍakapattantarikādīni upaṭṭhahanti. Paṭibhāganimittam̐ kasiṇamaṇḍalato muñcitvā ākāse maṇitālavaṇṇasadisam̐ upaṭṭhāti. Sesam̐ vuttanayeneva veditabbanti. Nīlakasiṇam̐.

Pītakasiṇakathā

95. Pītakasiṇepi eśeva nayo. Vuttañhetam pītakasiṇam uggaṇhanto pītakasmim nimittam gaṇhāti pupphasmim vā vatthasmim vā vaṇṇadhātuyā vāti. Tasmā idhāpi katādhikārassa puñṇavato tathārūpaṃ mālāgacchaṃ vā pupphasantharam vā pītavatthadhātūnaṃ vā aññataram disvāva nimittam uppajjati cittaguttattherassa viya. Tassa kirīyasmato cittalapabbate pattaṅgapupphehi kataṃ āsanapūjam passato saha dassaneneva āsanappamāṇam nimittam udapādi. Itarena kaṇikārapupphehīnā vā pītavatthena vā dhātunā vā nīlakasiṇe vuttanayeneva kasiṇam katvā ‘‘pītakam pītaka’’nti manasikāro pavattetabbo. Sesam tādīsamevāti. Pītakasiṇam.

Lohitakasiṇakathā

96. Lohitakasiṇepi eśeva nayo. Vuttañhetam lohitakasiṇam uggaṇhanto lohitakasmim nimittam gaṇhāti pupphasmim vā vatthasmim vā vaṇṇadhātuyā vāti. Tasmā idhāpi katādhikārassa puñṇavato tathārūpaṃ bandhujīvakādimālāgacchaṃ vā pupphasantharam vā lohitakavatthamañidhātūnaṃ vā aññataram disvāva nimittam uppajjati. Itarena jayasumanabandhujīvakarattakoraṇḍakādīpupphehi vā rattavatthena vā dhātunā vā nīlakasiṇe vuttanayeneva kasiṇam katvā ‘‘lohitakam lohitaka’’nti manasikāro pavattetabbo. Sesam tādīsamevāti. Lohitakasiṇam.

Odātakasiṇakathā

97. Odātakasiṇepi odātakasiṇam uggaṇhanto odātasim nimittam gaṇhāti pupphasmim vā vatthasmim vā vaṇṇadhātuyā vāti vacanato katādhikārassa tāva puñṇavato tathārūpaṃ mālāgacchaṃ vā vassikasumanādīpupphasantharam vā kumudapadumarāsim vā odātavatthadhātūnaṃ vā aññataram disvāva nimittam uppajjati, tipumaṇḍalarajatamaṇḍalacandaṇḍalesupi uppajjatiyeva. Itarena vuttapakārehi odātapupphehi vā odātavatthena vā dhātunā vā nīlakasiṇe vuttanayeneva kasiṇam katvā ‘‘odātam odāta’’nti manasikāro pavattetabbo. Sesam tādīsamevāti. Odātakasiṇam.

Ālokakasiṇakathā

98. Ālokakasiṇe pana ālokakasiṇam uggaṇhanto ālokasmim nimittam gaṇhāti bhittichidde vā tālacchidde vā vātapānantarikāya vāti vacanato katādhikārassa tāva puñṇavato yaṃ bhittichiddādīnaṃ aññatarena sūriyāloko vā candāloko vā pavisitvā bhittiyam vā bhūmiyam vā maṇḍalam samuṭṭhāpeti, ghanapaṇṇarukkhasākhaṇtarena vā ghanasākhaṇḍapantarena vā nikkhamitvā bhūmiyameva maṇḍalam samuṭṭhāpeti, tam disvāva nimittam uppajjati. Itarenāpi tadeva vuttapakāramobhāsamaṇḍalam ‘‘obhāso obhāso’’ti vā ‘‘āloko āloko’’ti vā bhāvetabbaṃ. Tathā asakkontena ghaṭe dīpaṃ jāletvā ghaṭamukhaṃ pidahitvā ghaṭe chiddam katvā bhittimukhaṃ ṭhapetabbaṃ. Tena chiddena dīpāloko nikkhamitvā bhittiyam maṇḍalam karoti, tam āloko ālokoti bhāvetabbaṃ. Idamitarehi ciraṭṭhītikam hoti. Idha uggahanimittam bhittiyam vā bhūmiyam vā uṭṭhitamaṇḍalasadīsameva hoti. Paṭibhāganimittam ghanavippasannaālokapuñjasadisam. Sesam tādīsamevāti. Ālokakasiṇam.

Paricchinnākāsakasiṇakathā

99. Paricchinnākāsakasiṇepi ākāsakasiṇam uggaṇhanto ākāsasmim nimittam gaṇhāti bhittichidde vā tālacchidde vā vātapānantarikāya vāti vacanato katādhikārassa tāva puñṇavato bhittichiddādīsu aññataram disvāva nimittam uppajjati. Itarena succhannamaṇḍape vā cammakāṭasārakādīnaṃ vā aññatarasmim vidatthīcaturaṅgulappamāṇam chiddam katvā tadeva vā bhittichiddādībhedam chiddam ‘‘ākāso ākāso’’ti bhāvetabbaṃ. Idha uggahanimittam saddhim bhittipariyantādīhi chiddasadīsameva hoti, vaḍḍhiyamānampi na vaḍḍhati. Paṭibhāganimittamākāsamaṇḍalameva hutvā upaṭṭhāti, vaḍḍhiyamānañca vaḍḍhati. Sesam pathavīkasiṇe vuttanayeneva vedītabbanti. Paricchinnākāsakasiṇam.

Iti kasiṇāni dasabalo,
Dasa yāni avoca sabbadhammaso;
Rūpāvācaramhi catukkapañcakajjhānhetūni.

Evam tāni ca tesañca,
Bhāvanānāyamimam viditvāna;
Tesveva ayam bhīyyo,
Pakiṇṇakakathāpi viññeyyā.

Pakiṇṇakakathā

100. Imesu hi pathavīkasiṇavasena ekopi hutvā bahudhā hotītiādībhāvo, ākāse vā udake vā pathaviṃ nimminitvā padasā gamanaṃ, ṭhānanisajjādīkappanaṃ vā, parītaappamāṇanayena abhibhāyatanapaṭīlābhoti evamādīni ijjhanti.

Āpokasiṇavasena pathaviyam ummujjananimujjanaṃ, udakavutṭhisamuppādanaṃ, nadīsamuddādinimmānaṃ, pathavīpabbatpāsādādīnaṃ kampananti evamādīni ijjhanti.

Tejokasiṇavasena dhūmāyanā, pajjalanā, aṅgāravuṭṭhisamuppādanam, tejasā tejo-pariyādānam, yadeva so icchati tassa ḍahanasamatthā, dibbena cakkhunā rūpadassanattāya ālokakaraṇam, parinibbānasamaye tejodhātuyā sarīrajjhāpananti evamādīni ijjhanti.

Vāyokasiṇavasena vāyugatigamanam, vātavūṭṭhisamuppādananti evamādīni ijjhanti.

Nīlakasiṇavasena nīlarūpanimmānam, andhakārakaraṇam, suvaṇṇadubbaṇṇanayena abhibhāyatanapaṭilābho, subhaviṃokkhādhigamoti evamādīni ijjhanti.

Pītakasiṇavasena pītakarūpanimmānam, suvaṇṇanti adhimuccanā, vuttanayeneva abhibhāyatanapaṭilābho, subhaviṃokkhādhigamo cāti evamādīni ijjhanti.

Lohitakasiṇavasena lohitakarūpanimmānam, vuttanayeneva abhibhāyatanapaṭilābho, subhaviṃokkhādhigamoti evamādīni ijjhanti.

Odātakasiṇavasena odātarūpanimmānam, thinamiddhassa dūrabhāvakaraṇam, andhakāra-vidhamanam, dibbena cakkhunā rūpadassanattāya ālokakaraṇanti evamādīni ijjhanti.

Ālokakasiṇavasena sappabhārūpanimmānam, thinamiddhassa dūrabhāvakaraṇam, andhakāra-vidhamanam, dibbena cakkhunā rūpadassanattam ālokakaraṇanti evamādīni ijjhanti.

Ākāsakasiṇavasena paṭicchannānam vivaṭakaraṇam, antopathavīpabbatādīsūpi ākāsam nimminivā iriyāpathakappanam, tirokuḍḍādīsū asajjamaṇagamananti evamādīni ijjhanti.

Sabbāneva uddham adho tiriyam advayam appamāṇanti imam pabhedaṃ labhanti. Vuttañhetam “pathavīkasiṇameko sañjānāti. Uddhamadhotiriyam advayamappamāṇa”ntiādi.

Tattha **uddhanti** uparigaganatalābhimukham. **Adhoti** heṭṭhābhūmītalābhimukham. **Tiriyanti** khettaṃḍalamiva samantā paricchinditam. Ekacco hi uddhameva kasiṇam vaḍḍheti, ekacco adho, ekacco samantato. Tena tena vā karaṇena evam pasāreti. Ālokamiva dibbacakkhunā rūpadassanakāmo. Tena vuttam uddhamadhotiriyanti. **Advayanti** idam pana ekassa aññabhāvānupagamanattam vuttam. Yathā hi udakam pavīṭṭhassa sabbadisāsu udakameva hoti, na aññam, evameva pathavīkasiṇam pathavīkasiṇameva hoti, natthi tassa añño kasiṇasambhedoti. Eseva nayo sabbattha. **Appamāṇanti** idam tassa pharaṇaappamāṇavasena vuttam. Tañhi cetasā pharanto sakalameva pharati. Na ayamassa ādi idam majjhanti pamāṇam gaṇhātīti.

101. Ye ca te sattā kammāvaraṇena vā samannāgatā kilesāvaraṇena vā samannāgatā vipākāvaraṇena vā samannāgatā asaddhā acchandikā duppaññā abhabbā niyāmam okkamitam kusalesu dhammesu sammattanti vuttā, tesamekassāpekakasiṇepi bhāvanā na ijjhati. Tattha **kammāvaraṇena samannāgatā**ti ānantariyakammasamaṅgino. **Kilesāvaraṇena samannāgatā**ti niyatamicchādīṭṭhikā ceva ubhatobyañjanakapaṇḍakā ca. **Vipākāvaraṇena samannāgatā**ti ahetukadvihetukapaṭisandhikā. **Asaddhāti** buddhādīsū saddhāviraṇitā. **Acchandikāti** apaccanīkapaṭipadāyam chandaviraṇitā. **Duppaññāti** lokiyalokuttarasammādīṭṭhiyā virahitā. **Abhabbā niyāmam okkamitam kusalesu dhammesu sammattanti** kusalesu dhammesu niyāmasaṅkhātāṃ sammattasaṅkhātāṃ ariyamaggaṃ okkamitam abhabbāti attho. Na kevalaṇca kasiṇeyeva, aññesūpi kammatthānesu etesamekassapi bhāvanā na ijjhati. Tasmā vigatavipākāvaraṇenapi kulaputtana kammāvaraṇaṇca kilesāvaraṇaṇca ārakā parivajjetvā saddhammassavanasappurisūpanissayādīhi saddhaṇca chandaṇca paññaṇca vaḍḍhetvā kammatthānānuoyoge yogo karaṇīyoti.

Iti sādhujanapāmojjattāya kate visuddhimagge

Samādhībhāvanādhikāre

Sesakasiṇaniddeso nāma

Pañcama paricchedo.

6. Asubhakammaṭṭhānaniddeso

Uddhumātakādīpadatthavaṇṇanā

102. Kasiṇānantaramuddīṭṭhesu pana uddhumātakaṃ, vinīlakaṃ, vipubbakaṃ, vicchiddakaṃ, vikkhāyitakaṃ, vikkhittakaṃ, hatavikkhittakaṃ, lohitakaṃ, puḷavakaṃ, aṭṭhikanti dasasu aviññāṇakāsūbesu bhastā viya vāyunā uddham jīvitapariyādānā yathānukkamaṃ samuggatena sūnabhāvena uddhumātattā uddhumātāṃ, uddhumātameva **uddhumātakaṃ**.

Paṭikkūlattā vā kucchitaṃ uddhumātanti **uddhumātakam**. Tathārūpassa chavasarīrassetaṃ adhivacanaṃ.

Vinīlaṃ vuccati viparibhinnanīlavaṇṇaṃ, vinīlameva **vinīlakam**. Paṭikkūlattā vā kucchitaṃ vinīlanti vinīlakam. Maṃsussadaṭṭhānesu rattavaṇṇassa pubbasannicayaṭṭhānesu setavaṇṇassa yebhuyyena ca nīlavaṇṇassa nīlaṭṭhāne nīlasāṭakapārutasseva chavasarīrassetamadhivacanaṃ.

Paribhinnaṭṭhānesu vissandamānaṃ pubbaṃ vipubbaṃ, vipubbameva **vipubbakam**. Paṭikkūlattā vā kucchitaṃ vipubbanti vipubbakam. Tathārūpassa chavasarīrassetamadhivacanaṃ.

Vicchiddaṃ vuccati dvidhā chindanena apadhāritaṃ, vicchiddameva **vicchiddakam**. Paṭikkūlattā vā kucchitaṃ vicchiddanti vicchiddakam. Vemajjhe chinnassa chavasarīrassetamadhivacanaṃ.

Ito ca etto ca vividhākārena soṇasiṅgālādīhi khādīti vikkhāyitaṃ, vikkhāyitameva **vikkhāyitakam**. Paṭikkūlattā vā kucchitaṃ vikkhāyitanti vikkhāyitakam. Tathārūpassa chavasarīrassetamadhivacanaṃ.

Vividhaṃ khittaṃ vikkhittaṃ, vikkhittameva **vikkhittakam**. Paṭikkūlattā vā kucchitaṃ vikkhittanti vikkhittakam. Aññena hatthaṃ aññena pādaṃ aññena sīsanti evaṃ tato tato khittassa chavasarīrassetamadhivacanaṃ.

Hatañca taṃ purimanayeneva vikkhittakañcīti **hatavikkhittakam**. Kākapadākārena aṅgapaccaṅgesu satthena hanitvā vuttanayena vikkhittassa chavasarīrassetamadhivacanaṃ.

Lohitaṃ kirati vikkhipati ito cito ca paggharati **lohitakam**. Paggharitalohitamakkhitassa chavasarīrassetamadhivacanaṃ.

Puḷavā vuccanti kimayo, puḷave kirati **puḷavakam**. Kimiparipuṇṇassa chavasarīrassetamadhivacanaṃ.

Aṭṭhiyeva **aṭṭhikam**. Paṭikkūlattā vā kucchitaṃ aṭṭhīti aṭṭhikam. Aṭṭhisāṅkhalikāyapi ekaṭṭhikassapetamadhivacanaṃ. Imāni ca pana uddhumātakādīni nissāya uppannamimittānampi nimittesu paṭiladdhājñhānānampetāneva nāmāni.

Uddhumātakakammaṭṭhānaṃ

103. Tattha uddhumātakasarīre uddhumātakanimittaṃ uppādetvā uddhumātakasaṅkhātāṃ jñhānaṃ bhāvetukāmena yoginā pathavīkasiṇe vuttanayeneva vuttappakāraṃ ācariyaṃ upasaṅkamtivā kammaṭṭhānaṃ uggahetabbaṃ. Tenassa kammaṭṭhānaṃ kathentena asubhanimittatthāya gamanavidhānaṃ, samantā nimittupalakkaṇaṃ, ekādasavidhena nimittaggāho, gatāgatamaggapaccavekkhaṇanti evaṃ appanāvidhānapariyosānaṃ sabbaṃ kathetabbaṃ. Tenāpi sabbaṃ sādhuṃ uggahetvā pubbe vuttappakāraṃ senāsanaṃ upagantvā uddhumātakanimittaṃ pariyesantena vihātabbaṃ.

104. Evaṃ viharantena ca asukasmim nāma gāmadvāre vā aṭavimukhe vā panthe vā pabbatapāde vā rukkhamūle vā susāne vā uddhumātakasarīraṃ nikkhittanti kathentānaṃ vacanaṃ sutvāpi na tāvadeva atitthena pakkhandantena viya gantabbaṃ. Kasmā? Asubhaṃ hi nāmetam vālamigādhiṭṭhitampi amanussādhiṭṭhitampi hoti. Tatrassa jīvitantarāyopi siyā. Gamanamaggo vā panettha gāmadvārena vā nahānatitthena vā kedāraṅkoṭiyā vā hoti. Tattha visabhāgarūpaṃ āpāthamāgacchati, tadeva vā sarīraṃ visabhāgaṃ hoti. Purisassa hi itthisarīraṃ itthiyā ca purisasarīraṃ visabhāgaṃ, tadeva adhunāmataṃ subhatopi upaṭṭhāti, tenassa brahmacariyantarāyopi siyā. Sace pana ‘nāyidaṃ mādisassa bhāriya’nti attānaṃ takkayati, evaṃ takkayamānena gantabbaṃ.

105. Gacchantena ca saṅghattherassa vā aññatarassa vā abhiññātassa bhikkhuno kathetvā gantabbaṃ. Kasmā? Sace hissa susāne amanussasīhabyagghādīnaṃ rūpasaddādianīṭṭhārammaṇābhībhūtassa aṅgapaccaṅgāni vā pavedhenti, bhuttaṃ vā na parisāṅghāti, añño vā ābādho hoti. Athassa so vihāre pattacīvaraṃ surakkhitaṃ karissati. Dahare vā sāmanere vā pahīnitvā taṃ bhikkhuṃ paṭijaggissati. Apica susānaṃ nāma nirāsaṅkatṭhānanti maññamānā katakammāpi akatakammāpi corā samosaranti. Te manussehi anubaddhā bhikkhussa samīpe bhaṇḍakaṃ chaḍḍetvāpi palāyanti. Manussā ‘‘sahodḍhaṃ coraṃ addasāmā’’ti bhikkhuṃ gahetvā viheṭhenti. Athassa so ‘‘mā imaṃ viheṭṭhayittha, mamāyaṃ kathetvā iminā nāma kammena gato’’ti te manusse saññāpetvā sotthibhāvaṃ karissati. Ayaṃ ānisaṃso kathetvā gamane. Tasmā vuttappakārassa bhikkhuno kathetvā asubhanimittadassane sañjātābhīlāsena yathānāma khattiyā abhisekatṭhānaṃ, yajamāno yaññasālaṃ, adhana vā pana nidhiṭṭhānaṃ pītisomanassajāto gacchati, evaṃ pītisomanassaṃ uppādetvā aṭṭhakathāsu vuttana vidhinā gantabbaṃ. Vuttañhetam –

‘‘Uddhumātakam asubhanimittaṃ uggaṇhanto eko adutiyo gacchati upaṭṭhitāya satiyā asammutṭhāya antogatehi indriyehi abahigatena mānasena gatāgatamaggaṃ paccavekkhamāno. Yasmim padese uddhumātakam asubhanimittaṃ nikkhittaṃ hoti, tasmim padese pāsāṇaṃ vā vammikaṃ vā rukkhaṃ vā gacchaṃ vā lataṃ vā sanimittaṃ karoti, sārammaṇaṃ karoti. Sanimittaṃ katvā sārammaṇaṃ katvā uddhumātakam asubhanimittaṃ sabhāvabhāvato upalakkheti, vaṇṇatopi līngatopi saṅghānatopi disatopi okāsatoṃ paricchedatopi sandhito vivarato ninnato thalato samantato. So taṃ nimittaṃ suggahitaṃ karoti, sūpadhāritaṃ upadhāreti, suvatthitaṃ vavatthapeti. So taṃ nimittaṃ suggahitaṃ katvā sūpadhāritaṃ upadhāretvā suvatthitaṃ vavatthapetvā eko adutiyo gacchati upaṭṭhitāya satiyā

asammutṭhāya antogatehi indriyehi abahigatena mānasena gatāgatamaggaṃ paccavekkhamāno. So caṅkamantopi tabbhāgiyaññeva caṅkamaṃ adhiṭṭhāti. Nisīdantopi tabbhāgiyaññeva āsanaṃ paññapeti.

“Samantā nimittupalakkaṇā kimatthiyā kimānisaṃsāti? Samantā nimittupalakkaṇā asammoḥatthā asammoḥānisaṃsā. Ekādasavidhena nimittaggāho kimatthiyo kimānisaṃsoti? Ekādasavidhena nimittaggāho upanibandhanattho upanibandhanānisaṃso. Gatāgatamaggapaccavekkhaṇā kimatthiyā kimānisaṃsāti? Gatāgatamaggapaccavekkhaṇā vīthisampañipādanatthā vīthisampañipādanānisaṃsā.

“So ānisaṃsaddassāvī ratanasaññī hutvā cittikāraṃ upaṭṭhapetvā sampiyāyamāno tasmim ārammaṇe cittaṃ upanibandhati ‘addhā imāya paṭipadāya jarāmarañamhā parimuccissāmī’ ti. So vivicceva kāmehi...pe... paṭhamaṃ jhānaṃ upasampajja viharati. Tassādhiḡataṃ hoti rūpāvacaraṃ paṭhamaṃ jhānaṃ dibbo ca vihāro bhāvanāmayāñca puññakiriyavatthu”nti.

106. Tasmā yo cittasaññattatthāya sivathikadassanaṃ gacchati, so ghaṇḍiṃ paharivā gaṇaṃ sannipātevāpi gacchatu. Kammatṭhānasīna pana gacchantena ekakena adutiyaena mūlakammatṭhānaṃ avissajjtvā taṃ manasikaronteneva susāne soṇāḍiparissayavinodanattaṃ kattaradaṇḍaṃ vā yaṭṭhiṃ vā gahetvā, sūpaṭṭhita bhāvasampādanena asammutṭhaṃ satim katvā, manacchaṭṭhānañca indriyānaṃ antogatabhāvasampādanato abahigatamanena hutvā gantabbaṃ.

Vihāro nikkhamanteneva asukadisāya asukadvārena nikkhantomhī dvāraṃ sallakkhetabbaṃ. Tato yena maggena gacchati, so maggo vavatthapetabbo, ayaṃ maggo pācinadisābhimukho vā gacchati, pacchimauttaradakkhiṇadisābhimukho vā vidisābhimukhovāti. Imasmim pana thāne vāmato gacchati, imasmim thāne dakkhiṇato, imasmim cassa thāne pāsāṇo, imasmim vammiko, imasmim rukkho, imasmim gaccho, imasmim latāti. Evaṃ gamanamaggaṃ vavatthapentena nimittatṭhānaṃ gantabbaṃ. No ca kho paṭivātaṃ. Paṭivātaṃ gacchantassa hi kuṇapagandho ghānaṃ paharivā matthaluṅgaṃ vā saṅkhobheyya, āhāraṃ vā chaḍḍapeyya, vippaṭisāraṃ vā janeyya “Ḍisaṃ nāma kuṇapaṭṭhānaṃ āgatomhī” ti. Tasmā paṭivātaṃ vajjetvā anuvātaṃ gantabbaṃ. Sace anuvātamaggena na sakkā hoti gantuṃ, antarā pabbato vā papāto vā pāsāṇo vā vatī vā kaṇṭakaṭṭhānaṃ vā udakaṃ vā cikkhallaṃ vā hoti, cīvarakaṇṇena nāsaṃ pidahitvā gantabbaṃ. Idamassa gamanavattaṃ.

107. Evaṃ gatena pana na tāva asubhanimittaṃ oloketabbaṃ. Disā vavatthapetabbā. Ekasmim hi disābhāge ṭhitassa ārammaṇaṇca na vibhūtaṃ hutvā khāyati, cittaṇca na kammaniyaṃ hoti. Tasmā taṃ vajjetvā yattha ṭhitassa ārammaṇaṇca vibhūtaṃ hutvā khāyati, cittaṇca kammaniyaṃ hoti, tattha ṭhātābbaṃ. Paṭivātānūvātāñca pahātābbaṃ. Paṭivāte ṭhitassa hi kuṇapagandhena ubbāḷhassa cittaṃ vidhāvati. Anuvāte ṭhitassa sace tattha adhiḡatthā amanussā honti, te kujjhitvā anattaṃ karonti. Tasmā īsakaṃ ukkamma nātianuvāte ṭhātābbaṃ. Evaṃ tiṭṭhamānenāpi nātīdūre nāccāsanne nānupādaṃ nānūsīsaṃ ṭhātābbaṃ. Atīdūre ṭhitassa hi ārammaṇaṃ avibhūtaṃ hoti. Accāsanne bhayamuppajjati. Anupādaṃ vā anusīsaṃ vā ṭhitassa sabbaṃ asubhaṃ samaṃ na paññayati. Tasmā nātīdūre nāccāsanne oloketassa phāsukaṭṭhāne sarīravemajjhabhāge ṭhātābbaṃ.

108. Evaṃ ṭhitena “tasmim padese pāsāṇaṃ vā...pe... lataṃ vā sanimittaṃ karotī” ti evaṃ vuttāni samantā nimittāni upalakkhetabbāni. Tatridaṃ upalakkhaṇavidhānaṃ, sace tassa nimittassa samantā cakkhupathe pāsāṇo hoti, so “ayaṃ pāsāṇo ucco vā nīco vā khuddako vā mahanto vā tambo vā kāḷo vā seto vā dīgho vā parimaṇḍalo vā” ti vavatthapetabbo. Tato “imasmim nāma okāse ayaṃ pāsāṇo idaṃ asubhanimittaṃ, idaṃ asubhanimittaṃ ayaṃ pāsāṇo” ti sallakkhetabbaṃ. Sace vammiko hoti, sopi “ucco vā nīco vā khuddako vā mahanto vā tambo vā kāḷo vā seto vā dīgho vā parimaṇḍalo vā” ti vavatthapetabbo. Tato “imasmim nāma okāse ayaṃ vammiko idaṃ asubhanimitta”nti sallakkhetabbaṃ. Sace rukkho hoti, sopi “assattho vā nigrodho vā kacchako vā kapītaṇo vā ucco vā nīco vā khuddako vā mahanto vā tambo vā kāḷo vā seto vā” ti vavatthapetabbo. Tato “imasmim nāma okāse ayaṃ rukkho idaṃ asubhanimitta”nti sallakkhetabbaṃ. Sace gaccho hoti, sopi “sindivā karamando vā kaṇavīro vā kuraṇḍako vā ucco vā nīco vā khuddako vā mahanto vā” ti vavatthapetabbo. Tato “imasmim nāma okāse ayaṃ gaccho idaṃ asubhanimitta”nti sallakkhetabbaṃ. Sace latā hoti, sāpi “lābu vā kumbhaṇḍī vā sāmā vā kāḷavallī vā pūtilatā vā” ti vavatthapetabbā. Tato “imasmim nāma okāse ayaṃ latā idaṃ asubhanimittaṃ, idaṃ asubhanimittaṃ ayaṃ latā” ti sallakkhetabbaṃ.

109. Yaṃ pana vuttaṃ sanimittaṃ karoti sārammaṇaṃ karotīti, taṃ idheva antogadhaṃ. Punappunaṃ vavatthapento hi sanimittaṃ karoti nāma. Ayaṃ pāsāṇo idaṃ asubhanimittaṃ, idaṃ asubhanimittaṃ ayaṃ pāsāṇoti evaṃ dve dve samāsetvā samāsetvā vavatthapento sārammaṇaṃ karoti nāma.

Evaṃ sanimittaṃ sārammaṇaṇca katvā pana sabhāvabhāvato vavatthapetīti vuttattā yvāssa sabhāvabhāvo anaññasādhāraṇo attaniyo uddhumātakabhāvo, tena manasikātabbaṃ. Vaṇitaṃ uddhumātakanti evaṃ sabhāvena sarasena vavatthapetabbanti attho.

110. Evaṃ vavatthapetvā vaṇṇatopi liṅgatopi saṅṭhānatopi disatopi okāsatopi paricchedatopīti chabbidhena nimittaṃ gahetabbaṃ. Kathaṃ? Tena hi yoginā idaṃ sarīraṃ kāḷassa vā odātassa vā maṅguracchavino vatī **vaṇṇato** vavatthapetabbaṃ. **Liṅgato** pana itthiliṅgaṃ vā purisaliṅgaṃ vatī avavatthapetvā paṭhamavaye vā majjhimavaye vā pacchimavaye vā ṭhitassa idaṃ sarīranti vavatthapetabbaṃ. **Saṅṭhānato** uddhumātakassa saṅṭhānavaseneva idamassa sīsasaṅṭhānaṃ, idaṃ gīvāsasaṅṭhānaṃ, idaṃ hatthasaṅṭhānaṃ, idaṃ udarasaṅṭhānaṃ, idaṃ nābhisaṅṭhānaṃ, idaṃ kaṭisaṅṭhānaṃ, idaṃ ūrusaṅṭhānaṃ, idaṃ jaṅghāsaṅṭhānaṃ, idaṃ pādasasaṅṭhānanti vavatthapetabbaṃ. **Disato** pana imasmim sarīre dve disā nābhiyā adho

hetthimadisā uddham uparimadisāti vavathapetabbaṃ. Atha vā ahaṃ imissā disāya t̥hito asubhanimittam imissāti vavathapetabbaṃ. **Okāsato** pana imasmim̄ nāma okāse hatthā, imasmim̄ pādā, imasmim̄ sīsam, imasmim̄ majjhimakāyo t̥hitoti vavathapetabbaṃ. Atha vā ahaṃ imasmim̄ okāse t̥hito asubhanimittam imasminti vavathapetabbaṃ. **Paricchedato** idam sarīram adho pādatalena upari kesamatthakena tiriyaṃ tacena paricchinnam, yathāparicchinne ca thāne dvattimsakūṇapabharitamevāti vavathapetabbaṃ. Atha vā ayamassa hatthaparicchedo, ayam pādaparicchedo, ayam sīsaparicchedo, ayam majjhimakāyaparicchedoti vavathapetabbaṃ. Yattakam vā pana thānam gaṇhati, tattakameva idam t̥disam uddhumātakanti paricchinditabbaṃ. Purisassa pana itthisarīram itthiyā vā purisasarīram na vaṭṭati. Visabhāge sarīre ārammaṇam na upaṭṭhāti, vipphandanasseva paccayo hoti. “Ugghāṭitāpi hi itthi purisassa cittaṃ pariyādāya tiṭṭhatī” ti (a. ni. 5.55) majjhimatṭhakathāyaṃ vuttam. Tasmā sabhāgasarīreyeva evam chabbidhena nimittam gaṇhitabbaṃ.

111. Yo pana purimabuddhānam santike āsevitakammaṭṭhāno parihatadhutaṅgo parimadditamahābhūto pariggahitasankhāro vavathāpitanāmarūpo ugghāṭitasattasañño katasamaṇadhammo vāsitavāsano bhāvitabhāvano sabhō nānuttaro appakilesō kulaputto, tassa olokitolokitṭhāneyeva paṭibhāganimittam upaṭṭhāti. No ce evam upaṭṭhāti, athevam chabbidhena nimittam gaṇhato upaṭṭhāti. Yassa pana evampi na upaṭṭhāti, tena sandhito vivarato ninnato thalato samantatoti punapi pañcavidhena nimittam gaṇhetabbaṃ.

112. Tattha **sandhitoti** asītisatasandhito. Uddhumātake pana katham asītisatasandhaya vavathapessati. Tasmānena tayo dakkhiṇahatthasandhī, tayo vāmahatthasandhī, tayo dakkhiṇapādasandhī, tayo vāmapādasandhī, eko gīvasandhi, eko kaṭisandhīti evam cuddasamahāsandhivasena sandhito vavathapetabbaṃ. **Vivaratoti** vivaram nāma hatthantaram pādantaram udarantaram kaṇṇantaranti evam vivarato vavathapetabbaṃ. Akkhīnampi nimmīlitabhāvo vā ummīlitabhāvo vā mukhassa ca pihitabhāvo vā vivaṭabhāvo vā vavathapetabbo. **Ninnatoti** yaṃ sarīre ninnatṭhānam akkhikūpo vā antomukham vā galavāṭako vā, tam vavathapetabbaṃ. Atha vā ahaṃ ninne t̥hito sarīram unnateti vavathapetabbaṃ. **Thalatoti** yaṃ sarīre unnatṭhānam jaṇṇukam vā uro vā nalāṭam vā, tam vavathapetabbaṃ. Atha vā ahaṃ thale t̥hito sarīram ninneti vavathapetabbaṃ. **Samantatoti** sabbam sarīram samantato vavathapetabbaṃ. Sakalasarīre ñānam cāretvā yaṃ thānam vibhūtam hutvā upaṭṭhāti, tattha “uddhumātakam uddhumātaka”nti cittaṃ t̥hapetabbaṃ. Sace evampi na upaṭṭhāti, udarapariyosānam atirekam uddhumātakam hoti, tattha “uddhumātakam uddhumātaka”nti cittaṃ t̥hapetabbaṃ.

113. Idāni “so tam nimittam suggahitam karotī”tiādīsu ayam **vinicchayakathā** –

Tena yoginā tasmim̄ sarīre yathāvuttanimittaggāhasena suṭṭhu nimittam gaṇhitabbaṃ. Satim̄ sūpaṭṭhitam katvā āvajjitabbaṃ. Evam punappunam karontena sādhuṇam upadhārettabbañceva vavathapetabbañca. Sarīrato nātidūre nāccāsanne padese t̥hitena vā nisinnena vā cakkhuṃ ummīletvā oloketvā nimittam gaṇhitabbaṃ. “Uddhumātakapaṭikkūlam uddhumātakapaṭikkūla”nti satakkhattuṃ sahasakkhattuṃ ummīletvā oloketabbaṃ, nimmīletvā āvajjitabbaṃ. Evam punappunam karontassa ugghanimittam suggahitam hoti. Kadā suggahitam hoti? Yadā ummīletvā oloketassa nimmīletvā āvajjentassa ca ekasadisam hutvā āpāthamāgacchati, tadā suggahitam nāma hoti.

So tam nimittam evam suggahitam katvā sūpadhāritam upadhāretvā suvavathitam vavathapetvā sace tattheva bhāvanāpariyosānam pattuṃ na sakkoti, athānena āgamanakāle vuttanayeneva ekakena adutiyaena tadeva kammaṭṭhānam manasikarontena sūpaṭṭhitam satim̄ katvā antogatehi indriyehi abahigatena mānasena attano senāsanameva gantabbaṃ.

Susānā nikkhamanteneva ca āgamanamaggo vavathapetabbo, yena maggena nikkhantosmi, ayam maggo pācīnadisābhimukho vā gacchati, pacchimauttaradakkhiṇadisābhimukho vā gacchati, vidisābhimukho vā gacchati. Imasmim̄ pana thāne vāmato gacchati, imasmim̄ dakkhiṇato, imasmim̄ cassa thāne pāsāṇo, imasmim̄ vammiko, imasmim̄ rukkho, imasmim̄ gaccho, imasmim̄ latāti evam āgamanamaggaṃ vavathapetvā āgatena caṅkamantenāpi tabbhāgiyova caṅkamo adhiṭṭhatabbo, asubhanimittadisābhimukhe bhūmippadese caṅkamitabbanti attho. Nisīdantena āsanampi tabbhāgiyameva paññāpetabbaṃ. Sace pana tassaṃ disāyaṃ sobbho vā papāto vā rukkho vā vati vā kalalam vā hoti, na sakkā tamdisābhimukhe bhūmippadese caṅkamituṃ, āsanampi anokāsattā na sakkā paññāpetuṃ. Tam disam anapalokentenāpi okāsānurūpe thāne caṅkamitabbañceva nisīditabbañca. Cittaṃ pana tamdisābhimukhamyeva kātābbaṃ.

114. Idāni “samantā nimitupalakkhaṇā kimatthiyā”tiādīpañhānam “asammohatthā”tiādīvissajjane ayam adhippāyo. Yassa hi avelāyaṃ uddhumātakanimittatṭhānam gantvā samantā nimitupalakkhaṇam katvā nimittaggahaṇattham cakkhuṃ ummīletvā oloketasseva tam matasarīram uṭṭhahitvā t̥hitam viya ajjhottharamānam viya anubandhamānam viya ca hutvā upaṭṭhāti, so tam bībhaccham bheravārammaṇam disvā vikkhittacitto ummattako viya hoti, bhayaṃ chambhitattam lomahaṃsam pāpuṇāti. Pāḷiyaṃ hi vibhattaatt̥hatimsārammaṇesu aññam evarūpaṃ bheravārammaṇam nāma natthi. Imasmim̄ hi kammaṭṭhāne jhānavibbhantako nāma hoti. Kasmā? Atibheravattā kammaṭṭhānassa. Tasmā tena yoginā santhambhetvā satim̄ sūpaṭṭhitam katvā matasarīram uṭṭhahitvā anubandhanakam nāma natthi. Sace hi so “etassa samīpe t̥hito pāsāṇo vā latā vā āgaccheyya, sarīrampi āgaccheyya. Yathā pana so pāsāṇo vā latā vā nāgacchati, evam sarīrampi nāgacchati. Ayam pana tuyham upaṭṭhānākāro saññājo saññāsambhavo, kammaṭṭhānam te ajja upaṭṭhitam, mā bhāyi bhikkhū”ti tāsam vinodetvā hāsam uppādetvā tasmim̄ nimitte cittaṃ sañcarāpetabbaṃ. Evam visesamadhigacchati. Idametam sandhāya vuttam “samantā nimitupalakkhaṇā asammohatthā”ti.

Ekādasavidhena pana nimittaggāham sampādentō kammaṭṭhānam upanibandhati. Tassa hi cakkhūni ummīletvā

olokanapaccayā uggahanimittam uppajjati. Tasmim mānasam cārentassa paṭibhāganimittam uppajjati. Tattha mānasam cārento appanam pāpuṇāti. Appanāyaṃ thatvā vipassanaṃ vaḍḍhento arahattaṃ sacchikaroti. Tena vuttam “ekādasavidhena nimittagāho upanibandhanattho”ti.

115. Gatāgamaggapaccavekkhaṇā vīthisampañipādanatthāti ettha pana yā gatamaggassa ca āgamamaggassa ca paccavekkhaṇā vuttā, sā kammaṭṭhānavīthiyā sampañipādanatthāti attho. Sace hi imaṃ bhikkhum kammaṭṭhānaṃ gahetvā āgacchantaṃ antarāmagge keci aḷa, bhante, katimīti divasaṃ vā pucchanti, pañhaṃ vā pucchanti, paṭisanthāraṃ vā karonti, ahaṃ kammaṭṭhānikoti tuṇhībhūtena gantuṃ na vaṭṭati. Divaso kathetabbo, pañho vissajjetabbo. Sace na jānāti, na jānāmīti vattabbaṃ. Dhammiko paṭisanthāro kātabbo. Tassevaṃ karontassa uggahitaṃ taruṇanimittam nassati. Tasmim nassantepe divasaṃ puṭṭhena kathetabbameva. Pañhaṃ aḷanantena na jānāmīti vattabbaṃ. Jānantaṃ ekadesena kathetumpi vaṭṭati, paṭisanthāropi kātabbo. Āgantukaṃ pana bhikkhum disvā āgantukapaṭisanthāro kātabbova. Avasesānipi cetiyaṅgaṇavattabodhiyaṅgaṇavattausathāgāravattabhojanasālājantāgāraācariyupajjhāyāāgantukagamikavattādīni sabbāni khandhakavattāni pūretabbāneva. Tassa tāni pūrentassāpi taṃ taruṇanimittam nassati, puna gantvā nimittam gaṇhissāmīti gantukāmassāpi amanussehi vā vālamigehi vā adhiṭṭhitattā susānampi gantuṃ na sakkā hoti, nimittam vā antaradhāyati. Uddhumātakaṃ hi ekameva vā dve vā divase thatvā vinīlakādibhāvaṃ gacchati. Sabbakammaṭṭhānesu etena samaṃ dullabhaṃ kammaṭṭhānaṃ nāma natthi. Tasmā evaṃ natthe nimitte tena bhikkhunā rattitṭhāne vā divāṭhāne vā nisīditvā ahaṃ iminā nāma dvārena vihārā nikkhamitvā asukadisābhimukhaṃ maggaṃ paṭipajjitvā asukasmim nāma ṭhāne vāmaṃ gaṇhi, asukasmim dakkhiṇaṃ. Tassa asukasmim ṭhāne pāsāno, asukasmim vammikarukkagacchalatānamaññataraṃ. Sohaṃ tena maggena gantvā asukasmim nāma ṭhāne asubhaṃ addasaṃ. Tattha asukadisābhimukho thatvā evañcevañca samantā nimittāni sallakkhetvā evaṃ asubhanimittam uggahetvā asukadisāya susānato nikkhamitvā evarūpena nāma maggena idañcīdañca karonto āgantvā idha nisinnoti evaṃ yāva pallaṅkaṃ ābhujitvā nisinnaṭṭhānaṃ, tāva gatāgamaggo paccavekkhitabbo. Tassevaṃ paccavekkhato taṃ nimittam pākaṭaṃ hoti, purato nikkhittaṃ viya upaṭṭhāti. Kammaṭṭhānaṃ purimākāreṇeva vīthim paṭipajjati. Tena vuttam “gatāgamaggapaccavekkhaṇā vīthisampañipādanatthā”ti.

116. Idāni ānisaṃsadassāvī ratanasaññī hutvā cittikāraṃ upaṭṭhapetvā sampiyāyamāno tasmim ārammaṇe cittaṃ upanibandhatī ettha uddhumātakaṃ paṭikkūle mānasam cāretvā jhānaṃ nibbattetvā jhānapadaṭṭhānaṃ vipassanaṃ vaḍḍhento “addhā imāya paṭipadāya jarāmarāṇamhā parimuccissāmī”ti evaṃ ānisaṃsadassāvinā bhavitabbaṃ.

Yathā pana duggato puriso mahaggaṃ maṇirataṇaṃ labhitvā dullabhaṃ vata me laddhanti tasmim ratanasaññī hutvā gāraṇaṃ janetvā vipulena pemena sampiyāyamāno taṃ rakkheyya, evameva “dullabhaṃ me idaṃ kammaṭṭhānaṃ laddhaṃ duggatassa mahaggaṃ maṇiratanasādisaṃ. Catudhātukammaṭṭhāniko hi attano cattāro mahābhūte pariggaṇhāti, ānāpānakammaṭṭhāniko attano nāsikavātaṃ pariggaṇhāti, kasiṇakammaṭṭhāniko kasiṇaṃ katvā yathāsukhaṃ bhāveti, evaṃ itarāni kammaṭṭhānāni sulabhāni. ‘Idaṃ pana ekameva vā dve vā divase tiṭṭhati, tato paraṃ vinīlakādibhāvaṃ pāpuṇāti’ti natthi ito dullabhatara”nti tasmim ratanasaññīnā hutvā cittikāraṃ upaṭṭhapetvā sampiyāyamāneṇa taṃ nimittam rakkhitabbaṃ. Rattitṭhāne ca divāṭhāne ca “uddhumātakaṃ paṭikkūlaṃ uddhumātakaṃ paṭikkūla”nti tattha punappunam cittaṃ upanibandhitabbaṃ. Punappunam taṃ nimittam āvajjitabbaṃ, manasikātabbaṃ. Takkāhataṃ vitakkāhataṃ kātabbaṃ.

117. Tassevaṃ karoto paṭibhāganimittam uppajjati. Tatridaṃ nimittadvayassa nānākaraṇaṃ, uggahanimittam virūpaṃ bībhacchaṃ bheravadassanaṃ hutvā upaṭṭhāti. Paṭibhāganimittam pana yāvadattaṃ bhujjitvā nipanno thūlaṅgapaccāṅgapuriso viya. Tassa paṭibhāganimittapaṭilābhasamakāleṇa bahiddhā kāmānaṃ amanasikārā vikkhambhanavasena kāmaccando pahīyati. Anunayappahāneṇeva cassa lohitappahāneṇa pubbo viya byāpādopi pahīyati. Tathā āradhāvīriyatāya thinamiddhaṃ, avipparisāraḷasantaḷadhammānuyogavasena uddhaccakukkucchaṃ, adhigatavisesassa paccakkhatāya paṭipattidesake satthari paṭipattiyam paṭipattiphale ca vicicicchā pahīyatīti pañca nīvaraṇāni pahīyanti. Tasmimneva ca nimitte cetaso abhinīropanalakkhaṇo vitakko, nimittānumajjanakiccaṃ sādhaṃyāmano vicāro, paṭiladdhavesādhigamapaccayā pīti, pītiṃmanassa passaddhisambhavato passaddhi, tannimittam sukhaṃ, sukhitassa cittasamādhisambhavato sukhanimittā ekaggatā cāti jhānaṅgāni pātubhavanti. Evamassa paṭhamajjhānapaṭibimbabhūtaṃ upacārajjhānampi taṅkhaṇaṇneva nibbattati. Ito paraṃ yāva paṭhamajjhānassa appanā ceva vasippatti ca, tāva sabbaṃ pathavīkasiṇe vuttanayeneva veditabbaṃ.

Vinīlakādikammaṭṭhānāni

118. Ito paresu pana vinīlakādīsipi yaṃ taṃ “uddhumātakaṃ asubhanimittam uggaṇhanto eko adutiyo gacchati upaṭṭhitāya satiyā”tiādīnā nayena gamanaṃ ādiṃ katvā lakkhaṇaṃ vuttam, taṃ sabbaṃ “vinīlakaṃ asubhanimittam uggaṇhanto, vipubbakaṃ asubhanimittam uggaṇhanto”ti evaṃ tassa tassa vasena tattha tattha uddhumātakaṃ padamattam parivattetvā vuttanayeneva savinichchayādhippāyaṃ veditabbaṃ.

Yaṃ pana viseso – **vinīlake** “vinīlakapaṭikkūlaṃ vinīlakapaṭikkūla”nti manasikāro pavattetabbo. Uggahanimittācetta kabarakaravaṇṇaṃ hutvā upaṭṭhāti. Paṭibhāganimittam pana ussadvasena upaṭṭhāti.

Vipubbake “vipubbakapaṭikkūlaṃ vipubbakapaṭikkūla”nti manasikāro pavattetabbo. Uggahanimittam panettha paggharantamiva upaṭṭhāti. Paṭibhāganimittam niccalaṃ sannisinnaṃ hutvā upaṭṭhāti.

Vicchiddakam yuddhamaṇḍale vā corāṭavīyaṃ vā susāne vā yattha rājāno core chindāpenti. Araññe vā pana sīhabyaggehi chinnapurisaṭṭhāne labbhati. Tasmā tathārūpaṃ ṭhānaṃ gantvā sace nānādisāyaṃ patitampi ekāvajjanena āpāthamāgacchati iccetaṃ kusalaṃ. No ce āgacchati, sayāṃ hatthena na parāmasitabbaṃ. Parāmasanto hi vissāsaṃ āpajjati. Tasmā āramikena vā samaṇuddesena vā aññena vā kenaci ekaṭṭhāne kāretabbaṃ. Alabhantena kattarayaṭṭhiyā vā daṇḍakena vā ekaṅgulantaraṃ katvā upanāmetabbaṃ. Evaṃ upanāmetvā “vicchiddakapaṭikkūlaṃ vicchiddakapaṭikkūla”nti manasikāro pavattetabbo. Tattha uggahanimittaṃ majjhe chiddaṃ viya upaṭṭhāti. Paṭibhāganimittaṃ pana paripuṇṇaṃ hutvā upaṭṭhāti.

Vikkhāyitake vikkhāyitakapaṭikkūlaṃ vikkhāyitakapaṭikkūlanti manasikāro pavattetabbo. Uggahanimittaṃ panettha tahiṃ tahiṃ khāyitasadisameva upaṭṭhāti. Paṭibhāganimittaṃ paripuṇṇaṃ hutvā upaṭṭhāti.

Vikkhittakampi vicchiddake vuttanayeneva aṅgulaṅgulantaraṃ kāretvā vā katvā vā “vikkhittakapaṭikkūlaṃ vikkhittakapaṭikkūla”nti manasikāro pavattetabbo. Ettha uggahanimittaṃ pākāṭantaraṃ hutvā upaṭṭhāti. Paṭibhāganimittaṃ pana paripuṇṇaṃ hutvā upaṭṭhāti.

Hatavikkhittakampi vicchiddake vuttapakāresuyeva ṭhānesu labbhati. Tasmā tattha gantvā vuttanayeneva aṅgulaṅgulantaraṃ kāretvā vā katvā vā “hatavikkhittakapaṭikkūlaṃ hatavikkhittakapaṭikkūla”nti manasikāro pavattetabbo. Uggahanimittaṃ panettha paññāyamānaṃ pahāramukhaṃ viya hoti. Paṭibhāganimittaṃ paripuṇṇameva hutvā upaṭṭhāti.

Lohitakam yuddhamaṇḍalādīsu laddhappahārānaṃ hatthapādādīsu vā chinnesu bhinnagaṇḍapīlakādīnaṃ vā mukhato paggharamānakāle labbhati. Tasmā taṃ disvā “lohitakapaṭikkūlaṃ lohitakapaṭikkūla”nti manasikāro pavattetabbo. Ettha uggahanimittaṃ vātappahatā viya rattapaṭākā calamānākāraṃ upaṭṭhāti. Paṭibhāganimittaṃ pana sannisinnaṃ hutvā upaṭṭhāti.

Puḷavakam dvīhatīhaccayena kuṇapassa navahi vaṇamukhehi kimirāsipaggharaṇakāle hoti. Apica taṃ soṇasiṅgālanamānussagomahimsahatthiassaajarādīnaṃ sarīrappamānameva hutvā sālibhattarāsi viya tiṭṭhati. Tesu yattha katthaci “puḷavakapaṭikkūlaṃ puḷavakapaṭikkūla”nti manasikāro pavattetabbo. Cūḷapiṇḍapātikatissattherassa hi kāḷadīghavāpiyā anto hatthikuṇape nimittaṃ upaṭṭhāsi. Uggahanimittaṃ panettha calamānaṃ viya upaṭṭhāti. Paṭibhāganimittaṃ sālibhattapiṇḍo viya sannisinnaṃ hutvā upaṭṭhāti.

Aṭṭhikam “seyyathāpi passeyya sarīraṃ sivathikāya chaḍḍitaṃ aṭṭhisāṅkhalikam samamsalohitam nahārusambandha”ntiādīnā (ma. ni. 3.154) nayena nānappakārato vuttaṃ. Tattha yattha taṃ nikkhittaṃ hoti, tattha purīmanayeneva gantvā samantā pāsāṇādīnaṃ vasena sanimittaṃ sārammaṇaṃ katvā idaṃ aṭṭhikanti sabhāvabhāvato upalakkhetvā vaṇṇādivasena ekādasahākārehi nimittaṃ uggahetabbaṃ.

119. Taṃ pana vaṇṇato setanti oloketassa na upaṭṭhāti, odātakasiṅgasambhedo hoti. Tasmā aṭṭhikanti paṭikkūlavaseneva oloketabbaṃ. **Liṅganti** idha hatthādīnaṃ nāmaṃ. Tasmā hatthapādasīsaurabāhukaṭṭhīrujaṅghānaṃ vasena liṅgato vavathapetabbaṃ. **Dīgharassavaṭṭacaturassakhuddakamahantavasena** pana **saṅṭhānato** vavathapetabbaṃ. **Disokāsā** vuttanayā eva. Tassa tassa aṭṭhino pariyantavasena **paricchedato** vavathapetvā yadevettha pākāṭaṃ hutvā upaṭṭhāti, taṃ gahetvā appanā pāpuṇitabbā. Tassa tassa aṭṭhino ninnatṭhānathalaṭṭhānavasena pana **ninnato** ca **thalato** ca vavathapetabbaṃ. Padesavasenāpi ahaṃ ninne ṭhito, aṭṭhi thale, ahaṃ thale, aṭṭhi ninnetipi vavathapetabbaṃ. Dvīnaṃ pana aṭṭhikānaṃ ghaṭitaghaṭitattṭhānavasena **sandhito** vavathapetabbaṃ. Aṭṭhikānaṃyeva antaravasena **vivarato** vavathapetabbaṃ. Sabbattheva pana ṇānaṃ cāretvā imasmiṃ ṭhāne idamaṭṭhīti **samantato** vavathapetabbaṃ. Evampi nimitte anupaṭṭhahante nalāṭṭhimhi cittaṃ saṅṭhāpetabbaṃ.

120. Yathā cettha, evaṃ idaṃ ekādasavidhena nimittaggaṇaṃ ito purimesu puḷavakādīsipi yujjamānavasena sallakkhetabbaṃ. Idañca pana kammatṭhānaṃ sakalāyapi aṭṭhikasaṅkhalikāya ekasmimpi aṭṭhike sampajjati. Tasmā tesu yatthakatthaci ekādasavidhena nimittaṃ uggahetvā “aṭṭhikapaṭikkūlaṃ aṭṭhikapaṭikkūla”nti manasikāro pavattetabbo. Idha uggahanimittampi paṭibhāganimittampi ekasadisameva hotīti vuttaṃ, taṃ ekasmiṃ aṭṭhike yuttaṃ. Aṭṭhikasaṅkhalikāya pana uggahanimitte paññāyamāne vivaratā. Paṭibhāganimitte paripuṇṇabhāvo yujjati. Ekaṭṭhikepi ca uggahanimittena bībhacchena bhayānakena bhavitabbaṃ. Paṭibhāganimittena pītisomanassajanakena, upacārāvahattā.

Imasmiṃ hi okāse yaṃ aṭṭhakathāsu vuttaṃ, taṃ dvāraṃ datvā vuttaṃ. Tathā hi tattha “catūsu brahmavihāresu dasasu ca asubhesu paṭibhāganimittaṃ natthi. Brahmavihāresu hi sīmasambhedoyeva nimittaṃ. Dasasu ca asubhesu nibbikkappaṃ katvā paṭikkūlabhāveyyeva diṭṭhe nimittaṃ nāma hoti”ti vatvāpi puna anantameva “duvidhaṃ idha nimittaṃ uggahanimittaṃ paṭibhāganimittaṃ. Uggahanimittaṃ virūpaṃ bībhacchaṃ bhayānakaṃ hutvā upaṭṭhāti”tiādi vuttaṃ. Tasmā yaṃ vicāretvā avocumha, idamevettha yuttaṃ.

Apica mahātissattherassa dantaṭṭhikamattāvalokanena sakalitthisarīrassa aṭṭhisāṅghātabhāvena upaṭṭhānādīni cettha nidassanānti.

Iti asubhāni subhaguṇo, dasasatalocanena thutakitti;
Yāni avoca dasabalo, ekekajjhānhetunīti.

Bālā karontā pāpāni, dukkhā na parimuccare.

Tasmā passeyya medhāvī, jīvato vā matassa vā;
Sabhāvaṃ pūtikāyassa, subhabhāvena vajjitam.

Vuttañhetam –

Duggandho asuci kāyo, kuṇapo ukkarūpamo;
Nindito cakkhubhūtehi, kāyo bālābhinandito.

Allacammaṭṭicchanno, navadvāro mahāvaṇo;
Samantato paggharati, asuci pūtigandhiyo.

Sace imassa kāyassa, anto bāhirako siyā;
Daṇḍam nūna gahetvāna, kāke soṇe nivārayeti.

Tasmā dabbajātikena bhikkhunā jīvamānasarīraṃ vā hotu

Matasarīraṃ vā yattha yattha asubhākāro paññāyati, tattha tattheva nimittam gahetvā kammaṭṭhānam appanam pāpetabbanti.

Iti sādhujanapāmojjatthāya kate visuddhimagge

Samādhībhāvanādhikāre

Asubhakammaṭṭhānaniddeso nāma

Chaṭṭho paricchedo.

7. Chaanussatiniddeso

1. Buddhānussatikathā

123. Asubhānantaram uddiṭṭhāsu pana dasasu anussatīsu punappunam uppajjanato satiyeva anussati, pavattitabbatṭhānamhiyeva vā pavattattā saddhāpabbajitassa kulaputtassa anurūpā satītipi anussati, buddham ārabha uppannā anussati **buddhānussati**, buddhaguṇārammaṇāya satiyā etamadhivacanam. Dhammam ārabha uppannā anussati **dhammānussati**, svākkhātādīdhammaguṇārammaṇāya satiyā etamadhivacanam. Saṅgham ārabha uppannā anussati **saṅghānussati**, suppaṭipannatādisaṅghaguṇārammaṇāya satiyā etamadhivacanam. Sīlam ārabha uppannā anussati **sīlānussati**, akhaṇḍatādisīlaguṇārammaṇāya satiyā etamadhivacanam. Cāgam ārabha uppannā anussati **cāgānussati**, muttacāgatādicāgaguṇārammaṇāya satiyā etamadhivacanam. Devatā ārabha uppannā anussati **devatānussati**, devatā sakkhiṭṭhāne ṭhapetvā attano saddhādiguṇārammaṇāya satiyā etamadhivacanam. Maraṇam ārabha uppannā anussati **marāṇānussati**, jīvitindriyupacchedārammaṇāya satiyā etamadhivacanam. Kesādibhedam rūpakāyam gatā, kāye vā gatāti kāyagatā, kāyagatā ca sā satī cāti kāyagatasatīti vattabbe rassam akatvā **kāyagatāsati**ti vuttā, kesādīkāyakotṭhāsanimittārammaṇāya satiyā etamadhivacanam. Ānāpāne ārabha uppannā satī **ānāpānassati**, assāsapassāsanimittārammaṇāya satiyā etamadhivacanam. Upasamam ārabha uppannā anussati **upamānussati**, sabbadukkhūpasamārammaṇāya satiyā etamadhivacanam.

124. Iti imāsu dasasu anussatīsu buddhānussatiṃ tāva bhāvetukāmena aveccappasādasamannāgatena yoginā patirūpasenāsanene rahogatena paṭisallīnena “itipi so bhagavā araham sammāsambuddho vijjācaraṇasampanno sugato lokavidū anuttaro purisadammasārathi sathā devamanussānam buddho bhagavā”ti (a. ni. 6.10) evam buddhassa bhagavato guṇā anussarittābā.

Tatrāyam anussaraṇanayo – so bhagavā itipi araham, itipi sammāsambuddho...pe... itipi bhagavāti anussarati. Iminā ca iminā ca kāraṇenāti vuttam hoti.

125. Tattha ārakattā arīnam arānañca hatattā paccayādīnam arahattā pāpakaraṇe rahābhāvāti imehi tāva kāraṇehi so bhagavā **arahanti** anussarati. Ārakā hi so sabbakilesehi suvidūravidūre ṭhito maggena savāsānānam kilesānam viddhamsitattāti **ārakattā araham**.

So tato ārakā nāma, yassa yenāsamaṅgitā;
Asamaṅgī ca dosehi, nātho tenāraham matoti.

126. Te cānena kilesārayo maggena hatāti arīnaṃ hatattāpi arahaṃ.

Yasmā rāgādīsāṅkhātā, sabbepi arayo hatā;
Paññāsattḥena nāthēna, tasmāpi arahaṃ matoti.

127. Yañcetaṃ avijjābhavataṅhāmayanābhi puññādiabhisāṅkhārāraṃ jarāmarāṇanemi āsavaśamudayaṃ mayena akkheṇa vijjhitaṃ tibhavarathe samāyōjitaṃ anādikālapavattaṃ saṃsāracakkaṃ, tassānena bodhimaṇḍe vīriyapādehi sīlapathaviyaṃ patitṭhāya saddhāhatṭhena kammakkhayakaraṃ ñāṇapharasuṃ gahetvā sabbe arā hatāti arānaṃ hatattāpi arahaṃ.

128. Atha vā saṃsāracakkanti anamataggaṃ saṃsāraṃ vuccati. Tassa ca avijjā nābhi, mūlattā. Jarāmarāṇaṃ nemi, pariyośanāttā. Sesā dasa dhammā arā, avijjāmūlakattā jarāmarāṇapariyantāttā ca, tatha dukkhādīsū aññānaṃ avijjā. Kāmaḥhave ca avijjā kāmaḥhave saṅkhārānaṃ paccayo hoti, rūpaḥhave avijjā rūpaḥhave saṅkhārānaṃ paccayo hoti, arūpaḥhave avijjā arūpaḥhave saṅkhārānaṃ paccayo hoti. Kāmaḥhave saṅkhārā kāmaḥhave paṭisandhiviññāṇassa paccayā honti, esa nayo itaresu. Kāmaḥhave paṭisandhiviññāṇaṃ kāmaḥhave nāmarūpassa paccayo hoti, tathā rūpaḥhave. Arūpaḥhave nāmasseva paccayo hoti. Kāmaḥhave nāmarūpaṃ kāmaḥhave saḷāyatanassa paccayo hoti, rūpaḥhave nāmarūpaṃ rūpaḥhave tiṇṇaṃ āyatanānaṃ paccayo hoti, arūpaḥhave nāmaṃ arūpaḥhave ekassa āyatanassa paccayo hoti. Kāmaḥhave saḷāyatanānaṃ kāmaḥhave chabbidhassa phassassa paccayo hoti, rūpaḥhave tīṇi āyatanāni rūpaḥhave tiṇṇaṃ phassānaṃ paccayā honti, arūpaḥhave ekaṃ āyatanānaṃ arūpaḥhave ekassa phassassa paccayo hoti. Kāmaḥhave cha phassā kāmaḥhave channaṃ vedanānaṃ paccayā honti, rūpaḥhave tayo phassā tattheva tissannaṃ, arūpaḥhave eko tattheva ekissā vedanāya paccayo hoti. Kāmaḥhave cha vedanā kāmaḥhave channaṃ taṅhākāyānaṃ paccayā honti, rūpaḥhave tisso tattheva tiṇṇaṃ, arūpaḥhave ekā vedanā arūpaḥhave ekassa taṅhākāyassa paccayo hoti. Tattha tattha sā sā taṅhā tassa tassa upādānaṃ, upādānādayo bhavādīnaṃ.

Kathaṃ? Idhekacco kāme paribhuñjissāmīti kāmupādānapaccayā kāyena duccharitaṃ carati, vācāya duccharitaṃ carati, manasā duccharitaṃ carati, duccharitapāripūriyā apāye upapajjati. Tatthassa upapattihetubhūtaṃ kammaṃ kammabhavo, kammanibbattā khandhā upapattibhavo, khandhānaṃ nibbatti jāti, paripāko jarā, bhedo marāṇaṃ.

Aparo saggasampattiṃ anubhavissāmīti tatheva sucaritaṃ carati, sucaritapāripūriyā sagge upapajjati. Tatthassa upapattihetubhūtaṃ kammaṃ kammabhavoti so eva nayo.

Aparo pana brahmalokasampattiṃ anubhavissāmīti kāmupādānapaccayāeva mettaṃ bhāveti, karuṇaṃ, muditaṃ, upekkhaṃ bhāveti, bhāvanāpāripūriyā brahmaloke nibbattati. Tatthassa nibbattihetubhūtaṃ kammaṃ kammabhavoti so eva nayo.

Aparo arūpaḥhave sampattiṃ anubhavissāmīti tatheva ākāśānañcāyatanādisamāpattiyo bhāveti, bhāvanāpāripūriyā tattha tattha nibbattati. Tatthassa nibbattihetubhūtaṃ kammaṃ kammabhavo, kammanibbattā khandhā upapattibhavo, khandhānaṃ nibbatti jāti, paripāko jarā, bhedo marāṇanti. Esa nayo sesupādānamūlikāsūpi yojanāsu.

Evam ayaṃ avijjā hetu, saṅkhārā hetusamuppannā, ubhopede hetusamuppannāti paccayapariggahe paññā dhammaṭṭhitiññānaṃ. Atītampi addhānaṃ anāgataṃ addhānaṃ avijjā hetu, saṅkhārā hetusamuppannā, ubhopede hetusamuppannāti paccayapariggahe paññā dhammaṭṭhitiññānanti eteneva nayena sabbapadāni vitthāretabbāni.

Tattha avijjāsāṅkhārā eko saṅkhepo, viññāṇanāmarūpasalāyatanaphassavedanā eko, taṅhupādānabhavā eko, jātijarāmarāṇaṃ eko. Purimasāṅkhepo cettha atīto addhā, dve majjhimā paccuppanno, jātijarāmarāṇaṃ anāgato. Avijjāsāṅkhārāgahaṇena cettha taṅhupādānabhavā gahitāva hontīti ime pañca dhammā atīte kammavaṭṭaṃ, viññāṇādayo pañca etarahi vipākavaṭṭaṃ, taṅhupādānabhavaggahaṇena avijjāsāṅkhārā gahitāva hontīti ime pañca dhammā etarahi kammavaṭṭaṃ, jātijarāmarāṇāpadesena viññāṇādīnaṃ nidditṭhattā ime pañca dhammā āyatiṃ vipākavaṭṭaṃ. Te ākāro vīsatividhā honti. Saṅkhāraviññāṇānañcettaṃ antarā eko sandhi, vedanātaṅhānamantarā eko, bhavajātīnamantarā ekoti, iti bhagavā etaṃ catusāṅkhepaṃ tīyaddhaṃ vīsataḥkāraṃ tisandhiṃ paṭiccasamuppādaṃ sabbākāro jānāti passati aññāti paṭivijjhati. Taṃ nītaṭṭhena ñāṇaṃ, pajānanaṭṭhena paññā, tena vuccati paccayapariggahe paññā dhammaṭṭhitiññānanti. Iminā dhammaṭṭhitiññāna bhagavā te dhamme yathābhūtaṃ ñatvā tesu nibbindanto virajjanto vimuccanto vuttappakāraṃ imassa saṃsāracakkassa are hani vihāni viddhaṃsesi. Evampi arānaṃ hatattā arahaṃ.

Arā saṃsāracakkassa, hatā ñāṇāsina yato;
Lokanāthēna tenesa, arahanti pavuccati.

129. Aggadakkhiṇeyyattā ca cīvarādipaccaye arahati pūjāvisesaṇca. Teneva ca uppanne tathāgate yekeci mahesakkhā devamanussā, na te aññattha pūjaṃ karontī. Tathā hi brahmā sahampati sinerumattena ratanadāmena tathāgataṃ pūjesi. Yathābalañca aññe devā manussā ca bimbisāraḥkosalarājādayo. Parinibbutampi ca bhagavantaṃ uddissa channavutikoṭidhanaṃ vissajjtvā asokamahārājā sakalajambudīpe caturāsītivihārasahassāni patitṭhāpesi. Ko pana vādo aññesaṃ pūjāvisesānanti paccayādīnaṃ arahattāpi arahaṃ.

Pūjāvisesaṃ saha paccayehi,
Yasmā ayaṃ arahati lokanātho;
Atthānurūpaṃ arahanti loke,
Tasmā jino arahati nāmametaṃ.

130. Yathā ca loke yekeci paṇḍitamānino bālā asilokabhayena raho pāpaṃ karonti, evamesa na kadāci karotīti **pāpakaraṇe rahābhāvatopi arahaṃ.**

Yasmā natthi raho nāma, pāpakammesu tādino;
Rahābhāvena tenesa, **arahaṃ** iti vissuto.

Evam sabbathāpi –

Ārakattā hatattā ca, kilesārīna so muni;
Hatasamsāracakkāro, paccayādīna cāraho;
Na raho karoti pāpāni, **arahaṃ** tena vuccatīti.

131. Sammā sāmañca sabbadhammānaṃ buddhattā pana **sammāsambuddho**. Tathāhi esa sabbadhamme sammā sāmañca buddho, abhiññeyye dhamme abhiññeyyato buddho, pariññeyye dhamme pariññeyyato, pahātabbe dhamme pahātabbato, sacchikātabbe dhamme sacchikātabbato, bhāvetabbe dhamme bhāvetabbato. Teneva cāha –

Abhiññeyyaṃ abhiññātaṃ, bhāvetabbañca bhāvitaṃ;
Pahātabbaṃ pahīnaṃ me, tasmā buddhosmi brāhmaṇāti. (ma. ni. 2.399; su. ni. 563);

132. Apica cakkhuṃ dukkhasaccaṃ, tassa mūlakāraṇabhāvena samuṭṭhāpikā purimataṇhā samudayasaccaṃ, ubhinnaṃ appavattī nirodhasaccaṃ, nirodhapajānanā paṭipadā maggasaccanti evaṃ ekekapaduddhārenāpi sabbadhamme sammā sāmañca buddho, esa nayo sotaghānājavhākāyamanesu. Eteneva nayena rūpādīni cha āyatanāni, cakkhuviññādayo chaviññānakāyā, cakkhusamphassādayo cha phassā, cakkhusamphassajādayo cha vedanā, rūpasāññādayo cha saññā, rūpasāññādayo cha cetanā, rūpataṇhādayo cha taṇhākāyā, rūpavitakkādayo cha vitakkā, rūpavicārādayo cha vicārā, rūpakkhandaṇhādayo pañcakkhandhā, dasa kasiṇāni, dasa anussatiyo, uddhumātakasaññādivasena dasa saññā, kesādayo dvattiṃsākārā, dvādasāyatanāni, aṭṭhārasa dhātuyo, kāmahavādayo nava bhavā, paṭhamādīni cattāri jhānāni, mettābhāvanādayo catasso appamaññā, catasso arūpasamāpattiyo, paṭilomato jarāmaraṇādīni, anulomato avijjādīni paṭiccasamuppādaṅgāni ca yojetabbāni.

Tatrāyaṃ ekapadayojanā, jarāmaraṇaṃ dukkhasaccaṃ, jāti samudayasaccaṃ, ubhinnaṃ nissaraṇaṃ nirodhasaccaṃ, nirodhapajānanā paṭipadā maggasaccanti evamekekapaduddhārena sabbadhamme sammā sāmañca buddho anubuddho paṭibuddho. Tena vuttaṃ – ‘sammā sāmañca sabbadhammānaṃ buddhattā pana sammāsambuddho’ ti.

133. Vijjāhi pana caraṇena ca sampannattā **vijjācaraṇasampanno**. Tattha **vijjāti** tissopi vijjā aṭṭhapi vijjā. Tisso vijjā bhayabheravasutte (ma. ni. 1.52 ādayo) vuttanayeneva veditabbā, aṭṭha ambaṭṭhasutte (dī. ni. 1.278 ādayo). Tatra hi vipassanāññāna manomayiddhiyā ca saha cha abhiññā pariggahetvā aṭṭha vijjā vuttā. **Caraṇanti** sīlasaṃvaro, indriyesu guttadvāratā, bhōjane mattaññutā, jāgariyānuyogo, satta saddhammā, cattāri rūpāvacarajjhānānīti ime pannarasa dhammā veditabbā. Imeyeva hi pannarasa dhammā yasmā etehi carati ariyasāvako gacchati amataṃ disaṃ, tasmā caraṇanti vuttā. Yathāha – ‘idha, mahānāma, ariyasāvako sīlavā hotī’ ti (ma. ni. 2.24) sabbam majjhimaṇṇāsake vuttanayeneva veditabbam. Bhagavā imāhi vijjāhi iminā ca caraṇena samannāgato. Tena vuccati vijjācaraṇasampannoti.

Tattha vijjāsampadā bhagavato sabbaññutaṃ pūretvā ṭhitā. Caraṇasampadā mahākāruṇikatā. So sabbaññutāya sabbasattānaṃ atthānatthaṃ ṇatvā mahākāruṇikatāya anattam parivajjetvā atthe niyojeti. Yathā taṃ vijjācaraṇasampanno. Tenassa sāvakā suppaṭipannā hontī, no duppaṭipannā vijjācaraṇavipannānaṃ sāvakā attantapādayo viya.

134. Sobhanagamanattā, sundaram ṭhānaṃ gatattā, sammā gatattā, sammā ca gadattā **sugato**. Gamanampi hi gatanti vuccati. Tañca bhagavato sobhanaṃ parisuddhamanavajjam. Kiṃ pana tanti? Ariyamaggo. Tena hesa gamanena khemaṃ disaṃ asajjamāno gatoti **sobhanagamanattā sugato**. Sundarañcesa ṭhānaṃ gato amataṃ nibbānanti **sundaram ṭhānaṃ gatattāpi sugato**. Sammā ca gato tena tena maggena pahīne kilese puna apaccāgacchanto. Vuttañhetam – ‘sotāpattimaggena ye kilesā pahīnā, te kilese na puneti na pacceti na paccāgacchati sugato...pe... arahattamaggena ye kilesā pahīnā, te kilese na puneti na pacceti na paccāgacchati sugato’ ti, sammā vā gato dīpaṅkarapādāmūlato pabhuti yāva bodhimāṇḍā tāva samatimsapāramīpūrikāya sammāpaṭipattiyā sabbalokassa hitasukhameva karonto sassataṃ, ucchedaṃ, kāmasukhaṃ, attakilamathanti ime ca ante anupagacchanto gatoti **sammā gatattāpi sugato**. Sammā cesa gadati yuttaṭṭhāne yuttameva vācaṃ bhāsati **sammā gadattāpi sugato**. Tatrīdaṃ sādhasuttaṃ ‘yaṃ tathāgato vācaṃ jānāti abhūtaṃ atacchaṃ anattasāñhitam, sā ca paresaṃ appiyā amanāpā, na taṃ tathāgato vācaṃ bhāsati. Yampi tathāgato vācaṃ jānāti bhūtaṃ tacchaṃ anattasāñhitam, sā ca paresaṃ appiyā amanāpā, tampi tathāgato vācaṃ na bhāsati. Yañca kho tathāgato vācaṃ jānāti bhūtaṃ tacchaṃ anattasāñhitam, sā ca paresaṃ appiyā amanāpā, tatra kālaññū tathāgato hoti tassā vācāya veyyākaraṇāya. Yaṃ tathāgato vācaṃ jānāti abhūtaṃ atacchaṃ anattasāñhitam, sā ca paresaṃ piyā manāpā, na taṃ tathāgato vācaṃ bhāsati. Yampi tathāgato

vācam jānāti bhūtaṃ tacchaṃ anattasañhitam, sā ca paresaṃ piyā manāpā, tampi tathāgato vācam na bhāsati. Yañca kho tathāgato vācam jānāti bhūtaṃ tacchaṃ atthasañhitam, sā ca paresaṃ piyā manāpā, tatra kālaññū tathāgato hoti tassā vācāya veyyākaraṇāyā”ti (ma. ni. 2.86). Evaṃ **sammā gadattāpi sugatoti** veditabbo.

135. Sabbathāpi viditalokattā pana **lokavidū**. So hi bhagavā sabhāvato samudayato nirodhato nirodhūpāyati sabbathā lokaṃ avedī aññāsī paṭivijjhi. Yathāha – “yattha kho, āvuso, na jāyati na jīyati na mīyati na cavati na upapajjati, nāhaṃ taṃ gamanena lokassa antaṃ ñāteyyaṃ daṭṭheyyaṃ patteyyanti vadāmi, na cāhaṃ, āvuso, apatvāva lokassa antaṃ dukkhassa antakiriyaṃ vadāmi. Api cāhaṃ, āvuso, imasmiññeva byāmamatte kaḷevare sasaññimhi samanake lokañca paññapemi lokasamudayañca lokanirodhañca lokanirodhagāminiñca paṭipadam.

Gamanena na pattabbo, lokassanto kudācanaṃ;
Na ca apatvā lokantaṃ, dukkhā atthi pamocanaṃ.

Tasmā have lokavidū sumedho,
Lokantagū vūsitabrahmacariyo;
Lokassa antaṃ samitāvi ñatvā,
Nāsīsati lokamimaṃ parañcāti. (saṃ. ni. 1.107; a. ni. 4.45);

136. Apica tayo lokā sañkhāraloko sattaloko okāsalokoti. Tattha eko loko sabbe sattā āhāraṭṭhitikāti (paṭi. ma. 1.112) āgataṭṭhāne sañkhāraloko veditabbo. Sassato lokoti vā asassato lokoti vāti (dī. ni. 1.421) āgataṭṭhāne sattaloko.

Yāvatā candimasūriyā pariharanti, disā bhanti virocamañā;
Tāva saḥassadhā loko, ettha te vattatī vasoti. (ma. ni. 1.503) –

Āgataṭṭhāne okāsaloko. Tampi bhagavā sabbathā avedi. Tathā hissa “eko loko sabbe sattā āhāraṭṭhitikā. Dve lokā nāmañca rūpañca. Tayo lokā tisso vedanā. Cattāro lokā cattāro āhārā. Pañca lokā pañcupādānakkhandhā. Cha lokā cha ajjhattikāni āyatanāni. Satta lokā satta viññāṇaṭṭhitiyo. Aṭṭha lokā aṭṭha lokadhammā. Nava lokā nava sattāvāsā. Dasa lokā dasāyatanāni. Dvādasa lokā dvādasāyatanāni. Aṭṭhārasa lokā aṭṭhārasa dhātuyo”ti (paṭi. ma. 1.112) ayaṃ sañkhāralokopi sabbathā vidito.

Yasmā panesa sabbesampi sattānaṃ āsayam jānāti, anusayam jānāti, caritaṃ jānāti, adhimuttiṃ jānāti, apparajakkhe mahārajakkhe, tikkhindriye mudindriye, svākāre dvākāre, suviññāpaye duviññāpaye, bhabbe abhabbe satte jānāti. Tasmāssa sattalokopi sabbathā vidito.

137. Yathā ca sattaloko, evaṃ okāsalokopi. Tathā hesa ekaṃ cakkavāḷaṃ āyāmato ca vitthārato ca yojanānaṃ dvādasasatasahassāni catutimsasatāni ca paññāsañca yojanāni. Parikkhepato pana –

Sabbaṃ satasahassāni, chatimsaparimaṇḍalaṃ;
Dasa ceva saḥassāni, aḍḍhuddhāni satāni ca.

Tattha –

Duve satasahassāni, cattāri nahutāni ca;
Ettakaṃ bahalattena, sañkhātāyaṃ vasundharā.

Tassāyeva sandhāraṃ –

Cattāri satasahassāni, aṭṭheva nahutāni ca;
Ettakaṃ bahalattena, jalaṃ vāte paṭiṭṭhitaṃ.

Tassāpi sandhāraṃ –

Nava satasahassāni, māluto nabhamuggato;
Saṭṭhiñceva saḥassāni, esā lokassa sañṭhiti.

Evaṃ sañṭhite cettha yojanānaṃ –

Caturāsīti saḥassāni, ajjhogāḷho mahañṇave;
Accuggato tāvadeva, sineru pabbatuttamo.

Tato upaḍḍhupaḍḍhena, pamāṇena yathākkamaṃ;
Ajjhogāḷhuggatā dibbā, nānāratanaṭṭhitā.

Yugandharo ĩsadharo, karavĩko sudassano;
Nemindharo vinatako, assakaṇṇo giri brahā.

Ete satta mahāselā, sinerussa samantato;
Mahārājānamāvāsā, devayakkhanisevitā.

Yojanānaṃ satānucco, himavā pañca pabbato;
Yojanānaṃ sahasāni, tīṇi āyatavittthato.

Caturāsītisahasseehi, kūṭehi paṭimaṇḍito;
Tipañcayojanakkhandha-parikkhepā nagavhayā.

Paññāsayojanakkhandha-sākhāyāmā samantato;
Satayojanavittthiṇṇā, tāvadeva ca uggatā;
Jambū yassānubhāvena, jambudīpo pakāsito.

Yañcetaṃ jambuyā pamāṇaṃ, etadeva asurānaṃ citrapāṭaliyā, garuḷānaṃ simbalirukkhasa, aparagoyāne kadambassa, uttarakurūsu kapparukkhasa, pubbavidehe sirīsassa, tāvatimsesu pārīcchattakassāti. Tenāhu porāṇā –

“Pāṭalī simbalī jambū, devānaṃ pārīcchattako;
Kadambo kapparukkho ca, sirīsena bhavati sattamanti.

“Dveasīti sahasāni, ajjhogāḷho mahaṇṇave;
Accuggato tāvadeva, cakkavāḷasiluccayo;
Parikkhipitvā taṃ sabbaṃ, lokadhātumayaṃ ṭhito”ti.

Tattha candamaṇḍalaṃ ekūnapaññāsayojanaṃ. Sūriyamaṇḍalaṃ paññāsayojanaṃ. Tāvatiṃsabhavanaṃ dasasahassayojanaṃ. Tathā asurabhavanaṃ avīcimahānirayo jambudīpo ca. Aparagoyānaṃ sattasahassayojanaṃ. Tathā pubbavidehaṃ. Uttarakuru aṭṭhasahassayojanaṃ. Ekameko cettha mahādīpo pañcasatapañcasataparittadīparivāro. Taṃ sabbampi ekaṃ cakkavāḷaṃ ekā lokadhātu. Tadantaresu lokantarikanirayā.

Evaṃ anantāni cakkavāḷāni anantā lokadhātuyo bhagavā anantena buddhañāṇena avedi aññāsī paṭivijjhi. Evamassa okāsalokopi sabbathā vidito. Evampi **sabbathā viditalokattā lokavidū**.

138. Attanā pana guṇehi viṣiṭṭhatarassa kassaci abhāvato natthi etassa uttaroti **anuttaro**. Tathā hesa sīlaguṇenāpi sabbaṃ lokamabhibhavati, samādhipaññāvimuttivimuttiññāḍassanaguṇenāpi. Sīlaguṇenāpi asamo asamasamo appaṭiṃ appaṭibhāgo appaṭipuggalo...pe... vimuttiññāḍassanaguṇenāpi. Yathāha – “na kho panāhaṃ samanupassāmi sadevake loke samārake... pe... sadevamanussāya pajāya attanā sīlasampannatara”nti vitthāro. Evaṃ aggapasādasuttādīni (a. ni. 4.34; itivu. 90) “na me ācariyo atthi”tiādikā (ma. ni. 1.285; mahāva. 11) gāthāyo ca vitthāretabbā.

139. Purisadamme sāretīti **purisadammasārathi**. Dameti vinetīti vuttaṃ hoti. Tattha **purisadammmāti** adantā dametuṃ yuttā tiracchānapurisāpi manussapurisāpi amanussapurisāpi. Tathā hi bhagavatā tiracchānapurisāpi apalālo nāgarājā, cūḷodaro, mahodaro, aggisikho, dhūmasikho, aravāḷo nāgarājā, dhanapālako hatthīti evamādayo damitā nibbisā katā saraṇesu ca sīlesu ca paṭiṭṭhāpitā, manussapurisāpi saccakanigaṇṭhaputtaambaṭṭhamāṇavapokkharasāti soṇadantakūṭadantādayo, amanussapurisāpi āḷavakasicilomakharalomayakkhasakkadevarājādayo damitā vinītā vicitrehi vinayanūpāyehi. “Ahaṃ kho, kesi, purisadamme saṇhenapi vinemi, pharusenapi vinemi, saṇhapharusenapi vinemi”ti (a. ni. 4.11) idañcetha suttaṃ vitthāretabbāṃ.

Apica bhagavā visuddhasīlādīnaṃ paṭhamajjhānādīni sotāpannādīnaṃca uttari maggaṭṭipadaṃ ācikkhanto dantepe dametiyeva.

Atha vā anuttaro purisadammasārathīti ekamevidam atthapadam. Bhagavā hi tathā purisadamme sāreti, yathā ekapallaṅkeneva nisinnā aṭṭha disā asajjamaṇā dhāvanti. Tasmā **anuttaro purisadammasārathīti** vuccati. “Hatthidamkena, bhikkhave, hatthidammo sārīto ekaṃyeva disaṃ dhāvati”ti idañcetha suttaṃ (ma. ni. 3.312) vitthāretabbāṃ.

140. Diṭṭhadhammikasamparāyīkaparamatthehi yathārahaṃ anusāsātīti **satthā**. Apica satthā viyāti **satthā**, bhagavā satthavāho. Yathā satthavāho satthe kantāraṃ tāreti corakantāraṃ tāreti vāḷakantāraṃ tāreti dubbhikkhakantāraṃ tāreti nirudakakantāraṃ tāreti uttāreti nittāreti patāreti khemantabhūmiṃ sampāpeti, evameva bhagavā satthā satthavāho satte kantāraṃ tāreti, jātikantāraṃ tāretītiādinā niddesanayenapettha attho vedītabbo. **Devamanussānanti** devānaṃca manussānaṃca. Ukkaṭṭhapaṭicchavedasena, bhābapuggalaparicchavedasena cetam vuttaṃ. Bhagavā pana tiracchānagatānampi anusāsānippadānena satthāyeva. Tepi hi bhagavato dhammassavanena upanissayasampattīṃ patvā tāya eva upanissayasampattīyā dutiye vā tatiye vā attabhāve maggaḷabhāgino honti. Maṇḍūkadevaputtādayo cettha nidassanaṃ.

Bhagavati kira gaggarāya pokkharaniyā tīre campānagaravāsīnaṃ dhammaṃ desiyamāne eko maṇḍūko bhagavato sare nimittaṃ aggaheṣi, taṃ eko vacchapālako daṇḍaṃ olubbha tiṭṭhanto sīse sannirumbhītvā aṭṭhāsi. So tāvadeva kālaṅkatvā tāvatimsabhavane dvādasayojanike kanakavimāne nibbatti. Suttappabuddho viya ca tattha accharāsaṅghaparivutaṃ attānaṃ disvā “are ahampi nāma idha nibbatto, kiṃ nu kho kammamakāsi”nti āvajjento na aññaṃ kiñci addasa aññatra bhagavato sare nimittaggāhā. So tāvadeva saha vimānena āgantvā bhagavato pāde sirasā vandi. Bhagavā jānantova pucchi –

“Ko me vandati pādāni, iddhiyā yasasā jaḷaṃ;
Abhikkantena vaṇṇena, sabbā obhāsayaṃ disā”ti.

Maṇḍūkohaṃ pure āsiṃ, uduke vārigocaro;
Tava dhammaṃ suṇantassa, avadhi vacchapālakoti.

Bhagavā tassa dhammaṃ desesi. Caturāsītiyā pāṇasahassānaṃ dhammābhisamayo ahoṣi. Devaputtapi sotāpattiṃ phale patiṭṭhāya siṃhaṃ katvā pakkamīti.

141. Yaṃ pana kiñci atthi ñeyyaṃ nāma, sabbasseva buddhattā vimokkhanṭikaññāvasena **buddho**. Yasmā vā cattāri saccāni attanāpi bujji, aññepi satte bodhesi, tasmā evamādīhipi kāraṇehi **buddho**. Imassa ca panatthassa viññāpanatthaṃ “bujjhita saccānīti buddho. Bodhetā pajāyāti buddho”ti evaṃ pavatto sabbopi niddesanayo (mahāni. 192) paṭisambhidānayo (paṭi. ma. 1.162) vā vitthāretabbo.

142. **Bhagavā**ti idaṃ panassa guṇavisiṭṭhasabbasattuttamagarugāravādhivacaṇaṃ. Tenāhu porāṇā –

“Bhagavāti vacanaṃ seṭṭhaṃ, bhagavāti vacanamuttamaṃ;
Garugāravayutto so, **bhagavā** tena vuccatī”ti.

Catubbidhaṃ vā nāmaṃ āvatthikaṃ liṅgikaṃ nemittikaṃ adhiccasamuppannanti. Adhiccasamuppannaṃ nāma lokiyavohārena yadicchakanti vuttaṃ hoti. Tattha vaccho dammo balībaddoti evamādi **āvatthikaṃ**. Daṇḍī chatti sikhī karīti evamādi **liṅgikaṃ**. Tevijjo chaḷabhiññoti evamādi **nemittikaṃ**. Sirivaḍḍhako dhanavaḍḍhakoti evamādi vacanatthaṃ anapekkhitvā pavattaṃ **adhiccasamuppannaṃ**. Idaṃ pana **bhagavā**ti nāmaṃ nemittikaṃ, na mahāmāyāya, na suddhodanamahārājena, na asītiyā ñāṭisahashehi kataṃ, na sakkasantusitādīhi devatāvisesehi. Vuttampi cetamaṃ dhammasenāpatinā “bhagavāti netamaṃ nāmaṃ mātaraṃ kataṃ...pe... vimokkhanṭikametaṃ buddhānaṃ bhagavantānaṃ bodhiyā mūle saha sabbaññūtaññāssa paṭilābhā sacchikā paññatti yadidaṃ bhagavā”ti (mahāni. 84).

143. Yaṃguṇanemittikañcetaṃ nāmaṃ, tesamaṃ guṇānaṃ pakāsanatthaṃ imaṃ gāthaṃ vadanti –

“Bhagī bhajī bhāgi vibhattavā iti,
Akāsi bhagganti garūti bhāgyavā;
Bahūhi ñāyehi subhāvitattano,
Bhavantago so **bhagavā**ti vuccatī”ti. –

Niddese (mahāni. 84) vuttanayeneva cettha tesamaṃ tesamaṃ padānaṃ attho daṭṭhabbo.

144. Ayaṃ pana aparo nayo.

Bhāgyavā bhaggavā yutto, bhagehi ca vibhattavā;
Bhattavā vantaḡamaṇo, bhavesu **bhagavā** tatoti.

Tattha vaṇṇāgamo vaṇṇavipariyayotiādikaṃ niruttillakkaṇaṃ gahetvā saddanayena vā pisodarādipakkhepalakkaṇaṃ gahetvā yasmā lokiyalokuttarasukhābhiniḡbattakaṃ dānasīlādīpārapattaṃ bhāgyamaṣsa atthi, tasmā bhāgyavāti vattabbe **bhagavā**ti vuccatīti ñāttabbaṃ.

Yasmā pana ahirikānottappakodhūpanāhamakkhapaḷāsaissāmacchariyamāyāsāṭṭheyyathambhasārambhamañātīmānamadapamaḡataṇhāvijjā-tividhākusalamūladuccaritasamaḡkilesamalavisamaññāvītakkapapañcacatubbidhavipariyesa-āsavaganthaoghayogaagatitaṇhuppādupādānapañcacetokhīlavībandhanīvaraṇābhīnandanā-chavivādamūlataṇhākāyasattānusaṃyāṭṭhamicchattanavataṇhāmūlakadasākusalakammaḡathadvāsaṭṭhidīṭṭhigata-aṭṭhasatataṇhāvīcaritappabhedasabbadarathaparīḷhākilesasatasahasāni, saṅkheḡato vā pañca kilesakhandhaabhisāṅkhāradevaputtamaccumaḡre abhañji. Tasmā bhaggatā etesaṃ parissayānaṃ bhaggavāti vattabbe **bhagavā**ti vuccatī. Āha cettha –

“Bhaggarāgo bhaggadoso, bhaggamoho anāsavo;
Bhagāssa pāpakā dhammā, **bhagavā** tena vuccatī”ti.

Bhāgyavatāya cassa satapuññalakkhaṇadharassa rūpakāyasampatti dīpitā hoti. Bhaggadosatāya dhammakāyasampatti. Tathā lokiyasarikkhakānaṃ bahumatabhāvo, gahaṭṭhapabbajitehi abhigamanīyatā, abhigatānañca nesamaṃ kāyacittadukkhaṇāpanayane paṭibalabhāvo, āmisadānadhammadānehi upakāritā, lokiyalokuttarasukhehi ca saṃyojanasamatthata dīpitā hoti.

Yasmā ca loke issariyadhammayasasirikāmapayattesu chasu dhammesu bhagasaddo pavattati, paramañcassa sakacitte issariyaṃ, aṇimālaṅghimādikamaṃ vā lokiyasammataṃ sabbākāraparipūraṃ atthi. Tathā lokuttaro dhammo. Lokattayabyāpako yathābhuccaguṇādhigato ativiya parisuddho yaso. Rūpakāyadassanabyāvaṭajananayanappasādajananasamatthā sabbākāraparipūrā sabbaṅgapaccaṅgasirī. Yaṃ yaṃ etena icchitaṃ patthitaṃ atthitaṃ parahitaṃ vā, tassa tassa tatheva abhinipphannatā icchitathanibbattisaññito kāmo. Sabbalokagarubhāvapattihetubhūto sammāvāyāmasaṅkhāto payatto ca atthi. Tasmā imehi bhagehi yuttatāpi bhagā assa santīti iminā atthena **bhagavāti** vuccati.

Yasmā pana kusalādīhi bhedehi sabbadhamme, khandhāyatanadhātusaccaindriyapaṭiccasamuppādādīhi vā kusalādidhamme, piḷanasāṅkhatasantāpavipariṇāmatthēna vā dukkhaṃ ariyasaccaṃ, āyūhananidānasamyoḡapalibodhatthēna samudayaṃ, nissaraṇavivekāsaṅkhataamataṭṭhēna nirodhaṃ, niyyānikahetudassanādhīpateyyatthēna maggaṃ vibhattavā, vibhajitvā vivaritvā desitavāti vuttaṃ hoti. Tasmā vibhattavāti vattabbe **bhagavāti** vuccati.

Yasmā ca esa dibbabrahmaariyavihāre kāyacittaupadhiviveke suññatappaṇihitānimittavimokkhe aññe ca lokiyalokuttare uttarimanussadhamme bhajī sevi bahulaṃ akāsi, tasmā bhattavāti vattabbe **bhagavāti** vuccati.

Yasmā pana tīsu bhavesu taṇhāsāṅkhātaṃ gamanaṃ anena vantaṃ, tasmā bhavesu vantagamanoti vattabbe bhavasaddato bhakāraṃ gamanasaddato gākāraṃ vantasaddato vakārañca dīghaṃ katvā ādāya **bhagavāti** vuccati yathā loke mehanassa khassa mālati vattabbe mekhalati.

145. Tassevaṃ iminā ca iminā ca kāraṇena so bhagavā arahaṃ...pe... iminā ca iminā ca kāraṇena bhagavāti buddhaguṇe anussarato neva tasmim samaye rāgapariyuṭṭhitaṃ cittaṃ hoti, na dosapariyuṭṭhitaṃ, na mohapariyuṭṭhitaṃ cittaṃ hoti. Ujgatamevassa tasmim samaye cittaṃ hoti tathāgatamārabha (a. ni. 6.10). Iccassa evaṃ rāgādipariyuṭṭhānābhāvena vikkhambhitanīvaraṇassa kammaṭṭhānābhīmukhatāya ujugataticcassa buddhaguṇaṇaṃ vitakkavicārā pavattanti. Buddhaguṇe anuvitakkayato anuvicārayato pīti uppajjati. Pītimanassa pītipadaṭṭhānāya passaddhiyā kāyacittadarathā paṭippassambhanti. Passaddhadarathassa kāyikampi cetasikampi sukhaṃ uppajjati. Sukhino buddhaguṇārammaṇaṃ hutvā cittaṃ samādhīyatīti anukkamena ekakkhaṇe jhānaṅgāni uppajjanti. Buddhaguṇānaṃ pana gambhīratāya nānappakāraguṇānussaraṇādhimuttatāya vā appanaṃ appatvā upacārapattameva jhānaṃ hoti. Tadevaṃ buddhaguṇānussaraṇavasena uppannattā buddhānussaticceva saṅkhaṃ gacchati.

Imaṅca pana buddhānussatiṃ anuyutto bhikkhu satthari sagāro hoti sappattisso, saddhāvepullaṃ sativapullaṃ paññāvepullaṃ puññāvepullaṅca adhigacchati, pītipāmojjabahulo hoti, bhayabheravasaho dukkhādhivāsanasamattho, satthārā saṃvāsasaññaṃ paṭilabhati. Buddhaguṇānussatiyā ajjhāvutthañcassa sarīraṃ cetiyaghamiva pūjārahaṃ hoti. Buddhabhūmiyaṃ cittaṃ namati. Vītikkamitabbavattusamāyoge cassa sammukhā satthāraṃ passato viya hirottappaṃ paccupaṭṭhāti. Uttari appaṭivijjhanto pana sugatiparāyano hoti.

Tasmā have appamādaṃ, kayirātha sumedhaso;
Evaṃ mahānubhāvāya, buddhānussatiyā sadāti.

Idaṃ tāva buddhānussatiyaṃ vitthārakathā mukhaṃ.

2. Dhammānussatikathā

146. Dhammānussatiṃ bhāvetukāmenāpi rahogatena paṭisallīnena “svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ veditaṃ viññūhi”ti (a. ni. 6.10) evaṃ pariyaṭṭidhammassa ceva navavidhassa ca lokuttaradhammassa guṇā anussaritaṃ.

147. Svākkhātoti imasmim hi pade pariyaṭṭidhammopi saṅgahaṃ gacchati, itaresu lokuttaradhammova. Tattha pariyaṭṭidhammo tāva svākkhāto ādimajjhāpariyosānakalyāṇatā sātthasabyañjanakevalaparipuṇṇāparisuddhabrahmacariyappakāsanatā ca. Yañhi bhagavā ekagāthampi deseti, sā samantabhadakatā dhammassa paṭhamapādena ādikalyāṇā, dutiyatīyapādehi majjhekalyāṇā, pacchimāpādena pariyaṭṭidhammā. Ekānūsandhikāṃ suttaṃ nidānena ādikalyāṇaṃ, nigamanena pariyaṭṭidhammā, sesena majjhekalyāṇaṃ. Nānūsandhikāṃ suttaṃ paṭhamānūsandhinā ādikalyāṇaṃ, pacchimena pariyaṭṭidhammā, sesehi majjhekalyāṇaṃ. Apica sanidānasauppattikatā ādikalyāṇaṃ, veneyyānaṃ anurūpato atthassa aviparītāya ca hetudāharaṇayuttato ca majjhekalyāṇaṃ, sotūnaṃ saddhāpaṭilābhajananena nigamanena ca pariyaṭṭidhammā.

Sakalopi sāsanadhammo attano atthabhūtena sīlena ādikalyāṇo, samathavipassanāmaggaḡalehi majjhekalyāṇo, nibbānena pariyaṭṭidhammā. Sīlasamādhīhi vā ādikalyāṇo, vipassanāmaggehi majjhekalyāṇo, phalanibbānehi pariyaṭṭidhammā.

Buddhasubodhitāya vā ādikalyāṇo, dhammasudhammatāya majjhekalyāṇo, saṅghasuppaṭṭipattiyā pariyosānakalyāṇo. Taṃ sutvā tathatthāya paṭipannena adhigantabbāya abhisambodhiyā vā ādikalyāṇo, paccekabodhiyā majjhekalyāṇo, sāvakabodhiyā pariyosānakalyāṇo.

Suyyamāno cesa nīvaraṇavikkhambhanato savanenapi kalyāṇameva āvahaṭṭi ādikalyāṇo, paṭipajjiyamāno samathavipassanāsukhāvahanato paṭipattiyāpi kalyāṇaṃ āvahaṭṭi majjhekalyāṇo, tathāpaṭipanno ca paṭipattiphale niṭṭhite tāḍibhāvāvahanato paṭipattiphaleṇapi kalyāṇaṃ āvahaṭṭi pariyosānakalyāṇoti evaṃ ādimajjhapiyosānakalyāṇattā svākkhāto.

Yaṃ panesa bhagavā dhammaṃ desento sāsanaabrahmacariyaṃ maggabrahmacariyaṃ pakāseti nānāyehi dīpeti, taṃ yathānurūpaṃ atthasampattiyā sātthaṃ, byañjanasampattiyā sabyañjanaṃ. Saṅkāsanapakāsanavivaraṇavibhajanauttānikaraṇapaññattiatthapadasamāyogato sātthaṃ, akkharapadabyañjanākāraniruttiniddesasampattiyā sabyañjanaṃ. Atthagambhīratāpaṭivedhagambhīratāhi sātthaṃ, dhammagambhīratādesanāgambhīratāhi sabyañjanaṃ. Atthapaṭibhānapaṭisambhidāvisayato sātthaṃ, dhammaniruttipaṭisambhidāvisayato sabyañjanaṃ. Paṇḍitavedanīyato parikkhakajanappasādakanti sātthaṃ, saddheyyato lokiyajanappasādakanti sabyañjanaṃ. Gambhīrādhīppāyato sātthaṃ, uttānapadato sabyañjanaṃ. Upanetabbassa abhāvato sakalaparipuṇṇabhāvena kevalaparipuṇṇaṃ. Apanetabbassa abhāvato niddosabhāvena parisuddhaṃ.

Apica paṭipattiyā adhigamabyattito sātthaṃ, pariyaṭṭiyā āgamabyattito sabyañjanaṃ, sīlādīpaṇḍitadhammakhandhayuttato kevalaparipuṇṇaṃ, nirupakkilesato nittaraṇatthāya pavattito lokāmisānirapekkhato ca parisuddhanti evaṃ sātthasabyañjanakevalaparipuṇṇaparisisuddhabrahmacariyappakāsanato svākkhāto.

Atthavipallāsābhāvato vā sutṭhu akkhātoti svākkhāto. Yathā hi aññatitthiyānaṃ dhammassa attho vipallāsamāpajjati, antarāyikāti vuttadhammānaṃ antarāyikattābhāvato, niyyānikāti vuttadhammānaṃ niyyānikattābhāvato. Tena te durakkhātadhammāyeva honti, na tathā bhagavato dhammassa attho vipallāsamāpajjati. Ime dhammā antarāyikā, ime dhammā niyyānikāti evaṃ vuttadhammānaṃ tathābhāvānatikkamanatoti. Evaṃ tāva pariyaṭṭidhammo svākkhāto.

Lokuttaradhammo pana nibbānānurūpāya paṭipattiyā paṭipadānurūpassa ca nibbānassa akkhātattā svākkhāto. Yathāha – “supaññattā kho pana tena bhagavatā sāvakānaṃ nibbānagāminī paṭipadā saṃsandati nibbānaṃ paṭipadā ca. Seyyathāpi nāma gaṅgodakaṃ yamunodakena saṃsandati sameti, evameva supaññattā (dī. ni. 2.296) tena bhagavatā sāvakānaṃ nibbānagāminī paṭipadā saṃsandati nibbānaṃ paṭipadā cā”ti. Ariyamaggo cettha antadvayaṃ anupagamma majjhimā paṭipadābhūtova “majjhimā paṭipadā”ti akkhātattā svākkhāto. Sāmaññaphalāni paṭipassaddhakilesāneva “paṭipassaddhakilesāni”ti akkhātattā svākkhātāni. Nibbānaṃ sassatāmatatāṇaleṇādisabhāvameva sassatādisabhāvavasena akkhātattā svākkhātanti evaṃ lokuttaradhammopi svākkhāto.

148. Sandiṭṭhikoti ettha pana ariyamaggo tāva attano santāne rāgādīnaṃ abhāvaṃ karontena ariyapuggalena sāmāṃ daṭṭhabboti sandiṭṭhiko. Yathāha – “ratto kho, brāhmaṇa, rāgena abhibhūto pariyaṭṭinaccitto atabyābādāyapi ceteti, parabyābādāyapi ceteti, ubhayabyābādāyapi ceteti. Cetasikaṃ dukkhaṃ domanassaṃ paṭisaṃvedeti. Rāge pahīne neva atabyābādāyapi ceteti, na parabyābādāyapi ceteti, na ubhayabyābādāyapi ceteti, na cetasikaṃ dukkhaṃ domanassaṃ paṭisaṃvedeti. Evampi kho, brāhmaṇa, sandiṭṭhiko dhammo hoti”ti (a. ni. 3.54). Apica navavidhopi lokuttaradhammo yena yena adhigato hoti, tena tena parasaddhāya gantabbataṃ hitvā paccavekkhanaññaṇena sayāṃ daṭṭhabboti sandiṭṭhiko. Atha vā pasatthā diṭṭhi sandiṭṭhi, sandiṭṭhiyā jayatīti sandiṭṭhiko. Tathā hettha ariyamaggo sampayuttāya, ariyaphalaṃ kāraṇabhūtāya, nibbānaṃ visayabhūtāya sandiṭṭhiyā kilēse jayati. Tasmā yathā rathena jayatīti rathiko, evaṃ navavidhopi lokuttaradhammo sandiṭṭhiyā jayatīti sandiṭṭhiko.

Atha vā diṭṭhanti dassanaṃ vuccati. Diṭṭhameva sandiṭṭhaṃ, dassananti attho. Sandiṭṭhaṃ arahatīti sandiṭṭhiko. Lokuttaradhammo hi bhāvanābhīsamāyavasena sacchikiriyābhīsamāyavasena ca dissamānoyeva vaṭṭabhayaṃ nivatteti. Tasmā yathā vatthaṃ arahatīti vatthiko, evaṃ sandiṭṭhaṃ arahatīti sandiṭṭhiko.

149. Attano phaladānaṃ sandhāya nāssa kāloti akālo. Akāloyeva **akālīko**. Na pañcāhasattāhādibhedam kālaṃ khepetvā phalaṃ deti, attano pana pavattisamanantameva phaladoti vuttaṃ hoti. Atha vā attano phaladāne pakatṭho kālo patto assāti kālīko. Ko so? Lokiyo kusaladhammo. Ayaṃ pana samanantaraphalattā na kālikoti akālīko. Idam maggameva sandhāya vuttaṃ.

150. “Ehi passa imaṃ dhamma”nti evaṃ pavattaṃ ehipassavidhiṃ arahatīti **ehipassiko**. Kasmā panesa taṃ vidhiṃ arahatīti? Vijjāmānattā parisuddhattā ca. Rittamuṭṭhiyaṃ hi hiraññaṃ vā suvaṇṇaṃ vā atthīti vatvāpi “ehi passa ima”nti na sakkā vattum. Kasmā? Avijjāmānattā. Vijjāmānampi ca gūthaṃ vā muttaṃ vā manuññabhāvappakāsanena cittasampahaṃsanatthaṃ “ehi passa ima”nti na sakkā vattum. Apica kho pana tiṇehi vā paṇṇehi vā paṭicchādetabbameva hoti. Kasmā? Aparisuddhattā. Ayaṃ pana navavidhopi lokuttaradhammo sabhāvato vijaṃmāno vīgatavalāhake ākāse sampuṇṇacandaṃḍalaṃ viya paṇḍukambale nikkhittajātimaṇi viya ca parisuddho. Tasmā vijjāmānattā parisuddhattā ca ehipassavidhiṃ arahatīti ehipassiko.

151. Upanetabboti **opaneyyiko**. Ayaṃ panettha vinicchayo, upanayanaṃ upanayo, ādittaṃ celam vā sīsam vā

ajjupekkhitvāpi bhāvanāvasena attano citte upanayanam arahatīti opanayiko. Opanayikova opaneyyiko. Idaṃ saṅkhathe lokuttaradhamme yujjati. Asaṅkhathe pana attano cittena upanayanam arahatīti opaneyyiko. Sacchikiriyāvasena allīyanam arahatīti attho.

Atha vā nibbānam upanetīti ariyamaggo upaneyyo. Sacchikātabbatam upanetabboti phalanibbānadhammo upaneyyo. Upaneyyo eva opaneyyiko.

152. Paccattam veditabbo viññūhīti sabbehipi ugghaṭṭānaññūādīhi viññūhi attani attani veditabbo “bhāvito me maggo, adhigatam phalam, sacchikato nirodho”ti. Na hi upajjhāyena bhāvitena maggena saddhivihārikassa kilesā pahīyanti, na so tassa phalasamāpattiyā phāsuviharati, na tena sacchikatam nibbānam sacchikaroti. Tasmā na esa parassa sīse ābharanam viya daṭṭhabbo, attano pana cittyeva daṭṭhabbo, anubhavitabbo viññūhīti vuttam hoti. Bālānam pana avisayo cesa.

Apica svākkhāto ayam dhammo. Kasmā? Sandiṭṭhikattā. Sandiṭṭhiko, akālikattā. Akāliko, ehipassikattā. Yo ca ehipassiko, so nāma opaneyyiko hotīti.

153. Tassevam svākkhātādibhede dhammaguṇe anussarato neva tasmim samaye rāgapariyūṭṭhitam cittam hoti. Na dosa...pe... na mohapariyūṭṭhitam cittam hoti. Ujjugatamevassa tasmim samaye cittam hoti dhammam ārabbhāti (a. ni. 6.10) purimanayeneva vikkhambhitanīvaraṇassa ekakkhaṇe jhānaṅgāni uppajjanti. Dhammaguṇānam pana gambhīratāya nānappakāraguṇānussaraṇādhimuttatāya vā appanam appatvā upacārapattameva jhānam hoti. Tadetam dhammaguṇānussaraṇavasena uppānattā dhammānussaticceva saṅkham gacchati.

Imaṅca pana dhammānussatim anuyutto bhikkhu evam opaneyyikassa dhammassa desetāram imināpaṅgena samannāgatam satthāram neva atītamse samanupassāmi, na panetarahi aññatra tena bhagavatāti evam dhammaguṇadassaneneva satthari sagāro hoti sappatisso. Dhamme garucittikāro saddhādivepullam adhigacchati, pītipāmojjabahulo hoti, bhayabheravasaho, dukkhādhivāsanasamattho, dhammena saṃvāsasaññaṃ paṭilabhati, dhammaguṇānussatiyā ajjhāvutthañcassa sarīrampi cetiyagharamiva pūjārahā hoti, anuttaradhammādhigamāya cittam namati, vītikamitabbavatthusamāyoge cassa dhammasudhammatam samanussarato hirottappam paccupaṭṭhāti. Uttari appaṭivijjhanto pana sugatiparāyano hoti.

Tasmā have appamādam, kayirātha sumedhaso;
Evam mahānubhāvāya, dhammānussatiyā sadāti.

Idam dhammānussatiyam vitthārahākamukham.

3. Saṅghānussatikathā

154. Saṅghānussatim bhāvetukāmenāpi rahogatena paṭisallīnena “suppaṭipanno bhagavato sāvakasaṅgho, ujuppaṭipanno bhagavato sāvakasaṅgho, nīyappaṭipanno bhagavato sāvakasaṅgho, sāmīcippaṭipanno bhagavato sāvakasaṅgho, yadidaṃ cattāri purisayugāni aṭṭha purisapuggalā, esa bhagavato sāvakasaṅgho āhuneyyo, pāhuneyyo, dakkhiṇeyyo, añjalikaraṇīyo, anuttaram puññaṅkhetam lokassā”ti (a. ni. 6.10) evam ariyasaṅghaguṇā anussaritabbā.

155. Tatha **suppaṭipannoti** suṭṭhu paṭipanno, sammāpaṭipadam anivattipaṭipadam anulomapaṭipadam apaccanīkapaṭipadam dhammānudhammapaṭipadam paṭipannoti vuttam hoti. Bhagavato ovādānusāsanim sakkaccam suṇantīti sāvakā. Sāvakānam saṅgho **sāvakasaṅgho**, siladīṭṭhisamaññatāya saṅghātabhāvamāpanno sāvakasamūhoti attho. Yasmā pana sā sammāpaṭipadā uju avāṅkā akuṭilā ajimhā, ariyo ca nīyotipi vuccati, anucchavikattā ca sāmīcītipi saṅkham gatā. Tasmā tampaṭipanno ariyasaṅgho **ujuppaṭipanno nīyappaṭipanno sāmīcippaṭipannoti** vutto.

Ettha ca ye maggaṭṭhā, te sammāpaṭipattisamaṅgitāya suppaṭipannā. Ye phalaṭṭhā, te sammāpaṭipadāya adhigantabbassa adhigatattā atītam paṭipadam sandhāya suppaṭipannāti veditabbā.

Apica svākkhāte dhammavinaye yathānusiṭṭham paṭipannattāpi apaṇṇakapaṭipadam paṭipannattāpi **suppaṭipanno**.

Majjhimāya paṭipadāya antadvayamanupagamma paṭipannattā kāyavacīmanovaṅkakuṭilajimhadosaṅgānāya paṭipannattā ca **ujuppaṭipanno**.

Ñāyo vuccati nibbānam. Tadattāya paṭipannattā **nīyappaṭipanno**.

Yathā paṭipannā sāmīcippaṭipannārahā honti, tathā paṭipannattā **sāmīcippaṭipanno**.

156. Yadidanti yāni imāni. Cattāri purisayugānīti yugaḷavasena paṭhamamaggaṭṭho phalaṭṭhoti idamekam yugaḷanti evam cattāri purisayugaḷāni honti. **Aṭṭha purisapuggalāti** purisapuggalavasena eko paṭhamamaggaṭṭho eko phalaṭṭhoti iminā nayena aṭṭheva purisapuggalā honti. Ettha ca purisoti vā puggaloti vā ekatthāni etāni padāni. Veneyyavasena panetam vuttam.

Esa bhagavato sāvakaśaṅhoti yānimāni yugavasena cattāri purisayugāni, pāṭiekkato aṭṭha purisapuggalā, esa bhagavato sāvakaśaṅho, āhuneyyotiādisu ānetvā hunitabbanti āhunaṃ, dūratopi ānetvā sīlavantesu dātābbanti attho. Catunnaṃ paccayānametamadhivacanaṃ. Taṃ āhunaṃ paṭiggahetuṃ yutto tassa mahapphalakaraṇatoti **āhuneyyo**. Atha vā dūratopi āgantvā sabbasāpateyyampi ettha hunitabbanti āhavanīyo. Sakkādīnampi vā āhavanaṃ arahatīti āhavanīyo. Yo cāyaṃ brāhmaṇānaṃ āhavanīyo nāma aggi, yattha hutaṃ mahapphalanti tesam laddhi. Sace hutassa mahapphalatāya āhavanīyo, saṅghova āhavanīyo. Saṅghe hutañhi mahapphalaṃ hoti. Yathāha –

“Yo ca vassasataṃ jantu, aggim paricare vane;
Ekañca bhāvitattānaṃ, muhuttamapi pūjaye;
Sāyeva pūjanā seyyo, yañce vassasataṃ huta’nti. (dha. pa. 107);

Tadetaṃ nikāyantare āhavanīyoti padaṃ idha āhuneyyoti iminā padena atthato ekaṃ. Byañjanato panettha kiñcimattameva nānaṃ. Iti **āhuneyyo**.

Pāhuneyyoti ettha pana pāhunaṃ vuccati disāvīdisato āgatānaṃ piyamanāpānaṃ nātimitānamatthāya sakkārena paṭiyattaṃ āgantukadānaṃ. Tampi ṭhapetvā te tathārūpe pāhunaṃ saṅghasseva dātuṃ yuttaṃ, saṅghova taṃ paṭiggahetuṃ yutto. Saṅghasādiso hi pāhunaṃ natthi. Tathā hesa ekabuddhantare ca dissati, abbokiṇṇaṃ piyamanāpattakarehi dhammehi samannāgatoti. Evaṃ pāhunaṃ dātuṃ yuttaṃ pāhunaṃ paṭiggahetuṃ yuttoti pāhuneyyo. Yesam pana pāhavanīyoti pāḷi, tesam yasmā saṅgho pubbakāramarahati, tasmā sabbapaṭhamaṃ ānetvā ettha hunitabbanti pāhavanīyo. Sabbappakārena vā āhavanamarahatīti pāhavanīyo. Svāyamidha teneva atthena pāhuneyyoti vuccati.

Dakkhiṇāti pana paralokaṃ saddahitvā dātābbadānaṃ vuccati. Taṃ dakkhiṇaṃ arahati, dakkhiṇāya vā hito yasmā naṃ mahapphalakaraṇatāya visodhetīti **dakkhiṇeyyo**.

Ubho hatthe sirasmiṃ patiṭṭhapetvā sabbalokena kayiramānaṃ añjalikammaṃ arahatīti **añjalikaraṇīyo**.

Anuttaraṃ puññakkhettaṃ lokassāti sabbalokassa asadisam puññavirūhanaṭṭhānaṃ. Yathā hi rañño vā amaccassa vā sālīnaṃ vā yavānaṃ vā virūhanaṭṭhānaṃ rañño sālīkkhettaṃ rañño yavakkhettaṃ vuccati, evaṃ saṅgho sabbalokassa puññānaṃ virūhanaṭṭhānaṃ. Saṅghaṃ nissāya hi lokassa nānappakārahitasukhasamvattanikāni puññāni virūhanti. Tasmā saṅgho anuttaraṃ puññakkhettaṃ lokassāti.

157. Evaṃ suppaṭipannatādibhede saṅghaguṇe anussarato neva tasmim samaye rāgapariyutṭhitaṃ cittaṃ hoti. Na dosa... na mohapariyutṭhitaṃ cittaṃ hoti. Ujūgatamevassa tasmim samaye cittaṃ hoti saṅghaṃ ārabhātī (a. ni. 6.10) purimanayeneva vikkhambhitanīvaraṇassa ekakkhaṇe jhānaṅgāni uppajjanti. Saṅghaguṇānaṃ pana gambhīratāya nānappakāraguṇānussaraṇādhimuttatāya vā appanaṃ appatvā upacārapattameva jhānaṃ hoti. Tadetaṃ saṅghaguṇānussaraṇavasena uppannattā saṅghānussaticceva saṅkhaṃ gacchati.

Imaṃca pana saṅghānussatiṃ anuyutto bhikkhu saṅghe sagāro hoti sappatisso. Saddhādivepullaṃ adhigacchati, pītipāmojjabahulo hoti, bhayabheravasaho, dukkhādhivāsanaṃ samattho, saṅghena samvāsasaññaṃ paṭilabhati. Saṅghaguṇānussatiyā ajjhāvutthañcassa sarīraṃ sannipatitasāṅghamiva uposathāgāraṃ pūjārahaṃ hoti, saṅghaguṇādhigamāya cittaṃ namati, vītikamitabbavatthusaṃyoge cassa sammukhā saṅghaṃ passato viya hīrottappaṃ paccupaṭṭhātī, uttari appaṭivijjhanto pana sugatiparāyano hoti.

Tasmā have appamādaṃ, kayirātha sumedhaso;
Evaṃ mahānubhāvāya, saṅghānussatiyā sadāti.

Idaṃ saṅghānussatiyaṃ vitthārakathāmukhaṃ.

4. Sīlānussatikathā

158. Sīlānussatiṃ bhāvetukāmena pana rahogatena paṭisallīnena “aho vata me sīlāni akhaṇḍāni acchiddāni asabalāni akammāsāni bhujissāni viññūppasatthāni aparāmatṭhāni samādhisaṃvattanikāni” ti (a. ni. 6.10) evaṃ akhaṇḍatādiguṇavasena attano sīlāni anussaritabbāni. Tāni ca gahaṭṭhena gahaṭṭhasīlāni, pabbajitena pabbajitasīlāni.

Gahaṭṭhasīlāni vā hontu pabbajitasīlāni vā, yesam ādimhi vā ante vā ekampi na bhinnaṃ, tāni pariyante chinnaṃsāṭako viya na khaṇḍānīti **akhaṇḍāni**. Yesam vemajjhe ekampi na bhinnaṃ, tāni majjhe vinividdhasāṭako viya na chiddānīti **acchiddāni**. Yesam paṭipāṭiyā dve vā tīpi vā na bhinnāni, tāni piṭṭhiyā vā kucchiyā vā utṭhitena dīghavaṭṭādisaṅghānena visabhāgavaṇṇena kāḷarattādīnaṃ aññatarasarīraṇaṃ gāvī viya na sabalānīti **asabalāni**. Yāni antarantārā na bhinnāni, tāni visabhāgabindu vicitrā gāvī viya na kammāsānīti **akammāsāni**. Avisesena vā sabbānīpi sattavidhena methunasamयोगena kodhupanāhādīhi ca pāpadhammehi anupahatattā akhaṇḍāni acchiddāni asabalāni akammāsāni. Tāniyeva taṇhādāsabyato mocetvā bhujissabhāvakarāṇena **bhujissāni**. Buddhādīhi viññūhi pasatthattā **viññūppasatthāni**. Taṇhādīṭṭhīhi aparāmatṭhatāya kenaci vā ayaṃ te sīlesu dosoti evaṃ parāmatṭhūṃ asakuṇeyyatāya **aparāmatṭhāni**. Upacārasamādhim appanāsamādhim vā, atha vā

pana maggasaṃvattāṃ phalasaṃvattāṃ samvattentīti **samādhisaṃvattanikāni**.

159. Evaṃ akhaṇḍatādiguṇavasena attano sīlāni anussarato nevassa tasmim̄ samaye rāgapariyuṭṭhitam̄ cittam̄ hoti. Na dosa...pe... na mohapariyuṭṭhitam̄ cittam̄ hoti. Ujugatamevassa tasmim̄ samaye cittam̄ hoti, sīlam̄ ārabbhāti purimanayeneva vikkhambhitanīvaraṇassa ekakkhaṇe jhānaṅgāni uppajjanti. Sīlaguṇānam̄ pana gambhīratāya nānappakāraguṇānussaraṇādhimuttatāya vā appanam̄ appatvā upacārapattameva jhānam̄ hoti. Tadetam̄ sīlaguṇānussaraṇavasena uppannattā sīlānussaticceva saṅkham̄ gacchati.

Imañca pana sīlānussatiṃ anuyutto bhikkhu sikkhāya sagāravo hoti sabhāgavutti, paṭisanthāre appamatto, attānuvādādibhayavirahito, aṇumattesu vajjesu bhayadassāvī, saddhādivepullam̄ adhigacchati, pītipāmojjabahulo hoti. Uttari appaṭivijjhanto pana sugatiparāyano hoti.

Tasmā have appamādam̄, kayirātha sumedhaso;
Evaṃ mahānubhāvāya, sīlānussatiyā sadāti.

Idam̄ sīlānussatiyam̄ vitthārakathāmukham̄.

5. Cāgānussatikathā

160. Cāgānussatiṃ bhāvetukāmena pana pakatiyā cāgādhimuttana niccappavattadānasam̄vibhāgena bhavitabbam̄. Atha vā pana bhāvanam̄ ārabhanta ito dāni pabhuti sati paṭiggāhake antamaso ekālopamattampi dānam̄ adatvā na bhuñjissāmīti samādānam̄ katvā taṃdivasam̄ guṇavisitṭhesu paṭiggāhakesu yathāsatti yathābalaṃ dānam̄ datvā tattha nimittam̄ gaṇhitvā rahogatena paṭisallīnena “lābhā vata me suladdham̄ vata me, yoham̄ maccheramalapariyuṭṭhitāya pajāya vigatamalamaccherena cetasā viharāmi muttacāgo payatapāni vossaggarato yācayogo dānasam̄vibhāgarato”ti evam̄ vigatamalamaccheratādiguṇavasena attano cāgo anussaritabbo.

Tattha **lābhā vata meti** mayham̄ vata lābhā, ye ime “āyūṃ kho pana datvā āyussa bhāgī hoti dibbassa vā mānusassa vā” iti (a. ni. 5.37) ca, “dadam̄ piyo hoti bhajanti nam̄ bahū” iti (a. ni. 5.34) ca, “dadamāno piyo hoti, satam̄ dhammam̄ anukkamaṃ” iti (a. ni. 5.35) ca evamādīhi nayehi bhagavatā dāyakkassa lābhā sam̄vaṇṇitā, te mayham̄ avassam̄ bhāgīnoti adhippāyo. **Suladdham̄ vata meti** yaṃ mayā idam̄ sāsanaṃ manussattam̄ vā laddham̄, tam̄ suladdham̄ vata me. Kasmā? Yoham̄ maccheramalapariyuṭṭhitāya pajāya...pe... dānasam̄vibhāgaratoti.

Tattha **maccheramalapariyuṭṭhitāyāti** maccheramalena abhibhūtāya. **Pajāyāti** pajāyanavasena sattā vuccanti. Tasmā attano sampattīnam̄ parasādhāraṇabhāvasamasahanalakkhaṇena cittassa pabhassarabhāvadūsakānam̄ kaṇhadhammānam̄ aññātarena maccheramalena abhibhūtesu sattesūti ayamettha attho. **Vigatamalamaccherenāti** aññesampi rāgadosādimalānaṇceva maccherassa ca vigatattā vigatamalamaccherena. **Cetasā viharāmīti** yathāvuttappakāracitto hutvā vasāmīti attho. Suttasu pana mahānāmasakkassa sotāpannassa sato nissayavīhāram̄ pucchato nissayavīhāravasena desitattā agāram̄ ajjhāvasāmīti vuttam̄. Tattha abhibhavitvā vasāmīti attho.

Muttacāgoti vissatṭhacāgo. **Payatapānīti** parisuddhahattho. Sakkaccaṃ sahatthā deyyadhammam̄ dātum̄ sadā dhotahatthoyevāti vuttam̄ hoti. **Vossaggaratoti** vossajjanam̄ vossaggo, pariccāgoti attho. Tasmim̄ vossagge satatābhiyogavasena ratoti vossaggarato. **Yācayogoti** yaṃ yaṃ pare yācanti, tassa tassa dānato yācanayogoti attho. Yājayogotipi pāṭho. Yajanasāṅkhātena yājena yuttoti attho. **Dānasam̄vibhāgaratoti** dāne ca sam̄vibhāge ca rato. Ahañhi dānaṇca demī, attanā paribhuñjītabbatopi ca sam̄vibhāgam̄ karomi, ettheva casmi ubhaye ratoti evam̄ anussaratīti attho.

161. Tassevam̄ vigatamalamaccheratādiguṇavasena attano cāgam̄ anussarato neva tasmim̄ samaye rāgapariyuṭṭhitam̄ cittam̄ hoti. Na dosa...pe... na mohapariyuṭṭhitam̄ cittam̄ hoti. Ujugatamevassa tasmim̄ samaye cittam̄ hoti cāgam̄ ārabbhāti (a. ni. 5.10) purimanayeneva vikkhambhitanīvaraṇassa ekakkhaṇe jhānaṅgāni uppajjanti. Cāgaguṇānam̄ pana gambhīratāya nānappakāracāgaguṇānussaraṇādhimuttatāya vā appanam̄ appatvā upacārapattameva jhānam̄ hoti. Tadetam̄ cāgaguṇānussaraṇavasena uppannattā cāgānussaticceva saṅkham̄ gacchati.

Imañca pana cāgānussatiṃ anuyutto bhikkhu bhiyyoso mattāya cāgādhimutto hoti, alobhajjhāsayo, mettāya anulomakārī, visārado, pītipāmojjabahulo, uttari appaṭivijjhanto pana sugatiparāyano hoti.

Tasmā have appamādam̄, kayirātha sumedhaso;
Evaṃ mahānubhāvāya, cāgānussatiyā sadāti.

Idam̄ cāgānussatiyam̄ vitthārakathāmukham̄.

6. Devatānussatikathā

162. Devatānussatiṃ bhāvetukāmena pana ariyamaggavasena samudāgatehi saddhādīhi guṇehi samannāgatena

bhavittabbaṃ. Tato rahogatena paṭisallīnena “santi devā cātumahārājikā, santi devā tāvatimsā, yāmā, tusitā, nimmānaratino, paranimmitavasavattino, santi devā brahmakāyikā, santi devā tatuttari, yathārūpāya saddhāya samannāgatā tā devatā ito cutā tattha upapannā, mayhampi tathārūpā saddhā saṃvijjati. Yathārūpena silena. Yathārūpena sutena. Yathārūpena cāgena. Yathārūpāya paññāya samannāgatā tā devatā ito cutā tattha upapannā, mayhampi tathārūpā paññā saṃvijjati”’ti (a. ni. 6.10) evaṃ devatā sakkhiṭṭhāne ṭhapetvā attano saddhādiguṇā anussaritabbā.

Sutte pana yasmim mahānāma samaye ariyasāvako attano ca tāsāṅca devatānaṃ saddhaṅca sīlaṅca sutaṅca cāgaṅca paññāṅca anussarati, nevassa tasmim samaye rāgapariyuṭṭhitaṃ cittaṃ hoṭīti vuttaṃ. Kiñcāpi vuttaṃ, atha kho taṃ sakkhiṭṭhāne ṭhapetabbadevatānaṃ attano saddhādīhi samānaguṇādīpanatthaṃ vuttanti vedittabbaṃ. Aṭṭhakathāyañhi devatā sakkhiṭṭhāne ṭhapetvā attano guṇe anussaratīti dalhaṃ katvā vuttaṃ.

163. Tasmā pubbhāge devatānaṃ guṇe anussaritvā aparabhāge attano saṃvijjamaṇe saddhādiguṇe anussarato cassa neva tasmim samaye rāgapariyuṭṭhitaṃ cittaṃ hoti. Na dosa...pe... na mohapariyuṭṭhitaṃ cittaṃ hoti, ujugatamevassa tasmim samaye cittaṃ hoti devatā ārabbhāti (a. ni. 6.10) purimanayeneva vikkhambhitanīvaraṇassa ekakkhaṇe jhānaṅgāni uppajjanti. Saddhādiguṇānaṃ pana gambhīratāya nānappakāraguṇānussaraṇādhimuttatāya vā appanaṃ appatvā upacārappattameva jhānaṃ hoti. Tadetam devatānaṃ guṇasadisāsaddhādiguṇānussaraṇavasena devatānussaticceva saṅkhaṃ gacchati.

Imaṅca pana devatānussatiṃ anuyutto bhikkhu devatānaṃ piyo hoti manāpo, bhiiyoso mattāya saddhādivepullaṃ adhigacchati, pītipāmojjabahulo viharati. Uttari appaṭivijjhanto pana sugatiparāyano hoti.

Tasmā have appamādaṃ, kayirātha sumedhaso;
Evaṃ mahānubhāvāya, devatānussatiyā sadāti.

Idaṃ devatānussatiyaṃ vitthārakathāmaṃ.

Pakiṇṇakakathā

164. Yaṃ pana etāsaṃ vitthāradesanāyaṃ “ujugatamevassa tasmim samaye cittaṃ hoti tathāgataṃ ārabbhā”’tiādīni vatvā “ujugatacitto kho pana, mahānāma, ariyasāvako labhati atthavedaṃ, labhati dhammavedaṃ, labhati dhammūpasamhitaṃ pāmojjaṃ, pamuditassa pīti jāyatī”’ti (a. ni. 6.10) vuttaṃ, tattha itipi so bhagavātiādīnaṃ atthaṃ nissāya uppannaṃ tuṭṭhiṃ sandhāya **labhati atthavedanti** vuttaṃ. Pāliṃ nissāya uppannaṃ tuṭṭhiṃ sandhāya **labhati dhammavedaṃ**. Ubhayavasena **labhati dhammūpasamhitaṃ pāmojjanti** vuttanti vedittabbaṃ.

Yaṅca devatānussatiyaṃ devatā ārabbhāti vuttaṃ, taṃ pubbhāge devatā ārabhha pavattacittavasena devatāguṇasadiṣe vā devatābhāvanipphādaḥ guṇe ārabhha pavattacittavasena vuttanti vedittabbaṃ.

165. Imā pana cha anussatiyo ariyasāvakanāññeva ijjhanti. Tesam hi buddhadhammasaṅghaguṇā pākāṭā honti. Te ca akhaṇḍatādiguṇehi sīlehi, viḡatamalamaccherena cāgena, mahānubhāvānaṃ devatānaṃ guṇasadiṣehi saddhādiguṇehi samannāgatā. Mahānāmasutte (a. ni. 6.10) ca sotāpannassa nissayavīhāraṃ puṭṭhena bhagavatā sotāpannassa nissayavīhāradassanattameva etā vitthārato kathitā.

Gedhasuttepi “idha, bhikkhave, ariyasāvako tathāgataṃ anussarati, itipi so bhagavā...pe... ujugatamevassa tasmim samaye cittaṃ hoti nikkhantaṃ muttaṃ vuṭṭhitaṃ gedhamhā. Gedhoti kho, bhikkhave, pañcannaṃ kāmaguṇānamadhivacanaṃ. Idampi kho, bhikkhave, ārammaṇaṃ karitvā evamidhekacce sattā visuṭṭhanti”’ti (a. ni. 6.25) evaṃ ariyasāvakaṃ anussativasena cittaṃ visodhetvā uttari paramatthavisuddhiadhiḡamatthāya kathitā.

Āyasmatā mahākaccānena desite sambādhokāsasuttepi “acchariyaṃ, āvuso, abbhutaṃ, āvuso, yāvañcidam tena bhagavatā jānatā passatā arahatā sammāsambuddhena sambādhe okāsādhigamo anubuddho sattānaṃ visuddhiyā...pe... nibbānassa sacchikiriyāya yadidaṃ cha anussatiṭṭhānāni. Katamāni cha? Idhāvuso, ariyasāvako tathāgataṃ anussarati...pe... evamidhekacce sattā visuddhidhammā bhavanti”’ti (a. ni. 6.26) evaṃ ariyasāvakaṃ paramatthavisuddhidhammatāya okāsādhigamavasena kathitā.

Uposathasuttepi “kathaṅca, visākhe, ariyūposatho hoti? Upakkiliṭṭhassa, visākhe, cittassa upakkamena pariyodapanā hoti. Kathaṅca, visākhe, upakkiliṭṭhassa cittassa upakkamena pariyodapanā hoti? Idha, visākhe, ariyasāvako tathāgataṃ anussarati”’ti (a. ni. 3.71) evaṃ ariyasāvakaṃ uposathaṃ upavasato cittavisodhanakammaṭṭhānavasena uposathassa mahapphalabhāvadassanattamaṃ kathitā.

Ekādasanipātepi “saddho kho, mahānāma, ārādhako hoti, no assaddho. Āraddhavīriyo, upaṭṭhitasati, samāhito, paññavā, mahānāma, ārādhako hoti, no duppañño. Imesu kho tvaṃ, mahānāma, pañcasu dhammesu patiṭṭhāya cha dhamme uttari bhāveyyāsi. Idha tvaṃ, mahānāma, tathāgataṃ anussareyyāsi itipi so bhagavā”’ti (a. ni. 11.11) evaṃ ariyasāvakaṃ “tesam no, bhante, nānāvīhārena viharataṃ kenassa vīhārena viharitabba”’nti pucchato vīhāradassanattamaṃ kathitā.

166. Evaṃ santepi parisuddhasīlādiḡuṇasamannāgatena puthujjanenāpi manasi kātabbā. Anussavavasenāpi hi buddhādīnaṃ guṇe anussarato cittaṃ pasīdatiyeva. Yassānubhāvena nīvaraṇāni vikkhambhetvā ulārapāmojjo vipassanaṃ ārabhitvā arahattaṃyeva sacchikareyya kaṭaandhakāravāsī **phussadevatthero** viya.

So kirāyasmā mārena nimmitaṃ buddharūpaṃ disvā “ayaṃ tāva sarāḡadosamoho evaṃ sobhati, kathaṃ nu kho bhagavā na sobhati, so hi sabbaso vītarāḡadosamoho”ti buddhāramaṇaṃ pītiṃ paṭilabhivā vipassanaṃ vaḡḡhetvā arahattaṃ pāpuṇīti.

Iti sādhujanapāmojjatthāya kate visuddhimagge

Samādhībhāvanādhikāre

Chaanussatiniddeso nāma

Sattamo paricchedo.

8. Anussatikammaṭṭhānaniddeso

Maraṇassatikathā

167. Idāni ito anantarāya maraṇassatiyā bhāvanāniddeo anupatto. Tattha **marāṇanti** ekabhavapariyāpannassa jīvitindriyassa upacchedo. Yaṃ panetaṃ arahantānaṃ vaṭṭadukhasamucchedasaṅkhātaṃ **samucchedamaraṇaṃ**, saṅkhārānaṃ khaṇabhaṅgasāṅkhātaṃ **khaṇikamaraṇaṃ**, rukkho mato lohaṃ matantiādīsu **sammutimaraṇaṇca**, na taṃ idha adhippetam.

Yampi cetam adhippetam, taṃ kālamaraṇaṃ akālamaraṇanti duvidham hoti. Tattha kālamaraṇaṃ puññakkhayena vā āyukkhayena vā ubhayakkhayena vā hoti. Akālamaraṇaṃ kammupacchedakammavasena.

Tattha yaṃ vijjāmānāyapi āyusantājanakapaccayasampattiya kevalaṃ paṭisandhijanakassa kammaṃ vipakkavipākattā maraṇaṃ hoti, idaṃ **puññakkhayena maraṇaṃ** nāma. Yaṃ gatikālāhārādisampattiya abhāvena ajjatanakālapurisānaṃ viya vassasatamattaparimāṇassa āyuno khayavasena maraṇaṃ hoti, idaṃ **āyukkhayena maraṇaṃ** nāma. Yaṃ pana dūsīmārakalāburājādīnaṃ viya taṅkhaṇaṇīeva ṭhānācāvanasamatthena kammunā upacchinnaṃsantānānaṃ, purimakammavasena vā satthaharaṇādīhi upakkamehi upacchijjāmānasantānānaṃ maraṇaṃ hoti, idaṃ **akālamaraṇaṃ** nāma. Taṃ sabbampi vuttappakārena jīvitindriyupacchedena saṅghaṭitaṃ. Iti jīvitindriyupacchedasaṅkhātassa maraṇassa saraṇaṃ maraṇassati.

168. Taṃ bhāvetukāmena rahogata paṭisallīnena “maraṇaṃ bhavissati, jīvitindriyaṃ upacchijjissatī”ti vā, “maraṇaṃ maraṇa”nti vā yoniso manasikāro pavattetabbo. Ayoniso pavattayato hi itṭhajanamaraṇānussaraṇe soko uppajjati vijātamātuyā piyaputtamaraṇānussaraṇe viya. Anitṭhajanamaraṇānussaraṇe pāmojjaṃ uppajjati verīnaṃ verimaraṇānussaraṇe viya. Majjhajjanamaraṇānussaraṇe saṃvego na uppajjati matakalevaradassane chavaḡāhakassa viya. Attano maraṇānussaraṇe santāso uppajjati ukkhittāsikaṃ vadhakaṃ disvā bhīrukajātikassa viya. Tadetam sabbampi satisaṃvegañānavirahato hoti. Tasmā tattha tattha hatamatasatte oloketvā diṭṭhapubbasaṃpattīnaṃ sattānaṃ matānaṃ maraṇaṃ āvajjjetvā satiṇca saṃvegaṇca ñāṇaṇca yojetvā “maraṇaṃ bhavissati”tiādīnaṃ nāyena manasikāro pavattetabbo. Evaṃ pavattento hi yoniso pavatteti, upāyena pavatteti attho. Evaṃ pavattayatoyeva hi ekaccassa nīvaraṇāni vikkhambhanti, maraṇāramaṇā sati saṅṭhāti, upacārapattameva kammaṭṭhānaṃ hoti.

169. Yassa pana ettāvātā na hoti, tena vadhakapaccupaṭṭhānato, sampattivipattito, upasaṃharaṇato, kāyabahusādhāraṇato, āyudubbalato, animittato, addhānaparicchedato, khaṇaparittatoti imehi aṭṭhahākārehi maraṇaṃ anussaritabbaṃ.

Tattha **vadhakapaccupaṭṭhānatoti** vadhakassa viya paccupaṭṭhānato. Yathā hi imassa sīsaṃ chindissāmīti asim gahetvā gīvāya cārayamāno vadhako paccupaṭṭhitova hoti, evaṃ maraṇampi paccupaṭṭhitamevāti anussaritabbaṃ. Kasmā? Saha jātiyā āgatato, jīvitaharaṇato ca. Yathā hi ahicchattakamakuḷaṃ matthakena paṃsuṃ gahetvāva uggacchati, evaṃ sattā jarāmaraṇaṃ gahetvāva nibbantanti. Tathā hi nesam paṭisandhicittaṃ uppādānantarameva jaraṃ patvā pabbatasikharato patitasilā viya bhijjati saddhiṃ sampayuttakhandhehi. Evaṃ khaṇikamaraṇaṃ tāva saha jātiyā āgataṃ. Jātassa pana avassaṃ maraṇato idhādhippetamaraṇampi saha jātiyā āgataṃ. Tasmā esa satto jātakālato paṭṭhāya yathā nāma uṭṭhito sūriyo atthābhimukho gacchateva, gatagataṭṭhānato īsakampi na nivattati. Yathā vā nadī pabbateyyā sīghasotā hārahārīni sandateva vattateva īsakampi na nivattati, evaṃ īsakampi anivattamāno maraṇābhimukhova yāti. Tena vuttaṃ –

“Yamekarattim paṭhamaṃ, gabbhe vasati māṇavo;
Abbhutṭhitova so yāti, sa gacchaṃ na nivattati”ti. (jā. 1.15.363);

Evaṃ gacchato cassa gimhābhitattānaṃ kunnadīnaṃ khayō viya, pāto āporasānugatabandhanānaṃ dumapphalānaṃ patanaṃ viya, muggarābhitaḡitānaṃ mattikabhājanānaṃ bhedo viya, sūriyarasamisamphuṭṭhānaṃ usāvabindūnaṃ

viddhamṣanaṃ viya ca maraṇameva āsannaṃ hoti. Tenāha –

“Accayanti ahorattā, jīvitamuparujjhati;
Āyu khīyati maccānaṃ, kunnadīnaṃva odakaṃ. (saṃ. ni. 1.146);

“Phalānamiva pakkānaṃ, pāto papatato bhayaṃ;
Evaṃ jātāna maccānaṃ, niccaṃ maraṇato bhayaṃ.

“Yathāpi kumbhakārassa, kataṃ mattikabhājanaṃ;
Khuddakañca mahantañca, yaṃ pakkaṃ yañca āmakkaṃ;
Sabbhaṃ bhedanapariyantaṃ, evaṃ maccāna jīvitam’’. (su. ni. 581-582);

“Ussāvova tiṇaggamhi, sūriyuggamaṇaṃ pati;
Evaṃāyu manussānaṃ, mā maṃ amma nivārayā’’ti. (jā. 1.11.79);

Evaṃ ukkhittāsiko vadhako viya saha jātiyā āgataṃ panetaṃ maraṇaṃ gīvāya asim cārayamāno so vadhako viya jīvitam haratiyeva, na aharitvā nivattati. Tasmā saha jātiyā āgataṃ, jīvitaharaṇato ca ukkhittāsiko vadhako viya maraṇampi paccupaṭṭhitamevāti evaṃ vadhakapaccupaṭṭhānato maraṇaṃ anussaritabbaṃ.

170. Sampattivipattitoti idha sampatti nāma tāvadeva sobhati, yāva naṃ vipatti nābhivhavati, na ca sā sampatti nāma atthi, yā vipattiṃ atikkamma tiṭṭheyya. Tathā hi –

“Sakalaṃ mediniṃ bhutvā, datvā koṭisataṃ sukhī;
Aḍḍhāmalakamattassa, ante issarataṃ gato.

“Teneva dehabandhena, puññaṃhi khayamāgate;
Maraṇābhimukho sopi, asoko sokamāgato’’ti.

Apica sabbaṃ ārogyaṃ byādhipariyosānaṃ, sabbaṃ yobbaṇaṃ jarāpariyosānaṃ, sabbaṃ jīvitam maraṇapariyosānaṃ, sabboyeva lokasannivāso jātiyā anugato, jarāya anusaṭo, byādhiṇā abhivhūto, maraṇena abbhāhato. Tenāha –

“Yathāpi selā vipulā, nabhaṃ āhacca pabbatā;
Samantā anupariyeyyaṃ, nipphoṭentā catuddisā.

“Evaṃ jarā ca maccu ca, adhivattanti pāṇine;
Khattiye brāhmaṇe vesse, sudde caṇḍālapukkuse;
Na kiñci parivajjeti, sabbamevābhimaddati.

“Na tattha hatthīnaṃ bhūmi, na rathānaṃ na pattiyā;
Na cāpi mantayuddhena, sakkā jetuṃ dhanena vā’’ti. (saṃ. ni. 1.136);

Evaṃ jīvitasampattiyā maraṇavipattipariyosānataṃ vavatthapentena sampattivipattito maraṇaṃ anussaritabbaṃ.

171. Upasaṃharaṇatoti parehi saddhiṃ attano upasaṃharaṇato. Tattha sattahākārehi upasaṃharaṇato maraṇaṃ anussaritabbaṃ, yasamahattato, puññamahattato, thāmamahattato, iddhimahattato, paññamahattato, paccekabuddhato, sammāsambuddhatoti. Kathaṃ? Idaṃ maraṇaṃ nāma mahāyasānaṃ mahāparivārānaṃ sampannadhanavāhanānaṃ mahāsammatamandhātumahāsudassana daḷhanemi nimippabhutīnampi upari nirāsaṅkameva patitaṃ, kimaṅgaṃ pana mayhaṃ upari na patissati?

Mahāyasā rājavārā, mahāsammatādayo;
Tepi maccuvasaṃ pattā, mādisesu kathāva kāti.

Evaṃ tāva **yasamahattato** anussaritabbaṃ.

Kathaṃ puññamahattato?

Jotiko jaṭilo uggo, meṇḍako atha puṇṇako;
Ete caññe ca ye loke, mahāpuññāti vissutā;
Sabbe maraṇamāpannā, mādisesu kathāva kāti.

Evaṃ **puññamahattato** anussaritabbaṃ.

Kathaṃ thāmamahattato?

Vāsudevo baladevo, bhīmaseno yudhiṭṭhilo;
Cānuro yo mahāmallo, antakassa vasaṃ gatā.

Evaṃ thāmabalūpetā, iti lokamhi vissutā;
Etepi maraṇaṃ yātā, mādisesu kathāva kāti.

Evaṃ **thāmamahattato** anussaritabbaṃ.

Kathaṃ iddhimahattato?

Pādaṅguṭṭhakamattena, vejyantamakampayī;
Yo nāmiddhimataṃ seṭṭho, dutiyo aggasāvako.

Sopi maccumukhaṃ ghoraṃ, migo sīhamukhaṃ viya;
Paviṭṭho saha iddhīhi, mādisesu kathāva kāti.

Evaṃ **iddhimahattato** anussaritabbaṃ.

Kathaṃ paññāmahattato?

Lokanāthaṃ ṭhapetvāna, ye caññe atthi pāṇino;
Paññāya sārīputtassa, kalaṃ nāgghanti soḷasiṃ.

Evaṃ nāma mahāpañño, paṭhamo aggasāvako;
Maraṇassa vasaṃ patto, mādisesu kathāva kāti.

Evaṃ **paññāmahattato** anussaritabbaṃ.

Kathaṃ paccekabuddhato? Yepi te attano ñāṇavīriyabalena sabbakilesasattunimmathanaṃ katvā paccekabodhiṃ pattā khaggavisāṇakappā sayambhuno, tepi maraṇato na muttā, kuto panāhaṃ muccissāmīti.

Taṃ taṃ nimittamāgama, vīmaṃsantā mahesayo;
Sayambhuññāṇatejēna, ye pattā āsavakkhayaṃ.

Ekacariyanivāsena, khaggasiṅgasamūpamā;
Tepi nātigatā maccuṃ, mādisesu kathāva kāti.

Evaṃ **paccekabuddhato** anussaritabbaṃ.

Kathaṃ sammāsambuddhato? Yopi so bhagavā asītiyanubyañjanapaṭimaṇḍitadvattiṃsamahāpurisalakkhaṇavicitrarūpakāyo sabbākāraparisuddhasīlakkhandhādiguṇaratanasamiddhadhammakāyo yasamahattapuññāmahattatathāmamahattaiddhimahattapaññāmahattānaṃ pāraṃ gato asamo asamasamo appaṭipuggalo arahaṃ sammāsambuddho, sopi salilavuṭṭhinipātena mahāaggikkhandho viya maraṇavuṭṭhinipātena ṭhānaso vūpasanto.

Evaṃ mahānubhāvassa, yaṃ nāmetaṃ mahesino;
Na bhayena na lajjāya, maraṇaṃ vasamāgataṃ.

Nillajjaṃ vītasārajjāṃ, sabbasattābhimaddanaṃ;
Tayidaṃ mādisaṃ sattaṃ, kathaṃ nābhībhavissatīti.

Evaṃ **sammāsambuddhato** anussaritabbaṃ.

Tassevaṃ yasamahattatādisampannehi parehi saddhiṃ maraṇasāmaññatāya attānaṃ upasaṃharitvā tesam viya sattavisesānaṃ mayhampi maraṇaṃ bhavissatīti anussarato upacārappattaṃ kammaṭṭhānaṃ hofīti. Evaṃ upasaṃharaṇato maraṇaṃ anussaritabbaṃ.

172. Kāyabahasādihāraṇatoti ayaṃ kāyo bahusādihāraṇo. Asītiyā tāva kimikulānaṃ sādihāraṇo, tattha chavinissitā pāṇā chaviṃ khādanti, cammanissitā cammaṃ khādanti, maṃsanissitā maṃsaṃ khādanti, nhārunissitā nhāruṃ khādanti, aṭṭhinissitā aṭṭhiṃ khādanti, miñjanissitā miñjaṃ khādanti. Tattheva jāyanti jiyanti mīyanti, uccārapassāvaṃ karonti. Kāyova nesam

176. Khaṇaparittatoti paramatthato hi atiparitto sattānaṃ jīvitaṅkhaṇo ekacittappavattimattoyeva. Yathā nāma rathacakkaṃ pavattamānampi ekeneva nemippadesena pavattati, tiṭṭhamānampi ekeneva tiṭṭhati, evameva ekacittakkhaṇikaṃ sattānaṃ jīvitaṃ. Tasmīṃ citte niruddhamatte satto niruddhoti vuccati. Yathāha – ‘‘atīte cittakkhaṇe jīvitha, na jīvati, na jīvissati. Anāgate cittakkhaṇe na jīvitha, na jīvati, jīvissati. Paccuppanne cittakkhaṇe na jīvitha, jīvati, na jīvissati.

‘‘Jīvitaṃ attabhāvo ca, sukhadukkā ca kevalā;
Ekacittasamāyuttā, lahu so vattate khaṇo.

‘‘Ye niruddhā marantassa, tiṭṭhamānassa vā idha;
Sabbepi sadisā khandhā, gatā appaṭisandhikā.

‘‘Anibbattena na jāto, paccuppanna jīvati;
Cittabhaṅgā mato loko, paññatti paramatthiyā’’ti. (mahāni. 39);

Evaṃ khaṇaparittato maraṇaṃ anussaritaḃbaṃ.

177. Iti imesaṃ aṭṭhannaṃ ākārānaṃ aññataraññatarena anussaratopi punappunaṃ manasikāravasena cittaṃ āsevanaṃ labhati, maraṇārammaṇā sati santiṭṭhati, nīvaraṇāni vikkhambhanti, jhānaṅgāni pātubhavanti. Sabhāvadhammattā pana saṃvejanīyattā ca ārammaṇassa appanaṃ appatvā upacārapattameva jhānaṃ hoti. Lokuttarajjhānaṃ pana dutiyacattutthāni ca āruppajjhānāni sabhāvadhammepi bhāvanāvīsesena appanaṃ pāpuṇanti. Visuddhibhāvanānukkamavasena hi lokuttaraṃ appanaṃ pāpuṇāti. Ārammaṇātikkaṃabhāvanāvasena āruppaṃ. Appanāpattasseva hi jhānassa ārammaṇasamatikkamanamattaṃ tattha hoti. Idha pana tadubhayampi natthi. Tasmā upacārapattameva jhānaṃ hoti. Tadetam maraṇassatibaleṇa uppannattā maraṇassaticceva saṅkhaṃ gacchati.

Imaṅca pana maraṇassatiṃ anuyutto bhikkhu satataṃ appamatto hoti, sabbabhavesu anabhīrasaññaṃ paṭilabhati, jīvitanikaṃ jahāti, pāpārahī hoti, asannidhībahulo parikkhāsesu vīgatamalamacchero, aniccaaññaṃ cassa paricayaṃ gacchati, tadanusāreṇeva dukkhasaññaṃ anattasaññaṃ ca upaṭṭhāti. Yathā bhāvītamaraṇā sattā sahasā vāḷamīgayakkhasappacoravadhakābhībhūtā viya maraṇasamaye bhayaṃ santāsaṃ sammohaṃ āpajjanti, evaṃ anāpajjitvā abhaya asammūḷho kālaṃ karoti. Sace diṭṭheva dhamme amataṃ nārādheti, kāyassa bhedaṃ sugatiparāyano hoti.

Tasmā have appamādaṃ, kayirātha sumedhaso;
Evaṃ mahānubhāvāya, maraṇassatiyā sadāti.

Idaṃ maraṇassatiyaṃ vitthārakathāṃukhaṃ.

Kāyagatāsatikathā

178. Idāni yaṃ taṃ aññatra buddhuppādā appavattapubbaṃ sabbatitthiyānaṃ avisayabhūtaṃ tesu tesu suttantesu ‘‘ekadhammo, bhikkhave, bhāvito bahulīkato mahato saṃvegāya saṃvattati. Mahato atthāya saṃvattati. Mahato yogakkhemāya saṃvattati. Mahato satisampajaññāya saṃvattati. Nāṇadassanapaṭilābhāya saṃvattati. Diṭṭhadhammasukhavīhārāya saṃvattati. Vijjāvimuttiphalaśchikīriyāya saṃvattati. Katamo ekadhammo? Kāyagatā sati... (a. ni. 1.563 ādayo). Amataṃ te, bhikkhave, paribhuñjanti, ye kāyagatāsatiṃ paribhuñjanti. Amataṃ te, bhikkhave, na paribhuñjanti, ye kāyagatāsatiṃ na paribhuñjanti. Amataṃ tesam, bhikkhave, paribhuttaṃ... aparibhuttaṃ... parihīnaṃ... aparihīnaṃ... viraddhaṃ... aviraddhaṃ, yesaṃ kāyagatāsati āradhāti (a. ni. 1.603) evaṃ bhagavatā anekehi ākārehi pasamsitvā ‘‘kathaṃ bhāvītā, bhikkhave, kāyagatāsati kathaṃ bahulīkatā mahapphalā hoti mahānisamsā? Idha, bhikkhave, bhikkhu araññaḃgato vā’’tiādīnā (ma. ni. 3.154) nayena ānāpānapabbaṃ, iriyāpathapabbaṃ, catusampajaññapabbaṃ, paṭikkūlamanasikārapabbaṃ, dhātumanasikārapabbaṃ, navasivathikapabbānīti imesaṃ cuddasannaṃ pabbānaṃ vasena kāyagatāsatikammaṭṭhānaṃ niddiṭṭhaṃ, tassa bhāvanāniddeśo anupatto.

Tattha yasmā iriyāpathapabbaṃ catusampajaññapabbaṃ dhātumanasikārapabbanti imāni tīṇi vipassanāvasena vuttāni. Nava sivathikapabbāni vipassanāññesuyeva ādīnavānupassanāvasena vuttāni. Yāpi cettha uddhumātākādīsū samādhībhāvanā ijjeheyya, sā asubhaniddese pakāsītāyeva. Ānāpānapabbaṃ pana paṭikkūlamanasikārapabbaṅca imānevetha dve samādhīvasena vuttāni. Tesu ānāpānapabbaṃ ānāpānassativasena visuṃ kammaṭṭhānaṃyeva. Yaṃ panetaṃ ‘‘puna caparaṃ, bhikkhave, bhikkhu imameva kāyaṃ uddhaṃ pādatalā adho kesamatthakā tacapariyantaṃ pūraṃ nānappakārassa asucino paccavekkhati. Atthi imasmiṃ kāye kesā...pe... mutta’’nti (ma. ni. 3.154) evaṃ **matthaluṅgaṃ aṭṭhimiṅjēna saṅgahetvā** paṭikkūlamanasikāravasena desitaṃ dvattiṃsākārakammaṭṭhānaṃ, idamidha kāyagatāsatiṃ adhippetam.

179. Tatthāyaṃ pālivaṇṇanāpubbaṅgamo bhāvanāniddeśo. **Imameva kāyanti** imaṃ catumahābhūtikaṃ pūtikāyaṃ. **Uddhaṃ pādatalāti** pādatalato upari. **Adho kesamatthakāti** kesaggato heṭṭhā. **Tacapariyanti** tiriyaṃ tacapariśchinnaṃ. **Pūraṃ nānappakārassa asucino paccavekkhatīti** nānappakārakesādiāsucībharito ayaṃ kāyoti passati. Kathaṃ? Atthi imasmiṃ kāye kesā...pe... muttanti.

Tattha **atthi** saṃvijjanti. **Imasminti** yvāyaṃ uddhaṃ pādalaṃ adho kesamatthakā tacapariyanto pūro nānappakārassa asucinoti vuccati, tasmim. **Kāyeti** sarīre. Sarīraṃ hi asucisañcayato kucchitānaṃ kesādīnañceva cakkhurogādīnañca rogasatānaṃ āyabhūtaṃ kāyoti vuccati. **Kesā lomāti** ete kesādayo dvattiṃsākārā. Tattha atthi imasmim kāye kesā, atthi imasmim kāye lomāti evaṃ sambandho veditabbo.

Imasmim hi pādalaṃ paṭṭhāya upari, kesamatthakā paṭṭhāya heṭṭhā, tacato paṭṭhāya paritoti ettake byāmamatte kaḷevare sabbākāreṇapi vicinanto na koci kiñci muttaṃ vā maṇiṃ vā veḷuriyaṃ vā agaruṃ vā kuṅkumaṃ vā kappūraṃ vā vāsacunṇādiṃ vā aṇumattampi sucibhāvaṃ passati, atha kho paramaduggandhajeccchaṃ asirikadassanaṃ nānappakāraṃ kesalomādibhedam asucimyeva passati. Tena vuttaṃ “atthi imasmim kāye kesā lomā...pe... mutta”nti. Ayamettha padasambandhato vaṇṇanā.

180. Imaṃ pana kammaṭṭhānaṃ bhāvetukāmena ādikammikena kulaputtana vuttappakāraṃ kalyāṇamittaṃ upasaṅkamitvā idaṃ kammaṭṭhānaṃ gahetabbaṃ. Tenāpissa kammaṭṭhānaṃ kathentena sattadhā uggahakosallaṃ dasadhā ca manasikāraṃkosallaṃ ācikkhitabbaṃ. Tattha vacasā manasā vaṇṇato saṅghānato disato okāsato pariccheditoti evaṃ sattadhā uggahakosallaṃ ācikkhitabbaṃ.

Imasmim hi paṭikkūlamanasikārakammaṭṭhāne yopi tipīṭako hoti, tenāpi manasikārakāle paṭhamaṃ vācāya sajjhāyo kātabbo. Ekaccassa hi sajjhāyaṃ karontasseva kammaṭṭhānaṃ pākaṭaṃ hoti malayavāsī mahādevattherassa santike uggahitakammaṭṭhānānaṃ dvinnāṃ therānaṃ viya. Thero kira tehi kammaṭṭhānaṃ yācito cattāro māse imaṃyeva sajjhāyaṃ karothāti dvattiṃsākārapāliṃ adāsī. Te kiñcāpi nesam dve tayo nikāyā paguṇā, padakkhiṇaggāhitāya pana cattāro māse dvattiṃsākāraṃ sajjhāyantāva sotāpannā ahesuṃ. Tasmā kammaṭṭhānaṃ kathentena ācariyena antevāsiko vattabbo “paṭhamaṃ tāva vācāya sajjhāyaṃ karohi”ti.

Karontena ca **tacapañcakādīni** paricchinditvā anulomapaṭilomavasena sajjhāyo kātabbo. Kesā lomā nakhā dantā tacoti hi vatvā puna paṭilomato taco dantā nakhā lomā kesāti vattabbaṃ.

Tadanantaraṃ **vakkapañcake** maṃsaṃ nhāru aṭṭhi aṭṭhimiṇjaṃ vakkanti vatvā puna paṭilomato vakkam aṭṭhimiṇjaṃ aṭṭhi nhāru maṃsaṃ, taco dantā nakhā lomā kesāti vattabbaṃ.

Tato **papphāsapañcake** hadayaṃ yakanam kilomakaṃ pihakaṃ papphāsanti vatvā puna paṭilomato papphāsaṃ pihakaṃ kilomakaṃ yakanam hadayaṃ, vakkam aṭṭhimiṇjaṃ aṭṭhi nhāru maṃsaṃ, taco dantā nakhā lomā kesāti vattabbaṃ.

Tato **matthaluṅgapañcake** antaṃ antaguṇaṃ udariyaṃ karisaṃ matthaluṅganti vatvā puna paṭilomato matthaluṅgaṃ karisaṃ udariyaṃ antaguṇaṃ antaṃ, papphāsaṃ pihakaṃ kilomakaṃ yakanam hadayaṃ, vakkam aṭṭhimiṇjaṃ aṭṭhi nhāru maṃsaṃ, taco dantā nakhā lomā kesāti vattabbaṃ.

Tato **medachakke** pittaṃ semhaṃ pubbo lohitaṃ sedo medoti vatvā puna paṭilomato medo sedo lohitaṃ pubbo semhaṃ pittaṃ, matthaluṅgaṃ karisaṃ udariyaṃ antaguṇaṃ antaṃ, papphāsaṃ pihakaṃ kilomakaṃ yakanam hadayaṃ, vakkam aṭṭhimiṇjaṃ aṭṭhi nhāru maṃsaṃ, taco dantā nakhā lomā kesāti vattabbaṃ.

Tato **muttachakke** assu vasā kheḷo siṅghānikā lasikā muttanti vatvā puna paṭilomato muttaṃ lasikā siṅghānikā kheḷo vasā assu, medo sedo lohitaṃ pubbo semhaṃ pittaṃ, matthaluṅgaṃ karisaṃ udariyaṃ antaguṇaṃ antaṃ, papphāsaṃ pihakaṃ kilomakaṃ yakanam hadayaṃ, vakkam aṭṭhimiṇjaṃ aṭṭhi nhāru maṃsaṃ, taco dantā nakhā lomā kesāti vattabbaṃ.

Evaṃ kālasataṃ kālasahassaṃ kālasatasahassampi vācāya sajjhāyo kātabbo. Vacasā sajjhāyena hi kammaṭṭhānatanti paguṇā hoti, na ito cito ca cittaṃ vidhāvati. Koṭṭhāsā pākaṭā hontī, hatthasaṅkhalikā viya vatipādapanti viya ca khāyanti.

Yathā pana vacasā, tatheva manasāpi sajjhāyo kātabbo. Vacasā sajjhāyo hi manasā sajjhāyassa paccayo hoti. Manasā sajjhāyo lakkhaṇapaṭivedhassa paccayo hoti.

Vaṇṇatoti kesādīnaṃ vaṇṇo vavathapetabbo.

Saṅghānatoti tesaññeva saṅghānaṃ vavathapetabbaṃ.

Disatoti imasmim hi sarīre nābhito uddhaṃ uparimadisā, adho heṭṭhimadisā, tasmā ayaṃ koṭṭhāso imissā nāma disāyāti disā vavathapetabbā.

Okāsototi ayaṃ koṭṭhāso imasmim nāma okāse patiṭṭhitoti evaṃ tassa tassa okāso vavathapetabbo.

Pariccheditoti sabhāgaparicchedo visabhāgaparicchedoti dve paricchedā. Tattha ayaṃ koṭṭhāso heṭṭhā ca upari ca tiriyañca iminā nāma paricchinnoti evaṃ sabhāgaparicchedo veditabbo. Kesā na lomā, lomāpi na kesāti evaṃ amissakatāvasena visabhāgaparicchedo veditabbo.

Evam sattadhā uggahakosallaṃ ācikkhantena pana idaṃ kammaṭṭhānaṃ asukasmim̐ sutte paṭikkūlavasena kathitaṃ, asukasmim̐ dhātuvasenāti ñatvā ācikkhitabbaṃ. Idañhi mahāsatiṭṭhāne (dī. ni. 2.377) paṭikkūlavaseneva kathitaṃ. Mahāhatthipadopama(ma. ni. 1.300 ādayo) mahārāhulovāda(ma. ni. 2.113 ādayo) dhātuvibhaṅgesu(ma. ni. 3.342 ādayo) dhātuvasena kathitaṃ. Kāyagatāsatisutte (ma. ni. 3.153) pana yassa vaṇṇato upaṭṭhāti, taṃ sandhāya cattāri jhānāni vibhattāni. Tattha dhātuvasena kathitaṃ vipassanākammaṭṭhānaṃ hoti. Paṭikkūlavasena kathitaṃ samathakammaṭṭhānaṃ. Tadetam̐ idha samathakammaṭṭhānamevāti.

181. Evam̐ sattadhā uggahakosallaṃ ācikkhitvā anupubbato, nātisīghato, nātisaṅkato, vikkhepaṭṭibāhanato, paṇṇattisamatikkamanato, anupubbamuñcanato, appanāto, tayo ca suttantāti evam̐ dasadhā manasikārakosallaṃ ācikkhitabbaṃ. Tattha **anupubbato**ti idañhi sajjhāyakaṇato paṭṭhāya anupaṭṭipāṭiyā manasikātabbaṃ, na ekantarikāya. Ekantarikāya hi manasikaronto yathā nāma akusalo puriso dvattiṃsapadaṃ nisseṇim̐ ekantarikāya ārohanto kilantakāyo patati, na ārohanam̐ sampādeti, evameva bhāvanāsampattivasena adhigantabbassa assādassa anadhigamā kilantacitto patati, na bhāvanam̐ sampādeti.

Anupubbato manasikarontenāpi ca **nātisīghato** manasikātabbaṃ. Atisīghato manasikaroto hi yathā nāma tiyojanamaggaṃ paṭṭipajjitvā okkamanavissajjanam̐ asallakkhetvā sīghena javena satakkhattumpi gamanāgamanam̐ karoto purisassa kiñcāpi addhānam̐ parikkhayaṃ gacchati, atha kho pucchitvāva gantabbaṃ hoti, evameva kevalam̐ kammaṭṭhānam̐ pariyoṣānam̐ pāpuṇāti, avibhūtam̐ pana hoti, na visesaṃ āvahati, tasmā nātisīghato manasikātabbaṃ.

Yathā ca nātisīghato, evam̐ **nātisaṅkatopi**. Atisaṅkato manasikaroto hi yathā nāma tadaheva tiyojanamaggaṃ gantukāmassa purisassa antarāmagge rukkhapabbatataḷākādīsū vilambamānassa maggo parikkhayaṃ na gacchati, dvīhatihena pariyoṣāpetabbo hoti, evameva kammaṭṭhānam̐ pariyoṣānam̐ na gacchati, visesādhigamassa paccayo na hoti.

Vikkhepaṭṭibāhanatoti kammaṭṭhānam̐ vissajjetvā bahiddhā puthuttārammaṇe cetaso vikkhepo paṭibāhitabbo. Appaṭṭibāhato hi yathā nāma ekapadikaṃ papātamaggaṃ paṭṭipannassa purisassa akkamanapadaṃ asallakkhetvā ito cito ca vilokayato padavāro virajjhati, tato sataporise papāte patitabbaṃ hoti, evameva bahiddhā vikkhepe sati kammaṭṭhānam̐ parihāyati paridham̐sati. Tasmā vikkhepaṭṭibāhanato manasikātabbaṃ.

Paṇṇattisamatikkamanatoti yāyam̐ kesā lomātiādikā paṇṇatti, taṃ atikkamitvā paṭikkūlanti cittaṃ ṭhapetabbaṃ. Yathā hi udakadullabhakāle manussā araññe udapānam̐ disvā tattha tālapaṇṇādikam̐ kiñcīdeva saññānam̐ bandhitvā tena saññānena āgantvā nhāyanti ceva pivanti ca. Yadā pana nesaṃ abhiñhasaṅcārena āgatāgatapadaṃ pākātam̐ hoti, tadā saññānena kiccaṃ na hoti, icchicchitakkhane gantvā nhāyanti ceva pivanti ca, evameva pubbabhāge kesā lomātipaṇṇattivasena manasikaroto paṭikkūlabhāvo pākāto hoti. Atha kesā lomātipaṇṇattim̐ samatikkamitvā paṭikkūlabhāveveva cittaṃ ṭhapetabbaṃ.

Anupubbamuñcanatoti yo yo koṭṭhāso na upaṭṭhāti, taṃ taṃ muñcantena anupubbamuñcanato manasikātabbaṃ. Ādikammikassa hi kesāti manasikaroto manasikāro gantvā muttanti imaṃ pariyoṣānakoṭṭhāsameva āhacca ṭṭṭhāti. Muttanti ca manasikaroto manasikāro gantvā kesāti imaṃ ādikoṭṭhāsameva āhacca ṭṭṭhāti. Athassa manasikaroto manasikaroto keci koṭṭhāsā upaṭṭhahanti, keci na upaṭṭhahanti. Tena ye ye upaṭṭhahanti, tesu tesu tāva kammaṃ kātābbaṃ. Yāva dvīsū upaṭṭhitesu tesampi eko suṭṭhutarāṃ upaṭṭhahati, evam̐ upaṭṭhitaṃ pana tameva punappunam̐ manasikarontena appanā upādetabbā.

Tatrāyam̐ upamā – yathā hi dvattiṃsatālake tālavane vasantaṃ makkaṭam̐ gahetukāmo luddo ādimhi ṭhitatālassa paṇṇam̐ sarena vijjhivā ukkuṭṭhim̐ kareyya, atha kho so makkaṭo paṭṭipāṭiyā tasmim̐ tasmim̐ tāle pativā pariyaṇṇatālaveva gaccheyya, tatthapi gantvā luddena tatheva kate puna teneva nayena āditālam̐ āgaccheyya, so evam̐ punappunam̐ paripāṭiyamāno ukkuṭṭhukkuṭṭhiṭṭhāneyeva uṭṭhahitvā anukkamena ekasmim̐ tāle nipatitvā tassa vemajjhe makuḷatālapaṇṇasūcim̐ dalham̐ gahetvā vijjhiyamānopi na uṭṭhaheyya, evaṃsampaadamidaṃ daṭṭhabbaṃ.

Tatridam̐ opammasaṃsandanam̐ – yathā hi tālavane dvattiṃsatālā, evam̐ imasmim̐ kāye dvattiṃsakoṭṭhāsā. Makkaṭo viya cittaṃ. Luddo viya yogāvācaro. Makkaṭassa dvattiṃsatālake tālavane nivāso viya yogino cittaṃ dvattiṃsakoṭṭhāsake kāye ārammaṇavasena anusaṅcaraṇam̐. Luddena ādimhi ṭhitatālassa paṇṇam̐ sarena vijjhivā ukkuṭṭhiyā katāya makkaṭassa tasmim̐ tasmim̐ tāle pativā pariyaṇṇatālagamanam̐ viya yogino kesāti manasikāre āradde paṭṭipāṭiyā gantvā pariyoṣānakoṭṭhāsēveva cittaṃ saṅghānam̐. Puna paccāgamanepi eseve nayo. Punappunam̐ paripāṭiyamānassa makkaṭassa ukkuṭṭhukkuṭṭhiṭṭhāne uṭṭhānam̐ viya punappunam̐ manasikaroto kesuci kesuci upaṭṭhitesu anupaṭṭhahante vissajjetvā upaṭṭhitesu parikkamkaraṇam̐. Anukkamena ekasmim̐ tāle nipatitvā tassa majjhe makuḷatālapaṇṇasūcim̐ dalham̐ gahetvā vijjhiyamānassapi anuṭṭhānam̐ viya avasāne dvīsū upaṭṭhitesu yo suṭṭhutarāṃ upaṭṭhāti, tameva punappunam̐ manasikaritvā appanāya upādanam̐.

Aparāpi upamā – yathā nāma piṇḍapātiko bhikkhu dvattiṃsakulam̐ gāmaṃ upanissāya vasanto paṭhamageheyyeva dve bhikkhā labhitvā parato ekaṃ vissajjeyya. Punadvise tisso labhitvā parato dve vissajjeyya. Tatiyadvise ādimhiyeva pattapūram̐ labhitvā āsanasālam̐ gantvā paribhuñjeyya. Evaṃsampaadamidaṃ daṭṭhabbaṃ. Dvattiṃsakulagāmo viya hi dvattiṃsākāro. Piṇḍapātiko viya yogāvācaro. Tassa taṃ gāmaṃ upanissāya vāso viya yogino dvattiṃsākāre parikkamkaraṇam̐. Paṭhamagehe dve bhikkhā labhitvā parato ekissā vissajjanam̐ viya dutiyadvise tisso labhitvā parato dvinnam̐ vissajjanam̐ viya ca manasikaroto manasikaroto anupaṭṭhahante vissajjetvā upaṭṭhitesu yāva koṭṭhāsadvaye parikkamkaraṇam̐. Tatiyadvise ādimhiyeva pattapūram̐ labhitvā āsanasālayam̐ nisīditvā paribhogo viya dvīsū yo suṭṭhutarāṃ

upaṭṭhāti, tameva punappunaṃ manasikarivā appanāya uppādanaṃ.

Appanātoti appanākoṭṭhāsato kesādīsu ekekasmim koṭṭhāse appanā hotīti veditabbāti ayamevettha adhippāyo.

Tayo ca suttantāti adhiccitaṃ, sītibhāvo, bojjhaṅgakosallanti ime tayo suttantā vīriyasamādhiyojanatthaṃ veditabbāti ayamettha adhippāyo. Tattha –

“Adhiccittamanuyuttena, bhikkhave, bhikkhunā tīṇi nimittāni kālenakālaṃ manasikātabbāni. Kālenakālaṃ samādhinimittāṃ manasikātabbaṃ. Kālenakālaṃ paggahanimittāṃ manasikātabbaṃ. Kālenakālaṃ upekkhānimittāṃ manasikātabbaṃ. Sace, bhikkhave, adhiccittamanuyutto bhikkhu ekantaṃ samādhinimittaññeva manasikareyya, ṭhānaṃ taṃ cittaṃ kosajjāya saṃvatteyya. Sace, bhikkhave, adhiccittamanuyutto bhikkhu ekantaṃ paggahanimittaññeva manasikareyya, ṭhānaṃ taṃ cittaṃ uddhaccāya saṃvatteyya. Sace, bhikkhave, adhiccittamanuyutto bhikkhu ekantaṃ upekkhānimittaññeva manasikareyya, ṭhānaṃ taṃ cittaṃ na sammā samādhieyya āsavānaṃ khayāya. Yato ca kho, bhikkhave, adhiccittamanuyutto bhikkhu kālenakālaṃ samādhinimittāṃ paggahanimittāṃ upekkhānimittāṃ manasikaroti, taṃ hoti cittaṃ muduñca kammaññaṃca pabhassarañca, na ca pabhaṅgu, sammā samādhivyatī āsavānaṃ khayāya.

“Seyyathāpi, bhikkhave, suvaṇṇakāro vā suvaṇṇakārantevāsī vā ukkaṃ bandhati, ukkaṃ bandhitvā ukkāmuḥkaṃ ālimpeti, ukkāmuḥkaṃ ālimpetvā saṅḍāsena jātarūpaṃ gahetvā ukkāmuḥke pakkhipitvā kālenakālaṃ abhidhamati, kālenakālaṃ udakena paripphoseti, kālenakālaṃ ajjupekkhati. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ abhidhameti, ṭhānaṃ taṃ jātarūpaṃ ḍaheyya. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ udakena paripphoseyya, ṭhānaṃ taṃ jātarūpaṃ nibbāyeyya. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ ajjupekkheyya, ṭhānaṃ taṃ jātarūpaṃ na sammā paripākaṃ gaccheyya. Yato ca kho, bhikkhave, suvaṇṇakāro vā suvaṇṇakārantevāsī vā taṃ jātarūpaṃ kālenakālaṃ abhidhamati, kālenakālaṃ udakena paripphoseti, kālenakālaṃ ajjupekkhati, taṃ hoti jātarūpaṃ muduñca kammaññaṃca pabhassarañca, na ca pabhaṅgu, sammā upeti kammāya. Yassa yassa ca piḷandhanavikatiyā ākaṅkhati yadi paṭikāya yadi kuṇḍalāya yadi gīveyyāya yadi suvaṇṇamālāya, tañcassa atthaṃ anubhoti.

“Evameva kho, bhikkhave, adhiccittamanuyuttena...pe... samādhivyatī āsavānaṃ khayāya. Yassa yassa ca abhiññā sacchi karaṇīyassa dhammassa cittaṃ abhininnāmeti abhiññā sacchi kiriyāya, tatra tatveva sakkhibhaddatāṃ pāpuṇāti satī satī āyatane”ti (a. ni. 3.103).

Idaṃ suttaṃ **adhiccittanti** veditabbāṃ.

“Chahi, bhikkhave, dhammehi samannāgato bhikkhu bhabbo anuttaraṃ sītibhāvaṃ sacchikātuṃ. Katamehi chahi? Idha, bhikkhave, bhikkhu yasmiṃ samaye cittaṃ niggaḥetabbāṃ, tasmim samaye cittaṃ niggaṇhāti. Yasmiṃ samaye cittaṃ paggaḥetabbāṃ, tasmim samaye cittaṃ paggaṇhāti. Yasmiṃ samaye cittaṃ sampahaṃsitabbāṃ, tasmim samaye cittaṃ sampahaṃseti. Yasmiṃ samaye cittaṃ ajjupekkhitabbāṃ, tasmim samaye cittaṃ ajjupekkhati. Paññādhimuttiko ca hoti nibbānābhīrato. Imehi kho, bhikkhave, chahi dhammehi samannāgato bhikkhu bhabbo anuttaraṃ sītibhāvaṃ sacchikātu”nti (a. ni. 6.85).

Idaṃ suttaṃ **anuttaraṃ sītibhāvoti** veditabbāṃ.

Bojjhaṅgakosallaṃ “pana evameva kho, bhikkhave, yasmiṃ samaye līnaṃ cittaṃ hoti, akālo tasmim samaye passaddhisambojjhaṅgassa bhāvanāyā”ti (saṃ. ni. 5.234) appanākosallakathāyaṃ dassitameva.

Iti idaṃ sattavidhaṃ uggahakosallaṃ suggahitaṃ katvā idaṃca dasavidhaṃ manasikārakosallaṃ suṭṭhu vavatthapetvā tena yoginā ubhayakosallavasena kammaṭṭhānaṃ sādhuḥkaṃ uggahetabbāṃ. Sace panassa ācariyena saddhim ekavihāreyeva phāsu hoti, evaṃ viṭhārena akathāpetvā kammaṭṭhānaṃ suṭṭhu vavatthapetvā kammaṭṭhānaṃ anuyujjantena visesaṃ labhitvā uparūpari kathāpetabbāṃ. Aññattha vasitukāmena yathāvuttana vidhinā vitthāroto kathāpetvā punappunaṃ parivattetvā sabbaṃ gaṇṭhiṭṭhānaṃ chinditvā pathavīkasiṇaniddese vuttanayeneva ananurūpaṃ senāsanāṃ pahāya anurūpe vihāre vasantena khuddakapalibodhupacchedaṃ katvā paṭikkūlamanasikāre parikammaṃ kātabbāṃ.

Karontena pana kesesu tāva nimittaṃ gahetabbāṃ. Kathaṃ? Ekaṃ vā dve vā kese luñcitvā hatthatale ṭhapetvā vaṇṇo tāva vavatthapetabbo. Chinnatṭhānepi kese oloketuṃ vaṭṭati. Udakapatte vā yāgupatte vā oloketumpi vaṭṭatiyeva. Kālakakāle disvā kālakāti manasikātabbā. Setakāle setāti. Missakakāle pana ussadasena manasikātabbā honti. Yathā ca kesesu, evaṃ sakalepi tacapañcake disvāva nimittaṃ gahetabbāṃ.

Koṭṭhāsavavattthāpanakathā

182. Evaṃ nimittaṃ gahetvā sabbakoṭṭhāse vaṇṇasaṅṭhānadisokāsaparicchedavasena vavatthapetvā vaṇṇasaṅṭhānagandhaāsāyokāsavasena pañcadhā paṭikkūlato vavatthapetabbā.

Tatrāyaṃ sabbakoṭṭhāsesu anupubbakathā. **Kesā** tāva pakativannaena kālakā addāriṭṭhakavaṇṇā. Saṅghānato dīghavaṭṭalīkā tulādaṇḍasaṅghānā. Disato uparimadisāya jātā. Okāsato ubhosu passesu kaṇṇacūlikāhi, purato nalāṭantena, pacchato galavāṭakena paricchinnā. Sīsakaṭṭhāveṭṭhanam allacammaṃ kesānam okāso. Paricchato kesā sīsaveṭṭhanacamme vīhaggamattam pavisitvā patiṭṭhitena heṭṭhā attano mūlatalena, upari ākāsenā, tiriyaṃ aññamaññena paricchinnā, dve kesā ekato natthīti ayaṃ sabhāgaparicchedo. Kesā na lomā, lomā na kesāti evaṃ avasesaekatiṃsakoṭṭhāsehi amissikatā kesā nāma pāṭiyekko ekakoṭṭhāsoti ayaṃ visabhāgaparicchedo. Idam kesānam vaṇṇādito vavattāpanam.

183. Idam pana nesaṃ vaṇṇādivasena pañcadhā paṭikkūlato vavattāpanam. Kesā nāmete vaṇṇatopi paṭikkūlā. Saṅghānatopi gandhatopi āsayatopi okāsato paṭikkūlā.

Manuññepi hi yāgupatte vā bhattapatte vā kesavaṇṇam kiñci disvā kesamissakamidam haratha nanti jigucchanti. Evaṃ kesā **vaṇṇato** paṭikkūlā. Rattim bhuñjantāpi kesasaṅghānam akkavākam vā makacivākam vā chupitvāpi tatheva jigucchanti. Evaṃ **saṅghānato** paṭikkūlā.

Telamakkhanapupphadhūpādī saṅkhāravirahitānañca kesānam gandho paramajeguccho hoti. Tato jegucchataro aggimhi pakkhittānam. Kesā hi vaṇṇasaṅghānato appaṭikkūlāpi siyūṃ, **gandhena** pana paṭikkūlāyeva. Yathā hi daharassa kumārassa vaccam vaṇṇato haliddivaṇṇam, saṅghānatopi haliddipiṇḍasaṅghānam. Saṅkārāṭṭhāne chaḍḍitañca uddhumātakakālasunakhasarīram vaṇṇato tālapakkavaṇṇam. Saṅghānato vaṭṭetvā vissatṭhamudīngasaṅghānam. Dāṭhāpissa sumanamakuḷasadisāti ubhayampi vaṇṇasaṅghānato siyā appaṭikkūlam gandhena pana paṭikkūlameva. Evaṃ kesāpi siyūṃ vaṇṇasaṅghānato appaṭikkūlā **gandhena** pana paṭikkūlāyevāti.

Yathā pana asuciṭṭhāne gāmanissandena jātāni sūpeyyapaṇṇāni nāgarikamanussānam jegucchāni honti aparibhogāni, evaṃ kesāpi pubbalohitamuttakarīsapittasemhādinissandena jātattā jegucchāti idam nesaṃ **āsayato** pāṭikkulyam.

Ime ca kesā nāma gūtharāsīmhi utṭhitakaṇṇikam viya ekatiṃsakoṭṭhāsārāsīmhi jātā. Te susānasāṅkārāṭṭhānādīsu jātasākam viya parikkhādīsu jātakamalakuvalayādīpuppham viya ca asuciṭṭhāne jātattā paramajegucchāti idam nesaṃ **okāsato** pāṭikkulyam.

Yathā ca kesānam, evaṃ sabbakoṭṭhāsānam vaṇṇasaṅghānagandhāsāyokāsavasena pañcadhā paṭikkūlatā veditabbā. Vaṇṇasaṅghānadisokāsaparicchadavasena pana sabbepi visum visum vavattāpetabbā.

184. Tattha **lomā** tāva pakativannaṇato na kesā viya asambhinnakālakā, kālapīngalā pana honti. Saṅghānato onataggā tālamūlasaṅghānā. Disato dvīsu disāsu jātā. Okāsato ṭhapetvā kesānam patiṭṭhitokāsañca hatthapādatalāni ca yebhuyyena avasesasarīraveṭṭhanacamme jātā. Paricchato sarīraveṭṭhanacamme likhāmattam pavisitvā patiṭṭhitena heṭṭhā attano mūlatalena, upari ākāsenā, tiriyaṃ aññamaññena paricchinnā, dve lomā ekato natthī, ayaṃ nesaṃ sabhāgaparicchedo. Visabhāgaparicchedo pana kesasadisoyeva.

185. **Nakhāti** vīsatiyā nakhapattānam nāmam. Te sabbepi vaṇṇato setā. Saṅghānato macchasaṅkalisasaṅghānā. Disato pādānakhā heṭṭhimadisāya, hatthanakhā uparimadisāyāti dvīsu disāsu jātā. Okāsato aṅgulīnam aggapiṭṭhesu patiṭṭhitā. Paricchato dvīsu disāsu aṅgulikoṭṭimamsehi, anto aṅgulipīṭṭhimamsehi, bahi ceva agge ca ākāsenā, tiriyaṃ aññamaññena paricchinnā, dve nakhā ekato natthī, ayaṃ nesaṃ sabhāgaparicchedo. Visabhāgaparicchedo pana kesasadisoyeva.

186. **Dantāti** paripuṇṇadantassa dvatiṃsa dantaṭṭhikāni. Tepi vaṇṇato setā. Saṅghānato anekasaṅghānā. Tesam hi heṭṭhimāya tāva dantapāliya majjhe cattāro dantā mattikāpiṇḍe paṭipāṭiyā ṭhapaṭālabubūjasaṅghānā. Tesam ubhosu passesu ekeko ekamūlako ekakoṭṭiko mallikamakuḷasaṅghāno. Tato ekeko dvimūlako dvikoṭṭiko yānakaupatthambhinisaṅghāno. Tato dve dve timūlā tikoṭṭikā. Tato dve dve catumūlā catukoṭṭikāti. Uparimāpāliyaṃpi eseva nayo. Disato uparimadisāya jātā. Okāsato dvīsu hanukaṭṭhikesu patiṭṭhitā. Paricchato heṭṭhā hanukaṭṭhike patiṭṭhitena attano mūlatalena, upari ākāsenā, tiriyaṃ aññamaññena paricchinnā, dve dantā ekato natthī, ayaṃ nesaṃ sabhāgaparicchedo. Visabhāgaparicchedo pana kesasadisoyeva.

187. **Tacoti** sakalasarīram veṭhetvā ṭhitacammaṃ. Tassa upari kālasāmapītādivaṇṇā chavi nāma yā sakalasarīratopi saṅkaḍḍhiyamānā badaraṭṭhimmattā hoti. Taco pana vaṇṇato setoyeva. So cassa setabhāvo aggijālābhigghātapaharaṇappahārādīhi viddhamsitāya chaviyā pākaṭo hoti. Saṅghānato sarīrasaṅghānova hoti. Ayamettha saṅkhepo.

Vitthāro pana pādāṅgulittaco kosakāraṅkosasaṅghāno. Piṭṭhipādattaco puṭabandhaupāhanasaṅghāno. Jaṅghattaco bhattapuṭakatālapaṇṇasaṅghāno. Ūruttaco taṇḍulabharitadīghatthavikasaṅghāno. Ānisadattaco udakapūritapaṭaparissāvānasaṅghāno. Piṭṭhittaco phalakonaddhacammaṃsaṅghāno. Kucchittaco vīṇādoṇikonaddhacammaṃsaṅghāno. Urattaco yebhuyyena caturassasaṅghāno. Ubhayābhuttaco tūṇironaddhacammaṃsaṅghāno. Piṭṭhihatthattaco khurakosasaṅghāno, phaṇakatthavikasaṅghāno vā. Hatthāṅgulittaco kuñcīkākosakaṅghāno. Gīvattaco galakañcukasaṅghāno. Mukhattaco chiddāvachiddo kīṭakulāvakaṅghāno. Sīsattaco pattatthavikasaṅghānoti.

Tacapariggaṇhakena ca yogāvācarena uttarotṭhato paṭṭhāya uparimukham ṇānam pesetvā paṭhamam tāva mukham pariyaṇandhitvā ṭhitacammaṃ vavattāpetabbaṃ. Tato nalāṭaṭṭhicammaṃ. Tato thavikāya pakkhittapattassa ca thavikāya ca

antarena hatthamiva sīsattḥikassa ca sīsacammaṃ ca antarena ñāṇaṃ pesetvā aṭṭhikena saddhiṃ cammassa ekābaddhabhāvaṃ viyojenta sīsacammaṃ vavattḥapetabbāṃ. Tato khandhacammaṃ. Tato anulomena paṭilomena ca dakkhiṇahatthacammaṃ. Atha teneva nayena vāmahatthacammaṃ. Tato piṭṭhicammaṃ taṃ vavattḥapetvā anulomena paṭilomena ca dakkhiṇapādacammaṃ. Atha teneva nayena vāmapādacammaṃ. Tato anukkameneva vatthiudarahadayagīvacammāni vavattḥapetabbāni. Atha gīvacammānantaraṃ heṭṭhimahanucammaṃ vavattḥapetvā adharoṭṭhāpariyosānaṃ pāpetvā niṭṭhāpetabbāṃ. Evaṃ oḷārikoḷārikaṃ pariggaṇhantassa sukhumampi pākaṭaṃ hoti. Disato dvīsu disāsu jāto. Okāsato sakalasarīraṃ pariyonandhitvā ṭhīto. Paricchedato heṭṭhā patiṭṭhitatalena, upari ākāseṇa paricchīno, ayamassa sabhāgaparicchedo. Visabhāgaparicchedo pana kesasadisoyeva.

188. Maṃsanti nava maṃsapesitāni. Taṃ sabbampi vaṇṇato rattaṃ kiṃsukapupphasadisāṃ. Saṅṭhānato jaṅghapiṇḍikamaṃsaṃ tālapanṇapuṭabhattasaṅṭhānaṃ. Ūrumaṃsaṃ nisadapotasaṅṭhānaṃ. Ānisadamāsaṃ uddhanakoṭisaṅṭhānaṃ. Piṭṭhimaṃsaṃ tālaguḷapaṭalasaṅṭhānaṃ. Phāsukadvayamaṃsaṃ koṭṭhalikāya kucchiyaṃ tanumatikālepasasaṅṭhānaṃ. Thanamaṃsaṃ vaṭṭetvā avakkhittamatikāpiṇḍasaṅṭhānaṃ. Bāhudvayamaṃsaṃ dviguṇaṃ katvā ṭhapitaniccammamahāmūsikasaṅṭhānaṃ. Evaṃ oḷārikoḷārikaṃ pariggaṇhantassa sukhumampi pākaṭaṃ hoti. Disato dvīsu disāsu jātaṃ. Okāsato vīsādhikāni tīni aṭṭhisatāni anulimpitvā ṭhītaṃ. Paricchedato heṭṭhā aṭṭhisāṅghāte patiṭṭhitatalena, upari tacena, tiriyaṃ aññamaññaṇa paricchīnaṃ, ayamassa sabhāgaparicchedo. Visabhāgaparicchedo pana kesasadisoyeva.

189. Nhārūti nava nhārusatāni. Vaṇṇato sabbepi nhārū setā. Saṅṭhānato nānāsaṅṭhānā. Etesu hi gīvāya uparimabhāgato paṭṭhāya pañca mahānhārū sarīraṃ vinandhamānā purimapassena oṭiṇṇā. Pañca pacchimapassena. Pañca dakkhiṇapassena. Pañca vāmapassena. Dakkhiṇahatthaṃ vinandhamānāpi hatthassa purimapassena pañca. Pacchimapassena pañca. Tathā vāmahatthaṃ vinandhamānā. Dakkhiṇapādaṃ vinandhamānāpi pādassa purimapassena pañca. Pacchimapassena pañca. Tathā vāmapādaṃ vinandhamānāpi evaṃ sarīradhārakā nāma saṭṭhimahānhārū kāyaṃ vinandhamānā oṭiṇṇā. Ye **kaṇḍarātipi** vuccanti. Te sabbepi kandalamakulaṅṭhānā. Aññe pana taṃ taṃ padesaṃ ajjhottharivā ṭhītā. Tato sukhumatarā suttarajjukasaṅṭhānā. Aññe tato sukhumatarā pūtilatāsaṅṭhānā, aññe tato sukhumatarā mahāvīṇātantaṅṭhānā. Aññe thūlasuttakasaṅṭhānā. Hatthapādapiṭṭhīsu nhārū sakūṇapādasaṅṭhānā. Sīse nhārū dārakānaṃ sīsajālakasaṅṭhānā. Piṭṭhiyaṃ nhārū ātape pasārītaallajāsaṅṭhānā. Avasesā taṃtaṃaṅgapaccāṅgānugatā nhārū sarīre paṭimukkajālakaṅcukasaṅṭhānā. Disato dvīsu disāsu jātā. Okāsato sakalasarīre aṭṭhīni ābandhitvā ṭhītā. Paricchedato heṭṭhā tiṇṇaṃ aṭṭhisatānaṃ upari patiṭṭhitatalehi, upari maṃsacammāni āhacca ṭhitappadesehi, tiriyaṃ aññamaññaṇa paricchīnā, ayaṃ nesaṃ sabhāgaparicchedo. Visabhāgaparicchedo pana kesasadisoyeva.

190. Aṭṭhīti ṭhapetvā dvattimsa dantaṭṭhīni avasesāni catusaṭṭhīni hatthaṭṭhīni, catusaṭṭhīni pādaṭṭhīni, catusaṭṭhīni maṃsanissitāni muduaṭṭhīni, dve paṇhikaṭṭhīni, ekekasmim pāde dve dve goppakaṭṭhīni, dve jaṅghaṭṭhīni, ekaṃ jaṅghaṭṭhīni, ekaṃ jannukaṭṭhīni, ekaṃ ūruṭṭhīni, dve kaṭṭhīni, aṭṭhārasa piṭṭhikaṅṭhāṭṭhīni, catuvīsati phāsukaṭṭhīni, cuddasa uraṭṭhīni, ekaṃ hadayaṭṭhīni, dve akkhakaṭṭhīni, dve koṭṭaṭṭhīni, dve bāhuṭṭhīni, dve dve aggabāhuṭṭhīni, satta gīvaṭṭhīni, dve hanukaṭṭhīni, ekaṃ nāsikaṭṭhīni, dve akkhikaṭṭhīni, dve kaṇṇaṭṭhīni, ekaṃ nalāṭṭhīni. Ekaṃ muddhaṭṭhīni, nava sīsakapālaṭṭhīnīti evaṃ timattāni aṭṭhisatāni, tāni sabbānīpi vaṇṇato setāni. Saṅṭhānato nānāsaṅṭhānāni.

Tattha hi aggapādaṅguliṭṭhīni katakabījasaṅṭhānāni. Tadanantarāni majjhappaṭṭhīni panasatṭhisāṅṭhānāni. Mūlapappaṭṭhīni paṇavaṅṭhānāni. Piṭṭhipādaṭṭhīni koṭṭitakandalakandarāsisaṅṭhānāni. Paṇhikaṭṭhīni ekaṭṭhitālapalabījasaṅṭhānaṃ. Goppakaṭṭhīni baddhakīḷagoḷakasaṅṭhānāni. Jaṅghaṭṭhīnaṃ goppakaṭṭhīsu patiṭṭhitatṭhānaṃ apanītatacasindikalīrasaṅṭhānaṃ. Khuddakajaṅghaṭṭhīkaṃ dhanukadaṅḍasaṅṭhānaṃ. Mahantaṃ milātasappapiṭṭhisaṅṭhānaṃ. Jaṅghaṭṭhīni ekato parikkhīṇaphēṇakasaṅṭhānaṃ. Tattha jaṅghaṭṭhīkassa patiṭṭhitatṭhānaṃ atikhiṇaggagosīṅṭhānaṃ. Ūruṭṭhīni duttacchitavāsīparasudaṅḍasaṅṭhānaṃ. Tassa kaṭṭhīmihi patiṭṭhitatṭhānaṃ kīḷagoḷakasaṅṭhānaṃ. Tena kaṭṭhīno patiṭṭhitatṭhānaṃ aggacchinnamahāpunnāgaphalasaṅṭhānaṃ.

Kaṭṭhīni dvepi ekābaddhāni hutvā kumbhakārīkauddhanasaṅṭhānāni. Pāṭiyekkaṃ kammārakūṭayottakasaṅṭhānāni. Koṭiyaṃ ṭhītaṃ ānisadaṭṭhīni adhomukhaṃ katvā gahitasappaphaṇasaṅṭhānaṃ, sattaṭṭhaṭṭhānesu chiddāvachiddaṃ. Piṭṭhikaṅṭhāṭṭhīni abhantarato uparūpari ṭhapitasīsapattavethakasaṅṭhānāni. Bāhirato vaṭṭanāvāḷisaṅṭhānāni. Tesam antarantarā kakacadantasadisā dve tayo kaṅṭakā honti. Catuvīsatiyā phāsukaṭṭhīsu aparipunnāni aparipunnāsisāsaṅṭhānāni. Paripunnāni paripunnāsisāsaṅṭhānāni. Sabbānīpi odātakukkuṭassa pasārītapakkhasaṅṭhānāni. Cuddasa uraṭṭhīni jīṇṇasandamānikapaṅjarasaṅṭhānāni. Hadayaṭṭhīni dabbiphaṇasaṅṭhānaṃ.

Akkhakaṭṭhīni khuddakalohavāsīdaṅḍasaṅṭhānāni. Koṭṭaṭṭhīni ekato parikkhīṇasīhaḷakuddālasaṅṭhānāni. Bāhuṭṭhīni ādāsadaṅḍakasaṅṭhānāni. Aggabāhuṭṭhīni yamakatālakandaṅḍasaṅṭhānāni. Maṇibandhaṭṭhīni ekato alliyāpetvā ṭhapitasīsapattavethakasaṅṭhānāni. Piṭṭhihatthaṭṭhīni koṭṭitakandalakandarāsisaṅṭhānāni. Hatthaṅḷisū mūlapappaṭṭhīni paṇavaṅṭhānāni. Majjhappaṭṭhīni aparipunnāpanasatṭhisaṅṭhānāni. Aggapappaṭṭhīni katakabījasaṅṭhānāni.

Satta gīvaṭṭhīni daṅḍena vijjhītvā paṭipāṭiyā ṭhapitavamsakalīracakkalakasaṅṭhānāni. Heṭṭhimahanukaṭṭhīni kammārānaṃ ayokūṭayottakasaṅṭhānaṃ. Uparimaṃ avalekhanasatṭhakaṅṭhānaṃ. Akkhikūpanāsakūpaṭṭhīni apanītāmiṇījataruṇatāḷaṭṭhisaṅṭhānāni. Nalāṭṭhīni adhomukhaṭṭhāpitasāṅkathālakapālasaṅṭhānaṃ. Kaṇṇacūlikatṭhīni nhāpitakhurakosasaṅṭhānāni. Nalāṭṭhīni acūlikānaṃ upari paṭṭabandhanokāse aṭṭhisāṅkuṭitaḷaṭṭhānaṃ. Muddhaṭṭhīni mukhacchinnavāṅkanāḷikerasaṅṭhānaṃ. Sīsattḥīni sībetvā ṭhapitajajjalābukaṭṭhānaṃ.

Disato dvīsu disāsu jātāni. Okāsato avisesena sakalasarīre t̥hitāni. Visesena panettha sīsatt̥hīni givaṭṭhīsu patit̥thitāni. Gīvaṭṭhīni piṭṭhikaṇṭakaṭṭhīsu. Piṭṭhikaṇṭakaṭṭhīni kaṭit̥thīsu. Kaṭit̥thīni ūruṭṭhīsu. Ūruṭṭhīni jaṇṇukaṭṭhīsu. Jaṇṇukaṭṭhīni jaṅghaṭṭhīsu. Jaṅghaṭṭhīni gopphakaṭṭhīsu. Gopphakaṭṭhīni piṭṭhipādaṭṭhīsu patit̥thitāni. Paricchedato anto aṭṭhimiṅjēna, uparito maṃsena, agge mūle ca aññamaññēna paricchinnāni, ayamā sabbhāgaparicchedo. Visabhāgaparicchedo pana kesasadiṣoyeva.

191. Aṭṭhimiṅjanti tesam tesam aṭṭhīnam abhantaragataṃ miṅjam. Tam vaṇṇato setam. Saṅghānato mahantamahantānam aṭṭhīnam abhantaragataṃ velunāliyam pakkhittaseditamahāvettaggasanṭhānam. Khuddānukhuddakānam abhantaragataṃ veluyat̥thipabbesu pakkhittaseditatanuvettaggasanṭhānam. Disato dvīsu disāsu jātam. Okāsato aṭṭhīnam abhantare patit̥thitam. Paricchedato aṭṭhīnam abhantaratalehi paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

192. Vakkanti ekabandhanā dve maṃsapiṇḍikā. Tam vaṇṇato mandarattaṃ pāḷibhaddakaṭṭhivaṇṇam. Saṅghānato dārakānam yamakakīḷāgolakasanṭhānam, ekavaṇṇapaṭibaddhaambaphaladvayasānṭhānam vā. Disato uparimāya disāya jātam. Okāsato galavāṭakā nikkhantena ekamūlena thokaṃ gantvā dvidhā bhinnena thūlanhārūnā vinibaddham hutvā hadayamaṃsam parikkhipitvā t̥hitam. Paricchedato vakkam vakkabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

193. Hadayanti hadayamaṃsam. Tam vaṇṇato rattapadumapattapiṭṭhivaṇṇam. Saṅghānato bāhirapattāni apantvā adhomukham t̥hapitapadumamakūlasānṭhānam. Bahi maṭṭham, anto kosātakīphalassa abhantarasadiṣam. Paññavantaṇam thokaṃ vikasitam, mandapaññānam makulitameva. Anto cassa punnāgaṭṭhipatit̥thānamatto āvāṭako hoti, yattha addhapasatamattaṃ lohitaṃ saṅghāti, yam nissāya manodhātu ca manoviññādhātu ca vattanti. Tam panetaṃ rāgacaritassa rattaṃ hoti, dosacaritassa kāḷakam, mohacaritassa maṃsadhovanaudakasadiṣam, vitakkacaritassa kulatthayūsavaṇṇam, saddhācaritassa kaṇikārapupphavaṇṇam, paññācaritassa acchaṃ vippasannaṃ anāvilaṃ paṇḍaram parisuddham niddhotajātimaṇi viya jutimantaṃ khāyati. Disato uparimāya disāya jātam. Okāsato sarīrabhantare dvinnam thanānam majjhe patit̥thitam. Paricchedato hadayam hadayabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

194. Yakananti yamakamaṃsapaṭalam. Tam vaṇṇato rattaṃ paṇḍukadhātukaṃ nātirattakumudassa pattapiṭṭhivaṇṇam. Saṅghānato mūle ekam agge yamakaṃ koviḷārapattasanṭhānam. Tañca dandhānam ekameva hoti mahantaṃ, paññavantaṇam dve vā t̥ṇi vā khuddakāni. Disato uparimāya disāya jātam, okāsato dvinnam thanānam abhantare dakkhiṇapassam nissāya t̥hitam. Paricchedato yakanam yakanabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

195. Kilomakanti paṭicchannāpaṭicchannabhedato duvidham pariyanahanamaṃsam. Tam duvidhampi vaṇṇato setam dukūlapilotikavaṇṇam. Saṅghānato attano okāsasanṭhānam. Disato paṭicchannakilomakaṃ uparimāya disāya. Itaram dvīsu disāsu jātam. Okāsato paṭicchannakilomakaṃ hadayañca vakkañca paṭicchādetvā, appaṭicchannakilomakaṃ sakalasarīre cammassa heṭṭhato maṃsam pariyanandhitvā t̥hitam. Paricchedato heṭṭhā maṃsena, upari cammena, tiriyam kilomakabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

196. Pihakanti udarajivhāmaṃsam. Tam vaṇṇato nīlam nigguṇḍipupphavaṇṇam. Saṅghānato sattaṅgulappamāṇam abandhanaṃ kāḷavacchakajivhāsānṭhānam. Disato uparimāya disāya jātam. Okāsato hadayassa vāmapasse udarapaṭalassa matthakapassam nissāya t̥hitam, yasmim paharaṇappahārena bahinikkhante sattānam jīvitakkhayo hoti. Paricchedato pihakabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

197. Papphāsanti dvattimsamaṃsakhaṇḍappabhedam papphāsamaṃsam. Tam vaṇṇato rattaṃ nātipakkaudumbaraphalavaṇṇam. Saṅghānato visamacchinnabahalapūvakhaṇḍasanṭhānam. Abhantare asitapīṭānam abhāve uggatena kammajatejasmānā abbhāhatattā samkhāditapalālapinḍamiva nirasam nirojam. Disato uparimāya disāya jātam. Okāsato sarīrabhantare dvinnam thanānam antare hadayañca yakanañca upari chādetvā olambantaṃ t̥hitam. Paricchedato papphāsabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

198. Antanti purisassa dvattimsahatthā itthiyā aṭṭhavisatihatthā ekavīsatiyā thānesu obhaggā antavaṭṭi. Tadetam vaṇṇato setam sakkharasudhāvaṇṇam. Saṅghānato lohitaḍoṇiyam ābhujitvā t̥hapitasācchinnasappasanṭhānam. Disato dvīsu disāsu jātam. Okāsato upari galavāṭake heṭṭhā ca karīsamagge vinibandhattā galavāṭakakarīsamaggapariyante sarīrabhantare t̥hitam. Paricchedato antabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

199. Antaguṇanti antabhogaṭṭhānesu bandhanaṃ. Tam vaṇṇato setam dakasīḷalikamūlavaṇṇam. Saṅghānato dakasīḷalikamūlasānṭhānameva. Disato dvīsu disāsu jātam. Okāsato kuddālapharasukammāḍini karontānam yantākaḍḍhanakāle yantasuttakamiva yantaphalakāni antabhoge ekato agaḷante ābandhitvā pādapuñchanarajjumaṇḍalakassa antarā saṃsibbitvā t̥hitarajjukā viya ekavīsatiyā antabhogaṇam antarā t̥hitam. Paricchedato antaguṇabhāgena paricchinnam, ayamassa sabbhāgaparicchedo. Visabhāgaparicchedo pana kesasadiṣoyeva.

200. Udariyanti udare bhavaṃ asitapīṭakhāyitasāyitaṃ. Taṃ vaṇṇato ajjhohaṭāhāraṇaṃ. Saṅghānato parissāvane sithilabaddhataṇḍulasanṭhānaṃ. Disato uparimāya disāya jātaṃ. Okāsato udare ṭhitaṃ.

Udaraṃ nāma ubhato nippīliyamānassa allasātakassa majjhe sañjātaḥoṭakasadisam antapaṭalaṃ, bahi maṭṭhaṃ, anto maṃsakasambupaliveṭhanakiliṭṭhapāvārakapupphakasadisam, kuthitapanasatacassa abhantaradisantipi vattuṃ vaṭṭati, yattha takkoṭakā gaṇḍuppādakā tālahīrakā sūcimukhakā paṭatantasuttakā iccevamādidvattiṃsakulappabhedā kimayo ākulabyākulā saṇḍasaṇḍacārino hutvā nivasanti, ye pānabhojanādīmhi avijjamāne ullaṅghitvā viravantaṃ hadayamaṃsaṃ abhihananti, pānabhojanādīajjhoharaṇavelāyaṇca uddhammukhā hutvā paṭhamajjhohaṭe dve tayo ālope turitaturitā viluppanti, yaṃ tesam kimīnaṃ sūtiḥaram vaccakuṭi gilānasālā susānaṇca hoti. Yattha seyyathāpi nāma caṇḍālagāmadvāre candanikāya nidāghasamaye thūlaphusitake deve vassante udakena vuyhamānaṃ muttakarīsacammaatṭhinhārukhaṇḍakheḷasiṅghāṇikālohitaṃ appabbutinānākuṇapajātaṃ nipatitvā kaddamodakāluḷitaṃ dvīhātīhaccayena sañjātakimikulaṃ sūriyātapasantaṭpavegakuthitaṃ upari pheṇapupphulaḷake muñcantaṃ abhinīlavanṇaṃ paramaduggandhahajecchaṃ neva upagantaṃ, na daṭṭhuma arahaṇupataṃ āpajjitvā tiṭṭhati, pageva ghāyitaṃ vā sāyitaṃ vā, evameva nānapakāraṃ pānabhojanādīdantaṃsalasāṇcūṇitaṃ jivhāhatthaparivattitakheḷalālāpalibuddhaṃ taṅkhaṇavigatavaṇṇagandharasādīsampadaṃ tantavāyakhālisuvānavamathusadisam nipatitvā pittasemhavātapaliveṭhitaṃ hutvā udaraggisantaṭpavegakuthitaṃ kimikulākulaṃ uparūpari pheṇapupphulaḷakāni muñcantaṃ paramakasambuduggandhahajecchabhāvaṃ āpajjitvā tiṭṭhati. Yaṃ sutvāpi pānabhojanādīsū amanuññatā saṅghāti, pageva paññācakkhunā avaloketvā. Yattha ca patitaṃ pānabhojanādī pañcadhā vivekaṃ gacchati, ekaṃ bhāgaṃ pāpakā khādanti, ekaṃ bhāgaṃ udaraggi jhāpeti, eko bhāgo muttaṃ hoti, eko bhāgo karīsaṃ, eko bhāgo rasabhāvaṃ āpajjitvā soṇitamāṃsādīni upabrūhayati.

Paricchedato udarapaṭalena ceva udariyabhāgena ca paricchinnam. Ayamassa sabhāgaparicchedo. Visabhāgaparicchedo pana kesasadisoyeva.

201. Karīsanti vaccaṃ. Taṃ vaṇṇato yebhuyyena ajjhohaṭāhāraṇameva hoti. Saṅghānato okāsasaṅghānaṃ. Disato heṭṭhimāya disāya jātaṃ. Okāsato pakkāsāye ṭhitaṃ. **Pakkāsāyo** nāma heṭṭhānābhi-piṭṭhikaṇṭakamūlānaṃ antare antāvasāne ubbedhena aṭṭhaṅgulamatto veḷunālikasādiso, yattha seyyathāpi nāma upari bhūmibhāge patitaṃ vassodakaṃ ogaḷitvā heṭṭhā bhūmibhāgaṃ pūretvā tiṭṭhati, evameva yaṃkiñci āmāsāye patitaṃ pānabhojanādīkaṃ udaraggina pheṇuddehakaṃ pakkam pakkam nisādāya pisitamiva saṇhabhāvaṃ āpajjitvā antabilena ogaḷitvā ogaḷitvā omadditvā veḷupabbe pakkhipamānapaṇḍumattikā viya sannicitaṃ hutvā tiṭṭhati. Paricchedato pakkāsāyapaṭalena ceva karīsabhāgena ca paricchinnam, ayamassa sabhāgaparicchedo. Visabhāgaparicchedo pana kesasadisoyeva.

202. Matthaluṅanti sīsakaṭāhabbhantare ṭhitamīṅjarāsi. Taṃ vaṇṇato setaṃ ahicchattakapiṇḍavaṇṇaṃ. Dadhibhāvaṃ asampattaṃ dutṭhakhīraṇantipi vattuṃ vaṭṭati. Saṅghānato okāsasaṅghānaṃ. Disato uparimāya disāya jātaṃ. Okāsato sīsakaṭāhabbhantare cattāro sibbinimaggi nissāya samodhānetvā ṭhapiṭā cattāro piṭṭhapiṇḍā viya samohitaṃ tiṭṭhati. Paricchedato sīsakaṭāhassa abhantaratalehi ceva matthaluṅgabhāgena ca paricchinnam, ayamassa sabhāgaparicchedo. Visabhāgaparicchedo pana kesasadisoyeva.

203. Pittanti dve pittāni baddhapittaṇca abaddhapittaṇca. Tattha baddhapittaṃ vaṇṇato bahalamadhukatelavaṇṇaṃ. Abaddhapittaṃ milātaākulipupphavaṇṇaṃ. Saṅghānato ubhayampi okāsasaṅghānaṃ. Disato baddhapittaṃ uparimāya disāya jātaṃ, itaraṃ dvīsū disāsū jātaṃ. Okāsato abaddhapittaṃ ṭhāpetvā kesalomadantaṅkhānaṃ maṃsavinimuttaṭṭhānaṇceva thaddhasukkhacammaṇca udakamiva telabindu avasesarīraṃ byāpetvā ṭhitaṃ, yaṃhi kupite akkhīni pītakāni honti, bhāmani, gattaṃ kampati, kaṇḍūyati. Baddhapittaṃ hadayapapphāsānaṃ antare yakanamaṃsaṃ nissāya patiṭṭhite mahākosātakīkosakasādiso pittakosake ṭhitaṃ, yaṃhi kupite sattā ummattakā honti, vipallatthacittā hīrottappaṃ chaḍḍetvā akātabbaṃ karonti, abhāsītappaṃ bhāsanti, acintitappaṃ cintenti. Paricchedato pittabhāgena paricchinnam, ayamassa sabhāgaparicchedo. Visabhāgaparicchedo pana kesasadisoyeva.

204. Semhanti sarīrabbhantare ekapatthapūrappamānaṃ semhaṃ. Taṃ vaṇṇato setaṃ nāgabalaṇṇarasavaṇṇaṃ. Saṅghānato okāsasaṅghānaṃ. Disato uparimāya disāya jātaṃ. Okāsato udarapaṭale ṭhitaṃ. Yaṃ pānabhojanādīajjhoharaṇakāle seyyathāpi nāma udae sevālaṇṇakaṃ kaṭṭhe vā kathale vā patante chijjitvā dvidhā hutvā puna ajjhottharivā tiṭṭhati, evameva pānabhojanādīmhi nipatante chijjitvā dvidhā hutvā puna ajjhottharivā tiṭṭhati, yaṃhi ca mandībhūte pakkagaṇḍo viya pūtikukkuṭaṇḍamiva ca udaraṃ paramajecchaṃ kuṇapagandhaṃ hoti, tato uggatena ca gandhena uddekopi mukhampi duggandhaṃ pūtikūṇapasadisam hoti. So ca puriso apehi duggandhaṃ vāyasīti vattabataṃ āpajjati, yaṇca vaḍḍhitvā bahalattamāpanaṃ pidhānaphalakamiva vaccakuṭiyaṃ udarapaṭalassa abhantareyeva kuṇapagandhaṃ sannirumbhitvā tiṭṭhati. Paricchedato semhabhāgena paricchinnam, ayamassa sabhāgaparicchedo. Visabhāgaparicchedo pana kesasadisoyeva.

205. Pubboti pūtilohitavasena pavattapubbaṃ. Taṃ vaṇṇato paṇḍupalāsavaṇṇo. Matasarīre pana pūtibahālācāmavaṇṇo hoti. Saṅghānato okāsasaṅghāno. Disato dvīsū disāsū hoti. Okāsato pana pubbassa okāso nāma nibaddho natthi, yattha so sannicito tiṭṭheyya, yatra yatra khāṇukaṇṭakapaharaṇaggijālādīhi abhigate sarīrappadeso lohitaṃ saṅghahitvā paccati, gaṇḍapīlakādayo vā uppajjanti, tatra tatra tiṭṭhati. Paricchedato pubbabhāgena paricchinnam, ayamassa sabhāgaparicchedo. Visabhāgaparicchedo pana kesasadisoyeva.

206. Lohitanti dve lohitāni sannicitalohitañca saṃsaraṇalohitañca. Tattha sannicitalohitaṃ vaṇṇato nipakkabahalālākhārasavaṇṇaṃ. Saṃsaraṇalohitaṃ acchalālākhārasavaṇṇaṃ. Saṅghānato ubhayampi okāsasaṅghānaṃ. Disato sannicitalohitaṃ uparimāya disāya jātaṃ. Itaraṃ dvisu disāsu jātaṃ. Okāsato saṃsaraṇalohitaṃ ṭhapetvā kesalomadantanakhānaṃ maṃsavinimuttatṭhānañceva thaddhasukkhacammañca dhamanijālānūsārena sabbaṃ upādāṇṇasarīraṃ pharivā ṭhitaṃ. Sannicitalohitaṃ yakanatṭhānassa heṭṭhābhāgaṃ pūretvā ekapatthapūramattaṃ hadayaavakkapapphāsānaṃ upari thokaṃ thokaṃ paggharantaṃ vakkahadayakanapapphāse temayamānaṃ ṭhitaṃ. Tasmim hi vakkahadayādīni atemente sattā pipāsītā honti. Paricchedato lohitaḥhāgena paricchinnā, ayamassa sabhāgaparicchedo. Visabhāgaparicchedo pana kesasadisoyeva.

207. Sedoti lomakūpādīhi paggharaṇakaāpodhātu. So vaṇṇato vippasannatilavelavaṇṇo. Saṅghānato okāsasaṅghāno. Disato dvīsu disāsu jāto. Okāsato sedassokāso nāma nibaddho natthi, yattha so lohitaṃ viya sadā tiṭṭheyya. Yadā pana aggisantāpasūriyasantāpautuvikārādīhi sarīraṃ santapati, tadā udakato abbūḷhamattavisamacchinnabhisamuḷālakumudanaḷakalāpo viya sabbakesalomakūpavivarehi paggharati, tasmā tassa saṅghānampi kesalomakūpavivarānaññeva vasena veditabbaṃ. Sedapariggaṇhakena ca yoginā kesalomakūpavivare pūretvā ṭhitavaseneva sedo manasi kātabbo. Paricchedato sedabhāgena paricchinnā, ayamassa sabhāgaparicchedo. Visabhāgaparicchedo pana kesasadisoyeva.

Medoti thinasineho. So vaṇṇato phālitaliddivaṇṇo. Saṅghānato thūlasarīrasa tāva cammamāmsantare ṭhapitaliddivaṇṇadukūlapilotikasaṅghāno hoti. Kīsasarīrasa jaṅghamaṃsaṃ ūrumaṃsaṃ piṭṭhikaṇṭakanissitaṃ piṭṭhimaṃsaṃ udaravaṭṭimaṃsanti etāni nissāya diguṇatiguṇaṃ katvā ṭhapitaliddivaṇṇadukūlapilotikasaṅghāno. Disato dvīsu disāsu jāto. Okāsato thūlassa sakalasarīraṃ pharivā kisassa jaṅghamaṃsādīni nissāya ṭhito, yaṃ sinehasaṅkhaṃ gatampi paramajecucchattā neva muddhani telatthāya, na nāsatelādīnamatthāya gaṇhanti. Paricchedato heṭṭhā maṃsena, upari cammena, tiriyāṃ medabhāgena paricchinnā, ayamassa sabhāgaparicchedo. Visabhāgaparicchedo pana kesasadisoyeva.

208. Assūti akkhīhi paggharaṇakaāpodhātu. Taṃ vaṇṇato vippasannatilavelavaṇṇaṃ. Saṅghānato okāsasaṅghānaṃ. Disato uparimāya disāya jātaṃ. Okāsato akkhikūpakesu ṭhitaṃ. Na cetāṃ pittakosake pittamiva akkhikūpakesu sadā sannicitaṃ tiṭṭhati. Yadā pana sattā somanassajātā mahāhasitaṃ hasanti, domanassajātā rodanti paridevanti, tathārūpaṃ vā visamāhāraṃ āhārenti, yadā ca nesāṃ akkhīni dhūmarajapaṃsukādīhi abhihaññanti. Tadā etehi somanassadomanassavisabhāgāhārautūhi samuṭṭhahitvā akkhikūpake pūretvā tiṭṭhati vā paggharati vā. Assupariggaṇhakena ca yoginā akkhikūpake pūretvā ṭhitavaseneva pariggaṇhitabbaṃ. Paricchedato assubhāgena paricchinnā, ayamassa sabhāgaparicchedo. Visabhāgaparicchedo pana kesasadisoyeva.

209. Vasāti vilīnasineho. Sā vaṇṇato nāḷikeratelavaṇṇā. Ācāme āsittatelavaṇṇātipi vattuṃ vaṭṭati. Saṅghānato nhānakāle pasannaudakassa upari paribbhamantasinehabinduvisaṭṭasaṅghānā. Disato dvīsu disāsu jātā. Okāsato yebhuyena hatthatalahatthapiṭṭhipādatalapādapiṭṭhināsapuṇānalātaṃsakūṭesu ṭhitā. Na cesā etesu okāsesu sadā vilīnāva hutvā tiṭṭhati. Yadā pana aggisantāpasūriyasantāpautuvisabhāgadhātuvisabhāgehi te padesā usmājātā honti, tadā tattha nhānakāle pasannaudakūpari sinehabinduvisaṭṭo viya ito cito ca sañcarati. Paricchedato vasābhāgena paricchinnā, ayamassa sabhāgaparicchedo. Visabhāgaparicchedo pana kesasadisoyeva.

210. Kheḷoti antomukhe pheṇamissā āpodhātu. So vaṇṇato seto pheṇavaṇṇo. Saṅghānato okāsasaṅghāno. Pheṇasaṅghānotipi vattuṃ vaṭṭati. Disato uparimāya disāya jāto. Okāsato ubhohi kapolapassehi oruyha jivhāya ṭhito. Na cesa ettha sadā sannicito hutvā tiṭṭhati. Yadā pana sattā tathārūpamāhāraṃ passanti vā saranti vā, uṇhatittakaṭukaloṇambilānaṃ vā kiñci mukhe ṭhapenti, yadā vā nesāṃ hadayaṃ āgilāyati, kismiñci deva vā jigucchā uppajjati, tadā kheḷo uppajjitvā ubhohi kapolapassehi oruyha jivhāya saṅghāti. Aggajivhāya cesa tanuko hoti, mūlajivhāya bahalo, mukhe pakkhittañca puthukaṃ vā taṇḍulaṃ vā aññaṃ vā kiñci khādanīyaṃ nadīpuline khatakūpakasalilaṃ viya parikkhayaṃ agacchantova temetuṃ samattho hoti. Paricchedato kheḷabhāgena paricchinnā, ayamassa sabhāgaparicchedo. Visabhāgaparicchedo pana kesasadisova.

211. Siṅghāṇikāti matthaluṅgato paggharaṇakaasuci. Sā vaṇṇato taruṇatālāṭṭhimiñjvaṇṇā. Saṅghānato okāsasaṅghānā. Disato uparimāya disāya jātā. Okāsato nāsāpuṭe pūretvā ṭhitā. Na cesā ettha sadā sannicitā hutvā tiṭṭhati, atha kho yathā nāma puriso paduminipatte dadhim bandhitvā heṭṭhā kaṇṭakena vijjheyya, athānena chiddena dadhimuttaṃ gaḷitvā bahi pateyya, evameva yadā sattā rodanti, visabhāgāhārautavasena vā sañjātadhātukhobhā honti, tadā anto sisato pūṭisemhabhāvamāpannaṃ matthaluṅgaṃ gaḷitvā tālumattakavivarena otarivā nāsāpuṭe pūretvā tiṭṭhati vā paggharati vā. Siṅghāṇikā pariggaṇhakena ca yoginā nāsāpuṭe pūretvā ṭhitavaseneva pariggaṇhitabbā. Paricchedato siṅghāṇikābhāgena paricchinnā, ayamassa sabhāgaparicchedo. Visabhāgaparicchedo pana kesasadisova.

212. Lasikāti sarīrasandhīnaṃ abhantare picchilakuṇapaṃ. Sā vaṇṇato kaṇikāranīyāsavaṇṇā. Saṅghānato okāsasaṅghānā. Disato dvīsu disāsu jātā. Okāsato atṭhisandhīnaṃ abhāñjanakiccaṃ sādhamānā asītisatasandhīnaṃ abhantare ṭhitā. Yassa cesā mandā hoti, tassa utṭhahantassa nisīdantassa abhikkamantassa paṭikkamantassa samīñjantassa pasārentassa atṭhikāni kaṭakaṭāyanti, accharāsaddaṃ karonto viya sañcarati. Ekayojanadvīyojanamattaṃ addhānaṃ gatassa vāyodhātu kuppāti, gattāni dukkhanti. Yassa pana bahukā honti, tassa utṭhānanisajjādīsu na atṭhīni kaṭakaṭāyanti, dīghampi addhānaṃ gatassa na vāyodhātu kuppāti, na gattāni dukkhanti. Paricchedato lasikābhāgena paricchinnā, ayamassa sabhāgaparicchedo. Visabhāgaparicchedo pana kesasadisova.

213. Muttanti muttarasaṃ. Taṃ vaṇṇato māsakhārodakavaṇṇaṃ. Saṅghānato adhomukhaṭṭhapitaudakakumbhaabbhantaragataudakasaṅghānaṃ. Disato heṭṭhimāya disāya jātaṃ. Okāsato vatthissa abbhantare ṭhitaṃ. **Vatthi** nāma vatthi puṭo vuccati. Yatha seyyathāpi candanikāya pakkhitte amukhe ravaṇaghaṭe candanikāraso pavisati, na cassa pavisanamaggo paññāyati, evameva sarīrato muttaṃ pavisati, na cassa pavisanamaggo paññāyati, nikkhamanamaggo pana pākaṭo hoti. Yamhi ca muttassa bharite passāvaṃ karomāti sattānaṃ āyūhanaṃ hoti. Paricchedato vatthiabbhantarena ceva muttabhāgena ca paricchinnaṃ, ayamassa sabhāgaparicchedo. Visabhāgaparicchedo pana kesasadisova.

214. Evañhi kesādike koṭṭhāse vaṇṇasaṅghānadisokāsaparicchedavasena vavattthapetvā anupubbato nātisighatotiādinaṃ nayena vaṇṇasaṅghānagandhāsavāsena pañcadhā paṭikkulā paṭikkulāti manasikaroto paṇṇattisamatikkamāvasāne seyyathāpi cakkhumato purisassa dvattiṃsavaṇṇānaṃ kusumānaṃ ekasuttakaganthitaṃ mālaṃ oloketassa sabbapupphāni apubbāpariyāva pākaṭāni honti, evameva atthi imasmiṃ kāye kesāti imaṃ kāyaṃ oloketassa sabbe te dhammā apubbāpariyāva pākaṭā honti. Tena vuttaṃ manasikāraṃkosallakathāyaṃ “ādikammikassa hi kesāti manasikaroto manasikāro gantvā muttanti imaṃ pariyosānakoṭṭhāsameva āhacca tiṭṭhati”ti.

Sace pana bahiddhāpi manasikāraṃ upasaṃharati, athassa evaṃ sabbakoṭṭhāsesu pākaṭibhūtesu āhiṇḍantā manussatiracchānādayo sattākāraṃ vijahitvā koṭṭhāsārāsivaseneva upaṭṭhahanti, tehi ca ajjhohariyamānaṃ pānabhojanādi koṭṭhāsārāsimhi pakkhipamānaṃ upaṭṭhāti.

Athassa anupubbamuñcanādivasena paṭikkulā paṭikkulāti punappunaṃ manasikaroto anukkamena appanā uppajjati. Tattha kesādinaṃ vaṇṇasaṅghānadisokāsaparicchedavasena upaṭṭhānaṃ uggahanimittaṃ. Sabbākārato paṭikkulavasena upaṭṭhānaṃ paṭibhāganimittaṃ. Taṃ āsevato bhāvayato vuttanayena asubhakammaṭṭhānesu viya paṭhamajjhānavaseneva appanā uppajjati.

Sā yassa ekova koṭṭhāso pākaṭo hoti, ekasmiṃ vā koṭṭhāse appanaṃ patvā puna aññasmiṃ yogaṃ na karoti, tassa ekāva uppajjati. Yassa pana aneke koṭṭhāsā pākaṭā honti, ekasmiṃ vā jhānaṃ patvā puna aññasmiṃpi yogaṃ karoti, tassa mallakattherassa viya koṭṭhāsaganāya paṭhamajjhānāni nibbattanti.

So kirāyasmā dīghabhāṇakaabhyattheraṃ hatthe gahetvā “āvuso abhaya, imaṃ tāva pañhaṃ uggaṇhāhī”ti vatvā āha – “mallakatthero dvattiṃsakoṭṭhāsesu dvattiṃsāya paṭhamajjhānānaṃ lābhī. Sace rattiṃ ekaṃ, divā ekaṃ samāpajjati, atirekaddhamāsenā puna sampajjati, sace pana devasikaṃ ekaṃ samāpajjati, atirekamāsenā puna sampajjati”ti.

Evaṃ paṭhamajjhānavasena ijhamānaṃpi cetāṃ kammaṭṭhānaṃ vaṇṇasaṅghānādīsu satibalena ijghanato kāyagatāsatiṭi vuccati.

Imaṃcā kāyagatāsatiṃmanuyutto bhikkhu aratiratisaho hoti, na ca naṃ arati sahati, uppannaṃ aratiṃ abhibhuyya abhibhuyya viharati. Bhayabheravasaho hoti, na ca naṃ bhayabheravaṃ sahati, uppannaṃ bhayabheravaṃ abhibhuyya abhibhuyya viharati. Khamo hoti sītassa uṇhassa ...pe... pānaharānaṃ adhivāsakajātiko hoti (ma. ni. 3.159). Kesādinaṃ vaṇṇabhedāṃ nissāya catunnaṃ jhānaṃ lābhī hoti. Cha abhiññā paṭivijjhati (ma. ni. 3.159).

Tasmā have appamatto, anuyuñjetha paṇḍito;
Evaṃ anekānisamsaṃ, imaṃ kāyagatāsatiṃti.

Idaṃ kāyagatāsatiyaṃ vitthārakathāmukhaṃ.

Ānāpānassatikathā

215. Idāni yaṃ taṃ bhagavatā “ayampi kho, bhikkhave, ānāpānassatisamādhi bhāvito bahulīkato santo ceva paṇīto ca asecanako ca sukho ca vihāro, uppannuppanne ca pāpake akusale dhamme ṭhānaso antaradhāpeti vūpasameti”ti evaṃ pasaṃsitvā –

“Kathaṃ bhāvito ca, bhikkhave, ānāpānassatisamādhi kathaṃ bahulīkato santo ceva paṇīto ca asecanako ca sukho ca vihāro, uppannuppanne ca pāpake akusale dhamme ṭhānaso antaradhāpeti vūpasameti? Idha, bhikkhave, bhikkhu arañṇagato vā rukkhamaṃlagato vā suññāgāragato vā nisīdati pallākaṃ ābhujitvā ujum kāyaṃ paṇidhāya parimukhaṃ satim upaṭṭhapetvā, so satova assasati sato passasati. Dīghaṃ vā assasanto dīghaṃ assasāmīti pajānāti. Dīghaṃ vā passasanto...pe... rassaṃ vā assasanto...pe... rassaṃ vā passasanto rassaṃ passasāmīti pajānāti. Sabbakāyapaṭisaṃvedī assasissāmīti sikkhati. Sabbakāyapaṭisaṃvedī passasissāmīti sikkhati. Passambhayaṃ kāyasāṅkhāraṃ assasissāmīti sikkhati. Passambhayaṃ kāyasāṅkhāraṃ passasissāmīti sikkhati. Pīṭipapaṭisaṃvedī... sukhapapaṭisaṃvedī... cittasāṅkhārapapaṭisaṃvedī... passambhayaṃ cittasāṅkhāraṃ... cittapaṭisaṃvedī... abhippamodayaṃ cittaṃ... samādahāṃ cittaṃ... vimocayaṃ cittaṃ ... aniccānupassī... virāgānupassī... nirodhānupassī. Paṭinissaggānupassī assasissāmīti sikkhati. Paṭinissaggānupassī passasissāmīti sikkhati”ti –

Evaṃ soḷasavattukaṃ ānāpānassatikammaṭṭhānaṃ niddiṭṭhaṃ. Tassa bhāvanānayo anupatto. So pana yasmā

pālivaṇṇanānusāreṇeva vuccamāno sabbākāraparipūro hoti. Tasmā ayamettha pālivaṇṇanāpubbaṅgamo niddeso.

216. Kathaṃ bhāvito ca, bhikkhave, ānāpānassati samādhīti ettha tāva **kathanti** ānāpānassatisamādhibhāvanam nānappakārato vitthāretukamyatāpucchā. **Bhāvito ca bhikkhave ānāpānassatisamādhīti** nānappakārato vitthāretukamyatāya puṭṭhadhammanidassanaṃ. Kathaṃ bahulīkato...pe... vūpasametīti etthāpi eseva nayo. Tattha **bhāvīti** uppādito vaḍḍhito vā. **Ānāpānassatisamādhīti** ānāpānāpariggāhikāya satiyā saddhiṃ sampayutto samādhī. Ānāpānassatiyaṃ vā samādhī ānāpānassatisamādhī. **Bahulīkatoti** punappunaṃ kato. **Santoceva paṇīto cāti** santo ceva paṇīto ceva. Ubhayattha eva saddena niyamo vedītabbo. Kiṃ vuttaṃ hoti? Ayañhi yathā asubhakammaṭṭhānaṃ kevalaṃ paṭivedhavasena santañca paṇītañca, oḷārikārammaṇattā pana paṭikkūlārammaṇattā ca ārammaṇavasena neva santaṃ na paṇītaṃ, na evaṃ kenaci pariyaṇena asanto vā apaṇīto vā, atha kho ārammaṇasantatāyapi santo vūpasanto nibbuto, paṭivedhasaṅkhātaṅgasantatāyapi. Ārammaṇapaṇītatāyapi paṇīto atittikaro, aṅgapaṇītatāyapīti. Tena vuttaṃ “santo ceva paṇīto cā”ti.

Asecanako ca sukho ca vihāroti ettha pana nāssa secananti **asecanako**, anāsittako abbokiṇṇo pāṭiyekko āveṇiko. Natthi ettha parikammaṇa vā upacāreṇa vā santatā. Ādisamānāhāro pabhuṭi attano sabhāveṇeva santo ca paṇīto cāti attho. Keci pana asecanakoti anāsittako ojavanto sabhāveṇeva madhurōti vadanti. Evaṃ ayaṃ **asecanako ca**, appitappitakkhaṇe kāyīkacetāsikasukhapaṭilābhāya saṃvattanato **sukho ca vihāroti** vedītabbo. **Uppannuppanneti** avikkhambhite avikkhambhite. **Pāpaketi** lāmake. **Akusale dhammeti** akosallasambhūte dhamme. **Ṭhānaso antaradhāpetīti** khaṇeṇeva antaradhāpeti vikkhambheti. **Vūpasametīti** suṭṭhu upasameti. Nibbedhabhāgiyattā vā anupubbena ariyamaggavuddhippatto samucchindati, paṭippassambhetīti vuttaṃ hoti.

Ayaṃ panettha saṅkhepattho. Bhikkhave, kena pakāreṇa kenākāreṇa kena vidhinā bhāvito ānāpānassatisamādhī kena pakāreṇa bahulīkato santo ceva...pe... vūpasametīti.

217. Idāni tamatthaṃ vitthārento “idha, bhikkhave”tiādīmāha. Tattha **idha bhikkhave bhikkhūti** bhikkhave, imasmiṃ sāsane bhikkhu. Ayañhi ettha **idhasaddo** sabbappakāraānāpānassatisamādhinibbattakassa puggalassa sannissayabhūtasāsanaparidīpano aññāsānassa tathābhāvapaṭisedhano ca. Vuttañhetam – idheva, bhikkhave, samaṇo...pe... suññā parappavādā samaṇebhi aññehī”ti (ma. ni. 1.139). Tena vuttaṃ “imasmiṃ sāsane bhikkhū”ti.

Araññagato vā...pe... suññāgāragato vāti idamassa ānāpānassatisamādhibhāvanānurūpasenāsanapariggahaparidīpanaṃ. Imassa hi bhikkhuno dīgharattaṃ rūpādīsu ārammaṇesu anuvisaṭaṃ cittaṃ ānāpānassatisamādhīārammaṇaṃ abhiruṭhituṃ na icchati, kūṭaṅgaṇayuttaratho viya uppathameva dhāvati. Tasmā seyyathāpi nāma gopo kūṭadhenuyā sabbam khīraṃ pivitvā vaḍḍhitam kūṭavacchaṃ dametukāmo dhenuto apānetvā ekamante mahantaṃ thambhaṃ nikaṇṭitvā tattha yottena bandheyya, athassa so vaccho ito cito ca vipphanditvā palāyitūṃ asakkonto tameva thambhaṃ upanīsīdeyya vā upanipajjeyya vā, evameva imināpi bhikkhunā dīgharattaṃ rūpārammaṇādīrasapānavaḍḍhitam duṭṭhacittaṃ dametukāmena rūpādīārammaṇato apānetvā araññaṃ vā...pe... suññāgāraṃ vā pavevetvā tattha assāsapassāsathambhe satiyottena bandhitabbaṃ. Evamassa taṃ cittaṃ ito cito ca vipphanditvāpi pubbe āciṇṇārammaṇaṃ alabhamānaṃ satiyottaṃ chinditvā palāyitūṃ asakkontaṃ tamevārammaṇaṃ upacārappanāvasena upanīsīdati ceva upanipajjati ca. Tenāhu porāṇā –

“Yathā thambhe nibandheyya, vacchaṃ damaṃ naro idha;
Bandheyyevaṃ sakaṃ cittaṃ, satiyārammaṇe daḷha”nti. (pārā. aṭṭha. 2.165; dī. ni. aṭṭha. 3.374; ma. ni. aṭṭha. 1.107);

Evamassetam senāsanam bhāvanānurūpaṃ hoti. Tena vuttaṃ “idamassa ānāpānassatisamādhibhāvanānurūpasenāsanapariggahaparidīpana”nti.

Atha vā yasmā idaṃ kammaṭṭhānappabhede muddhabhūtaṃ sabbaññubuddhapaccekabuddhabuddhasāvākānaṃ viśesādhigamaditṭhadhammasukhavihārapadaṭṭhānaṃ ānāpānassatikammaṭṭhānaṃ itthipurisatthiassādisaddasamākulaṃ gāmantam aparicajitvā na sukaram bhāvetuṃ, saddakaṇṭakattā jhānassa. Agāmake pana araññe sukaram yogāvācāreṇa idaṃ kammaṭṭhānaṃ pariggahetvā ānāpānācatutthajjhānaṃ nibbattetvā tadeva pādakaṃ katvā saṅkhāre sammasitvā aggaphalaṃ arahattaṃ sampāpūṇituṃ. Tasmāssa anurūpasenāsanam dassento bhagavā “araññagato vā”tiādīmāha.

Vatthuvijjācariyo viya hi bhagavā, so yathā vatthuvijjācariyo nagarabhūmiṃ passitvā suṭṭhu upaparikkhitvā “ettha nagaram māpethā”ti upadisati, sotthinā ca nagare niṭṭhite rājakulato mahāsakkāram labhati, evameva yogāvācarassa anurūpasenāsanam upaparikkhitvā “ettha kammaṭṭhānaṃ anuyuñjitabba”nti upadisati, tato tattha kammaṭṭhānaṃ anuyuttana yoginā kamena arahatte patte “sammāsambuddho vata so bhagavā”ti mahantaṃ sakkāram labhati.

Ayaṃ pana bhikkhu dīpisadisoti vuccati. Yathā hi mahādīpirājā araññe tiṇagahanaṃ vā vanagahanaṃ vā pabbatagahanaṃ vā nissāya nilīyitvā vanamahimsagokaṇṇasūkarādayo mige gaṇhāti, evameva ayaṃ araññādīsu kammaṭṭhānaṃ anuyuñjanto bhikkhu yathākkamena sotāpattisakadāgāmiānāgāmiarahattamagge ceva ariyaphalañca gaṇhatīti vedītabbo. Tenāhu porāṇā –

“Yathāpi dīpiko nāma, nilīyitvā gaṇhatī mige;
Tathevāyaṃ buddhaputto, yuttayogo vipassako;
Araññaṃ pavisitvāna, gaṇhāti phalamuttama”nti. (pārā. aṭṭha. 2.165; dī. ni. aṭṭha. 2.374; ma. ni. aṭṭha. 1.107);

Tenassa parakkamajavayoggabhūmiṃ araṇṇasenāsanam dassento bhagavā ‘‘araṇṇagato vā’’tiādimāha.

218. Tattha **araṇṇagatoti** ‘‘araṇṇanti nikkhamitvā bahi indakhīlā sabbametam araṇṇa’’nti (vibha. 529) ca, ‘‘araṇṇakam nāma senāsanam pañcadhanusatikam pacchima’’nti (pārā. 654) ca evaṃ vuttalakkaṇesu araṇṇesu yaṃkiñci pavivekasukham araṇṇam gato. **Rukkhamūlagatoti** rukkhasamīpaṃ gato. **Suñṇāgaragatoti** suñṇam vivittokāsam gato. Ettha ca ṭhapetvā araṇṇaṇca rukkhamūlaṇca avasesasattavidhasenāsanagatopi suñṇāgaragatoti vattum vaṭṭati.

Evamassa ututtayānukūlam dhātucariyānukūlaṇca ānāpānassatibhāvanānurūpaṃ senāsanam upadisitvā alīnānuddhaccapakkhikam santam iriyāpatham upadisanto **nisīdatīti** āha. Athassa nisajjāya daḷhabhāvam assāsapassāsānam pavattanasukhatam ārammaṇapariggahūpāyaṇca dassento pallaṅkam ābhujitvātiādimāha. Tattha **pallaṅkanti** samantato ūrubaddhāsanam. **Ābhujitvāti** bandhitvā. **Ujūm kāyam paṇidhāyāti** uparimasarīram ujukam ṭhapetvā. Aṭṭhārasapiṭṭhikaṇṭake koṭiyā koṭim paṭipādetvā. Evañhi nisīdantassa cammamamsanharūni na paṇamanti. Athassa yā tesam paṇamanappaccayā khaṇe khaṇe vedanā uppajjeyum, tā na uppajjanti. Tāsu anuppajjamānāsu cittaṃ ekaggam hoti, kammaṭṭhānam na paripatati, vuddhim phātim upagacchati. **Parimukham satim upaṭṭhapetvāti** kammaṭṭhānābhimukham satim ṭhapayitvā. Atha vā **parīti** pariggahaṭṭho. **Mukhanti** niyyānaṭṭho. **Satīti** upaṭṭhānaṭṭho. Tena vuccati ‘‘parimukham satī’’nti evaṃ **paṭisambhidāyam** (paṭi. ma. 1.164) vuttanayenapettha attho daṭṭhabbo. Tatrāyam saṅkhepo, pariggahitaniyyānam satim katvāti.

219. So satova assasati sato passasatīti so bhikkhu evaṃ nisīditvā evaṇca satim upaṭṭhapetvā tam satim avijahanto sato eva assasati sato passasati, satokārī hotīti vuttam hoti. Idāni yehākārehi satokārī hoti, te dassetum dīgham vā assasantotiādimāha. Vuttañhetam **paṭisambhidāyam** ‘‘so satova assasati sato passasatī’’ti etasseva **vibhaṅge** –

‘‘Bāttimsāya ākārehi sato kārī hoti. Dīgham assāsavasena cittassa ekaggatam avikkhepaṃ pajānato sati upaṭṭhitā hoti. Tāya satiyā tena ṇāṇena sato kārī hoti. Dīgham passāsavasena...pe... paṭinissaggānupassī assāsavasena. Paṭinissaggānupassī passāsavasena cittassa ekaggatam avikkhepaṃ pajānato sati upaṭṭhitā hoti. Tāya satiyā tena ṇāṇena sato kārī hotī’’ti (paṭi. ma. 1.165).

Tattha **dīgham vā assasantoti** dīgham vā assāsam pavattayanto. **Assāsoti** bahi nikkhamanavāto. **Passāsoti** anto pavisanavātoti **vinayaṭṭhakathāyam** vuttam. **Suttantaṭṭhakathāsu** pana uppaṭipāṭiyā āgatam. Tattha sabbesampi gabbhaseyyakānam mātukucchito nikkhamanakāle paṭhamam abhantaravāto bahi nikkhamati. Pacchā bāhiravāto sukhumarajam gahetvā abhantaram pavisanto tālum āhacca nibbāyati. Evam tāva assāsapassāsā veditabbā.

Yā pana tesam dīgharassatā, sā addhānavasena veditabbā. Yathā hi okāsaddhānam pharitvā ṭhitam udakam vā vālikā vā ‘‘dīghamudakam dīghā vālikā, rassamudakam rassā vālikā’’ti vuccati, evaṃ cuṇṇavicuṇṇāpi assāsapassāsā hatthisarīre ca ahisarīre ca tesam attabhāvasaṅkhātā dīgham addhānam saṅkham pūretvā saṅkameva nikkhamanti. Tasmā dīghāti vuccanti. Sunakhasasādīnam attabhāvasaṅkhātā rassam addhānam sīgham pūretvā sīghameva nikkhamanti, tasmā rassāti vuccanti. Manusseu pana keci hatthiāhiādāyo viya kāladdhānavasena dīgham assasanti ca passasanti ca. Keci sunakhasasādāyo viya rassam, tasmā tesam kālavasena dīghamaddhānam nikkhamantā ca pavisantā ca te ‘‘dīghā’’ itaramaddhānam nikkhamantā ca pavisantā ca ‘‘rassā’’ti veditabbā.

Tatrāyam bhikkhu navahākārehi dīgham assasanto passasanto ca ‘‘dīgham assasāmi, passasāmi’’ti pajānāti. Evam pajānato cassa ekenākāreṇa kāyānupassanāsatiṭṭhānabhāvanā sampajjātīti veditabbā. Yathāha **paṭisambhidāyam** (paṭi. ma. 1.166) –

‘‘Katham dīgham assasanto dīgham assasāmi pajānāti. Dīgham passasanto dīgham passasāmi pajānāti. Dīgham assāsam addhānasāṅkhāte assasati. Dīgham passāsam addhānasāṅkhāte passasati. Dīgham assāsapassāsāsam addhānasāṅkhāte assasatipi passasatipi. Dīgham assāsapassāsāsam addhānasāṅkhāte assasatopi passasatopi chando uppajjati. Chandavasena tato sukhumataram dīgham assāsam addhānasāṅkhāte assasati. Chandavasena tato sukhumataram dīgham passāsāsam...pe... dīgham assāsapassāsāsam addhānasāṅkhāte assasatipi passasatipi. Chandavasena tato sukhumataram dīgham assāsam addhānasāṅkhāte assasati. Pāmojjavasena tato sukhumataram dīgham passāsāsam...pe... dīgham assāsapassāsāsam addhānasāṅkhāte assasatipi passasatipi. Pāmojjavasena tato sukhumataram dīgham assāsapassāsāsam addhānasāṅkhāte assasatopi passasatopi dīgham assāsapassāsā cittaṃ vivattati, upekkhā saṅṭhāti. Imehi navahi ākārehi dīgham assāsapassāsā kāyo. Upaṭṭhānam satī. Anupassanā ṇāṇam. Kāyo upaṭṭhānam, no satī. Satī upaṭṭhānaṇceva satī ca. Tāya satiyā tena ṇāṇena tam kāyam anupassati. Tena vuccati kāye kāyānupassanāsatiṭṭhānabhāvanā’’ti.

Esa nayo rassapadepi. Ayaṃ pana viseso, yathā ettha ‘‘dīgham assāsam addhānasāṅkhāte’’ti vuttam, evamidha ‘‘rassam assāsam ittarasāṅkhāte assasatī’’ti āgatam. Tasmā rassavasena yāva ‘‘tena vuccati kāye kāyānupassanāsatiṭṭhānabhāvanā’’ti, tāva yojetabbam.

Evaṃ ayaṃ addhānavasena ittaravasena ca imehākārehi assāsapassāsā pajānanto dīgham vā assasanto dīgham assasāmi pajānāti...pe... rassam vā passasanto rassam passasāmi pajānātīti veditabbo. Evam pajānato cassa –

Dīgho rasso ca assāso,
 Passāsopi ca tādiso;
 Cattāro vaṇṇā vattanti,
 Nāsikaggeva bhikkhunoti. (pārā. aṭṭha. 2.165);

220. Sabbakāyapaṭisaṃvedī assasissāmi...pe... passasissāmīti sikkhatīti sakalassa assāsakāyassa ādimajjhāpariyosānaṃ viditaṃ karonto pākaṭaṃ karonto assasissāmīti sikkhati. Sakalassa passāsakāyassa ādimajjhāpariyosānaṃ viditaṃ karonto pākaṭaṃ karonto passasissāmīti sikkhati. Evaṃ viditaṃ karonto pākaṭaṃ karonto ñānasampayuttacittena assasati ceva passasati ca. Tasmā “assasissāmi passasissāmī”ti sikkhatīti vuccati. Ekassa hi bhikkhuno cuṇṇavicuṇṇavisāṭe assāsakāye passāsakāye vā ādi pākaṭo hoti, na majjhāpariyosānaṃ. So ādimeva pariggahetuṃ sakkoti, majjhāpariyosāne kilamati. Ekassa majjhaṃ pākaṭaṃ hoti, na ādipariyosānaṃ. Ekassa pariyosānaṃ pākaṭaṃ hoti, na ādimajjhaṃ. So pariyosānaṃyeva pariggahetuṃ sakkoti, ādimajjhe kilamati. Ekassa sabbampi pākaṭaṃ hoti, so sabbampi pariggahetuṃ sakkoti, na kathaci kilamati, tādīsena bhavittabbanti dassento āha – “sabbakāyapaṭisaṃvedī assasissāmīti...pe... passasissāmīti sikkhatī”ti.

Tattha **sikkhatīti** evaṃ ghaṭati vāyamati. Yo vā tathābhūtaṃ saṃvaro, ayamettha adhisīlasikkhā. Yo tathābhūtaṃ samādhi, ayaṃ adhicittasikkhā. Yā tathābhūtaṃ paññā, ayaṃ adhipaññāsikkhāti imā tisso sikkhāyo tasmim ārammaṇe taya satiyā tena manasikārena sikkhati āsevati bhāveti bahulīkarotīti evamettha attho daṭṭhabbo.

Tattha yasmā purimanaye kevalaṃ assasitabbaṃ passasitabbameva, na ca aññaṃ kiñci kātabbaṃ. Ito paṭṭhāya pana ñānuppādanādīsu yogo karaṇīyo. Tasmā tattha assasāmīti pajānāti passasāmīti pajānāticceva vattamānakālavasena pāliṃ vatvā ito paṭṭhāya kattabbassa ñānuppādanādino ākārassa dassanattaṃ sabbakāyapaṭisaṃvedī assasissāmītiadinā nayena anāgatavacanavasena pāli āropitāti veditabbā.

Passambhayaṃ kāyasaṅkhāraṃ assasissāmīti...pe... passasissāmīti sikkhatīti oḷārikaṃ kāyasaṅkhāraṃ passambhento paṭippassambhento nirodhento vūpasamento assasissāmi passasissāmīti sikkhati. Tatra evaṃ oḷārikasukhumaṭā ca passaddhi ca veditabbā. Imassa hi bhikkhuno pubbe apariggahitakāle kāyo ca cittaṅca sadarathā honti oḷārikā. Kāyacittānaṃ oḷārikatte avūpasante assāsapassāsāpi oḷārikā honti, balavataṛā hutvā pavattanti, nāsikā nappahoti, mukhena assasantopi passasantopi tiṭṭhati. Yadā panassa kāyopi cittampi pariggahitā honti, tadā te santā honti vūpasantā. Tesu vūpasantesu assāsapassāsā sukhumā hutvā pavattanti, “atthi nu kho natthī”ti vicetabbatākārappattā honti.

Seyyathāpi purisassa dhāvitvā, pabbatā vā orohitvā, mahābhāraṃ vā sīsato oropetvā ṭhitassa oḷārikā assāsapassāsā honti, nāsikā nappahoti, mukhena assasantopi passasantopi tiṭṭhati. Yadā panesa taṃ parissamaṃ vinodetvā nhatvā ca pivitvā ca allasāṭakaṃ hadaye katvā sitāya chāyāya nipanno hoti, athassa te assāsapassāsā sukhumā honti “atthi nu kho natthī”ti vicetabbatākārappattā, evameva imassa bhikkhuno pubbe apariggahitakāle kāyo ca...pe... vicetabbatākārappattā honti. Taṃ kissa hetu? Tathā hissa pubbe apariggahitakāle “oḷārikoḷārike kāyasaṅkhāre passambhemī”ti ābhogasamannāhāramanasikārapaccavekkhaṇā natthi, pariggahitakāle pana atthi. Tenassa apariggahitakālato pariggahitakāle kāyasaṅkhāro sukhumo hoti. Tenāhu porāṇā –

“Sāraddhe kāye citte ca, adhimattaṃ pavattati;
 Asāraddhamhi kāyamhi, sukhumaṃ sampavattati”ti. (pārā. aṭṭha. 2.165);

221. Pariggahepi oḷāriko, paṭhamajjhānupacāre sukhumo. Tasmimpi oḷāriko, paṭhamajjhāne sukhumo. Paṭhamajjhāne ca dutiyajjhānupacāre ca oḷāriko, dutiyajjhāne sukhumo. Dutiyajjhāne ca tatiyajjhānupacāre ca oḷāriko, tatiyajjhāne sukhumo. Tatiyajjhāne ca catutthajjhānupacāre ca oḷāriko, catutthajjhāne atisukhumo appavattimeva pāpuṇātīti. Idaṃ tava **dīghabhāṇakasaṃyuttabhāṇakānaṃ** mataṃ.

Majjhimbhāṇakā pana paṭhamajjhāne oḷāriko, dutiyajjhānupacāre sukhumoti evaṃ heṭṭhimahēṭṭhimajjhānato uparūparijjhānupacārepi sukhumataramicchanti. Sabbesaññeva pana matena apariggahitakāle pavattakāyasaṅkhāro pariggahitakāle paṭippassambhati. Pariggahitakāle pavattakāyasaṅkhāro paṭhamajjhānupacāre...pe... catutthajjhānupacāre pavattakāyasaṅkhāro catutthajjhāne paṭippassambhati. Ayaṃ tava **samathe** nayo.

Vipassanāyaṃ pana apariggahe pavatto kāyasaṅkhāro oḷāriko, mahābhūtapariggahe sukhumo. Sopi oḷāriko, upādārūpariggahe sukhumo. Sopi oḷāriko, sakalarūpariggahe sukhumo. Sopi oḷāriko, arūpariggahe sukhumo. Sopi oḷāriko, rūpārūpariggahe sukhumo. Sopi oḷāriko, paccayapariggahe sukhumo. Sopi oḷāriko, sappaccayanāmarūpariggahe sukhumo. Sopi oḷāriko, lakkhaṇārammaṇikavipassanāya sukhumo. Sopi dubbalavipassanāya oḷāriko, balavavipassanāya sukhumo. Tattha pubbe vuttanayeneva purimassa purimassa pacchimena pacchimena paṭippassaddhi veditabbā. Evamettha oḷārikasukhumaṭā ca passaddhi ca veditabbā.

Paṭisambhidāyaṃ (paṭi. ma. 1.171) panassa saddhim codanāsodhanāhi evamattho vutto –

“Kathaṃ passambhayaṃ kāyasaṅkhāraṃ assasissāmi...pe... passasissāmīti sikkhati? Katame kāyasaṅkhārā?

Dīghaṃ assāsapassāsā kāyikā ete dhammā kāyapaṭibaddhā kāyasaṅkhārā. Te kāyasaṅkhāre passambhento nirodhento vūpasamento sikkhati...pe... yathārūpehi kāyasaṅkhārehi kāyassa ānāmanā, vināmanā, sannāmanā, paṇāmanā, iñjanā, phandaṇā, calanā, kampaṇā passambhayaṃ kāyasaṅkhāraṃ assasissāmīti sikkhati, passambhayaṃ kāyasaṅkhāraṃ passasissāmīti sikkhati. Yathārūpehi kāyasaṅkhārehi kāyassa na ānāmanā, na vināmanā, na sannāmanā, na paṇāmanā, aniñjanā, aphaṇḍanā, acalanā, akampaṇā santaṃ sukhumaṃ passambhayaṃ kāyasaṅkhāraṃ assasissāmīti sikkhati.

“Iti kira passambhayaṃ kāyasaṅkhāraṃ assasissāmīti sikkhati. Passambhayaṃ kāyasaṅkhāraṃ passasissāmīti sikkhati. Evaṃ sante vātūpaladdhiyā ca pabhāvanā na hoti. Assāsapassāsānañca pabhāvanā na hoti. Ānāpānassatiyā ca pabhāvanā na hoti, ānāpānassatisamādhissa ca pabhāvanā na hoti, na ca naṃ taṃ samāpattiṃ paṇḍitā samāpajjantipi vuṭṭhantipi.

“Iti kira passambhayaṃ kāyasaṅkhāraṃ assasissāmīti sikkhati. Evaṃ sante vātūpaladdhiyā ca pabhāvanā hoti, assāsapassāsānañca pabhāvanā hoti, ānāpānassatiyā ca pabhāvanā hoti, ānāpānassatisamādhissa ca pabhāvanā hoti, tañca naṃ samāpattiṃ paṇḍitā samāpajjantipi vuṭṭhantipi. Yathā kathaṃ viya?

“Seyyathāpi kaṃse ākoṭiṭe paṭhamaṃ oḷārikā saddā pavattanti. Oḷārikānaṃ saddānaṃ nimittaṃ sugahitattā sumanasikatattā sūpadhāritattā niruddhepi oḷārike sadde atha pacchā sukhumakā saddā pavattanti. Sukhumakānaṃ saddānaṃ nimittaṃ sugahitattā sumanasikatattā sūpadhāritattā niruddhepi sukhumake sadde atha pacchā sukhumasaddanimitārammaṇatāpi cittaṃ pavattati, evameva paṭhamaṃ oḷārikā assāsapassāsā pavattanti. Oḷārikānaṃ assāsapassāsānaṃ nimittaṃ sugahitattā sumanasikatattā sūpadhāritattā niruddhepi oḷārike assāsapassāsāe atha pacchā sukhumakā assāsapassāsā pavattanti. Sukhumakānaṃ assāsapassāsānaṃ nimittaṃ sugahitattā sumanasikatattā sūpadhāritattā niruddhepi sukhumake assāsapassāsāe atha pacchā sukhumaassāsapassāsānimitārammaṇatāpi cittaṃ na vikkhepaṃ gacchati.

“Evaṃ sante vātūpaladdhiyā ca pabhāvanā hoti, assāsapassāsānañca pabhāvanā hoti, ānāpānassatiyā ca pabhāvanā hoti, ānāpānassatisamādhissa ca pabhāvanā hoti, tañca naṃ samāpattiṃ paṇḍitā samāpajjantipi vuṭṭhantipi. Passambhayaṃ kāyasaṅkhāraṃ assāsapassāsā kāyo, upaṭṭhānaṃ sati, anupassanā ñāṇaṃ, kāyo upaṭṭhānaṃ, no sati, sati upaṭṭhānañceva sati ca, tāya satiyā tena ñāṇena taṃ kāyaṃ anupassati. Tena vuccati kāye kāyānupassanā satipaṭṭhānabhāvanā”ti.

Ayaṃ tāvettha kāyānupassanāvasena vuttassa paṭhamacatukkassa anupubbapadaṇṇanā.

222. Yasmā panettha idameva catukkaṃ ādikammikassa kammaṭṭhānavasena vuttaṃ. Itarāni pana tīṇi catukkāni ettha pattajjhānassa vedanācittadhammānupassanāvasena vuttāni. Tasmā idaṃ kammaṭṭhānaṃ bhāvetvā ānāpānaccatutthajjhānapadaṭṭhānāya vipassanāya saha paṭisambhidāhi arahattaṃ pāpuṇitukāmena ādikammikena kulaputtena pubbe vuttanayeneva sīlāparisodhanādīni sabbakiccāni katvā vuttappakārassa ācariyassa santike pañcasandhikaṃ kammaṭṭhānaṃ uggahettabbaṃ.

Tatrima pañca sandhaya uggaho, paripucchā, upaṭṭhānaṃ, appanā, lakkhaṇanti. Tattha **uggaho** nāma kammaṭṭhānassa uggaṇhanaṃ. **Paripucchā** nāma kammaṭṭhānassa paripucchā. **Upaṭṭhānaṃ** nāma kammaṭṭhānassa upaṭṭhānaṃ. **Appanā** nāma kammaṭṭhānassa appanā. **Lakkhaṇaṃ** nāma kammaṭṭhānassa lakkhaṇaṃ. “Evaṃlakkhaṇamidaṃ kammaṭṭhāna”nti kammaṭṭhānasabhāvūpadhāraṇanti vuttaṃ hoti.

Evaṃ pañcasandhikaṃ kammaṭṭhānaṃ uggaṇhanto attanāpi na kilamati, ācariyampi na viheseti. Tasmā thokaṃ uddisāpetvā bahukālaṃ sajjhāyitvā evaṃ pañcasandhikaṃ kammaṭṭhānaṃ uggahetvā ācariyassa santike vā aññātra vā pubbe vuttappakāre senāsane vasantena upacchinnakuddakapalibodhena katabhattakiccena bhattasammaḍaṃ paṭivinodetvā sukhanisinnena ratanattayaguṇānussaraṇena cittaṃ sampahaṃsetvā ācariyuggahato ekapadampi asammuyhantena idaṃ ānāpānassatikammaṭṭhānaṃ manasi kātabbaṃ. Tatrāyaṃ manasikāraṇidhi –

223. Gaṇanā anubandhanā, phusanā ṭhapanā sallakkhaṇā;
Vivaṭṭanā pārisuddhi, tesañca paṭipassanāti.

Tattha **gaṇanāti** gaṇanāyeva. **Anubandhanāti** anuvahanā. **Phusanāti** phutṭhaṭṭhānaṃ. **Ṭhapanāti** appanā. **Sallakkhaṇāti** vipassanā. **Vivaṭṭanāti** maggo. **Pārisuddhīti** phalaṃ. **Tesañca paṭipassanāti** paccavekkhaṇā.

Tattha iminā ādikammikena kulaputtena paṭhamaṃ gaṇanāya idaṃ kammaṭṭhānaṃ manasi kātabbaṃ. Gaṇentena ca pañcannaṃ heṭṭhā na ṭhabetabbaṃ. Dasannaṃ upari na netabbaṃ. Antarā khaṇḍaṃ na dassetabbaṃ. Pañcannaṃ heṭṭhā ṭhapanassa hi sambādhe okāse cittuppādo vipphandati sambādhe vaje sanniruddhagoṇa viya. Dasannampi upari nentassa gaṇananissitako cittuppādo hoti. Antarā khaṇḍaṃ dassentassa “sikhāpattaṃ nu kho me kammaṭṭhānaṃ, no”ti cittaṃ vikampati. Tasmā ete dose vajjetvā gaṇetabbaṃ.

Gaṇentena ca paṭhamam dandhagaṇanāya **dhaññamāpakagaṇanāya** gaṇetabbaṃ. Dhaññamāpako hi nāliṃ pūretvā “eka”nti vatvā okirati. Puna pūrento kiñci kacavaram disvā taṃ chaḍḍento “ekam eka”nti vadati. Esa nayo dve dvetiādīsu. Evameva imināpi assāsapassāsesu yo upaṭṭhāti, taṃ gahetvā “ekam eka”nti ādim katvā yāva “dasa dasā”ti pavattamānam pavattamānam upalakkhetvāva gaṇetabbaṃ. Tassa evam gaṇayato nikkhamantā ca pavisantā ca assāsapassāsā pākaṭā honti.

Athānena taṃ dandhagaṇanam dhaññamāpakagaṇanam pahāya sīghagaṇanāya **gopālakagaṇanāya** gaṇetabbaṃ. Cheko hi gopālako sakkharādayo ucchaṅgena gahetvā rajjudandaḥattho pātova vajaṃ gantvā gāvo piṭṭhiyaṃ paharivā paligatthambhamatthake nisinno dvārappattaṃ dvārappattaṃyeva gāvim ekā dveti sakkharam khipitvā gaṇeti. Tiyaṃmarattiṃ sambādhe okāse dukkhaṃ vutthagogaṇo nikkhamanto nikkhamanto aññamaññam upanighaṃsanto vegena vegena puñjapuñjo hutvā nikkhamati. So vegena vegena “tīṇi cattāri pañca dasā”ti gaṇetiyeva, evamimassāpi purimanayena gaṇayato assāsapassāsā pākaṭā hutvā sīgham sīgham punappunam sañcaranti. Tatonena “punappunam sañcaranti”ti ñatvā anto ca bahi ca agahetvā dvārappattaṃ dvārappattaṃyeva gahetvā “eko dve tīṇi cattāri pañca cha. Eko dve tīṇi cattāri pañca cha satta... pe... aṭṭha, nava, dasā”ti sīgham sīyam gaṇetabbameva. Gaṇanapaṭibaddhe hi kammaṭṭhāne gaṇanabaleneva cittaṃ ekaggaṃ hoti, arittupatthambhanavasena caṇḍasote nāvāṭṭhanamiva.

Tassevaṃ sīgham sīgham gaṇayato kammaṭṭhānam nirantaram pavattaṃ viya hutvā upaṭṭhāti. Atha nirantaram pavattatīti ñatvā anto ca bahi ca vātam apariggahetvā purimanayeneva vegena vegena gaṇetabbaṃ. Anto pavisanavātena hi saddhiṃ cittaṃ pavesayato abbhantaram vātabbhāhataṃ medapūritam viya hoti. Bahi nikkhamanavātena saddhiṃ cittaṃ nīharato bahiddhā puthuttārammaṇe cittaṃ vikkhipati. Phuṭṭhaphuṭṭhokāse pana satim ṭhapetvā bhāventasseva bhāvanā sampajjati. Tena vuttam “anto ca bahi ca vātam apariggahetvā purimanayeneva vegena vegena gaṇetabba”nti.

Kīvaciram panetaṃ gaṇetabbanti? Yāva vinā gaṇanāya assāsapassāsārammaṇe sati santiṭṭhati. Bahivisaṭavittakkavicchedaṃ katvā assāsapassāsārammaṇe satsañṭhāpanatthamāyeva hi gaṇanāti.

224. Evam gaṇanāya manasi katvā **anubandhanāya** manasi kātabbaṃ. **Anubandhanā** nāma gaṇanam paṭisaṃharitvā satiyā nirantaram assāsapassāsānam anugamanam. Tañca kho na ādimajjhapariyosānānugamanavasena. Bahinikkhamanavātassa hi nābhi ādi, hadayaṃ majjham, nāsikaggaṃ pariyosānam. Abbhantaram pavisanavātassa nāsikaggaṃ ādi, hadayaṃ majjham nābhi pariyosānam. Tañcassa anugacchato vikkhepagataṃ cittaṃ sāraddhāya ceva hoti iñjanāya ca. Yathāha –

“Assāsādimajjhapariyosānam satiyā anugacchato ajjhataṃ vikkhepagatena cittena kāyopi cittampi sāraddhā ca honti iñjitā ca phanditā ca. Passāsādimajjhapariyosānam satiyā anugacchato bahiddhā vikkhepagatena cittena kāyopi cittampi sāraddhā ca honti iñjitā ca phanditā cā”ti (paṭi. ma. 1.157).

Tasmā anubandhanāya manasikarontena ādimajjhapariyosānavasena na manasi kātabbaṃ. Apica kho **phusanāvasena** ca **ṭhapanāvasena** ca manasi kātabbaṃ. Gaṇanānubandhanāvasena viya hi phusanāṭhapanāvasena visuṃ manasikāro natthi. Phuṭṭhaphuṭṭhāneyeva pana gaṇento gaṇanāya ca phusanāya ca manasi karoti. Tattheva gaṇanam paṭisaṃharitvā te satiyā anubandhanto, appanāvasena ca cittaṃ ṭhapento anubandhanāya ca phusanāya ca ṭhapanāya ca manasi karotīti vuccati. Svāyamatto **aṭṭhakathāsu** vuttapaṅguladovārikūpamāhi **paṭisambhidāyaṃ** vuttakakacūpamāya ca veditabbo.

225. Tatrāyaṃ **paṅgulopamā** – seyyathāpi paṅguḷo dolāya kīḷataṃ mātāputtānam dolaṃ khipitvā tattheva dolāthambhamūle nisinno kamena āgacchantassa ca gacchantassa ca dolāphalakassa ubho koṭiyo majjhañca passati, na ca ubhokoṭimajjhānam dassanattaṃ byāvaṭo hoti, evamevāyaṃ bhikkhu sativasena upanibandhanathambhamūle ṭhatvā assāsapassāsadolam khipitvā tattheva nimitte satiyā nisīdanto kamena āgacchantānañca gacchantānañca phuṭṭhāṭṭhāne assāsapassāsānam ādimajjhapariyosānam satiyā anugacchanto tattha ca cittaṃ ṭhapento passati, na ca tesam dassanattaṃ byāvaṭo hoti, ayaṃ paṅgulopamā.

226. Ayaṃ pana **dovārikūpamā** – seyyathāpi dovāriko nagarassa anto ca bahi ca purise “ko tvam, kuto vā āgato, kuhim vā gacchasi, kim vā te hatthe”ti na vīmaṃsati. Na hi tassa te bhārā, dvārappattaṃ dvārappattaṃyeva pana vīmaṃsati, evameva imassa bhikkhuno antopaviṭṭhavātā ca bahinikkhantavātā ca na bhārā honti, dvārappattā dvārappattāyeva bhārāti ayaṃ dovārikūpamā.

227. **Kakacūpamā** pana ādito paṭṭhāya evam veditabbā. Vuttañhetam –

“Nimittaṃ assāsapassāsā, anārammaṇamekacittassa;
Ajānato ca tayo dhamme, bhāvanā nupalabbhati.

“Nimittaṃ assāsapassāsā, anārammaṇamekacittassa;
Jānato ca tayo dhamme, bhāvanā upalabbhati”ti. (paṭi. ma. 1.159);

“Katham ime tayo dhammā ekacittassa ārammaṇā na honti, na cime tayo dhammā aviditā honti, na ca cittaṃ vikkhepaṃ gacchati, padhānañca paññāyati, payogañca sādheti, visesamadhi gacchati? Seyyathāpi rukkho same

bhūmibhāge nikkhitto, tamenam puriso kakacena chindeyya. Rukkhe phutthakakacadantānaṃ vasena purisassa sati upaṭṭhitā hoti, na āgate vā gate vā kakacadante manasi karoti, na āgatā vā gatā vā kakacadantā aviditā honti, padhānañca paññāyati, payogañca sādheti, visesamadhigacchati.

“Yathā rukkho same bhūmibhāge nikkhitto, evaṃ upanibandhanānimittaṃ. Yathā kakacadantā, evaṃ assāsapassāsā. Yathā rukkhe phutthakakacadantānaṃ vasena purisassa sati upaṭṭhitā hoti, na āgate vā gate vā kakacadante manasi karoti, na āgatā vā gatā vā kakacadantā aviditā honti, padhānañca paññāyati, payogañca sādheti, visesamadhigacchati, evameva bhikkhu nāsikagge vā mukhanimutte vā satim upaṭṭhapetvā nisinno hoti, na āgate vā gate vā assāsapassāsā manasi karoti, na ca āgatā vā gatā vā assāsapassāsā aviditā honti, padhānañca paññāyati, payogañca sādheti, visesamadhigacchati.

“Padhānanti katamaṃ **padhānaṃ**? Āraddhavīriyassa kāyopi cittampi kammaniyaṃ hoti, idaṃ padhānaṃ. Katamo **payogo**? Āraddhavīriyassa upakkilesā pahiyanti, vitakkā vūpasamanti, ayaṃ payogo. Katamo **viseso**? Āraddhavīriyassa saṃyojanā pahiyanti, anusayā byantī honti, ayaṃ viseso. Evaṃ ime tayo dhammā ekacittassa ārammaṇā na honti, na cime tayo dhammā aviditā honti, na ca cittaṃ vikkhepaṃ gacchati, padhānañca paññāyati, payogañca sādheti, visesamadhigacchati (paṭi. ma. 1.159).

“Ānāpānassati yassa, paripuṇṇā subhāvitā;
Anupubbaṃ paricitā, yathā buddhena desitā;
So imaṃ lokaṃ pabhāseti, abbhā muttova candimā”ti. (paṭi. ma. 1.160);

Ayaṃ kakacūpamā. Idha panassa āgatāgatavasena amanasikāramattameva payojananti veditabbaṃ.

228. Idaṃ kammaṭṭhānaṃ manasikaroto kassaci na cireneva nimittañca uppajjati, avasesajhānaṅgapaṭimaṇḍitā appanāsaṅkhātā ṭhaṇā ca sampajjati. Kassaci pana gaṇanāvaseveva manasikārakālate pabhutī anukkamato oḷārikaassāpassāsānirodhavasena kāyadarathe vūpasante kāyopi cittampi lahukaṃ hoti, sarīraṃ ākāse laṅghanākārapattaṃ viya hoti. Yathā sāraddhakāyassa mañce vā piṭhe vā nisīdato mañcapīṭhaṃ onamati, vikūjati, paccattharaṇaṃ valim gaṇhāti. Asāraddhakāyassa pana nisīdato neva mañcapīṭhaṃ onamati, na vikūjati, na paccattharaṇaṃ valim gaṇhāti, tūlapicupūritam viya mañcapīṭhaṃ hoti. Kasmā? Yasmā asāraddho kāyo lahuko hoti. Evameva gaṇanāvaseveva manasikārakālate pabhutī anukkamato oḷārikaassāpassāsānirodhavasena kāyadarathe vūpasante kāyopi cittampi lahukaṃ hoti, sarīraṃ ākāse laṅghanākārapattaṃ viya hoti.

Tassa oḷārike assāsapassāsā niruddhe sukhumassāpassāsānimitārammaṇaṃ cittaṃ pavattati. Tasmimpi niruddhe aparāparaṃ tato sukhumataṃ sukhumataṃ nimittārammaṇaṃ pavattatiyeva. Kathaṃ? Yathā puriso mahatiyā lohasalākāya kaṃsathālaṃ ākoṭeyya, ekappahārena mahāsaddo uppajjeyya, tassa oḷārikasaddārammaṇaṃ cittaṃ pavatteyya. Niruddhe oḷārike sadde atha pacchā sukhumasaddanimitārammaṇaṃ, tasmimpi niruddhe aparāparaṃ tato sukhumataṃ sukhumataṃ saddanimitārammaṇaṃ pavattateva, evanti veditabbaṃ. Vuttampicetaṃ – “seyyathāpi kaṃse ākoṭite”ti (paṭi. ma. 1.171) vitthāro.

229. Yathā hi aññāni kammaṭṭhānāni uparūpari vibhūtāni honti, na tathā idaṃ. Idaṃ pana uparūpari bhāventassa sukhumattaṃ gacchati, upaṭṭhānampi na upagacchati, evaṃ anupaṭṭhahante pana tasmim tena bhikkhunā utthāyāsānā cammakhaṇḍaṃ papphoṭevā na gantabbaṃ. Kiṃ kātābbaṃ? “Ācariyaṃ pucchissāmi”ti vā, “naṭṭhaṃ dāni me kammaṭṭhāna”nti vā na vuṭṭhātābbaṃ. Iriyāpathaṃ vikopetvā gacchato hi kammaṭṭhānaṃ navanavameva hoti. Tasmā yathānisinneneva desato āharitabbaṃ.

Tatrāyaṃ āharaṇūpāyo, tena hi bhikkhunā kammaṭṭhānassa anupaṭṭhānabhāvaṃ ñatvā iti paṭisañcikkhitabbaṃ, ime assāsapassāsā nāma kattha atthi, kattha natthi. Kassa vā atthi, kassa vā natthīti. Athevaṃ paṭisañcikkhatā ime antomātukucchiyaṃ natthi, udake nimuggānaṃ natthi, tathā asaṅñībhūtānaṃ, matānaṃ, catutthajjhānasamāpannānaṃ, rūpārūpabhavasamaṅgīnaṃ, nirodhasamāpannānanti ñatvā evaṃ attanāva attā paṭicodetabbo “nanu tvaṃ, paṇḍita, neva mātukucchigato, na udake nimuggo, na asaṅñībhūto, na mato, na catutthajjhānasamāpanno, na rūpārūpabhavasamaṅgī, na nirodhasamāpanno. Athiyeva te assāsapassāsā, mandapaññāyā pana pariggahetuṃ na sakkosī”ti. Athānena pakatiphuṭṭhavasena cittaṃ ṭhapetvā manasikāro pavattetabbo. Ime hi dīghanāsikassa nāsāputaṃ ghaṭṭentā pavattanti. Rassanāsikassa uttarotthaṃ. Tasmānena imaṃ nāma thānaṃ ghaṭṭentīti nimittaṃ ṭhapetabbaṃ. Imameva hi atthavasam paṭicca vuttaṃ bhagavatā – “nāhaṃ, bhikkhave, muṭṭhasatissa asaṃpajānassa ānāpānassatibhāvanaṃ vadāmi”ti (ma. ni. 3.149; saṃ. ni. 5.992).

230. Kiñcāpi hi yaṃkiñci kammaṭṭhānaṃ satassa sampajānasseva sampajjati. Ito aññaṃ pana manasikarontassa pākāṭaṃ hoti. Idaṃ pana ānāpānassatikammaṭṭhānaṃ garukaṃ garukabhāvanaṃ buddhapaccekaabuddhabuddhaputtānaṃ mahāpurisānaṃyeva manasikārabhūmibhūtaṃ, na ceva ittaṃ, na ca ittarasattasamāsevitam. Yathā yathā manasi karīyati, tathā tathā santañceva hoti sukhumañca. Tasmā ettha balavatī sati ca paññā ca icchitabbā.

Yathā hi maṭṭhasatākaṃ tunnakaraṇakāle sūcīpi sukhumā icchitabbā. Sūcīpāsavedhanampi tato sukhumataṃ, evameva

maṭṭhasātakasadisassa imassa kammaṭṭhānassa bhāvanākāle sūcipaṭibhāgā satipi, sūcipāsavedhanapaṭibhāgā taṃsampaṃyuttā paññāpi balavatī icchitabbā. Tāhi ca pana satipaṭṭhāni samannāgatena bhikkhunā na te assāpassāsā aññatra pakatiphuṭṭhokāsā pariyesitabbā.

Yathā pana kassako kasim kasitvā balībadde muñcitvā gocaramukhe katvā chāyāya nisinno vissameyya, athassa te balībaddā vegena aṭavim paviseyyum. Yo hoti cheko kassako, so puna te gahetvā yojetukāmo na tesam anupadam gantvā aṭavim āhiṇḍahi, atha kho rasmiṇca patodaṇca gahetvā ujukameva tesam nipātanatittham gantvā nisīdati vā nipajjati vā, atha te gone divasabhāgam caritvā nipātanatittham otarivā nhatvā ca pivitvā ca paccuttarivā ṭhite disvā rasmiyā bandhitvā patodena vijjhanto ānetvā yojetvā puna kammaṃ karoti, evameva tena bhikkhunā na te assāpassāsā aññatra pakatiphuṭṭhokāsā pariyesitabbā. Satirasmim pana paññāpatodaṇca gahetvā pakatiphuṭṭhokāse cittaṃ ṭhapetvā manasikāro pavattetabbo. Evañhissa manasikaroto na cirasseva te upaṭṭhahanti nipātanatithe viya goṇā. Tatonena satirasmiyā bandhitvā tasmimyeva ṭhāne yojetvā paññāpatodena vijjhantena punappunam kammaṭṭhānam anuyuñjitabbaṃ.

231. Tassevamanuyuñjato na cirasseva nimittam upaṭṭhāti. Tam panetam na sabbesam ekasadisam hoti. Apica kho kassaci sukhasamphassaṃ uppādayamāno tūlapicu viya kappāsapicu viya vātadhārā viya ca upaṭṭhātī ekacce āhu.

Ayam pana **aṭṭhakathāsu vinicchayo**, idañhi kassaci tārakarūpaṃ viya maṇigulikā viya muttāgulikā viya ca, kassaci kharasamphassaṃ hutvā kappāsattī viya dārusārasūci viya ca, kassaci dīghapāmaṅgasuttaṃ viya kusumadāmaṃ viya dhūmasikhā viya ca, kassaci vitthataṃ makkaṭakasuttaṃ viya valāhakapaṭalam viya padumapupphaṃ viya rathacakkaṃ viya candamaṇḍalam viya sūriyamaṇḍalam viya ca upaṭṭhāti. Tañca panetam yathā sambahulesu bhikkhūsu suttantaṃ sajjhāyitvā nisinesu ekena bhikkhunā “tumhākaṃ kīdisam hutvā idaṃ suttaṃ upaṭṭhātī”ti vutte eko “mayham mahatī pabbateyyā nadī viya hutvā upaṭṭhātī”ti āha. Aparo “mayham ekā vanarāji viya”. Añño “mayham eko sītacchāyo sākhasampanno phalabhārabharitarukko viya”ti. Tesam hi tam ekameva suttaṃ saññānānatāya nānato upaṭṭhāti. Evaṃ ekameva kammaṭṭhānam saññānānatāya nānato upaṭṭhāti. Saññājañhi etaṃ saññānidānam saññāpabhavaṃ. Tasmā saññānānatāya nānato upaṭṭhātīti veditabbaṃ.

Ettha ca aññameva assāsārammaṇam cittaṃ, aññam passāsārammaṇam, aññam nimittārammaṇam. Yassa hi ime tayo dhammā natthi, tassa kammaṭṭhānam neva appanaṃ, na upacāram pāpuṇāti. Yassa pana ime tayo dhammā atthi, tasseva kammaṭṭhānam upacāraṇca appanaṇca pāpuṇāti. Vuttañhetam –

“Nimittam assāsapassāsā, anārammaṇamekacittassa;
Añānato tayo dhamme, bhāvanā nupalabbhati.

“Nimittam assāsapassāsā, anārammaṇamekacittassa;
Jānato tayo dhamme, bhāvanā upalabbhati”ti. (pārā. aṭṭha. 2.165);

232. Evaṃ upaṭṭhite pana nimitte tena bhikkhunā ācariyassa santikaṃ gantvā ārocetabbaṃ “mayham, bhante, evarūpaṃ nāma upaṭṭhātī”ti. Ācariyena pana etaṃ nimittanti vā na vā nimittanti na vattabbaṃ. “Evaṃ hoti, āvuso”ti vatvā punappunam manasi karohīti vattabbo. Nimittanti hi vutte vosānam āpajjeyya. Na nimittanti vutte nirāso visīdeyya. Tasmā tadubhayampi avatvā manasikāreyeva niyojetabboti. Evaṃ tāva **dīghabhāṇakā**.

Majjhimbhāṇakā panāhu “nimittamidaṃ, āvuso, kammaṭṭhānam punappunam manasi karohi sappurisāti vattabbo”ti. Athānena nimitteyyeva cittaṃ ṭhapetabbaṃ. Evamassāyam ito pabhuti ṭhapanāvasena bhāvanā hoti. Vuttañhetam porāṇehi –

“Nimitte ṭhapaṃ cittaṃ, nānākāram vibhāvayaṃ;
Dhīro assāsapassāsā, sakaṃ cittaṃ nibandhati”ti. (pārā. aṭṭha. 2.165);

Tassevaṃ nimittupaṭṭhānato pabhuti nīvaraṇāni vikkhambhitāneva honti, kilesā sannisināva. Satī upaṭṭhitāyeva. Cittaṃ upacārasamādhinā samāhitameva. Athānena tam nimittam neva vaṇṇato manasi kātabbaṃ, na lakkhaṇato paccavekkhitabbaṃ. Apica kho khattiyamahesiyā cakkavattigabbho viya kassakena sāliyavagabbho viya ca āvāsādīni satta asappāyāni vajjjetvā tāneva satta sappāyāni sevantena sādhuṃ rakkhitabbaṃ. Atha nam evam rakkhitvā punappunam manasikārasena vuddhim virūlhim gamayitvā dasavidham appanākosallaṃ sampādetabbaṃ, vīriyasamatā yojetabbā. Tassevaṃ ghaṭentassa pathavīkaṣiṇe vuttānukkameneva tasmim nimitte catukkapañcakajjhānāni nibbattanti.

233. Evaṃ nibbattacatukkapañcakajjhāno panettha bhikkhu **sallakkhaṇāvivaṭṭanā**vasena kammaṭṭhānam vadḍhetvā **pārisuddhim** pattukāmo tadeva jhānam pañcahākārehi vasippattam paṇaṃ katvā nāmarūpaṃ vavatthapetvā vipassanaṃ paṭṭhapi. Kathaṃ? So hi samāpattito vuttāyā assāsapassāsānam samudayo karajakāyo ca cittañcāti passati. Yathā hi kammāragaggariyā dhamamānāya bhastaṇca purisassa ca tammaṃ vāyamaṃ paṭicca vāto sañcarati, evameva kāyaṇca cittaṇca paṭicca assāsapassāsāti. Tato assāsapassāsā ca kāyaṇca rūpanti cittaṇca taṃsampaṃyuttadhamme ca arūpanti vavatthapeti. Ayamettha saṅkhepo. Vitthārato pana nāmarūpavavatthānam parato āvibhavisati.

Evaṃ nāmarūpaṃ vavatthapetvā tassa paccayaṃ pariyesati. Pariyesanto ca nam disvā tīsupi addhāsu nāmarūpassa

pavattim ārabba kaṅkhaṃ vitaratī. Vitiṅṅakaṅkho kalāpasammasanavasena tilakkhaṇaṃ āropetvā udayabbayānupassanāya pubbhāge uppanne obhāsādayo dasa vipassanupakkilese pahāya upakkilesavimuttaṃ paṭipadañāṇaṃ maggoti vavathapetvā udayaṃ pahāya bhaṅgānupassanaṃ patvā nirantaraṃ bhaṅgānupassanena vayato upaṭṭhitesu sabbasaṅkhāresu nibbindanto virajjanto vimuccanto yathākkamena cattāro ariyamagge pāpuṇitvā arahattaphale paṭiṭṭhāya ekūnavīsatisbhedassa paccavekkhaṇāñāṇassa pariyaṅtaṃ patto sadevakassa lokassa aggadakkhiṇeyyo hoti.

Ettāvātā cassa gaṇanaṃ ādiṃ katvā vipassanāpariyosānā ānāpānassatisamādhībhāvanā samattā hotīti ayaṃ sabbākārato paṭhamacatukkavaṇṇanā.

234. Itaresu pana tīsu catukkesu yasmā visuṃ kammaṭṭhānabhāvanānayo nāma natthi. Tasmā anupadavaṇṇanāyeneva tesam evaṃ attho veditabbo.

Pītipaṭisaṃvedīti pītiṃ paṭisaṃviditaṃ karonto pākaṭaṃ karonto assasissāmi passasissāmīti sikkhati. Tattha dvīhākārehi pīti paṭisaṃviditā hoti ārammaṇato ca asammohato ca.

Kathaṃ **ārammaṇato** pīti paṭisaṃviditā hoti? Sappīṭike dve jhāne samāpajjati. Tassa samāpattikkhaṇe jhānapaṭilābhena ārammaṇato pīti paṭisaṃviditā hoti, ārammaṇassa paṭisaṃviditattā. Kathaṃ **asammohato**? Sappīṭike dve jhāne samāpajjitvā vuṭṭhāya jhānasampayuttaṃ pītiṃ khayato vayato sammasati. Tassa vipassanākkhaṇe lakkhaṇapaṭivedhena asammohato pīti paṭisaṃviditā hoti. Vuttañhetam paṭisambhidāyaṃ (paṭi. ma. 1.172) –

“Dīghaṃ assāsavasena cittassa ekaggataṃ avikkhepaṃ pajānato sati upaṭṭhitā hoti. Tāya satiyā tena ñāṇena sā pīti paṭisaṃviditā hoti. Dīghaṃ passāsavasena... rassaṃ assāsavasena... rassaṃ passāsavasena... sabbakāyapaṭisaṃvedī assāsapassāsavasena... passambhayaṃ kāyasaṅkhāraṃ assāsapassāsavasena cittassa ekaggataṃ avikkhepaṃ pajānato sati upaṭṭhitā hoti. Tāya satiyā tena ñāṇena sā pīti paṭisaṃviditā hoti. Āvajjato sā pīti paṭisaṃviditā hoti. Jānato passato paccavekkhato cittaṃ adhiṭṭhahato saddhāya adhimuccato vīriyaṃ paggaṇhato satim upaṭṭhāpayato cittaṃ samādahato paññāya pajānato abhiññeyyaṃ pariññeyyaṃ pahātabbaṃ bhāvetabbaṃ sacchikātabbaṃ sacchikaroto sā pīti paṭisaṃviditā hoti. Evaṃ sā pīti paṭisaṃviditā hoti”ti.

Eteneva nayena avasesapadānīpi atthato veditabbāni. Idampanettha visesamattaṃ, tiṅṅaṃ jhānānaṃ vasena **sukhapāṭisaṃveditā**, catunnampi vasena **cittasaṅkhārapāṭisaṃveditā** veditabbā. **Cittasaṅkhāro**ti vedanādayo dve khandhā. Sukhapāṭisaṃvedipade cettha vipassanābhūmidassanattaṃ “sukhanti dve sukhāni kāyikaṇca sukhaṃ cetasikaṇcā”ti paṭisambhidāyaṃ (paṭi. ma. 1.173) vuttaṃ. **Passambhayaṃ cittasaṅkhāraṇti** oḷārikaṃ oḷārikaṃ cittasaṅkhāraṃ passambhento, nirodhentoti attho. So vitthārato kāyasaṅkhāre vuttanayeneva veditabbo.

Apicettha pītipade pītīsīsena vedanā vuttā. Sukhapade sarūpeneva vedanā. Dvīsu cittasaṅkhārapadesu “saññā ca vedanā ca cetasikā ete dhammā cittaṭṭhābhādhā cittasaṅkhārā”ti (paṭi. ma. 1.174; ma. ni. 1.463) vacanato saññāsampayuttā vedanāti evaṃ **vedanānupassanāyena** idaṃ catukkaṃ bhāsītanti veditabbaṃ.

235. Tatiyacatukkepi catunnaṃ jhānānaṃ vasena **cittapaṭisaṃveditā** veditabbā. **Abhippamodayaṃ cittanti** cittaṃ modonto pamodonto hāsento pahāsento assasissāmi passasissāmīti sikkhati. Tattha dvīhākārehi abhippamodo hoti samādhivasena ca vipassanāvasena ca.

Kathaṃ **samādhivasena**? Sappīṭike dve jhāne samāpajjati. So samāpattikkhaṇe sampayuttapītiyā cittaṃ āmodeti pamodeti. Kathaṃ **vipassanāvasena**? Sappīṭike dve jhāne samāpajjitvā vuṭṭhāya jhānasampayuttapītiṃ khayato vayato sammasati. Evaṃ vipassanākkhaṇe jhānasampayuttaṃ pītiṃ ārammaṇaṃ katvā cittaṃ āmodeti pamodeti. Evaṃ paṭipanno “abhippamodayaṃ cittaṃ assasissāmi passasissāmīti sikkhati”ti vuccati.

Samādahaṃ cittanti paṭhamajjhānādivasena ārammaṇe cittaṃ samaṃ ādahanto samaṃ ṭhapento. Tāni vā pana jhānāni samāpajjitvā vuṭṭhāya jhānasampayuttaṃ cittaṃ khayato vayato sampassato vipassanākkhaṇe lakkhaṇapaṭivedhena uppajjati khaṇikacittekaggatā. Evaṃ uppannāya khaṇikacittekaggatāya vasenapi ārammaṇe cittaṃ samaṃ ādahanto samaṃ ṭhapento “samādahaṃ cittaṃ assasissāmi passasissāmīti sikkhati”ti vuccati.

Vimocayaṃ cittanti paṭhamajjhānena nīvaraṇehi cittaṃ mocento vimocento, dutiyena vitakkavicārehi, tatiyena pītiyā, catutthena sukhadukkhehi cittaṃ mocento vimocento. Tāni vā pana jhānāni samāpajjitvā vuṭṭhāya jhānasampayuttaṃ cittaṃ khayato vayato sammasati. So vipassanākkhaṇe aniccānupassanāya niccasaññāto cittaṃ mocento, dukkhānupassanāya sukhasaññāto, anattānupassanāya attasaññāto, nibbidānupassanāya nandito, virāgānupassanāya rāgato, nirodhānupassanāya samudayato, paṭinissaggānupassanāya ādānato cittaṃ mocento assasati ceva passasati ca. Tena vuccati “vimocayaṃ cittaṃ assasissāmi passasissāmīti sikkhati”ti. Evaṃ **cittānupassanāvasena** idaṃ catukkaṃ bhāsītanti veditabbaṃ.

236. Catutthacatukke pana **aniccānupassīti** ettha tāva aniccaṃ veditabbaṃ. Aniccāta veditabbā. Aniccānupassanā veditabbā. Aniccānupassī veditabbo.

Tattha **aniccanti** pañcakkhandhā. Kasmā? Uppādavayaññhattabhāvā. **Aniccatāti** tesamyeva uppādavayaññhattam, hutvā abhāvo vā, nibbattānaṃ tenevākārena aṭṭhatvā khaṇabhaṅgena bhedoti attho. **Aniccānupassanāti** tassā aniccatāya vasena rūpādīsu aniccanti anupassanā. **Aniccānupassīti** tāya anupassanāya samannāgato. Tasmā evaṃbhūto assasanto passasanto ca idha “aniccānupassī assasissāmi passasissāmīti sikkhatī”ti veditabbo.

Virāgānupassīti ettha pana dve virāgā khayavirāgo ca accantavirāgo ca. Tattha **khayavirāgoti** sañkhārānaṃ khaṇabhaṅgo. **Accantavirāgoti** nibbānaṃ. **Virāgānupassanāti** tadubhayadassanavasena pavattā vipassanā ca maggo ca. Tāya duvidhāyapi anupassanāya samannāgato hutvā assasanto passasanto ca “virāgānupassī assasissāmi passasissāmīti sikkhatī”ti veditabbo. **Nirodhānupassī**padepi eseva nayo.

Paṭinissaggānupassīti etthāpi dve paṭinissaggā pariccāgapaṭinissaggo ca pakkhandanapaṭinissaggo ca. Paṭinissaggoyeva anupassanā paṭinissaggānupassanā. Vipassanāmaggānaṃ etamadhivacanāṃ.

Vipassanā hi tadaṅgavasena saddhiṃ khandhābhisañkhārehi kilēse pariccajati, sañkhatadosadassanena ca tabbiparīte nibbāne tanninnatāya pakkhandatīti **pariccāgapaṭinissaggo** ceva **pakkhandanapaṭinissaggoti** ca vuccati. **Maggo** samucchēdavasena saddhiṃ khandhābhisañkhārehi kilēse pariccajati, ārammaṇakaraṇena ca nibbāne pakkhandatīti **pariccāgapaṭinissaggo** ceva **pakkhandanapaṭinissaggoti** ca vuccati. Ubhayampi pana purimapurimaññānaṃ anuanupassanato **anupassanāti** vuccati. Tāya duvidhāyapi paṭinissaggānupassanāya samannāgato hutvā assasanto passasanto ca “paṭinissaggānupassī assasissāmi passasissāmīti sikkhatī”ti veditabbo.

Idaṃ catutthacatukkaṃ suddhavipassanāvaseneva vuttaṃ. Purimāni pana tīṇi samathavipassanāvasena. Evaṃ catunnaṃ catukkānaṃ vasena soḷasavatthukāya ānāpānassatiyā bhāvanā veditabbā. Evaṃ soḷasavatthuvaseva ca pana ayaṃ ānāpānassati mahapphalā hoti mahānisamsā.

237. Tatrassa “ayampi kho, bhikkhave, ānāpānassatisamādhī bhāvito bahulīkato santo ceva paṇīto cā”tiādivacanato santabhāvādivasenāpi mahānisamsatā veditabbā, vitakkupacchedasamatthāyapi. Ayañhi santapaṇītaasecanakasukhavihārattā samādhiantarāyakarānaṃ vitakkānaṃ vasena ito cito ca cittassa vidhāvanaṃ vicchinditvā ānāpānārammaṇābhīmukhameva cittaṃ karoti. Teneva vuttaṃ “ānāpānassati bhāvetabbā vitakkupacchēdāyā”ti (a. ni. 9.1).

Vijjāvimuttipāripūriyā mūlabhāvenāpi cassā mahānisamsatā veditabbā. Vuttañhetam bhagavatā – “ānāpānassati, bhikkhave, bhāvitā bahulīkatā cattāro satipaṭṭhāne paripūreti, cattāro satipaṭṭhānā bhāvitā bahulīkatā satta bojjhaṅge paripūrenti, satta bojjhaṅgā bhāvitā bahulīkatā vijjāvimuttiṃ paripūrentī”ti (ma. ni. 3.147).

Apica carimakānaṃ assāsapassāsānaṃ viditabhāvakarāṇatopissā mahānisamsatā veditabbā. Vuttañhetam bhagavatā – “evaṃ bhāvitāya kho, rāhula, ānāpānassatiyā evaṃ bahulīkatāya yepi te carimakā assāsapassāsā, tepi viditāva nirujjhanti, no aviditā”ti (ma. ni. 2.121).

238. Tattha nirodhavasena tayo carimakā bhavacarimakā, jhānacarimakā, cuticarimakāti. Bhavesu hi kāmahave assāsapassāsā pavattanti, rūpārūpabhavesu nappavattanti, tasmā te **bhavacarimakā**. Jhānesu purime jhānattaye pavattanti, catutthe nappavattanti, tasmā te **jhānacarimakā**. Ye pana cuticcittassa purato soḷasamena cittena saddhiṃ uppajjitvā cuticcittena saha nirujjhanti, ime **cuticarimakā** nāma. Ime idha “carimakā”ti adhippetā.

Imaṃ kira kammaṭṭhānaṃ anuyuttassa bhikkhuno ānāpānārammaṇassa suṭṭhu pariggahitattā cuticcittassa purato soḷasamassa cittassa uppādakkaṇe uppādam āvajjayato uppādopi nesam pākāto hoti. Ṭhitim āvajjayato ṭhitipi nesam pākāṭā hoti. Bhaṅgaṃ āvajjayato ca bhaṅgo nesam pākāto hoti.

Ito aññaṃ kammaṭṭhānaṃ bhāvetvā arahattam pattassa bhikkhuno hi āyuantaram paricchinnam vā hoti aparicchinnam vā. Idaṃ pana soḷasavatthukaṃ ānāpānassatiṃ bhāvetvā arahattam pattassa āyuantaram paricchinnameva hoti. So “ettakaṃ dāni me āyusañkhārā pavattissanti, na ito para”nti ñatvā attano dhammatāya eva sarīrapaṭijaggananivāsanaṃ parupānādīni sabbakiccāni katvā akkhīni nimīleti koṭapabbatavihāravāsītissatthero viya mahākaraññiyavihāravāsīmāhātissatthero viya devaputtamahāraṭṭhe piṇḍapātikatissatthero viya cittalapabbatavihāravāsino dve bhātiyattherā viya ca.

Tatridaṃ ekavatthuparidīpanam. Dvebhātiyattherānaṃ kireko puṇṇamuposathadvise pātimokkham osāretvā bhikkhusaṅghaparivuto attano vasanaṭṭhānaṃ gantvā caṅkame ṭhito candālokaṃ oloketvā attano āyusañkhāre upadhāretvā bhikkhusaṅghamāha – “tumhehi katham parinibbāyanta bhikkhū diṭṭhapubbā”ti. Tatra keci āhaṃsu “amhehi āsane nisinnakāva parinibbāyanta diṭṭhapubbā”ti. Keci “amhehi ākāse pallaṅkamābhujitvā nisinnakā”ti. Thero āha – “ahaṃ dāni vo caṅkamantameva parinibbāyamaṇaṃ dassessāmī”ti tato caṅkame lekham katvā “ahaṃ ito caṅkamakoṭito paraḷoṭim gantvā nivattamāno imaṃ lekham patvāva parinibbāyissāmī”ti vatvā caṅkamaṃ oruyha parabhaṅgaṃ gantvā nivattamāno ekena pādēna lekham akkantakkhaṇeyeva parinibbāyi.

Tasmā have appamatto, anuyuñjetha paṇḍito;
Evaṃ anekānisamsaṃ, ānāpānassatiṃ sadāti.

Idaṃ ānāpānassatiyaṃ vitthāarakathāmukhaṃ.

Upasamānussatikathā

239. Ānāpānassatiyā anantaraṃ uddiṭṭhaṃ pana upasamānussatiṃ bhāvetukāmena rahogatena paṭisallīnena – “yāvatā, bhikkhave, dhammā saṅkhatā vā asaṅkhatā vā virāgo tesam dhammānaṃ aggamakkhāyati, yadidaṃ madanimmadano pipāsavinayo ālayasamugghāto vaṭṭupacchedo taṇhakkhayo virāgo nirodho nibbāna’’nti (a. ni. 4.34; itivu. 90) evaṃ sabbadukkhūpasamasāṅkhātassa nibbānassa guṇā anussaritabbā.

Tattha yāvatāti yattakā. **Dhammāti** sabhāvā. **Saṅkhatā vā asaṅkhatā vā** ti saṅgama samāgama paccayehi katā vā akatā vā. **Virāgo tesam dhammānaṃ aggamakkhāyatī** tesam saṅkhatāsaṅkhatadharmānaṃ virāgo aggamakkhāyati seṭṭho uttamoti vuccati. Tattha **virāgoti** na rāgābhāvamattameva, atha kho **yadidaṃ madanimmadano...pe... nibbānanti** yo so madanimmadanotiādīni nāmāni asaṅkhatadhammo labhati, so virāgoti paccetabbo. So hi yasmā tamāgama sabbepi mānamadapurisamadādayo madā nimmadā amadā honti vinassanti, tasmā **madanimmadanoti** vuccati. Yasmā ca tamāgama sabbāpi kāmapiṇṇā vinayaṃ abbatthaṃ yāti, tasmā **pipāsavinayoti** vuccati. Yasmā ca tamāgama pañcakāmaguṇālayā samugghātaṃ gacchati, tasmā **ālayasamugghātoti** vuccati. Yasmā ca tamāgama tebhūmakam vaṭṭam upacchijjati, tasmā **vaṭṭupacchedoti** vuccati. Yasmā pana tamāgama sabbaso taṇhā khayam gacchati virajjati nirujjhati ca, tasmā **taṇhakkhayo virāgo nirodhoti** vuccati. Yasmā panesa catasso yoniyo pañca gatiyo satta viññāṇaṭṭhitiyo nava ca sattāvāse aparāparabhāvāya vinanato ābandhanato saṃsibbanato **vānanti** laddhavohārāya taṇhāya nikkhanto nissaṭṭo viṣaṃyutto, tasmā **nibbānanti** vuccatīti.

Evametesam madanimmadanatādīnaṃ guṇānaṃ vasena nibbānasaṅkhāto upasamo anussaritabbo. Ye vā panaññepi bhagavatā – “asaṅkhatañca vo, bhikkhave, desessāmi... saccañca... pārañca... sududdasañca... ajarañca... dhuvañca... nippapañcañca... amatañca... sivañca... khemañca... abbhutañca... anītikañca... abyābajjhañca... visuddhiñca... dīpañca... tāṇañca ... leṇañca vo, bhikkhave, desessāmi’’tiādīsu (saṃ. ni. 4.366) suttesu upasamaṃ guṇā vuttā, tesampi vasena anussaritabboeva.

Tassevaṃ madanimmadanatādiguṇavasena upasamaṃ anussarato neva tasmim samaye rāgariyuttṭhitam cittaṃ hoti, na dosa... na mohariyuttṭhitam cittaṃ hoti. Ujugatamevassa tasmim samaye cittaṃ hoti **upasamaṃ** ārabhāti buddhānussatiādīsu vuttanayeneva vikkhambhitanīvaraṇassa ekakkhaṇe jhānaṅgāni uppajjanti. Upasamaṃ guṇānaṃ pana gambhīratāya nānappakāraguṇānussaraṇādhimuttatāya vā appanaṃ appatvā upacārappattameva jhānaṃ hoti. Tadetamupasamaṃ guṇānussaraṇavasena upasamānussaticceva saṅkhaṃ gacchati.

Cha anussatiyo viya ca ayampi ariyasāvakasessa ijjhati, evaṃ santepi upasamaṃ garukena puthujjanenāpi manasi kātabbā. Sutavasenāpi hi upasame cittaṃ pasīdati. Imañca pana upasamānussatiṃ anuyutto bhikkhu sukhaṃ supati, sukhaṃ paṭibujjhati, santindriyo hoti santamānaso hirottappasamānāgato pāsādiko paṇīṭadhimuttiko sabrahmacārīnaṃ garu ca bhāvanīyo ca. Uttari appaṭivijjhanto pana sugatiparāyano hoti.

Tasmā have appamatto, bhāvyetha vicakkhaṇo;
Evaṃ anekānisamsaṃ, ariye upasame satinti.

Idaṃ upasamānussatiyaṃ vitthāarakathāmukhaṃ.

Iti sādhujanapāmojjatthāya kate visuddhimagge

Samādhībhāvanādhikāre

Anussatikammaṭṭhānaniddeso nāma

Aṭṭhamo paricchedo.

9. Brahmavihāraniddeso

Mettābhāvanākathā

240. Anussatikammaṭṭhānanantaraṃ uddiṭṭhesu pana mettā, karuṇā, muditā, upekkhāti imesu catūsu brahmavihāresu mettam bhāvetukāmena tāva ādikammikena yogāvacaarena upacchinnapalibodhena gahitakammaṭṭhānena bhattakiccaṃ katvā bhattasammadaṃ paṭivinodetvā vivitte padese supaññatte āsane sukhanisinnena ādito tāva dose ādīnava, khantiyañca ānisamsa paccavekkhitabbo.

Kasmā? Imāya hi bhāvanāya doso pahātabbo, khanti adhigantabbā. Na ca sakkā kiñci adīṭṭhādīnavaṃ pahātum,

aviditānisamsaṃ vā adhigantaṃ. Tasmā “duṭṭho kho, āvuso, dosena abhibhūto pariyādiṇṇacitto paṇampi hanatī”tiādīnaṃ (a. ni. 3.72) vasena dose ādīnavao daṭṭhabbo.

“Khantī paramaṃ tapo titikkhā, nibbānaṃ paramaṃ vadanti buddhā”; (Dī. ni. 2.90; dha. pa. 184);

“Khantibalaṃ balānīkaṃ, tamaḥaṃ brūmi brāhmaṇaṃ”. (dha. pa. 399; su. ni. 628);

“Khantā bhiiyo na vijjati”tiādīnaṃ (saṃ. ni. 1.250) vasena khantiyaṃ ānisamsaṃ veditabbo.

Athevaṃ diṭṭhādīnavato dosato cittaṃ vivecanatthāya, viditānisamsāya ca khantiyā saṃyojanatthāya mettābhāvanā ārabhitabbā. Ārabhantena ca āditova puggalabhedo jānitabbo “imesu puggalesu mettā paṭhamāṃ na bhāvetabbā, imesu neva bhāvetabbā”ti.

Ayañhi mettā appiyapuggale, atippiyasahāyake, majjhatte, veripuggaleti imesu catūsu paṭhamāṃ na bhāvetabbā. Liṅgavisabhāge odhiso na bhāvetabbā. Kālakate na bhāvetabbāva. Kimkāraṇā appiyādisu paṭhamāṃ na bhāvetabbā? Appiyaṃ hi piyaṭṭhāne ṭhapento kilamati. Atippiyasahāyakaṃ majjhataṭṭhāne ṭhapento kilamati, appamattakepi cassa dukkhe uppanne ārodanākārapatto viya hoti. Majjhataṭṭhaṃ garuṭṭhāne ca piyaṭṭhāne ca ṭhapento kilamati. Verimanussarato kodho uppajjati, tasmā appiyādisu paṭhamāṃ na bhāvetabbā.

Liṅgavisabhāge pana tameva ārabhha odhiso bhāventassa rāgo uppajjati. Aññataro kira amaccaputto kulūpakattheraṃ pucchi “bhante, kassa mettā bhāvetabbā”ti? Thero “piyapuggale”ti āha. Tassa attano bhariyā piyā hoti. So tassā mettaṃ bhāvento sabbarattīṃ bhittiyuddhamakāsi. Tasmā liṅgavisabhāge odhiso na bhāvetabbā.

Kālakate pana bhāvento neva appanaṃ, na upacāraṃ pāpuṇāti. Aññataro kira daharabhikkhu ācariyaṃ ārabhha mettaṃ ārabhi. Tassa mettā nappavattati. So mahātherassa santikaṃ gantvā “bhante, paguṇāva me mettājāhānasamāpatti, na ca naṃ samāpajjituṃ sakkomi, kiṃ nu kho kāraṇa”nti āha. Thero “nimittaṃ, āvuso, gavesāhī”ti āha. So gavesanto ācariyassa matabhāvaṃ ṇatvā aññaṃ ārabhha mettāyanta samāpattīṃ appesi. Tasmā kālakate na bhāvetabbāva.

241. Sabbapaṭhamāṃ pana “ahaṃ sukhito homi niddukkho”ti vā, “avero abyāpajjo anīgho sukhī attānaṃ pariharāmi”ti vā evaṃ punappunaṃ attaniyeva bhāvetabbā.

Evaṃ sante yaṃ vibhaṅge (vibha. 643) vuttaṃ –

“Kathaṅca bhikkhu mettāsahagatena cetasā ekaṃ disaṃ pharivā viharati? Seyyathāpi nāma ekaṃ puggalaṃ piyaṃ manāpaṃ disvā mettāyeyya, evameva sabbe satte mettāya pharati”ti.

“Yaṅca paṭisambhidāyaṃ (paṭi. ma. 2.22) –

“Katamehi pañcahākārehi anodhisoparaṇā mettā cetovimutti bhāvetabbā, sabbe sattā averā hontu” abyāpajjā anīghā sukhī attānaṃ pariharantu. Sabbe paṇā... sabbe bhūtā... sabbe puggalā... sabbe attabhāvaṃ pariyāpannā averā abyāpajjā anīghā sukhī attānaṃ pariharantū”tiādi –

Vuttaṃ. Yaṅca mettassutte (khu. pā. 9.3; su. ni. 145) –

“Sukhinova khemino hontu,
Sabbasattā bhavantu sukhittā”tiādi. –

Vuttaṃ, taṃ virujjhati. Na hi tattha attani bhāvanā vuttāti ce. Taṅca na virujjhati. Kasmā? Tañhi appanāvasena vuttaṃ. Idaṃ sakkhibhāvasena.

Sacepi hi vassasataṃ vassasahassaṃ vā “ahaṃ sukhito homī”tiādīnā nayena attani mettaṃ bhāveti, nevassa appanā uppajjati. “Ahaṃ sukhito homī”ti bhāvayato pana yathā ahaṃ sukhakāmo dukkhapaṭikkūlo jīvitukāmo amaritukāmo ca, evaṃ aññepi sattāti attānaṃ sakkhiṃ katvā aññasattesu hitasukhakāmatā uppajjati. Bhagavatāpi –

“Sabbā disā anuparigamma cetasā,
Nevajjhagā piyataramattānā kvaci;
Evaṃ piyo puthu attā paresaṃ,
Tasmā na hiṃse paramattakāmo”ti. (saṃ. ni. 1.119; udā. 41); –

Vadatā ayaṃ nayo dassito.

242. Tasmā sakkhibhāvattaṃ paṭhamāṃ attānaṃ mettāya pharivā tadanantaraṃ sukhappavattanatthaṃ yvāyaṃ piyo manāpo garu bhāvanīyo ācariyo vā ācariyamatto vā upajjhāyo vā upajjhāyamatto vā tassa dānapiyavacanādīni

piyamanāpattakāraṇāni sīlasutādīni garubhāvanīyattakāraṇāni ca anussarivā “esa sappuriso sukhī hotu niddukkho”tiādīnā nayena mettā bhāvetabbā.

Evarūpe ca puggale kāmaṃ appanā sampajjati, iminā pana bhikkhunā tāvatakena va tuṭṭhiṃ anāpajjitvā sīmāsambhedam kattukāmena tadanantaram atippiyasahāyake, atippiyasahāyakato majjhatte, majjhata veripuggale mettā bhāvetabbā. Bhāventena ca ekekasmim koṭṭhāse mudum kammaniyaṃ cittaṃ katvā tadanantare tadanantare upasamharitabbam.

Yassa pana veripuggalo vā natthi, mahāpurisajātikattā vā anattaṃ karontepi pare verisaññāva nuppajjati, tena “majjhatte me mettacittaṃ kammaniyaṃ jātaṃ, idāni naṃ verimhi upasamharāmī”ti byāpārova na kātabbo. Yassa pana atthi, taṃ sandhāya vuttaṃ “majjhata veripuggale mettā bhāvetabbā”ti.

243. Sace panassa verimhi cittaṃ upasamharato tena katāparādhānussaraṇena paṭiḥhamuppajjati, athānena purimappuggalesu yattha katthaci punappunaṃ mettaṃ samāpajjitvā vuṭṭhahitvā punappunaṃ taṃ puggalaṃ **mettāyantena** paṭiḥham vinodetabbam. Sace evampi vāyamato na nibbāti, atha –

Kakacūpamaovāda-ādīnaṃ anusārato;
Paṭiḥhassa pahānāya, ghaṭitabbam punappunaṃ.

Taṅca kho iminā ākārena attānaṃ ovaḍanteneva “are kujjhanapurisa, nanu vuttaṃ bhagavatā –

‘Uvhatodaṇḍakena cepi, bhikkhave, kakacena corā ocarakā āngamaṅgāni okanteyyuma, tatrāpi yo mano padoseyya. Na me so tena sāsanaḥaro’ti (ma. ni. 1.232) ca,

‘Tasseva tena pāpiyo, yo kuddhaṃ paṭikujjhati;
Kuddhamappaṭikujjhanto, saṅgāmaṃ jeta dujjayaṃ.

“‘Ubhinnamatthaṃ carati, attano ca parassa ca;
Paraṃ saṅkupitaṃ ñatvā, yo sato upasammatī’ti ca. (saṃ. ni. 1.188); –

“‘Sattime, bhikkhave, dhammā sapattakantā sapattakaraṇā kodhanaṃ āgacchanti itthiṃ vā purisaṃ vā. Katame satta? Idha, bhikkhave, sapatto sapattassa evaṃ icchati aho vatāyaṃ dubbaṇṇo assāti. Taṃ kissa hetu? Na, bhikkhave, sapatto sapattassa vaṇṇavatāya nandati. Kodhanāyaṃ, bhikkhave, purisapuggalo kodhābhībhūto kodhapareto kiñcāpi so hoti sunhāto suvilitto kappitakesamassu odātavathavasano, atha kho so dubbaṇṇova hoti kodhābhībhūto. Ayaṃ, bhikkhave, paṭhamo dhammo sapattakanto sapattakaraṇo kodhanaṃ āgacchati itthiṃ vā purisaṃ vā. Puna caparaṃ, bhikkhave, sapatto sapattassa evaṃ icchati ahovatāyaṃ dukkhaṃ sayeyyāti...pe... na pacuratto assāti...pe... na bhogavā assāti...pe... na yasavā assāti...pe... na mittavā assāti...pe... na kāyassa bhedā paraṃ maraṇā sugatiṃ saggam lokam upapajjeyyāti. Taṃ kissa hetu? Na, bhikkhave, sapatto sapattassa sugatigamanena nandati. Kodhanāyaṃ, bhikkhave, purisapuggalo kodhābhībhūto kodhapareto kāyena duccharitaṃ carati, vācāya manasā duccharitaṃ carati. So kāyena vācāya manasā duccharitaṃ caritvā kāyassa bhedā paraṃ maraṇā apāyaṃ duggatiṃ vinipātaṃ nirayaṃ upapajjati kodhābhībhūto’ti (a. ni. 7.64) ca,

“‘Seyyathāpi, bhikkhave, chavālātaṃ uvhatopadittaṃ majjhe gūthagataṃ neva gāme kaṭṭhatthaṃ pharati, na araṅṇe kaṭṭhatthaṃ pharati. Tathūpamāhaṃ, bhikkhave, imaṃ puggalaṃ vadāmī’ti ca,

“So dāni tvaṃ evaṃ kujjhanto na ceva bhagavato sāsanaḥaro bhavissasi, paṭikujjhanto ca kuddhapurisatopi pāpiyo hutvā na dujjayaṃ saṅgāmaṃ jessasi, sapattakaraṇe ca dhamme attāva attano karissasi, chavālātūpamo ca bhavissasi”ti.

244. Tassevaṃ ghaṭayato vāyamato sace taṃ paṭiḥham vūpasammati, iccetaṃ kusalaṃ. No ce vūpasammati, atha **yo yo dhammo tassa puggalassa vūpasanto hoti parisuddho, anussariyamāno pasādam āvahati, taṃ taṃ anussarivā** āghāto paṭivinetabbo.

Ekaccassa hi kāyasamācārova upasanto hoti. Upasantabhāvo cassa bahum vattapaṭipattiṃ karontassa sabbajanena ñāyati. Vacīsamācāraṇosamācārā pana avūpasantā honti. Tassa te acintetvā kāyasamācāravūpasamoyeva anussaritabbo.

Ekaccassa vacīsamācārova upasanto hoti. Upasantabhāvo cassa sabbajanena ñāyati. So hi pakatiyā ca paṭisanthārakusalo hoti sakhilo sukhasambhāso sammodako uttānamukho pubbabhāsī madhurena sarena dhammaṃ osāreti, parimaṇḍalehi padabyañjanehi dhammakathaṃ katheti. Kāyasamācāraṇosamācārā pana avūpasantā honti, tassa te acintetvā vacīsamācāravūpasamoyeva anussaritabbo.

Ekaccassa manosamācārova upasanto hoti, upasantabhāvo cassa cetiyavandanādīsu sabbajanassa pākāto hoti. Yo hi avūpasantacitto hoti, so cetiyaṃ vā bodhiṃ vā there vā vandamāno na sakkaccaṃ vandati, dhammassavanamaṇḍape vikkhittacitto vā pacalāyanto vā nisīdati. Upasantacitto pana okappetvā vandati, ohitasoto aṭṭhiṃkatvā kāyena vā vācāya vā

cittappasādaṃ karonto dhammaṃ suṇāti. Iti ekaccassa manosamācārova upasanto hoti, kāyavacīsamācārā avūpasantā honti, tassa te acintetvā manosamācāravūpasamoyeva anussaritabbo.

Ekaccassa pana imesu tīsu dhammesu ekopi avūpasanto hoti, tasmim̄ puggale “kiñcāpi esa idāni manussaloke carati, atha kho katipāhassa accayena aṭṭhamahānirayaso[lasaussadanirayaparipūrako bhavissati]”ti kāruṇṇiṃ upaṭṭhapetabbaṃ. Kāruṇṇiṃ hi paṭicca āghāto vūpasammati.

Ekaccassa tayopime dhammā vūpasantā honti, tassa yaṃ yaṃ icchati, taṃ taṃ anussaritabbaṃ. Tādise hi puggale na dukkarā hoti mettābhāvanāti.

Imassa ca atthassa āvibhāvattaṃ – “pañcime, āvuso, āghātaṭṭhāyā. Yattha bhikkhuno uppanno āghāto sabbaso paṭivinodetabbo”ti (a. ni. 5.162) idaṃ pañcakanipāte āghātaṭṭhāyāyuttam̄ vitthāretabbaṃ.

245. Sace panassa evampi vāyamato āghāto uppajjatiyeva, athānena evaṃ attā **ovaditabbo** –

“Attano visaye dukkhaṃ, kataṃ te yadi verinā;
Kiṃ tassāvisaye dukkhaṃ, sacitte kattumicchasi.

“Bahūpakāraṃ hitvāna, ñātivaggaṃ rudammukhaṃ;
Mahānatthakaraṃ kodhaṃ, sapattaṃ na jahāsi kiṃ.

“Yāni rakkhasi sīlāni, tesam̄ mūlanikantaṃ;
Kodhaṃ nāmapaḷlesi, ko tayā sadiso jaḷo.

“Kataṃ anariyaṃ kammaṃ, parena iti kujjhasi;
Kiṃ nu tvaṃ tādisaṃyeva, yo sayam̄ kattumicchasi.

“Dosetukāmo yadi taṃ, amanāpaṃ paro kari;
Dosuppādena tasseva, kiṃ pūresi manorathaṃ.

“Dukkhaṃ tassa ca nāma tvaṃ, kuddho kāhasi vā navā;
Attānaṃ panidāneva, kodhadukkheṇa bādhasi.

“Kodhaṃ vā ahitaṃ maggaṃ, āruḷhā yadi verino;
Kasmā tuvampi kujjhanto, tesam̄yevānusikkhasi.

“Yaṃ dosaṃ tava nissāya, sattunā appiyaṃ kataṃ;
Tameva dosaṃ chindassu, kimaṭṭhāne vihaññasi.

“Khaṇikattā ca dhammānaṃ, yehi khandhehi te kataṃ;
Amanāpaṃ niruddhā te, kassa dānīdha kujjhasi.

“Dukkhaṃ karoti yo yassa, taṃ vinā kassa so kare;
Sayampi dukkhahetutta, miti kiṃ tassa kujjhasi”ti.

246. Sace panassa evaṃ attānaṃ ovadatopi paṭighaṃ neva vūpasammati, athānena **attano ca parassa ca kammassakatā** paccavekkhitabbā. Tattha attano tāva evaṃ paccavekkhitabbā “ambho tvaṃ tassa kuddho kiṃ karissasi? Nanu taveva cetam̄ dosanidānaṃ kammaṃ anattāya saṃvattissati? Kammassako hi tvaṃ kammadāyādo kammayoni kammabandhu kammaṭṭhāraṇo, yaṃ kammaṃ karissasi, tassa dāyādo bhavissasi, idaṃca te kammaṃ neva sammāsambodhiṃ, na paccakabodhiṃ, na sāvakabhūmiṃ, na brahmattasakkattacakkavattipadesarājādisampattīnaṃ aññataraṃ sampattiṃ sādhetuṃ samatthaṃ, atha kho sāsanaṭṭhā cāvetvā vighāsādādhāvassa ceva nerayikādidukkhavisesānaṃca te saṃvattanikamidaṃ kammaṃ. So tvaṃ idaṃ karonto ubhoḥi hatthehi vītaccite vā āngāre, gūthaṃ vā gahetvā paraṃ paharitukāmo puriso viya attānameva paṭhamam̄ dahasi ceva duggandhaṃca karosī”ti.

Evaṃ **attano kammassakataṃ** paccavekkhitvā parassapi evaṃ paccavekkhitabbā “esopi tava kujjhivā kiṃ karissati? Nanu etassevetam̄ anattāya saṃvattissati? Kammassako hi ayamāyasmā kammadāyādo...pe... yaṃ kammaṃ karissati, tassa dāyādo bhavissati. Idaṃca kammaṃ neva sammāsambodhiṃ, na paccakabodhiṃ, na sāvakabhūmiṃ, na brahmattasakkattacakkavattipadesarājādisampattīnaṃ aññataraṃ sampattiṃ sādhetuṃ samatthaṃ, atha kho sāsanaṭṭhā cāvetvā vighāsādādhāvassa ceva nerayikādidukkhavisesānaṃca saṃvattanikamidaṃ kammaṃ. Svāyaṃ idaṃ karonto paṭivāte ṭhatvā paraṃ rajena okiritukāmo puriso viya attānaṃyeva okirati. Vuttañhetam̄ bhagavatā –

“Yo appaduṭṭhassa narassa dussati,

Suddhassa posassa anaṅgaṇassa;
Tameva bālaṃ pacceṭi pāpaṃ,
Sukhumo rajo paṭivātaṃva khitto’’ti. (dha. pa. 125; su. ni. 667);

247. Sace panassa evaṃ kammassakatampi paccavekkhato neva vūpasammati, athānena **satthu pubbacariyaṇṇā** anussaritaḅbā.

Tatrāyaṃ paccavekkhaṇānayo – ambho pabbajita, nanu te satthā pubbeva sambodhā anabhisambuddho bodhisattopi samāno cattāri asaṅkhyeyyāni kappasatasahassaṇca pāramiyo pūrayamāno tattha tattha vadhakesupi paccatthikesu cittaṃ nappadūsesi. Seyyathidaṃ, **silavaajātake** tāva attano deviyā paduṭṭhena pāpaamaccena ānītassa paṭiraṇṇo tiyojanasataṃ rajjaṃ gaṇhantassa nisedhanatthāya uṭṭhitānaṃ amaccānaṃ āvudhampi chupitum na adāsi. Puna saddhiṃ amaccasahassena āmakasusāne galappamāṇaṃ bhūmiṃ khaṇitvā nikhaṇṇamāno cittaṃ padosamattampi akatvā kuṇapakhādanatthaṃ āgatānaṃ siṅgālānaṃ paṃsuviyūhanaṃ nissāya purisakāraṃ katvā paṭiladdhajīvito yakkhānubhāvena attano sirigabbhaṃ oruyha sirisayane sayitaṃ paccatthikaṃ disvā kopaṃ akatvāva aññamaññaṃ sapaṭhaṃ katvā taṃ mittaṭṭhāne ṭhapayitvā āha –

‘‘Āsīsetheva puriso, na nibbindeyya paṇḍito;
Passāmi vohamattānaṃ, yathā icchiṃ tathā ahū’’ti. (jā. 1.1.51);

Khantivādījātake dummedhena kāsiraṇṇā ‘‘kiṃvādī tvaṃ samaṇā’’ti puṭṭho ‘‘khantivādī nāmāha’’nti vutte sakaṇṭakāhi kasāhi tāletvā hatthapādesu chijjamānesu kopamattampi nākāsi.

Anacchariyaṇcetaṃ, yaṃ mahallako pabbajjūpagato evaṃ kareyya. **Cūladhammapālaajātake** pana uttānaseyyakopi samāno –

‘‘Candanarasānulittā, bāhā chijjanti dhammapālassa;
Dāyādassa pathabyā, pāṇā me deva rujjhantī’’ti. (jā. 1.5.49);

Evaṃ vipalāpamānāya mātuyā pitarā mahāpatāpena nāma raṇṇā vaṃsakaḷīresu viya catūsu hatthapādesu chedāpitesu tāvatāpi santuṭṭhiṃ anāpajjitvā sīsamassa chindathāti ānante ‘‘ayaṃ dāni te cittaṃ pariggaṇhanakālo, idāni ambho dhammapāla, sīsacchedāṇāpake pitari, sīsacchedake purise, paridevamānāya mātari, attani cāti imesu catūsu samacitto hohī’’ti daḷhaṃ samādānamadhiṭṭhāya paduṭṭhākāramattampi nākāsi.

Idaṇcāpi anacchariyameva, yaṃ manussabhūto evamakāsi. Tiracchānabhūtopi pana **chaddanto** nāma vāraṇo hutvā viṣappitena sallena nābhīyaṃ viddhopi tāva anattakārimhi luddake cittaṃ nappadūsesi. Yathāha –

‘‘Samappito puthusallena nāgo,
Aduṭṭhacitto luddakaṃ ajjhabhāsi;
Kīmatthayaṃ kissa vā samma hetu,
Mamaṃ vadhī kassa vāyaṃ payogo’’ti. (jā. 1.16.124);

Evaṃ vatvā ca kāsiraṇṇo mahesiyā tava dantānamatthāya pesitomhi bhadanteti vutte tassā manorathaṃ pūrento chabbaṇṇarasminiccharaṇasamuḷlitaḅcārusobhe attano dante chetvā adāsi.

Mahākapi hutvā attanāyeva pabbatāpāpātato uddharitena purisena –

‘‘Bhakkho ayaṃ manussānaṃ, yathevaññe vane migā;
Yaṃnūnimaṃ vadhitvāna, chāto khādeyya vānaraṃ.

‘‘Āhitova gamissāmi, maṃsamādāya sambalaṃ;
Kantāraṃ nittharissāmi, pātheyyaṃ me bhavissatī’’ti. (jā. 1.16.205-206); –

Evaṃ cintetvā silaṃ ukkhipitvā matthake sampadālite assupuṇṇehi nettehi taṃ purisaṃ udikkhamāno –

‘‘Mā ayyosi me bhadante, tvaṃ nāmetādisaṃ kari;
Tvaṃ khosi nāma dīghāvu, aññaṃ vāretumarahasī’’ti. (jā. 1.16.209); –

Vatvā tasmīṃ purise cittaṃ appadūsetvā attano ca dukkhaṃ acintetvā tameva purisaṃ khemantabhūmiṃ sampāpesi.

Bhūridatto nāma nāgarājā hutvā uposathaṅgāni adhiṭṭhāya vammikamuddhani sayamāno kappuṭṭhānaggisadisena osadhena sakalasarīre siṅciyamānopi peḷāya pakkhipitvā sakalajambudīpe kīḷāpiyamānopi tasmīṃ brāhmaṇe manopadosamattampi na akāsi. Yathāha –

“Peḷāya pakkhipantepi, maddantepi ca pāṇinā;
Alampāne na kuppāmi, sīlakhaṇḍabhayā mamā”ti. (cariyā. 2.16);

Campeyyopi nāgarājā hutvā ahituṇḍikena viheṭṭhiyamāno manopadosamattampi nuppādesi. Yathāha –

“Tadāpi maṃ dhammacāriṃ, upavutthauposatham;
Ahituṇḍiko gahetvāna, rājadvāramhi kīḷati.

“Yaṃ so vaṇṇaṃ cintayati, nīlaṃ pītaṃ va lohitaṃ;
Tassa cittaṇuvattanto, homi cintitasannibho.

“Thalaṃ kareyyaṃ udakaṃ, udakampi thalaṃ kare;
Yadihaṃ tassa kuppeyyaṃ, khaṇena chārikaṃ kare.

“Yadi cittavasī hessaṃ, parihāyissāmi sīlato;
Sīlena parihīnassa, uttamatto na sijjhatī”ti. (cariyā. 2.21-24);

Saṅkhapālanāgarājā hutvā tikhiṇāhi sattīhi aṭṭhasu ṭhānesu ovijjhivā pahāramukhehi sakaṇṭakā latāyo pavesetvā nāsāya daḷhaṃ rajjūṃ pakkhipitvā soḷasaḥi bhojaputtehi kājenādāya vayhamāno dharaṇītale ghaṃsiyamānasarīro mahantaṃ dukkhaṃ paccanubhonto kujjhivā olokitaṃatteneva sabbe bhojaputte bhasmaṃ kātuṃ samatthopi samāno cakkhuṃ ummīletvā paduṭṭhākāramattampi na akāsi.

Yathāha –

“Cātuddasiṃ pañcadasīṇcaḷāra,
Uposatham niccamupāvasāmi;
Athāgamaṃ soḷasa bhojaputtā,
Rajjūṃ gahetvāna daḷhaṇca pāsaṃ.

“Bhetvāna nāsaṃ atikassa rajjūṃ,
Nayimsu maṃ samparigayha luddā;
Etādisaṃ dukkhamahaṃ titikkhaṃ,
Uposatham appaṭṭikopayanto”ti. (jā. 2.17.180-181);

Na kevalaṇca etāneva, aññānīpi **mātuposakajātakādīsu** anekāni acchariyāni akāsi. Tassa te idāni sabbaññutaṃ pattaṃ sadevaloke kenaci appaṭṭisamakhantiguṇaṃ taṃ bhagavantaṃ satthāraṃ apadisato paṭighacittaṃ nāma uppādetuṃ ativiya ayuttaṃ appatirūpanti.

248. Sace panassa evaṃ satthu pubbacaritaṅgaṃ paccavekkhatopi dīgharattaṃ kilesānaṃ dāsabyaṃ upagatassa neva taṃ paṭighaṃ vūpasammati, athānena **anamataḅḅiyāni** paccavekkhitabbāni. Tatra hi vuttaṃ –

“Na so, bhikkhave, satto sulabharūpo, yo na mātābhūtapubbo, yo na pitābhūtapubbo, yo na bhātā, yo na bhaginī,
yo na putto, yo na dhītābhūtapubbā”ti (saṃ. ni. 2.137-142).

Tasmā tasmīṃ puggale evaṃ cittaṃ uppādetabbaṃ, “ayaṃ kira me atīte mātā hutvā dasamāse kucchīyā pariharitvā muttakarīsakheḷasiṅghāṇīkāḍīni haricandanaṃ viya ajigucchamānā apanetvā ure naccāpenṭī āgena pariharamānā posesi, pitā hutvā ajapathasaṅkupathādīni gantvā vāñijjaṃ payojayamāno mayhamatthāya jīvitampi pariccajitvā ubhatobyūḷhe saṅgāme pavisitvā nāvāya mahāsamuddaṃ pakkhanditvā aññāni ca dukkarāni karitvā ‘puttake posessāmi’ti tehi tehi upāyehi dhanam saṃharitvā maṃ posesi. Bhātā, bhaginī, putto, dhītā ca hutvāpi idaṇcīdaṇcupakāraṃ akāsīti tatra me nappatirūpaṃ manam padūsetu”nti.

249. Sace pana evampi cittaṃ nibbāpetuṃ na sakkotiyeva, athānena evaṃ **mettānisamsā** paccavekkhitabbā – “ambho pabbajita, nanu vuttaṃ bhagavatā –

“Mettāya kho, bhikkhave, cetovimuttiyā āsevitāya bhāvitāya bahulīkatāya yānikatāya vatthukatāya anuṭṭhitāya paricitāya susamāradhāya ekādasānisamsā pāṭikaṅkhā. Katame ekādasa? Sukhaṃ supati, sukhaṃ paṭibujjhati, na pāpakaṃ supinaṃ passatī, manussānaṃ piyo hoti, amanussānaṃ piyo hoti, devatā rakkhanti, nāssa aggī vā viṣaṃ vā satthaṃ vā kamati, tuvaṭṭaṃ cittaṃ samādhīyati, mukhavaṇṇo pasīdati, asammūḷho kālaṅkaroti, uttarimappaṭivijjhanto brahmalokūpago hotī”ti (a. ni. 11.15).

“Sace tvaṃ idaṃ cittaṃ na nibbāpessasi, imehi ānisamsāhi paribāhiro bhavissasi”ti.

250. Evampi nibbāpetuṃ asakkontena pana **dhātuvinibbhogo** kātabbo. Kathaṃ? “Ambho pabbajita, tvaṃ etassa kujjhamāno kassa kujjhasi? Kiṃ kesānaṃ kujjhasi, udāhu lomānaṃ, nakhānaṃ...pe... muttassa kujjhasi? Atha vā pana kesādisu pathavīdhātuyā kujjhasi, āpodhātuyā, tejobhātuyā, vāyodhātuyā kujjhasi? Ye vā pañcakkhandhe dvādasāyatanāni aṭṭhārasa dhātuyo upādāya ayamāyasmā itthannāmoti vuccati, tesu kiṃ rūpakkhandhassa kujjhasi, udāhu vedanā saññā sañkhāravīññānakkhandhassa kujjhasi? Kiṃ vā cakkhāyatanassa kujjhasi, kiṃ rūpāyatanassa kujjhasi...pe... kiṃ manāyatanassa kujjhasi, kiṃ dhammāyatanassa kujjhasi? Kiṃ vā cakkhūdhātuyā kujjhasi, kiṃ rūpadhātuyā, kiṃ cakkhuvīññādhātuyā...pe... kiṃ manodhātuyā, kiṃ dhammadhātuyā, kiṃ manovīññādhātuyā”ti? Evañhi dhātuvinibbhogaṃ karoto ārage sāsapassa viya ākāse cittakammassa viya ca kodhassa patitṭhānaṭṭhānaṃ na hoti.

251. Dhātuvinibbhogaṃ pana kātuṃ asakkontena **dānasamvibhāgo** kātabbo. Attano santakaṃ parassa dātabbaṃ, parassa santakaṃ attanā gahetabbaṃ. Sace pana paro bhinnājīvo hoti aparibhogārahaparikkhāro, attano santakameva dātabbaṃ. Tassevaṃ karoto ekanteneva tasmim puggale āghāto vūpasammati. Itarassa ca atītajātito paṭṭhāya anubandhopi kodho tañkhaññeṃ vūpasammati, cittalapabbatavihāre tikkhattuṃ vuṭṭhāpitaseṇāsanena piṇḍapātikattherena “ayaṃ, bhante, aṭṭhakahāpaṇagghanako patto mama mātaraṃ upāsikāya dinno dhammīyalābho, mahāupāsikāya puññalābhaṃ karothā”ti vatvā dinnāṃ pattāṃ laddhamahātherassa viya. Evaṃ mahānubhāvamaṭṭhaṃ dānaṃ nāma. Vuttampi cetaṃ –

“Adantadamaṇaṃ dānaṃ, dānaṃ sabbatthasādhakaṃ;
Dānena piyavācāya, unnamanti namanti cā”ti.

252. Tassevaṃ veripuggale vūpasantapaṭighassa yathā piyātippiyasahāyakamajjhatesu, evaṃ tasmimpi mettāvasena cittaṃ pavattati. Athānena punappunaṃ mettāyantena attani piyapuggale majjhate veripuggaleti catūsu janesu samacittataṃ sampādentena **sīmāsambhedo** kātabbo. Tassidaṃ lakkhaṇaṃ, sace imasmiṃ puggale piyamajjhateverīhi saddhiṃ attacattatthe ekasmiṃ padese nisinne corā āgantvā “bhante, ekaṃ bhikkhuṃ amhākaṃ dethā”ti vatvā “kiṃ kāraṇā”ti vutte “taṃ māretvā galalohitaṃ gahetvā balikaraṇatthāyā”ti vadeyyuṃ, tatra ceso bhikkhu “asukaṃ vā asukaṃ vā gaṇhantū”ti cinteyya, akatova hoti sīmāsambhedo. Sacepi “maṃ gaṇhantu, mā ime tayo”tipi cinteyya, akatova hoti sīmāsambhedo. Kasmā? Yassa yassa hi gahaṇamicchati, tassa tassa ahitesī hoti, itaresaṃyeva hitesī hoti.

Yadā pana catunnaṃ janānamantare ekampi corānaṃ dātabbaṃ na passati, attani ca tesu ca tīsu janesu samameva cittaṃ pavatteti, kato hoti sīmāsambhedo. Tenāhu porāṇā –

“Attani hitamajjhate, ahite ca catubbidhe;
Yadā passati nānattaṃ, hitacittova pāṇinaṃ.

“Na nikāmalābhī mettāya, kusālīti pavuccati;
Yadā catasso sīmāyo, sambhinnā honti bhikkhuno.

“Samaṃ pharati mettāya, sabbalokaṃ sadevakaṃ;
Mahāviseso purimena, yassa sīmā na nīyati”ti.

253. Evaṃ sīmāsambhedasamakālemeva ca iminā bhikkhunā nimittaṅca upacāraṅca laddhaṃ hoti. Sīmāsambhede pana kate tameva nimittaṃ āsevanto bhāvento bahulīkaronto appakasireneva pathavīkasiṅge vuttanayeneva appanaṃ pāpuṇāti.

Ettāvātānena adhigataṃ hoti pañcaṅgavippahīnaṃ pañcaṅgasamannāgataṃ tivīdhakalyāṇaṃ dasalakkhaṇasampannaṃ paṭhamajjhānaṃ mettāsahagataṃ. Adhigate ca tasmim tadeva nimittaṃ āsevanto bhāvento bahulīkaronto anupubbena **catukkanaye** dutiyatatiyājñhānāni, **pañcakanaye** dutiyatatiyacattutthājñhānāni ca pāpuṇāti.

So hi paṭhamajjhānādīnaṃ aññataravasena mettāsahagatena cetasā ekaṃ disaṃ pharivā viharati. Tathā dutiyaṃ, tathā tatiyaṃ, tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena pharivā viharati (vibha. 642; dī. ni. 1.556). Paṭhamajjhānādivasena appanāpattacittasseva hi ayaṃ vikubbanā sampajjati.

254. Ettha ca **mettāsahagatenāti** mettāya samannāgatena. **Cetasāti** cittaena. **Ekaṃ disanti** ekamekissā disāya paṭhamapariggahitaṃ sattaṃ upādāya ekadisāpariyāpannasattapharaṇavasena vuttaṃ. **Pharivāti** phusitvā ārammaṇaṃ katvā. **Viharati** brahmavīhārādhiṭṭhitaṃ iriyāpathavīhāraṃ pavatteti. **Tathā dutiyanti** yathā puratthimādīsu disāsu yaṃkiñci ekaṃ disaṃ pharivā viharati, tatheva tadanantaraṃ dutiyaṃ tatiyaṃ catutthaṃcāti attho. **Iti uddhanti** eteneva nayena uparimaṃ disanti vuttaṃ hoti. **Adho tiriyaṃ** adhodisampi tiriyaṃdisampi evameva. Tattha ca **adhoti** heṭṭhā. **Tiriyaṃ** anudisāsu. Evaṃ sabbadisāsu assamaṅḍale assamiva mettāsahagataṃ cittaṃ sāretipi paccāsāretipīti. Ettāvātā ekaṃ disaṃ pariggahetvā odhiso mettāpharaṇaṃ dassitaṃ.

Sabbadhītiāni pana anodhiso dassanattaṃ vuttaṃ. Tattha **sabbadhīti** sabbattha. **Sabbattatāyāti** sabbesu hīnamajjhimukkaṭṭhamittasapattamajjhātipphadesu attatāya. “Ayaṃ parasatto”ti vibhāgaṃ akatvā attasamatāyāti vuttaṃ hoti. Atha vā sabbattatāyāti sabbena cittabhāgena īsakampi bahi avikkhipamānoti vuttaṃ hoti. **Sabbāvantaṃ**ti

sabbasattavantam, sabbasattayuttanti attho. **Lokanti** sattalokam. **Vipulenāti**evamādi pariyaḍassanato panettha puna mettāsahagatenāti vuttam. Yasmā vā ettha odhiso pharaṇe viya puna tathāsaddo itisaddo vā na vutto, tasmā puna mettāsahagatena cetasāti vuttam. Nigamavasena vā etam vuttam. **Vipulenāti** ettha ca pharaṇavasena vipulatā daṭṭhabbā. Bhūmivasena pana etam **mahaggatam** paguṇavasena ca appamānasattārammaṇavasena ca **appamāṇam**, byāpādapaccatthikappahānena **averam**, domanassappahānato **abyāpajjam**, niddukkhanti vuttam hoti. Ayaṃ mettāsahagatena cetasātiādīnā nayena vuttāya vikubbanāya attho.

255. Yathā cāyaṃ appanāppattacittasseva vikubbanā sampajjati, tathā yampi **paṭisambhidāyaṃ** (paṭi. ma. 2.22) “pañcahākārehi anodhisoppharaṇā mettācetovimutti, sattahākārehi odhisoppharaṇā mettā cetovimutti, dasahākārehi disāpharaṇā mettā cetovimutti” ti vuttam, tampi appanāppattacittasseva sampajjati veditabbam.

Tattha ca sabbe sattā averā abyāpajjā anīghā sukhī attānaṃ pariharantu, sabbe paṇā, sabbe bhūtā, sabbe puggalā, sabbe attabhāva pariyaḍāpanā averā...pe... pariharantūti imehi pañcahākārehi **anodhisoppharaṇā mettā cetovimutti** veditabbā.

Sabbā itthiyo averā...pe... attānaṃ pariharantu, sabbe purisā, sabbe ariyā, sabbe anariyā, sabbe devā, sabbe manussā, sabbe vinipātikā averā...pe... pariharantūti imehi sattahākārehi **odhisoppharaṇā mettā cetovimutti** veditabbā.

Sabbe puratthimāya disāya sattā averā...pe... attānaṃ pariharantu. Sabbe pacchimāya disāya, sabbe uttarāya disāya, sabbe dakkhiṇāya disāya, sabbe puratthimāya anudisāya, sabbe pacchimāya anudisāya, sabbe uttarāya anudisāya, sabbe dakkhiṇāya anudisāya, sabbe heṭṭhimāya disāya, sabbe uparimāya disāya sattā averā...pe... pariharantu. Sabbe puratthimāya disāya paṇā, bhūtā, puggalā, attabhāva pariyaḍāpanā, averā...pe... pariharantu. Sabbā puratthimāya disāya itthiyo, sabbe purisā, ariyā, anariyā, devā, manussā, vinipātikā averā...pe... pariharantu. Sabbā pacchimāya disāya, uttarāya, dakkhiṇāya, puratthimāya anudisāya, pacchimāya, uttarāya, dakkhiṇāya anudisāya, heṭṭhimāya disāya, uparimāya disāya itthiyo...pe... vinipātikā averā abyāpajjā anīghā sukhī attānaṃ pariharantūti imehi dasahākārehi **disāpharaṇā mettā cetovimutti** veditabbā.

256. Tattha **sabbeti** anavasesa pariyaḍānametaṃ. **Sattāti** rūpādīsu khandhesu chandarāgena sattā visattāti sattā. Vuttañhetam bhagavatā –

“Rūpe kho, rādha, yo chando yo rāgo yā nandī yā taṇhā, tatra satto, tatra visatto, tasmā sattoti vuccati... vedanāya... saññāya... sankhāresu... viññāṇe yo chando yo rāgo yā nandī yā taṇhā, tatra satto, tatra visatto, tasmā sattoti vuccati” ti (sam. ni. 3.161).

Ruḷhīsaddena pana vītarāgesupi ayaṃ vohāro vattatiyeva, vilīvamayepi bījanivisesse tālavaṇṭavohāro viya. Akkharacintakā pana attham avicāretvā nāmamattametanti icchanti. Yepi attham vicārenti, te satvayogena sattāti icchanti.

Pāṇanatāya **pāṇā**, assāsapassāsāyattavuttitāyāti attho. Bhūtattā **bhūtā**, saṃbhūtattā abhinibbattattāti attho. **Punti** vuccati nirayo. Tasmim galantīti **puggalā**, gacchantīti attho. **Attabhāvo** vuccati sarīram. Khandhapañcakameva vā, tamupādāya paññattimattasambhavato. Tasmim attabhāve pariyaḍāpanāti **attabhāva pariyaḍāpanā**. **Pariyaḍāpanāti** paricchinnā, antogadhāti attho.

Yathā ca sattāti vacanaṃ, evaṃ sesānīpi ruḷhīvasena āropetvā sabbānetāni sabbasattavevacanānīti veditabbāni. Kāmañca aññānīpi sabbe jantū sabbe jīvātīādīni sabbasattavevacanāni atthi, pākaṭavasena pana imāneva pañca gahetvā “pañcahākārehi anodhisoppharaṇā mettā cetovimutti” ti vuttam.

Ye pana sattā paṇātīādīnaṃ na kevalam vacanamattatova, atha kho atthatopi nānattameva iccheyyūṃ, tesam anodhisoppharaṇā virujjhati, tasmā tathā attham agahetvā imesu pañcasu ākāresu aññitaravasena anodhiso mettā pharitabbā.

257. Ettha ca sabbe sattā averā hontūti ayamekā appanā. Abyāpajjā hontūti ayamekā appanā. **Abyāpajjāti** byāpādarahitā. Anīghā hontūti ayamekā appanā. **Anīghāti** niddukkhā. Sukhī attānaṃ pariharantūti ayamekā appanā. Tasmā imesupi padesu yaṃ yaṃ pākaṭam hoti, tassa tassa vasena mettā pharitabbā. Iti pañcasu ākāresu catunnaṃ appanānaṃ vasena **anodhisoppharaṇe** vīsati appanā honti.

Odhisoppharaṇe pana sattu ākāresu catunnaṃ vasena aṭṭhavīsati. Ettha ca itthiyo purisāti līngavasena vuttam. Ariyā anariyāti ariyaputhujjanavasena. Devā manussā vinipātikāti upapattivasena.

Disāpharaṇe pana sabbe puratthimāya disāya sattātiādīnā nayena ekamekissā disāya vīsati vīsati katvā dvesatāni, sabbā puratthimāya disāya itthiyotiādīnā nayena ekamekissā disāya aṭṭhavīsati aṭṭhavīsati katvā asīti dvesatānīti cattāri satāni asīti ca appanā. Iti sabbānīpi paṭisambhidāyaṃ vuttāni aṭṭhavīsādhikāni pañca appanāsātānīti.

Iti etāsu appanāsu yassa kassaci vasena mettam cetovimuttiṃ bhāvetvā ayaṃ yogāvacharo “sukham supatī” tiādīnā nayena vutte ekādasānisamse paṭilabhati.

258. Tattha **sukhaṃ supatīti** yathā sesā janā samparivattamānā kākacchamānā dukkhaṃ supanti, evaṃ asupitvā sukhaṃ supati. Niddaṃ okkantopi samāpattim samāpanno viya hoti.

Sukhaṃ paṭibujjhatīti yathā aññe nitthunantā vijambhantā samparivattantā dukkhaṃ paṭibujjhanti, evaṃ appaṭibujjhitvā vikassamānāniva padumaṃ sukhaṃ nibbikāraṃ paṭibujjhati.

Na pāpakaṃ supinaṃ passatīti supinaṃ passantopi bhaddakameva supinaṃ passati, cetiyaṃ vandanto viya pūjaṃ karonto viya dhammaṃ suṇanto viya ca hoti. Yathā pana aññe attānaṃ corehi samparivāritaṃ viya vālehi upaddutaṃ viya papāte patantaṃ viya ca passanti, evaṃ pāpakaṃ supinaṃ na passati.

Manussānaṃ piyo hotīti ure āmuttamuttāhāro viya sīse piḷandhamālā viya ca manussānaṃ piyo hoti manāpo.

Amanussānaṃ piyo hotīti yatheva manussānaṃ, evaṃ amanussānampi piyo hoti visākhaththero viya.

So kira pāḷaliputte kuṭumbiyo ahoṣi. So tattheva vasamāno assosi “tambapaṇṇidīpo kira cetiyamālānkato kāsāvapajjoto icchicchitattāṅhāneyeva ettha sakkā nisīdituṃ vā nipajjituṃ vā utusappāyaṃ senāsanasappāyaṃ puggalasappāyaṃ dhammassavanasappāyanti sabbamettha sulabha”nti.

So attano bhogakkhandhaṃ puttadārassa niyyādetvā dussante baddhena ekakahāpaṇeneva gharā nikkhamitvā samuddatīre nāvaṃ udikkhamāno ekamāsaṃ vasi. So vohārukusalatāya imasmim ṭhāne bhaṇḍaṃ kiṇitvā asukasmim vikkiṇanto dhammikāya vaṇijjāya tenevantaramāseṇa sahasaṃ abhisamhari. Anupubbena mahāvihāraṃ āgantvā pabbajjaṃ yāci.

So pabbājanatthāya sīmaṃ nīto taṃ sahasatthavikaṃ ovaṭṭikantarena bhūmiyaṃ pātesi. “Kimeta”nti ca vutte “kahāpaṇasahasāṃ, bhante”ti vatvā “upāsaka, pabbajitakālato paṭṭhāya na sakkā vicāretuṃ, idānevetam vicārehi”ti vutte “visākhassa pabbajjattāṅhānamāgatā mā rittahatthā gamiṃsū”ti muñcitvā sīmāmālake vippakiritvā pabbajitvā upasampanno.

So pañcavasso hutvā dvemātikā paguṇā katvā pavāretvā attano sappāyaṃ kammaṭṭhānaṃ gahetvā ekekasmim vihāre cattāro māse katvā samappavattavāsaṃ vasamāno cari. Evaṃ caramāno –

Vanantare ṭhito thero, visākho gajjamānako;
Attano guṇamesanto, imamatthaṃ abhāsatha.

“Yāvatā upasampanno, yāvatā idha āgato;
Etthantare khalitaṃ natthi, aho lābhā te mārisā”ti.

So cittalapabbatavihāraṃ gacchanto dvedhā pathaṃ patvā “ayaṃ nu kho maggo udāhu aya”nti cintayanto aṭṭhāsi. Athassa pabbate adhiatthā devatā hatthaṃ pasāretvā “esa maggo”ti vatvā dasseti. So cittalapabbatavihāraṃ gantvā tattha cattāro māse vasitvā paccūse gamissāmīti cintetvā nipajji. Caṅkamasīse maṇilarukkhe adhiatthā devatā sopānaphalake nisīditvā parodi.

Thero “ko eso”ti āha. Ahaṃ, bhante, maṇilīyāti. Kissa rodasīti? Tumhākaṃ gamaṇaṃ paṭiccāti. Mayi idha vasante tumhākaṃ ko guṇoti? Tumhesu, bhante, idha vasantesu amanussā aññamaññaṃ mettaṃ paṭilabhanti, te dāni tumhesu gatesu kalahaṃ karissanti, duṭṭhullampi kathayissanti. Thero “sace mayi idha vasante tumhākaṃ phāsuvihāro hoti, sundara”nti vatvā aññepi cattāro māse tattheva vasitvā puna tatheva gamanacittaṃ uppādesi. Devatāpi puna tatheva parodi. Etenevupāyena thero tattheva vasitvā tattheva parinibbāyīti evaṃ mettāvihārī bhikkhu amanussānaṃ piyo hoti.

Devatā rakkhanatīti puttamiva mātāpitaro devatā rakkhanti.

Nāssa aggi vā visaṃ vā satthaṃ vā kamaṭīti mettāvihārissa kāye uttarāya upāsikāya viya aggi vā, samyuttabhāṇakacūlasivattherasseva visaṃ vā, samkiccāsamaṇerasseva satthaṃ vā na kamati, na pavasati. Nāssa kāyaṃ vikopetīti vuttaṃ hoti. Dhenuvatthumpi cettha kathayanti. Ekā kira dhenu vacchakassa khīradhāraṃ muñcamānā aṭṭhāsi. Eko luddako taṃ vijjhissāmīti hatthena samparivattetvā dīghadaṇḍasattim muñci. Sā tassā sarīraṃ āhacca tālapaṇṇaṃ viya pavaṭṭamānā gatā, neva upacārabalena, na appanābalena, kevalaṃ vacchake balavapiyacittatāya. Evaṃ mahānubhāvā mettāti.

Tuvaṭṭaṃ cittaṃ samādhīyatīti mettāvihārino khippameva cittaṃ samādhīyati, natthi tassa dandhāyitattaṃ.

Mukhaṇṇo vippasīdatīti bandhanā pavuttaṃ tālapakkaṃ viya cassa vippasannaṇṇaṃ mukhaṃ hoti.

Asammūlho kālaṅkarotīti mettāvihārino sammohamaṇaṇaṃ nāma natthi, asammūlhoṇa niddaṃ okkamanto viya kālaṃ karoti.

Uttarimappaṭivijjhantoti mettāsamāpattito uttarim arahattaṃ adhigantuṃ asakkonto ito cavitvā suttaṃ pabbuddho viya

brahmalokamupapajjātī.

Ayaṃ mettābhāvanāya vittharakathā.

Karuṇābhāvanākathā

259. Karuṇaṃ bhāvetukāmena pana nikkaruṇatāya ādīnaṃ karuṇāya ca ānisaṃsaṃ paccavekkhitvā karuṇābhāvanā ārabhitabbā. Tañca pana ārabhantena paṭhamam piyapuggalādīsu na ārabhitabbā. Piyo hi piyaṭṭhāneyeva tiṭṭhati. Atippiyasahāyako atippiyasahāyakaṭṭhāneyeva. Majjhato majjhataṭṭhāneyeva. Appiyo appiyaṭṭhāneyeva. Verī veriṭṭhāneyeva tiṭṭhati. Liṅgavisabhāgākālakatā akhettameva.

“Kathañca bhikkhu karuṇāsahagatena cetasā ekaṃ disaṃ pharivā viharati? Seyyathāpi nāma ekaṃ puggalaṃ duggataṃ durūpetam disvā karuṇāyeyya, evameva sabbasatte karuṇāya pharati”ti vibhaṅge (vibha. 653) pana vuttattā sabbapaṭhamam tāva kiñcīdeva karuṇāyitabarūpaṃ paramakicchappattam duggataṃ durūpetam kapaṇapurisaṃ chinnāhāraṃ kapālam purato ṭhapetvā anāthasālāya nisinnaṃ hatthapādehi paggharantakimigaṇaṃ aṭṭassaraṃ karontaṃ disvā “kicchaṃ vatāyaṃ satto āpanno, appeva nāma imahā dukkhā mucceyyā”ti karuṇā pavattetabbā. Taṃ alabhantena sukhito pi pāpakāri puggalo vajjhena upametvā karuṇāyitabbo.

Katham? Seyyathāpi saha bhaṇḍena gahitacoraṃ “vadhetha na”nti rañño āṇāya rājapurisā bandhitvā catukke catukke pahārasatāni dentā āghātaṃ nenti. Tassa manussā khādanīyampi bhojanīyampi mālāgandhaviḷepanatambulanipi denti. Kiñcāpi so tāni khādanto ceva paribhuñjanto ca sukhito bhogasamappito viya gacchati, atha kho taṃ neva koci “sukhito ayaṃ mahābhogo”ti maññati, aññadatthu “ayaṃ varāko idāni marissati, yaṃ yadeva hi ayaṃ padaṃ nikkhipati, tena tena santike maraṇassa hoti”ti taṃ jano karuṇāyati. Evameva karuṇākammatṭhānikena bhikkhunā sukhito pi puggalo evaṃ karuṇāyitabbo “ayaṃ varāko kiñcāpi idāni sukhito susajjito bhoge paribhuñjati, atha kho tīsu dvāresu ekenāpi katassa kalyāṇakammasa abhāvā idāni apāyesu anappaṃ dukkhaṃ domanassaṃ paṭisaṃvedissati”ti.

Evaṃ taṃ puggalaṃ karuṇāyitvā tato paraṃ eteneva upāyena piyapuggale, tato majjhate, tato verimhīti anukkamena karuṇā pavattetabbā. Sace panassa pubbe vuttanayeneva verimhi paṭighaṃ uppajjati, taṃ mettāya vuttanayeneva vūpasametabbam. Yopi cettha katakusalo hoti, tampi nātirogabhogabyasanādīnaṃ aññatarena byasanena samannāgataṃ disvā vā sutvā vā tesam abhāvepi vaṭṭadukkhaṃ anatikkantattā “dukkhitova aya”nti evaṃ sabbathāpi karuṇāyitvā vuttanayeneva attani piyapuggale majjhate verimhīti catūsu janesu sīmāsambhedam katvā taṃ nimittaṃ āsevanta bhāventena bahulīkarontena mettāya vuttanayeneva tikacatukkaṭṭhānavasena appanā vaḍḍhetabbā.

Aṅguttaraṭṭhakathāyaṃ pana paṭhamam veripuggalo karuṇāyitabbo, tasmim cittaṃ mudum katvā duggato, tato piyapuggalo, tato attāti ayaṃ kamo vutto, so “duggataṃ durūpetam”nti pāliya na sameti, tasmā vuttanayenevettha bhāvanamārabhitvā sīmāsambhedam katvā appanā vaḍḍhetabbā. Tato paraṃ “pañcahākārehi anodhisoparaṇā sattahākārehi odhisoparaṇā dasahākārehi disāpharaṇā”ti ayaṃ vikubbanā, “sukhaṃ supati”tiādayo ānisaṃsā ca mettāyaṃ vuttanayeneva veditabbāti.

Ayaṃ karuṇābhāvanāya vittharakathā.

Muditābhāvanākathā

260. Muditābhāvanam ārabhantāpi na paṭhamam piyapuggalādīsu ārabhitabbā. Na hi piyo piyabhāvamatteneva muditāya padaṭṭhānam hoti, pageva majjhattaverino. Liṅgavisabhāgākālakatā akhettameva.

Atippiyasahāyako pana siyā padaṭṭhānam, yo aṭṭhakathāyaṃ soṇḍasahāyoti vutto. So hi muditamuditova hoti, paṭhamam hasitvā pacchā katheti, tasmā so vā paṭhamam muditāya pharitabbo. Piyapuggalaṃ vā sukhitaṃ sajjitaṃ modamānaṃ disvā vā sutvā vā “modati vatāyaṃ satto, aho sādhu aho suṭṭhū”ti muditā uppādetabbā. Imameva hi atthavaṣam paṭicca vibhaṅge (vibha. 663) vuttaṃ “kathañca bhikkhu muditāsahagatena cetasā ekaṃ disaṃ pharivā viharati? Seyyathāpi nāma ekaṃ puggalaṃ piyaṃ manāpaṃ disvā mudito assa, evameva sabbasatte muditāya pharati”ti.

Sacepissa so soṇḍasahāyo vā piyapuggalo vā atīte sukhito aho, sampati pana duggato durūpeto, atītameva cassa sukhitabhāvaṃ anussarivā “esa atīte evaṃ mahābhogo mahāparivāro niccappamudito aho”ti tamevassa muditākāraṃ gahetvā muditā uppādetabbā “anāgate vā pana puna taṃ sampattiṃ labhitvā hatthikkhandhaassapiṭṭhisuvaṇṇasivikādhi vicarissati”ti anāgatampissa muditākāraṃ gahetvā muditā uppādetabbā.

Evaṃ piyapuggale muditaṃ uppādetvā atha majjhate tato verimhīti anukkamena muditā pavattetabbā. Appanā vaḍḍhetabbā. Sace panassa pubbe vuttanayeneva verimhi paṭighaṃ uppajjati, taṃ mettāyaṃ vuttanayeneva vūpasametvā “imesu ca tīsu attani cā”ti catūsu janesu samacittatāya sīmāsambhedam katvā taṃ nimittaṃ āsevanta bhāventena bahulīkarontena mettāyaṃ vuttanayeneva tikacatukkaṭṭhānavaseneva appanā vaḍḍhetabbā. Tato paraṃ “pañcahākārehi anodhisoparaṇā sattahākārehi odhisoparaṇā dasahākārehi disāpharaṇā”ti ayaṃ vikubbanā, “sukhaṃ supati”tiādayo

ānisaṃsā ca mettāyaṃ vuttanayeneva veditabbāti.

Ayaṃ muditābhāvanāya vitthāarakathā.

Upekkhābhāvanākathā

261. Upekkhābhāvanam bhāvetukāmena pana mettādīsu paṭiladdhatikacatukkajjhānena paṇṇatīyājjhānā vuṭṭhāya “sukhitā hontū” tiādivasena sattakelāyanamanasikārayuttattā, paṭighānūnyasamīpacārittā, somanassayogena oḷārikattā ca purimāsu ādīnavam, santasabhāvattā upekkhāya ānisaṃsañca disvā yvāssa pakatimajjhatto puggalo, taṃ ajjhupekkhitvā upekkhā uppādetabbā. Tato piyapuggalādīsu. Vuttañhetam “kathañca bhikkhu upekkhāsahagatena cetasā ekaṃ disaṃ pharivā viharati? Seyyathāpi nāma ekaṃ puggalaṃ neva manāpaṃ na amanāpaṃ disvā upekkhako assa, evameva sabbe satte upekkhāya pharati” ti (vibha. 673).

Tasmā vuttanayena majjhatappuggale upekkham uppādetvā atha piyapuggale, tato soṇḍasahāyake, tato verimhīti evaṃ “imesu ca tīsu attanī cā” ti sabbattha majjhatavasena sīmāsambhedam katvā taṃ nimittam āsevitabbaṃ bhāvetabbaṃ bahulīkātabbaṃ. Tassevaṃ karoto pathavīkaṣiṇe vuttanayeneva catutthajjhānam uppajjati.

Kiṃ panetaṃ pathavīkaṣiṇādīsu uppannatīyājjhānassāpi uppajjati? Nuppajjati. Kasmā? Ārammaṇavisabhāgatāya. Mettādīsu uppannatīyājjhānasseva pana uppajjati, ārammaṇasabhāgatāyāti. Tato paramā pana vikubbanā ca ānisaṃsapaṭilābho ca mettāyaṃ vuttanayeneva veditabboti.

Ayaṃ upekkhābhāvanāya vitthāarakathā.

Pakiṇṇakakathā

262. Brahmuttamena kathite, brahmavihāre ime iti viditvā;
Bhiyyo etesu ayaṃ, pakiṇṇakakathāpi viññeyyā.

Etāsu hi mettākaraṇamuditāupekkhāsu **atthato** tāva mejjati **mettā**, siniyatīti attho. Mitte vā bhavā, mittassa vā eṣā pavattītipi **mettā**. Paradukkhe sati sādhuṇam hadayakampanam karotīti **karuṇā**. Kiṇāti vā paradukkham hiṃsati vināsetīti **karuṇā**. Kiriyati vā dukkhitesu pharaṇavasena pasāriyatīti **karuṇā**. Modanti tāya taṃsamaṅgino, sayam vā modati, modanamattameva vā tanti **muditā**. “Averā hontū” tiādibyāpārappahānena majjhatabhāvūpagamanena ca upekkhatīti **upekkhā**.

263. Lakkhaṇādito panettha hitākārappavattilakkhaṇā **mettā**, hitūpasamhārasā, āghātavīnyapaccupaṭṭhānā, sattānam manāpabhāvadassanapadaṭṭhānā. Byāpādūpasamo etissā sampatti, sinehasambhavo vipatti. Dukkhaṇanāyānākārappavattilakkhaṇā **karuṇā**, paradukkhasāhanarasā, avihiṃsāpaccupaṭṭhānā, dukkhābhībhūtānam anāthabhāvadassanapadaṭṭhānā. Vihīmsūpasamo tassā sampatti, sokasambhavo vipatti. Pamodanalakkhaṇā **muditā**, anissāyanarasā, arativighātapaccupaṭṭhānā, sattānam sampattidassanapadaṭṭhānā. Arativūpasamo tassā sampatti, pahāsasambhavo vipatti. Sattesu majjhatakkārappavattilakkhaṇā **upekkhā**, sattu samabhāvadassanarasā, paṭighānūnyavūpasamapaccupaṭṭhānā, “kammassakā sattā, te kassa ruciyā sukhitā vā bhavissanti, dukkhato vā muccissanti, pattasampattito vā na pariḥāyissanti” ti evaṃ pavattakammassakatādassanapadaṭṭhānā. Paṭighānūnyavūpasamo tassā sampatti, gehasitāya aññāupekkhāya sambhavo vipatti.

264. Catunnampi panetesam brahmavihāraṇam vipassanāsukhañceva bhavasampatti ca **sādhāraṇappayojanam**. Byāpādāpapaṭighāto **āveṇīkam**. Byāpādapaṭighātapayojanā hettha mettā. Vihīmsāratirāgapapaṭighātapayojanā itarā. Vuttampi cetam –

“Nissaraṇañhetam, āvuso, byāpādassa yadidaṃ mettā cetovimutti. Nissaraṇañhetam, āvuso, vihesāya yadidaṃ karuṇā cetovimutti. Nissaraṇañhetam, āvuso, aratiyā yadidaṃ muditā cetovimutti. Nissaraṇañhetam, āvuso, rāgassa yadidaṃ upekkhā cetovimutti” ti (dī. ni. 3.326; a. ni. 6.13).

265. Ekekassa cettha āsannadūravasena **dve dve paccatthikā. Mettābrahmavihārasa** hi samīpacāro viya purisassa sapatto guṇadassanasabhāgatāya rāgo āsannapaccatthiko, so lahuṃ otāram labhati, tasmā tato suṭṭhu mettā rakkhitabbā. Pabbatādigahananissito viya purisassa sapatto sabhāgavisabhāgatāya byāpādo dūrapaccatthiko, tasmā tato nibbhayena mettāyitabbaṃ. Mettāyissati ca nāma, kopañca karissatīti aṭṭhānametaṃ.

Karuṇābrahmavihārasa “cakkhuvīññeyyānam rūpānam iṭṭhānam kantānam manāpānam manoramānam lokāmisapaṭisaṃyuttānam appaṭilābham vā appaṭilābhato samanupassato pubbe vā paṭiladdhapubbaṃ atītam niruddham vipariṇatam samanussarato uppajjati domanassam, yaṃ evarūpaṃ domanassam, idaṃ vuccati gehasitam domanassa” ntiādinā (ma. ni. 3.307) nayena āgataṃ gehasitam domanassam vipattidassanasabhāgatāya āsannapaccatthikam. Sabhāgavisabhāgatāya vihiṃsā dūrapaccatthikā. Tasmā tato nibbhayena karuṇāyitabbaṃ. Karuṇāñca nāma karissati, pañiādīhi ca viheṭṭhissatīti

aṭṭhānametaṃ.

Muditābrahmavihārassa “cakkhuvīñṇeyyānaṃ rūpānaṃ iṭṭhānaṃ...pe... lokāmisapaṭisaṃyuttānaṃ paṭilābhaṃ vā paṭilābhato samanupassato pubbe vā paṭiladdhapubbaṃ aṭṭhaṃ niruddhaṃ vipariṇataṃ samanussarato uppajjati somanassaṃ, yaṃ evarūpaṃ somanassaṃ, idaṃ vuccati gehasitaṃ somanassa’ntiādīnā (ma. ni. 3.306) nayena āgataṃ gehasitaṃ somanassaṃ sampattidassanasabhāgatāya āsannapaccatthikaṃ, sabhāgavisabhāgatāya arati dūrapaccatthikā. Tasmā tato nibbhayena muditā bhāvetabbā. Mudito ca nāma bhavissati, pantasenāsanesu ca adhikusalesu dhammesu vā ukkaṇṭhissatīti aṭṭhānametaṃ.

Upekkhābrahmavihārassa pana “cakkhunā rūpaṃ disvā uppajjati upekkhā bālassa mūlhasa puthujjanassa anodhijinassa avipākajinassa anādīnavadassāvino assutavato puthujjanassa yā evarūpā upekkhā, rūpaṃ sā nātivattati. Tasmā sā upekkhā gehasitāti vuccatī’ntiādīnā (ma. ni. 3.308) nayena āgatā gehasitā aññānupekkhā dosaguṇāvicāraṇavasena sabhāgattā āsannapaccatthikā. Sabhāgavisabhāgatāya rāgapaṭighā dūrapaccatthikā. Tasmā tato nibbhayena upekkhitabbaṃ. Upekkhissati ca nāma, rajjissati ca paṭihaññissati cāti aṭṭhānametaṃ.

266. Sabbesampi ca etesaṃ kattukāmatā chando **ādi**, nīvaraṇādivikkhambhanaṃ **majjhaṃ**, appanā **pariyosānaṃ**. Paññattidhammavasena eko vā satto aneke vā sattā **ārammaṇaṃ**. Upacāre vā appanāya vā pattāya ārammaṇavaḍḍhanaṃ.

Tatrāyaṃ vaḍḍhanakkamo, yathā hi kusalo kassako kasitabbaṭṭhānaṃ paricchinditvā kasati, evaṃ paṭhamameva ekamāvāsaṃ paricchinditvā tattha sattesu imasmiṃ āvāse sattā averā hontūtiādīnā nayena mettā bhāvetabbā. Tattha cittaṃ muduṃ kammaniyaṃ katvā dve āvāsā paricchinditabbā. Tato anukkamena tayo, cattāro, pañca, cha, satta, aṭṭha, nava, dasa, ekā racchā, upaḍḍhagāmo, gāmo, janapado, rajjaṃ, ekā disāti evaṃ yāva ekaṃ cakkavāḷaṃ, tato vā pana bhiyyo tattha tattha sattesu mettā bhāvetabbā. Tathā karuṇādayoti ayamettha ārammaṇavaḍḍhanakkamo.

267. Yathā pana kasiṇānaṃ nissando āruppā, samādhinissando nevasaññānāsaññāyatanaṃ, vipassanānissando phalasaṃpatti, samathavipassanānissando nirodhasaṃpatti, evaṃ purimabrahmavihārattayanissando ettha upekkhābrahmavihāro. Yathā hi thambhe anussāpetvā tulāsaṅghāṭaṃ anāropetvā na sakkā ākāse kūṭagopānāsiyo ṭhapetuṃ, evaṃ purimesu tatiyajjhānaṃ vinā na sakkā catutthaṃ bhāvetunti.

268. Ettha siyā, kasmā panetā mettākaruṇā muditāupekkhā brahmavihārāti vuccanti? Kasmā ca catassova? Ko ca etāsaṃ kamo, abhidhamme ca kasmā appamaññāti vuttāti? Vuccate, seṭṭhaṭṭhena tāva niddosabhāvena cettha brahmavihārātā veditabbā. Sattesu sammāpaṭipattibhāvena hi seṭṭhā ete viharā. Yathā ca brahmāno niddosacittā viharanti, evaṃ etehi sampayuttā yogino brahmasamā hutvā viharanti seṭṭhaṭṭhena niddosabhāvena ca brahmavihārāti vuccanti.

269. Kasmā ca catassovātiādi pañhassa pana idaṃ vissajjanaṃ.

Visuddhimaggādivasā catasso,
Hitādiākārasā panāsaṃ;
Kamo pavattanti ca appamañṇe,
Tā gocare yena tadappamaññā.

Etāsu hi yasmā mettā byāpādabahulassa, karuṇā vihesābahulassa, muditā aratibahulassa, upekkhā rāgabahulassa visuddhimaggo. Yasmā ca hitūpasamhārahitāpanayanasaṃpattimodanaanābhogavasena catubbidhoyeva sattesu manasikāro. Yasmā ca yathā matā daharagilānāyobbanappattasakiccapasutesu catūsu puttesu daharassa abhivuddhikāmaṃ hoti, gilānassa gelaññāpanayanakāmā, yobbanappattassa yobbanasaṃpattiyā ciraṭṭhitikāmā, sakaciccapasutassa kismiñci pariyāye abyāvaṭṭā hoti, tathā appamaññāvihārikenāpi sabbasattesu mettādivasena bhavitabbaṃ. Tasmā ito visuddhimaggādivasā catassova appamaññā.

Yasmā catassopetā bhāvetukāmena paṭhamam hitākārapavattivasena sattesu paṭipajjitabbaṃ, hitākārapavattilakkaṇā ca mettā. Tato evaṃ patthitahitānaṃ sattānaṃ dukkhābhivahaṃ disvā vā sutvā vā sambhāvetvā vā dukkhāpanayanākārapavattivasena, dukkhāpanayanākārapavattilakkaṇā ca karuṇā. Athevaṃ patthitahitānaṃ patthitadukkhāpagamānañca nesam sampattiṃ disvā sampattipamodanasena, pamodanalakkaṇā ca muditā. Tato paramā pana kattabbābhāvato ajjhupekkhakattasankhātena majjhattākārena paṭipajjitabbaṃ, majjhattākārapavattilakkaṇā ca upekkhā. Tasmā ito hitādiākārasā panāsaṃ paṭhamam mettā vuttā, atha karuṇā muditā upekkhāti ayaṃ kamo veditabbo.

Yasmā pana sabbāpetā appamañṇe gocare pavattanti. Appamañṇā hi sattā etāsaṃ gocarabhūtā. Ekasattassāpi ca ettake padese mettādayo bhāvetabbāti evaṃ pamāṇam āgahetvā sakalapharaṇavaseneva pavattāti. Tena vuttam –

Visuddhimaggādivasā catasso,
Hitādiākārasā panāsaṃ;
Kamo pavattanti ca appamañṇe,
Tā gocare yena tadappamaññāti.

270. Evaṃ appamaṇagocaratāya ekalakkaṇāsu cāpi etāsu purimā tisso tikacatukkajjhānikāva honti. Kasmā? Somanassāvippayogato. Kasmā panāyaṃ somanassena avippayogoti? Domanassasamuṭṭhitānaṃ byāpādādīnaṃ nissaraṇattā. Pacchimā pana avasesaekajjhānikāva. Kasmā? Upekkhāvedanāsampayogato. Na hi sattesu majjhataṅkārappavattā brahmavihārupekkhā upekkhāvedanaṃ vinā vattatīti.

271. Yo panevaṃ vadeyya ‘‘yasmā bhagavatā aṭṭhakanipāte catūsūpi appamaññāsu avisesena vuttaṃ ‘tato tvaṃ bhikkhu imaṃ samādhiṃ savitakkampi savicāraṃ bhāveyyāsi, avitakkampi vicāramattaṃ bhāveyyāsi, avitakkampi avicāraṃ bhāveyyāsi, sappītikampi bhāveyyāsi, nippītikampi bhāveyyāsi, sātasaḥagatampi bhāveyyāsi, upekkhāsahagatampi bhāveyyāsi’’ti (a. ni. 8.63), tasmā catasso appamaññā catukkapañcākajjhānikā’’ti. So māhevantissa vacaṇīyo. Evañhi sati kāyānupassanādayopi catukkapañcākajjhānikā siyuṃ, vedanādīsu ca paṭhamajjhānampi natthi, pageva dutiyādīni. Tasmā byañjanacchāyāmatṭaṃ gaḥetvā mā bhagavantaṃ abbhācikkhi, gambhīraṃ hi buddhavaṇaṃ, taṃ ācariye payirupāsītva adhippāyato gaḥettabbaṃ.

272. Ayañhi tatrādhippāyo – ‘‘sādu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’’nti evaṃ āyācitadhammaṃ kira taṃ bhikkhuṃ yasmā so pubbepi dhammaṃ sutvā tattheva vasati, na samaṇadhammaṃ kātuṃ gacchati, tasmā naṃ bhagavā ‘‘evameva panidhekacce moghapurisā mamaññeva ajjesanti, dhamme ca bhāsīte mamaññeva anubandhitabbaṃ maññanti’’ti apasādetvā puna yasmā so arahattassa upanissayasampanno, tasmā naṃ ovaḍanto āha – ‘‘tasmātiha te bhikkhu evaṃ sikkhitabbaṃ, ajjhataṃ me cittaṃ ṭhitaṃ bhavissati susaṇṭhitaṃ, na cuppannā pāpakā akusalā dhammā cittaṃ pariyādāya ṭhassanti. Evañhi te bhikkhu sikkhitabba’’nti.

Iminā panassa ovādena niyakajjhattavasena cittaḥaggatāmatto mūlasamādhi vutto. Tato ‘‘ettakeneva santuṭṭhiṃ anāpajjitvā evaṃ so eva samādhi vaḍḍhetabbo’’ti dassetuṃ ‘‘yato kho te bhikkhu ajjhataṃ cittaṃ ṭhitaṃ hoti susaṇṭhitaṃ, na cuppannā pāpakā akusalā dhammā cittaṃ pariyādāya ṭiṭṭhanti. Tato te bhikkhu evaṃ sikkhitabbaṃ mettā me cetovimutti bhāvītā bhavissati bahulīkatā yānikatā vatthukatā anuṭṭhitā paricitā susamāraddhātī. Evañhi te bhikkhu sikkhitabba’’nti evamassa mettāvasena bhāvanaṃ vatvā puna ‘‘yato kho te bhikkhu ayaṃ samādhi evaṃ bhāvito hoti bahulīkato, tato tvaṃ bhikkhu imaṃ mūlasamādhiṃ savitakkampi savicāraṃ bhāveyyāsi...pe... upekkhāsahagatampi bhāveyyāsi’’ti vuttaṃ.

Tassattho – yadā te bhikkhu ayaṃ mūlasamādhi evaṃ mettāvasena bhāvito hoti, tadā tvaṃ tāvatakenāpi tuṭṭhiṃ anāpajjitvāva imaṃ mūlasamādhiṃ aññesu ārammaṇesu catukkapañcākajjhānāni pāpayamāno savitakkampi savicārantiādīnā nayena bhāveyyāsi.

Evaṃ vatvā ca puna karuṇādivasesabrahmavihārapubbaṅgamampissa aññesu ārammaṇesu catukkapañcākajjhānavasena bhāvanaṃ kareyyāsiṭi dassento ‘‘yato kho te bhikkhu ayaṃ samādhi evaṃ bhāvito hoti bahulīkato. Tato te bhikkhu evaṃ sikkhitabbaṃ karuṇā me cetovimutti’’tiādīmāha.

Evaṃ mettā dipubbaṅgamaṃ catukkapañcākajjhānavasena bhāvanaṃ dassetvā puna kāyānupassanādipubbaṅgamaṃ dassetuṃ ‘‘yato kho te bhikkhu ayaṃ samādhi evaṃ bhāvito hoti bahulīkato, tato te bhikkhu evaṃ sikkhitabbaṃ kāye kāyānupassī viharissāmī’’ti ādīvaṃ vatvā ‘‘yato kho te bhikkhu ayaṃ samādhi evaṃ bhāvito bhavissati subhāvito, tato tvaṃ bhikkhu yena yeneva gagghasi, phāsuññeva gagghasi, yattha yattheva ṭhassasi, phāsuññeva ṭhassasi, yattha yattheva nisīdissasi, phāsuññeva nisīdissasi, yattha yattheva seyyaṃ kappessasi, phāsuññeva seyyaṃ kappessasi’’ti arahattanikūṭena desanaṃ samāpesi. Tasmā tikacatukkajjhānikāva mettādayo, upekkhā pana avasesaekajjhānikāvāti veditabbā. Tattheva ca abhidhamme (dha. sa. 251 ādayo; vibha. 673 ādayo) vibhattatīti.

273. Evaṃ tikacatukkajjhānavasena ceva avasesaekajjhānavasena ca dvidhā ṭhitānampi etāsaṃ subhāparamādivasena aññamaññaṃ asadisso ānubhāvaviseso veditabbo. **Haliddavasanasuttasmiṃ** hi etā subhāparamādivhāvena vīsesetvā vuttā. Yathāha – ‘‘subhāparamāhaṃ, bhikkhave, mettaṃ cetovimuttiṃ vadāmi. Ākāsānañcāyatanaparamāhaṃ, bhikkhave, karuṇaṃ cetovimuttiṃ vadāmi. Viññānañcāyatanaparamāhaṃ, bhikkhave, muditaṃ cetovimuttiṃ vadāmi. Ākiñcaññāyatanaparamāhaṃ, bhikkhave, upekkhaṃ cetovimuttiṃ vadāmi’’ti (saṃ. ni. 5.235).

Kasmā panetā evaṃ vuttatī? Tassa tassa upanissayattā. Mettāvihārissa hi sattā appaṭikkulā honti. Athassa appaṭikkulaparicayā appaṭikkulesu parisuddhavaṇṇesu nilādīsu cittaṃ upasaṃharato appakasireneva tattha cittaṃ pakkhandati. Iti mettā subhāvimokkassa upanissayo hoti, na tato paraṃ, tasmā **subhāparamāti** vuttā.

Karuṇāvihārissa pana daṇḍābhigāṭhādirūpanimittaṃ pattadukkaṃ samanupassantassa karuṇāya pavattisambhavato rūpe ādīnava parividito hoti. Athassa parivīditarūpādīnavattā pathavīkaṣiṇādīsu aññataraṃ ugghāṭetvā rūpanissaraṇe ākāse cittaṃ upasaṃharato appakasireneva tattha cittaṃ pakkhandati. Iti karuṇā ākāsānañcāyatanassa upanissayo hoti, na tato paraṃ, tasmā **ākāsānañcāyatanaparamāti** vuttā.

Muditāvihārissa pana tena tena pāmojjakāraṇena uppannapāmojjasattānaṃ viññānaṃ samanupassantassa muditāya pavattisambhavato viññānaggahaṇaparicitaṃ cittaṃ hoti. Athassa anukkamādhigataṃ ākāsānañcāyatanam atikkamma ākāsanimittagocare viññāne cittaṃ upasaṃharato appakasireneva tattha cittaṃ pakkhandatīti muditā viññānañcāyatanassa

upanissayo hoti, na tato paraṃ, tasmā **viññāṇācāyatanaparamā**ti vuttā.

Upekkhāvihāriṣṣa pana “sattā sukhitā vā hontu dukkhato vā vimuccantu, sampattasukhato vā mā vimuccantū”ti ābhogābhāvato sukhadukkhādīparamatthagāhavimukhabhāvato avijjamānaggahaṇadukkhāṃ cittaṃ hoti. Athassa paramatthagāhato vimukhabhāvaparicitacittassa paramatthato avijjamānaggahaṇadukkhacittassa ca anukkamādhigataṃ viññāṇācāyatanāṃ samatikkamma sabhāvato avijjamāne paramatthabhūtassa viññāṇassa abhāve cittaṃ upasamharato appakasireneva tattha cittaṃ pakkhandati. Iti upekkhā ākiñcaññāyatanassa upanissayo hoti, na tato paraṃ, tasmā **ākīñcaññāyatanaparamā**ti vuttāti.

274. Evaṃ subhaparamādivasena etāsaṃ ānubhāvaṃ viditvā puna sabbāpetā **dānādīnaṃ sabbakalyāṇadhammānaṃ paripūrikā**ti veditabbā. Sattesu hi hitajjhāsayatāya sattānaṃ dukkhāsahanatāya, pattasampattivisesānaṃ ciraṭṭhitikāmatāya, sabbasattesu ca pakkhapātābhāvena samappavattacittā mahāsattā “imassa dātabbaṃ, imassa na dātabba”nti vibhāgaṃ akatvā sabbasattānaṃ sukhanidānaṃ dānaṃ denti. Tesāṃ upaghātaṃ parivajjayantā sīlaṃ samādiyanti. Sīlaparipūraṇatthaṃ nekkhammaṃ bhajanti. Sattānaṃ hitāhītesu asammoḥattāya paññaṃ pariyodapenti. Sattānaṃ hitasukhatthāya niccaṃ vīriyamārabhanti. Uttamavīriyavasena vīrabhāvaṃ pattāpi ca sattānaṃ nānappakāraṃ aparādhaṃ khamanti. “Idaṃ vo dassāma karissāma”ti kataṃ paṭiññaṃ na visaṃvā denti. Tesāṃ hitasukhāya avicalādhīṭṭhānā honti. Tesu avicalāya mettāya pubbakāriṇo honti. Upekkhāya paccupakāraṃ nāsīsanṭīti evaṃ pāramiyo pūretvā yāva dasabalacatuvesārajjaḥasādhāraṇāññaṭṭhārasabuddhadhammapabhede sabbepi kalyāṇadhamme paripūrentīti evaṃ dānādīsabbakalyāṇadhammaparipūrikā etāva hontīti.

Iti sādhujanapāmojjatthāya kate visuddhimagge

Samādhībhāvanādhīkāre

Brahmavīhāraniddeso nāma

Navamo paricchedo.

10. Āruppaniddeso

Paṭhamāruppavaṇṇanā

275. Brahmavīhāranantaraṃ uddiṭṭhesu pana catūsu āruppesu ākāśānañcāyatanāṃ tāva bhāvetukāmo “dissante kho pana rūpādhikaraṇaṃ daṇḍādānasatthādānakalahaviggahavivādā, natthi kho panetaṃ sabbaso āruppeti. So iti paṭisaṅkhāya rūpānaṃyeva nibbidāya virāgāya nirodhāya paṭipanno hoti”ti (ma. ni. 2.103) vacanato etesaṃ daṇḍādānādīnañceva cakkhusotarogādīnañca ābādhasahassānaṃ vasena karajarūpe ādīnavaṃ disvā tassa samatikkamāya ṭhapetvā paricchinnākāsakaṣiṇaṃ navasu pathavīkaṣiṇādīsu aññatarasmīṃ catutthajjhānaṃ uppādeti.

Tassa kiñcāpi rūpāvacaracatutthajjhānavasena karajarūpaṃ atikkantaṃ hoti, atha kho kaṣiṇarūpampi yasmā tappaṭibhāgameva, tasmā tampi samatikkamitukāmo hoti. Kathaṃ? Yathā ahibhīruko puriso araññe sappena anubaddho vegena palāyitvā palātaṭṭhāne lekhācittaṃ tālapaṇṇaṃ vā valliṃ vā rajjuṃ vā phalitāya vā pana pathaviyā phalitantaraṃ disvā bhāyateva uttasateva, neva naṃ dakkhitukāmo hoti. Yathā ca anattakāriṇā veripurisena saddhiṃ ekagāme vasamāno puriso tena vadhabandhagehājhāpanādīhi upadduto aññaṃ gāmaṃ vasanatthāya gantvā tatrāpi verinā samānarūpasaddasamudācāraṃ purisaṃ disvā bhāyateva uttasateva, neva naṃ dakkhitukāmo hoti.

Tatridaṃ opammasaṃsandanaṃ – tesāṃ hi purisānaṃ ahinā verinā vā upaddutakālo viya bhikkhuno ārammaṇavasena karajarūpasamaṅgikālo. Tesāṃ vegena palāyanaaññagāmagamanāni viya bhikkhuno rūpāvacaracatutthajjhānavasena karajarūpasamatikkamanakālo. Tesāṃ palātaṭṭhāne ca aññagāme ca lekhācittatālapaṇṇādīni ceva verisadisāṃ purisañca disvā bhāyasantāsaadassanakāmatā viya bhikkhuno kaṣiṇarūpampi tappaṭibhāgameva idanti sallakkhetvā tampi samatikkamitukāmatā. Sūkarābhihataṣaṅgāhīrasācābhīrukādīkāpi cettha upamā veditabbā.

276. Evaṃ so tasmā catutthajjhānassa ārammaṇabhūtā kaṣiṇarūpā nibbijja pakkamitukāmo pañcahākārehi ciṅṇavasī hutvā paguṇarūpāvacaracatutthajjhānato vuṭṭhāya tasmīṃ jhāne “imaṃ mayā nibbiṇṇaṃ rūpaṃ ārammaṇaṃ karotī”ti ca, “āsannasomanassapaccatthika”nti ca, “santavimokkhatto oḷārika”nti ca ādīnavaṃ passati. Aṅgōḷārikatā panettha natthi. Yatheva hetam rūpaṃ duvaṅgikaṃ, evaṃ āruppānīpīti.

So tattha evaṃ ādīnavaṃ disvā nikantiṃ pariyādāya ākāśānañcāyatanāṃ santato anantato manasikarītvā cakkavāḷapariyantaṃ vā yattakaṃ icchati tattakaṃ vā kaṣiṇaṃ pattharītvā tena phuṭṭhokāsaṃ “ākāso ākāso”ti vā, “ananto ākāso”ti vā manasikaronto ugghāṭeti kaṣiṇaṃ. Ugghāṭento hi neva kilañjaṃ viya saṃvelleti, na kapālato pūvaṃ viya uddharati, kevalaṃ pana taṃ neva āvajjeti, na manasi karotī, na paccavekkhati, anāvajjento amanasikaronto apaccavekkhanto ca aññadatthu tena phuṭṭhokāsaṃ “ākāso ākāso”ti manasikaronto kaṣiṇaṃ ugghāṭeti nāma. Kaṣiṇampi ugghāṭiyamānaṃ neva

ubbaṭṭati na vivaṭṭati, kevaḷaṃ imassa amanasikāraṇca “ākāso ākāso”ti manasikāraṇca paṭicca ugghāṭitaṃ nāma hoti, kasiṇugghāṭimākāsamattaṃ paññāyati. Kasiṇugghāṭimākāsanti vā kasiṇaphuṭṭhokāsoti vā kasiṇavivittākāsanti vā sabbametaṃ ekameva.

So taṃ kasiṇugghāṭimākāsanimittaṃ “ākāso ākāso”ti punappunaṃ āvajjeti, takkāhataṃ vitakkāhataṃ karoti. Tassevaṃ punappunaṃ āvajjayato takkāhataṃ vitakkāhataṃ karoto nīvaraṇāni vikkhambhanti, sati santiṭṭhanti, upacārena cittaṃ samādhiyati. So taṃ nimittaṃ punappunaṃ āsevati, bhāveti, bahulīkaroti. Tassevaṃ punappunaṃ āvajjayato manasikaroto pathavīkasiṇādīsu rūpāvacaracittaṃ viya ākāse ākāsaṇācāyatanacittaṃ appeti. Idhāpi hi purimabhāge tīṇi cattāri vā javanāni kāmāvacarāni upekkhāvedanāsampayuttāneva honti. Catutthaṃ pañcamaṃ vā arūpāvacaraṃ. Sesam pathavīkasiṇe vuttanayameva.

Ayaṃ pana viseso, evaṃ uppanne arūpāvacaracitte so bhikkhu yathā nāma yānappuṭṭi kumbhimukhādīnaṃ aññatarāṃ nīlapilotikāya vā pītalohitodātādīnaṃ vā aññatarāya pilotikāya bandhitvā pekkhamāno puriso vātavegena vā aññena vā kenaci apanītāya pilotikāya ākāsaṃyeva pekkhamāno tiṭṭheyya, evameva pubbe kasiṇamaṇḍalaṃ jhānacakkhunā pekkhamāno viharitvā “ākāso ākāso”ti iminā parikkammamanasikāreṇa sahasā apanīte tasmim nimitte ākāsaññeva pekkhamāno viharati. Ettāvata cesa “sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākāso’ti ākāsaṇācāyatanam upasampajja viharatī”ti vuccati (vibha. 508; dī. ni. 2.129).

277. Tattha sabbasoti sabbākāreṇa, sabbāsaṃ vā anavasesānanti attho. **Rūpasaññānanti** saññāsīsena vuttarūpāvacarajjhānañceva tadārammaṇānaṃ. Rūpāvacarajjhānampi hi rūpanti vuccati “rūpī rūpāni passatī”tiādīsu (dī. ni. 2.129), tassa ārammaṇampi “bahiddhā rūpāni passatī suvaṇṇadubbaṇṇāni”tiādīsu (dī. ni. 2.173), tasmā idha rūpe saññā rūpasaññāti evaṃ saññāsīsena vuttarūpāvacarajjhānassetam adhivacanaṃ. Rūpaṃ saññā assatī rūpasaññāṃ. Rūpaṃ assa nāmanti vuttaṃ hoti. Pathavīkasiṇādībhedassa tadārammaṇassa cetam adhivacanaṃ veditabbaṃ. **Samatikkamāti** virāgā nirodhā ca. Kiṃ vuttaṃ hoti? Etāsaṃ kusalavipākakiriyavasena pañcadasannaṃ jhānaśākhātānaṃ rūpasaññānaṃ, etesaṃca pathavīkasiṇādīvasena navannaṃ ārammaṇasañkhātānaṃ rūpasaññānaṃ sabbākāreṇa anavasesānaṃ vā virāgā ca nirodhā ca virāgahetuñceva nirodhahetuñca ākāsaṇācāyatanam upasampajja viharati. Na hi sakkā sabbaso anatikkantarūpasaññena etaṃ upasampajja viharitunti.

Tattha yasmā ārammaṇe avirattassa saññāsamatikkamo na hoti, samatikkantāsu ca saññāsu ārammaṇam samatikkantameva hoti. Tasmā ārammaṇasamatikkamaṃ avatvā “tattha katamā rūpasaññā? Rūpāvacarasaṃpattim samāpannassa vā upapannassa vā diṭṭhadhammasukhavihārissa vā saññā sañjānaṇā sañjānitattaṃ, imā vuccanti rūpasaññāyo. Imā rūpasaññāyo atikkanto hoti vītikkanto samatikkanto. Tena vuccati sabbaso rūpasaññānaṃ samatikkamā”ti (vibha. 602) evaṃ vibhaṅge saññānaṃyeva samatikkamo vutto. Yasmā pana ārammaṇasamatikkamena pattabbā etā samāpattiyo, na ekasmiññeva ārammaṇe paṭhamajjhānādīni viya. Tasmā ayaṃ ārammaṇasamatikkamavasenaṇāpi atthavaṇṇanā katāti veditabbā.

278. Paṭighasaññānaṃ atthaṅgamāti cakkhādīnaṃ vatthūnaṃ rūpādīnaṃ ārammaṇānaṃca paṭighāteṇa samuppannā saññā paṭighasaññā. Rūpasaññādīnaṃ etamadhivacanaṃ. Yathāha – “tattha katamā paṭighasaññā? Rūpasaññā saddasaññā gandhasaññā rasasaññā phoṭṭhabbasaññā, imā vuccanti paṭighasaññāyo”ti (vibha. 603). Tāsaṃ kusalavipākānaṃ pañcannaṃ, akusalavipākānaṃ pañcannanti sabbaso dasannaṃ paṭighasaññānaṃ atthaṅgamā pahānā asamuppādā appavattim katvāti vuttaṃ hoti.

Kāmañcetā paṭhamajjhānādīni samāpannassāpi na santi. Na hi tasmim samaye pañcadvārasena cittaṃ pavattati. Evaṃ santepi aññattha pahīnaṃ sukhadukkhānaṃ catutthajjhāne viya, sakkāyadīṭṭhādīnaṃ tatiyamagge viya ca imasmim jhāne ussāhajanatthaṃ imassa jhānassa paṃsāvāsena etāsamettha vacanaṃ veditabbaṃ.

Atha vā kiñcāpi tā rūpāvacaraṃ samāpannassāpi na santi, atha kho na pahīnattā na santi. Na hi rūpavirāgāya rūpāvacarabhāvanā saṃvattati, rūpāyattā ca etāsaṃ pavattati. Ayaṃ pana bhāvanā rūpavirāgāya saṃvattati. Tasmā tā ettha pahīnāti vuttaṃ vaṭṭati. Na kevaḷaṃ vuttaṃ, ekaṃseneva evaṃ dhāretumpi vaṭṭati. Tāsañhi ito pubbe appahīnattāyeva paṭhamam jhānaṃ samāpannassa saddo “kaṇṭako”ti (a. ni. 10.72) vutto bhagavatā. Idha ca pahīnattāyeva arūpasamāpattinaṃ āneñjatā (vibha. 226) santavimokkhatā (ma. ni. 1.66) ca vuttā. Ājāro ca kālāmo arūpasamāpanno pañcamattāni sakaṭasatāni nissāya nissāya atikkamantāni neva addasa, na pana saddam assosīti (dī. ni. 2.192).

279. Nānattasaññānaṃ amanasikārāti nānatte vā gocare pavattānaṃ saññānaṃ, nānattānaṃ vā saññānaṃ. Yasmā hi etā “tattha katamā nānattasaññā? Asamāpannassa manodhātusamaṅgissa vā manoviññāṇadhātusamaṅgissa vā saññā sañjānaṇā sañjānitattaṃ, imā vuccanti nānattasaññāyo”ti evaṃ vibhaṅge (vibha. 604) vibhajitvā vuttā idha adhippetā asamāpannassa manodhātumanoviññāṇadhātusamaṅgihitā saññā rūpasaddādībhede nānatte nānāsabhāve gocare pavattanti, yasmā cetā attha kāmāvacarakusalasaññā, dvādasākusalasaññā, ekādasa kāmāvacarakusalavipākasaññā, dve akusalavipākasaññā, ekādasa kāmāvacarakiriyasaññāti evaṃ catucattālīsampi saññā nānattā nānāsabhāvā aññamaññaṃ asadisā, tasmā nānattasaññāti vuttā. Tāsaṃ sabbaso nānattasaññānaṃ amanasikārā anāvajjanā asamannāhārā apaccavekkhaṇā. Yasmā tā nāvajjeti, na manasi karoti, na paccavekkhati, tasmāti vuttaṃ hoti.

Yasmā cettha purimā rūpasaññā paṭighasaññā ca iminā jhānena nibbatte bhavēpi na vijjanti. Pageva tasmim bhavē imaṃ

jhānaṃ upasampajja viharanaṅkāle, tasmā tasmaṃ **samatikkamā atthaṅgamāti** dvedhāpi abhāvoyeva vutto. Nānattasaññāsu pana yasmā attha kāmāvacarakusalasaññā, nava kiriyaññā, dasākusalasaññāti imā sattavīsatisaññā iminā jhānena nibbatte bhava vijjanti, tasmā tasmaṃ **amanasikārāti** vuttanti veditabbaṃ. Tatrāpi hi imaṃ jhānaṃ upasampajja viharanto tasmaṃ amanasikārāyeva upasampajja viharati, tā pana manasikaronto asamāpanno hotīti.

Sankhepato cettha **rūpasaññānaṃ samatikkamāti** iminā sabbarūpāvacaradhammānaṃ pahānaṃ vuttaṃ. **Paṭighasaññānaṃ atthaṅgamā nānattasaññānaṃ amanasikārāti** iminā sabbesaṃ kāmāvacaracittacetasikānaṃ pahānaṃca amanasikāro ca vuttoti veditabbo.

280. Ananto ākāsoti ettha nāssa uppādanto vā vayanto vā paññāyatīti ananto. Ākāsoti kasiṇugghātimākāso vuccati. Manasikāravasenāpi cettha anantatā veditabbā. Teneva vibhaṅge vuttaṃ “tasmim ākāse cittaṃ ṭhāpeti, saṅṭhāpeti, anantaṃ pharati, tena vuccati ananto ākāso”ti (vibha. 605).

Ākāsānañcāyatanaṃ upasampajja viharatīti ettha pana nāssa antoti anantaṃ, ākāsaṃ anantaṃ ākāsānantaṃ, ākāsānantaṃ eva ākāsānañcaṃ, taṃ ākāsānañcaṃ adhiṭṭhānaṭṭhena āyatanamassa sasampayuttadhammassa jhānassa devānaṃ devāyatanamivāti **ākāsānañcāyatanaṃ**.

Upasampajja viharatīti tamākāsānañcāyatanaṃ patvā nipphādetvā tadanurūpena iriyāpathavihārena viharatīti.

Ayaṃ ākāsānañcāyatanakammaṭṭhāne vitthārakathā.

Viññāṇañcāyatanakathā

281. Viññāṇañcāyatanaṃ bhāvetukāmena pana pañcahākārehi ākāsānañcāyatanasamāpattiyāṃ ciñṇavasābhāvena “āsannarūpāvacarajjhānapaccatthikā ayaṃ samāpatti, no ca viññāṇañcāyatanaṃiva santā”ti ākāsānañcāyatane ādīnavaṃ disvā tattha nikantiṃ pariyādāya viññāṇañcāyatanaṃ santato manasikaritvā taṃ ākāsaṃ pharitvā pavattaviññāṇaṃ “viññāṇaṃ viññāṇa”nti punappunaṃ āvajjitabbaṃ, manasikātabbaṃ, paccavekkhitabbaṃ, takkāhataṃ vitakkāhataṃ kātabbaṃ. “Anantaṃ ananta”nti pana na manasikātabbaṃ.

Tassevaṃ tasmim nimitte punappunaṃ cittaṃ cārentassa nīvaraṇāni vikkhambhanti, sati santiṭṭhanti, upacārena cittaṃ samādhiyati. So taṃ nimittaṃ punappunaṃ āsevati, bhāveti, bahulīkaroti. Tassevaṃ karoto ākāse ākāsānañcāyatanaṃ viya ākāsaphuṭe viññāṇe viññāṇañcāyatanacittaṃ appeti. Appanānayo panettha vuttanayeneva veditabbo. Ettāvatā cesa “sabbaso ākāsānañcāyatanaṃ samatikkamma anantaṃ viññāṇanti viññāṇañcāyatanaṃ upasampajja viharatī”ti (vibha. 508; dī. ni. 2.129) vuccati.

282. Tattha **sabbasoti** idaṃ vuttanayameva. **Ākāsānañcāyatanaṃ samatikkammāti** ettha pana pubbe vuttanayena jhānampi ākāsānañcāyatanaṃ, ārammaṇampi. **Ārammaṇampi** hi purimanayeneva ākāsānañcaṃ taṃ paṭhamassa āruppajjhānassa ārammaṇattā devānaṃ devāyatanam viya adhiṭṭhānaṭṭhena āyatanañcāti **ākāsānañcāyatanaṃ**. Tathā ākāsānañcaṃ taṃ tassa jhānassa sañjātihetuttā “kambojā assānaṃ āyatana”ntiādīni viya sañjātidesaṭṭhena āyatanañcātipi **ākāsānañcāyatanaṃ**. Evameva jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvā yasmā idaṃ viññāṇañcāyatanaṃ upasampajja vihātabbaṃ, tasmā ubhayampetaṃ ekajjhaṃ katvā “ākāsānañcāyatanaṃ samatikkammā”ti idaṃ vuttanti veditabbaṃ.

Anantaṃ viññāṇanti taṃyeva ananto ākāsoti evaṃ pharitvā pavattaviññāṇaṃ “anantaṃ viññāṇa”nti evaṃ manasikarontoti vuttaṃ hoti. Manasikāravasena vā anantaṃ. So hi tamākāsārammaṇaṃ viññāṇaṃ anavasesato manasikaronto “ananta”nti manasi karoti. Yaṃ pana vibhaṅge vuttaṃ “anantaṃ viññāṇanti, taṃyeva ākāsaṃ viññāṇena phuṭaṃ manasi karoti, anantaṃ pharati, tena vuccati anantaṃ viññāṇa”nti (vibha. 610).

Tattha **viññāṇenāti** upayogathe karaṇavacanaṃ veditabbaṃ. Evañhi atṭhakathācariyā tassa atthaṃ vaṇṇayanti, anantaṃ pharati taññeva ākāsaṃ phuṭaṃ viññāṇaṃ manasi karotīti vuttaṃ hoti.

Viññāṇañcāyatanaṃ upasampajja viharatīti ettha pana nāssa antoti **anantaṃ**. Anantameva **ānañcaṃ**. Viññāṇaṃ ānañcaṃ viññāṇañcānti avatvā **viññāṇañcānti** vuttaṃ. Ayañhettha rūḷhīsaddo. Taṃ viññāṇañcaṃ adhiṭṭhānaṭṭhena āyatanamassa sasampayuttadhammassa jhānassa devānaṃ devāyatanamivāti viññāṇañcāyatanaṃ. Sesam purimasadisamevāti.

Ayaṃ viññāṇañcāyatanakammaṭṭhāne vitthārakathā.

Ākiñcaññāyatanakathā

283. Ākiñcaññāyatanam bhāvetukāmena pana pañcahākārehi viññāṇañcāyatanasamāpattiyāṃ ciñṇavasābhāvena “āsannaākāsānañcāyatanapaccatthikā ayaṃ samāpatti, no ca ākiñcaññāyatanamiva santā”ti viññāṇañcāyatane ādīnavaṃ disvā tattha nikantiṃ pariyādāya ākiñcaññāyatanam santato manasikaritvā tasseva viññāṇañcāyatanārammaṇabhūtassa

ākāsānañcāyatanaviññāṇassa abhāvo suññatā vivittākāro manasikātabbo. Kathaṃ? Taṃ viññāṇaṃ amanasikarivā “natthi natthī”ti vā, “suññāṃ suññā”nti vā, “vivittaṃ vivitta”nti vā punappunaṃ āvajjītabbaṃ, manasikātabbaṃ, paccavekkhitabbaṃ, takkāhatāṃ vitakkāhatāṃ kātabbaṃ.

Tassevaṃ tasmim̐ nimitte cittaṃ cārentassa nīvaraṇāni vikkhambhanti, sati santiṭṭhanti, upacārena cittaṃ samādhīyati. So taṃ nimittaṃ punappunaṃ āsevati, bhāveti, bahulīkaroti. Tassevaṃ karoto ākāse phuṭṭe mahaggataviññāṇe viññāṇañcāyatanāṃ viya tasseva ākāsaṃ pharivā pavattassa mahaggataviññāṇassa suññāvivittanattibhāve ākiñcaññāyatanacittaṃ appeti. Etthāpi ca appanānayo vuttanayeneva vedītabbo.

Ayaṃ pana vireso, tasmim̐ hi appanācīte uppane so bhikkhu yathā nāma puriso maṅḍalamālādīsu kenacideva karaṇīyena sannipatitaṃ bhikkhusaṅghaṃ disvā katthaci gantvā sannipātakiccāvasāneva uṭṭhāya pakkantesu bhikkhūsu āgantvā dvāre ṭhatvā puna taṃ thānaṃ olokento suññameva passati, vivittameva passati. Nāssa evaṃ hoti “ettakā nāma bhikkhū kālākatā vā disāpakkantā vā”ti, atha kho suññamidaṃ vivittanti natthibhāvameva passati, evameva pubbe ākāse pavattitaviññāṇaṃ viññāṇañcāyatanajjhānacakkhunā passanto viharitvā “natthi natthī”tiādīnā parikkammamanasikāreṇa antarahite tasmim̐ viññāṇe tassa apagamasañkhātāṃ abhāvameva passanto viharati. Ettāvata cesa “sabbaso viññāṇañcāyatanāṃ samatikkamma natthi kiñcīti ākiñcaññāyatanāṃ upasampajja viharatī”ti (vibha. 508; dī. ni. 2.129) vuccati.

284. Idhāpi **sabbasoti** idaṃ vuttanayameva. **Viññāṇañcāyatananti** etthāpi ca pubbe vuttanayeneva jhānampi viññāṇañcāyatanāṃ ārammaṇampi. **Ārammaṇampi** hi purimanayeneva viññāṇañcāyatanāṃ taṃ dutiyassa āruppajjhānassa ārammaṇattā devānaṃ devāyatanāṃ viya adhiṭṭhānaṭṭhena āyatanañcāti **viññāṇañcāyatanāṃ**. Tathā viññāṇañcāyatanāṃ taṃ tasseva jhānassa sañjātihetuttā “kambojā assānaṃ āyatana”ntiādīni viya sañjātidesaṭṭhena āyatanañcātipi **viññāṇañcāyatanāṃ**. Evameva jhānañca ārammaṇañcāti ubhayampi appavattikaraṇeṇa ca amanasikaraṇeṇa ca samatikkamitvā yasmā idaṃ ākiñcaññāyatanāṃ upasampajja vihātabbaṃ, tasmā ubhayampetaṃ ekajjhaṃ katvā viññāṇañcāyatanāṃ samatikkammāti idaṃ vuttanti vedītabbaṃ.

Natthi kiñcīti natthi natthi, suññāṃ suññāṃ, vivittaṃ vivittanti evaṃ manasikarontoti vuttaṃ hoti. Yampi vibhaṅge vuttaṃ “natthi kiñcīti taññeva viññāṇaṃ abhāveti vibhāveti antaradhāpeti natthi kiñcīti passati, tena vuccati natthi kiñcīti”ti, taṃ kiñcāpi khayato sammasaṇaṃ viya vuttaṃ, atha khvassa evameva attho daṭṭhabbo. Tañhi viññāṇaṃ anāvajjento amanasikaronto apaccavekkhanto kevalamassa natthibhāvaṃ suññabhāvaṃ vivittabhāvameva manasikaronto abhāveti vibhāveti antaradhāpetīti vuccati, na aññathāti.

Ākiñcaññāyatanāṃ upasampajja viharatīti ettha pana nāssa kiñcananti **ākiñcanāṃ**, antamaso bhaṅgamattampi assa avasiṭṭhaṃ natthīti vuttaṃ hoti. Ākiñcanassa bhāvo **ākiñcaññāṃ**, ākāsañcāyatanaviññāṇāpagamasetaṃ adhivacanaṃ. Taṃ ākiñcaññāṃ adhiṭṭhānaṭṭhena āyatanaṃ devānaṃ devāyatanamivāti **ākiñcaññāyatanāṃ**. Sesam̐ purimasadisamevāti.

Ayaṃ ākiñcaññāyatanakammaṭṭhāne vitthārakathā.

Nevasaññānāsaññāyatanakathā

285. Nevasaññānāsaññāyatanāṃ bhāvetukāmena pana pañcahākārehi ākiñcaññāyatanasamāpattiyaṃ cīṇavasībhāvena “āsannaviññāṇañcāyatanapaccatthikā ayaṃ samāpatti, no ca nevasaññānāsaññāyatanāṃ viya santā”ti vā “saññā rogo, saññā gaṇḍo, saññā sallaṃ, etaṃ santaṃ, etaṃ pañītaṃ yadidaṃ nevasaññānāsaññā”ti vā evaṃ ākiñcaññāyatane ādīnavaṃ, upari ānisaṃsañca disvā ākiñcaññāyatane nikantiṃ pariyādāya nevasaññānāsaññāyatanāṃ santato manasikarivā “sāva abhāvaṃ ārammaṇaṃ katvā pavattitā ākiñcaññāyatanasamāpatti santā santā”ti punappunaṃ āvajjītabbā, manasikātabbā, paccavekkhitabbā, takkāhatā vitakkāhatā kātabbā.

Tassevaṃ tasmim̐ nimitte punappunaṃ mānaṃ cārentassa nīvaraṇāni vikkhambhanti, sati santiṭṭhanti, upacārena cittaṃ samādhīyati. So taṃ nimittaṃ punappunaṃ āsevati, bhāveti, bahulīkaroti. Tassevaṃ karoto viññāṇāpagame ākiñcaññāyatanāṃ viya ākiñcaññāyatanasamāpattisañkhātesu catūsu khandhesu nevasaññānāsaññāyatanacittaṃ appeti. Appanānayo panetha vuttanayeneva vedītabbo. Ettāvata cesa “sabbaso ākiñcaññāyatanāṃ samatikkamma nevasaññānāsaññāyatanāṃ upasampajja viharatī”ti (vibha. 508; dī. ni. 2.129) vuccati.

286. Idhāpi **sabbasoti** idaṃ vuttanayameva. **Ākiñcaññāyatanāṃ samatikkammāti** etthāpi pubbe vuttanayeneva jhānampi ākiñcaññāyatanāṃ ārammaṇampi. **Ārammaṇampi** hi purimanayeneva ākiñcaññāyatanāṃ taṃ tatiyassa āruppajjhānassa ārammaṇattā devānaṃ devāyatanāṃ viya adhiṭṭhānaṭṭhena āyatanañcāti **ākiñcaññāyatanāṃ**. Tathā ākiñcaññāyatanāṃ taṃ tasseva jhānassa sañjātihetuttā kambojā assānaṃ āyatanañcātipi viya sañjātidesaṭṭhena āyatanañcātipi **ākiñcaññāyatanāṃ**. Evameva jhānañca ārammaṇañcāti ubhayampi appavattikaraṇeṇa ca amanasikaraṇeṇa ca samatikkamitvā yasmā idaṃ nevasaññānāsaññāyatanāṃ upasampajja vihātabbaṃ, tasmā ubhayampetaṃ ekajjhaṃ katvā ākiñcaññāyatanāṃ samatikkammāti idaṃ vuttanti vedītabbaṃ.

Nevasaññānāsaññāyatananti ettha pana yāya saññāya bhāvato taṃ nevasaññānāsaññāyatananti vuccati. Yathā

paṭipannassa sã saññã hoti, taṃ tãva dassetuṃ vibhaṅge “nevasaññãñãsaññã”ti uddharitvã “taññeva ãkiñcaññãyatanam santato manasi karoti, sañkhãrãvasesasamãpattim bhãveti, tena vuccati nevasaññãñãsaññã”ti (vibha. 619) vuttaṃ. Tattha **santato manasi karotĩ** “santã vatãyaṃ samãpattĩ, yatra hi nãma natthibhãvampi ãrammaṇaṃ karitvã tãassatĩ”ti evaṃ santãrammaṇatãya taṃ santãti manasi karoti.

Santato ce manasi karoti, kathaṃ samatikkamo hotĩti? Asamãpajjitukãmatãya. So hi kiñcãpi taṃ santato manasi karoti, atha khvassa “ahametamã ãvajjissãmi, samãpajjissãmi, adhiññahissãmi, vuññahissãmi, paccavekkhissãmi”ti esa ãbhogo samannãhãro manasikãro na hoti. Kasmã? Ækiñcaññãyatanato nevasaññãñãsaññãyatanassa santatarapaññatataratãya.

Yathã hi rãjã mahacca rãjãnubhãvena hatthikkhandhavaragato nagaravithiyaṃ vicaranto dantakãrãdayo sippike ekaṃ vatthamã dalhamã nivãsetvã ekena sãsamã veñhetvã dantacuññãdĩhi samokiññagatte anekãni dantavikatiãdĩni sippãni karonte disvã “aho vata re chekã ãcariyã ãdisãnipi nãma sippãni karissanti”ti evaṃ tesamã chekatãya tussati, na cassa evaṃ hoti “aho vatãhamã rajjamã pahãya evarũpo sippiko bhavẽyya”nti. Taṃ kissa hetu? Rajjasiriya mahãnisamsatãya. So sippino samatikkamitvã gacchati. Evameva esa kiñcãpi taṃ samãpattimã santato manasi karoti, atha khvassa “ahametamã samãpattimã ãvajjissãmi, samãpajjissãmi, adhiññahissãmi, vuññahissãmi, paccavekkhissãmi”ti neva esa ãbhogo samannãhãro manasikãro hoti.

So taṃ santato manasikaronto pubbe vuttanayena taṃ paramasukhumamã appanãppattamã saññamã pãpuñãti, yãya nevasaññãñãsaññãñã nãma hoti, sañkhãrãvasesasamãpattimã bhãvetĩti vuccati. **Sañkhãrãvasesasamãpattinti** accantasukhumabhãvappattasañkhãramã catutthãruppasamãpattimã.

287. Idãni yaṃ taṃ evamadhigatãya saññãya vasena nevasaññãñãsaññãñãyatananti vuccati, taṃ atthato dassetuṃ “nevasaññãñãsaññãñãyatananti nevasaññãñãsaññãñãyatanamã samãpannassa vã upapannassa vã diññhadhammasukhavihãrissa vã cittacetasikã dhammã”ti (vibha. 620) vuttaṃ. Tesu idha samãpannassa cittacetasikã dhammã adhippetã. Vacanattho panettha olãrikãya saññãya abhãvato sukhumãya ca bhãvato nevasa sasampayuttadhammassa jhãnassa saññã nãsaññãnti **nevasaññãñãsaññãñãmã**. Nevasaññãñãsaññãñãca taṃ manãyatanadhammãyatanapariyãpannattã ãyatanañcãti **nevasaññãñãsaññãñãyatanamã**. Atha vã yãyamettha saññã, sã pañusaññãkiccamã kãtuṃ asamatthãtãya nevasaññã, sañkhãrãvasesasukhumabhãvena vijjamãnantã nãsaññãti **nevasaññãñãsaññãñã**. Nevasaññãñãsaññãñã ca sã sesadhammãnamã adhiññãnatthena ãyatanañcãti **nevasaññãñãsaññãñãyatanamã**.

Na kevalañcetta saññãva edisã, atha kho vedanãpi nevedanãnevãvedanã, cittampi nevacittamãñcittamã, phassopi nevaphassonãphasso. Esa nayo sesasampayuttadhammesu. Saññãñãsãna panãyaṃ desanã katãti veditabbã. Pattamakghanatelappabhutĩhi ca upamãhi esa attho vibhãvetabbo.

Sãmañero kira telena pattamã makkhetvã tãpesi, taṃ yãgupañakãle thero pattamãharãti ãha. So “patte telamatthi, bhante”ti ãha. Tato “ãhara, sãmañera, telamã, nãlĩmã pũressãmi”ti vutte “natthi, bhante, tela”nti ãha. Tattha yathã antovutthattã yãguyã saddhiṃ akappiyatthena “telamatthi”ti hoti. Nãlĩpũrañãdĩnamã vasena “natthĩ”ti hoti. Evamã sãpi saññã pañusaññãkiccamã kãtuṃ asamatthãtãya nevasaññã, sañkhãrãvasesasukhumabhãvena vijjamãnantã nãsaññã hoti.

Kimã panettha saññãkiccanti? Ærammañasaññãjananañceva vipassanãya ca visayabhãvamã upagantvã nibbidãjananamã. Dahanakiccama hi sukhodake tejodhãtu saññãjananakiccamã pesã pañuṃ kãtuṃ na sakkoti. Sesasamãpattĩsu saññã viya vipassanãya visayabhãvamã upagantvã nibbidãjananamã kãtuṃ na sakkoti. Aññesu hi khandhesu akatãbhiniveso bhikkhu nevasaññãñãsaññãñãyatanakkhandhe sammãsitvã nibbidamã pattuṃ samattho nãma natthi apica ãyasmã sãriputto. Pakativipassako pana mahãpañño sãriputtasadisova sakkuñeyya. Sopi “evaṃ kirime dhammã ahutvã sambhonti, hutvã pañventĩ”ti (ma. ni. 3.95) evamã kalãpasammasanãvaseneva, no anupadadhammãvipassanãvasena. Evamã sukhumattamã gatã esã samãpatti.

Yathã ca pattamakghanatelũpamãya, evamã maggudakũpamãyapi ayamattho vibhãvetabbo. Maggappañipannassa kira therassa purato gacchanto sãmañero thokamã udakamã disvã “udakamã, bhante, upãhanã omũcathã”ti ãha. Tato therena “sace udakamatthi, ãhara nhãnasãñikamã, nhãyissãmã”ti vutte “natthi, bhante”ti ãha. Tattha yathã upãhanatemanamãtãtthena “udakamatthi”ti hoti, nhãyanatthena “natthĩ”ti hoti. Evampi sã pañusaññãkiccamã kãtuṃ asamatthãtãya nevasaññã, sañkhãrãvasesasukhumabhãvena vijjamãnantã nãsaññã hoti.

Na kevalañca etãheva, aññãhipi anurũpãhi upamãhi esa attho vibhãvetabbo. Upasampajja viharatĩti idamã vuttanayamevãti.

Ayamã nevasaññãñãsaññãñãyatanakamãtthãne vitthãrakathã.

Pakiññakakathã

288. Asadisarũpo nãtho, ãruppamã yaṃ catubbidhamã ãha.

Tamã iti ñãtvã tasmimã, pakiññakakathãpi viññeyyã.

289. Āruppasamāpattiyo hi –

Ārammaṇātikkamato, catassopi bhavantimā;
Aṅgātikkamametāsaṃ, na icchanti vibhāvino.

Etāsu hi rūpanimittātikkamato paṭhamā, ākāsātikkamato dutiyā, ākāse pavattitaviññāṇātikkamato tatiyā. Ākāse pavattitaviññāṇassa apagamātikkamato catutthīti sabbathā ārammaṇātikkamato catassopi bhavantimā āruppasamāpattiyoti veditabbā. Aṅgātikkamam paṇa etāsaṃ na icchanti paṇḍitā. Na hi rūpāvacarasamāpattīsu viya etāsu aṅgātikkamato atthi. Sabbāsupi hi etāsu upekkhā, cittaekaggatāti dve eva jhānaṅgāni honti.

290. Evaṃ santepi –

Suppaṇītatarā honti, pacchimā pacchimā idha;
Upamā tattha viññeyyā, pāsādatalasāṭikā.

Yathā hi catubhūmikassa pāsādassa heṭṭhimatale dibbanaccagītavāditasurabhigandhamālābhojanasayanacchādanādivasena paṇītā pañcakāmaguṇā paccupaṭṭhitā assu. Dutiye tato paṇītatarā. Tatiye tato paṇītatarā. Catutthe sabbapaṇītatarā. Tattha kiñcāpi tāni cattāripi pāsādatalāneva, natthi nesaṃ pāsādatalabhāvena viseso. Pañcakāmaguṇasamidhavesesena pana heṭṭhimato heṭṭhimato uparimaṃ uparimaṃ paṇītatarāṃ hoti.

Yathā ca ekāya itthiyā kantitathūlasaṃhasaṃhatarasaṃhatamasuttānaṃ catupalatīpaladvipalaekapalasāṭikā assu āyāmena ca vitthārena ca samappamāṇā. Tattha kiñcāpi tā sāṭikā catassopi āyāmato ca vitthārato ca samappamāṇā, natthi tāsāṃ pamāṇato viseso. Sukhasamphassasukhumabhāvamahagghabhāvehi pana purimāya purimāya pacchimā pacchimā paṇītatarā honti, evameva kiñcāpi catūsu etāsu upekkhā, cittaekaggatāti etāni dveveva aṅgāni honti, atha kho bhāvanāvisesena tesāṃ aṅgāni paṇītapaṇītatarabhāvena suppaṇītatarā honti pacchimā pacchimā idhāti veditabbā.

291. Evaṃ anupubbena paṇītapaṇītā cetā –

Asucimhi maṇḍape laggo, eko tannissito paro;
Añño bahi anissāya, taṃ taṃ nissāya cāparo.

Ṭhito catūhi etehi, purisehi yathākkamaṃ;
Samānatāya ñātabbā, catassopi vibhāvinā.

Tatrāyamatthayojanā – asucimhi kira dese eko maṇḍapo, atheko puriso āgantvā taṃ asucim jīgucchamāno taṃ maṇḍapaṃ hatthehi ālambitvā tattha laggo laggito viya aṭṭhāsi. Athāparo āgantvā taṃ maṇḍape laggam purisaṃ nissito. Athañño āgantvā cintesi “yo esa maṇḍapalaggo, yo ca tannissito, ubhopete dutṭhitā. Dhuvo ca nesaṃ maṇḍapapapāte pāto, handāham bahiyeva tiṭṭhāmī”ti. So tannissitam anissāya bahiyeva aṭṭhāsi. Athāparo āgantvā maṇḍapalaggassa ca tannissitassa ca akhemabhāvaṃ cintetvā bahiṭṭhitaṃ sutṭhitoti mantvā taṃ nissāya aṭṭhāsi. Tattha asucimhi dese maṇḍapo viya kasiṇuggahāṭimākāsaṃ daṭṭhabbam, asucijīgucchāya maṇḍapalaggo puriso viya rūpanimittajīgucchāya ākāsārammaṇaṃ ākāsānañcāyatanaṃ, maṇḍapalaggam purisaṃ nissito viya ākāsārammaṇaṃ ākāsānañcāyatanaṃ ārabha pavattaṃ viññāṇaṃcāyatanaṃ, tesāṃ dvinnampi akhemabhāvaṃ cintetvā anissāya taṃ maṇḍapalaggam bahiṭṭhito viya ākāsānañcāyatanaṃ ārammaṇaṃ akatvā tadabhāvārammaṇaṃ ākiñcaññāyatanaṃ, maṇḍapalaggassa tannissitassa ca akhemataṃ cintetvā bahiṭṭhitaṃcā sutṭhitoti mantvā taṃ nissāya ṭhito viya viññāṇabhāvasaṅkhāte bahipadese ṭhitaṃ ākiñcaññāyatanaṃ ārabha pavattaṃ nevasaññānañcāyatanaṃ daṭṭhabbam.

292. Evaṃ pavattamānañca –

Ārammaṇaṃ karoteva, aññābhāvena taṃ idamaṃ;
Diṭṭhadosampi rājānaṃ, vuttihetu jano yathā.

Idañhi nevasaññānañcāyatanaṃ “āsannaviññāṇaṃcāyanapaccatthikā ayaṃ samāpattī”ti evaṃ diṭṭhadosampi taṃ ākiñcaññāyatanaṃ aññassa ārammaṇassa abhāvā ārammaṇaṃ karoteva. Yathā kiṃ? Diṭṭhadosampi rājānaṃ vuttihetu yathā jano. Yathā hi asaṃyataṃ pharusakāyavacīmanosamācāraṃ kañci sabbadisampatiṃ rājānaṃ “pharusasamācāro aya”nti evaṃ diṭṭhadosampi aññattha vuttim alabhamāno jano vuttihetu nissāya vattati, evaṃ diṭṭhadosampi taṃ ākiñcaññāyatanaṃ aññam ārammaṇaṃ alabhamānamidaṃ nevasaññānañcāyatanaṃ ārammaṇaṃ karoteva.

293. Evaṃ kurumānañca –

Āruḷho dīghanisṣeṇim, yathā nisseṇibāhukam;
Pabbataggañca āruḷho, yathā pabbatamatthakam.

Yathā vā girimārūḷho, attanoyeva jaṇṇukaṃ;
Olubbhati tatthevetam, jhānamolubbha vattatīti.

Iti sādhujanapāmojjatthāya kate visuddhimagge

Samādhībhāvanādhikāre

Āruppaniddeso nāma

Dasamo paricchedo.

11. Samādhiniddeso

Āhārepaṭikkūlabhāvanā

294. Idāni āruppānantaram ekā saññāti evaṃ uddiṭṭhāya āhāre paṭikkūlasaññāya bhāvanāniddeso anupatto. Tattha āharatīti āhāro. So catubbidho kabaḷikārāhāro, phassāhāro, manosañcetanāhāro, viññāṇāhāroti.

Ko panettha kimāharatīti? Kabaḷikārāhāro ojaṭṭhamakaṃ rūpaṃ āharatī. Phassāhāro tisso vedanā āharatī. Manosañcetanāhāro tīsu bhavesu paṭisandhiṃ āharatī. Viññāṇāhāro paṭisandhikkhaṇe nāmarūpaṃ āharatī.

Tesu kabaḷikārāhāre nikantibhayaṃ. Phassāhāre upagamanabhayaṃ. Manosañcetanāhāre upapattibhayaṃ. Viññāṇāhāre paṭisandhibhayaṃ. Evaṃ sappaṭibhavesu ca tesu kabaḷikārāhāro **puttamamsūpamena** (saṃ. ni. 2.63) dīpetabbo. Phassāhāro **niccammagāvūpamena** (saṃ. ni. 2.63). Manosañcetanāhāro **aṅgārakāsūpamena** (saṃ. ni. 2.63). Viññāṇāhāro **sattisatūpamenāti** (saṃ. ni. 2.63). Imesu pana catūsu āhāresu asitapīṭakhāyitasāyitappabhedo **kabaḷikāro āhārova** imasmiṃ atthe **āhāro**ti adhippeto. Tasmīṃ āhāre paṭikkūlākāraggaṇavasena uppunnā saññā āhāre paṭikkūlasaññā.

Taṃ āhāre paṭikkūlasaññāṃ bhāvetukāmena kammaṭṭhānaṃ uggahetvā uggahato ekapadampi avirajjhantena rahogatena paṭisallīnena asitapīṭakhāyitasāyitappabhede kabaḷikārāhāre dasahākārehi paṭikkūlatā paccavekkhitabbā. Seyyathidaṃ, gamanato, pariyesanato, paribhogato, āsayato, nidhānato, aparipakkato, paripakkato, phalato, nissandato, sammakkhanatoti.

295. Tattha **gamanatoti** evaṃ mahānubhāve nāma sāsane pabbajitena sakalarattim buddhavacanasajjhāyaṃ vā samaṇadhammaṃ vā katvā kālasseva vuṭṭhāya cetiyaṅgaṇabodhiyaṅgaṇavattaṃ katvā pānīyaṃ paribhojanīyaṃ upaṭṭhapetvā pariveṇaṃ sammajjitvā sarīraṃ paṭijaggitvā āsanamārūyha vīsatiṃsa vāre kammaṭṭhānaṃ manasikarivā utṭhāya pattacīvaraṃ gahetvā nijanasambādhanī pavivekasukhāni chāyūdakasampannāni sucīni sītalāni ramaṇīyabhūmibhāgāni tapovanāni pahāya ariyaṃ vivekaratiṃ anapekkhitvā susānābhimukhena singālena viya āhāratthāya gāmābhimukhena gantabbaṃ.

Evaṃ gacchatā ca mañcamhā vā pīṭhamhā vā otaraṇato paṭṭhāya pādarajagharagolikavaccādisamparikīṇṇaṃ paccattharaṇaṃ akkamitabbaṃ hoti. Tato appekadā mūsikajaturakavaccādīhi upahatattā antogabbhato paṭikkūlataṃ pamukhaṃ daṭṭhabbaṃ hoti. Tato ulūkapārāvātādivaccasammakkhitattā uparimalato paṭikkūlataṃ heṭṭhimatalaṃ. Tato kadāci kadāci vāteritehi purāṇaṭṭhapaṇṇehi gilānasāmaṇerānaṃ muttakarīsakheḷasiṅghāṇīkāhi vassakāle udakacikkhalādīhi ca samkīlīṭṭhattā heṭṭhimatalato paṭikkūlataṃ pariveṇaṃ. Pariveṇato paṭikkūlataṃ vihāraracchā daṭṭhabbā hoti.

Anupubbena pana bodhiṇca cetiyaṇca vanditvā vitakkamāḷake ṭhitena muttarāsīsadisam cetiyaṃ morapiñchakalāpamanoharaṃ bodhiṃ devavimānasampattisassirīkaṃ senāsanaṇca anapaloketvā evarūpaṃ nāma ramaṇīyaṃ padesaṃ piṭṭhito katvā āhārahetu gantabbaṃ bhavissatīti pakkamitvā gāmamaggaṃ paṭipannaṃ khāṇukaṇṭakamaggopi udakavegabhinnavisamamaggopi daṭṭhabbo hoti.

Tato gaṇḍaṃ paṭicchādentena viya nivāsanaṃ nivāsetvā vaṇacoḷakaṃ bandhantena viya kāyabandhanaṃ bandhitvā aṭṭhisāṅghātaṃ paṭicchādentena viya cīvaraṃ pārupitvā bhesajjakapālaṃ nīharantena viya pattam nīharitvā gāmadvārasamīpaṃ pāpuṇantena hatthikuṇapaassakuṇapagokuṇapamahimsakuṇapamanussakuṇapaahikuṇapakukkurakuṇapānīpi daṭṭhabbāni bhavanti. Na kevalaṇca daṭṭhabbāni, gandhopi nesam ghānaṃ paṭihanamāno adhivāsetabbo hoti. Tato gāmadvāre ṭhatvā caṇḍahatthiassādīparissayaparivajjanatthaṃ gāmaracchā oloketabbā honti.

Icetaṃ paccattharaṇānīekakuṇapariyosānaṃ paṭikkūlaṃ āhārahetu akkamitabbaṇca daṭṭhabbaṇca ghāyitabbaṇca hoti. Aho vata bho paṭikkūlo āhāroti evaṃ gamanato paṭikkūlatā paccavekkhitabbā.

296. Kathaṃ **pariyesanato**? Evaṃ gamanapaṭikkūlaṃ adhivāsetvāpi gāmaṃ pavīṭṭhena saṅghāṭīpārutena kapaṇamanussena viya kapālahatthena gharapaṭīpāyīyā gāmaṃvīṭṭhīsu caritabbaṃ hoti. Yattha vassakāle akkantaakkantaṭṭhāne yāva piṇḍikamaṃsāpi udakacikkhalle pādā pavisanti, ekena hatthena pattam gahetabbaṃ hoti, ekena cīvaraṃ ukkhipitabbaṃ. Gimhakāle vātavegena samuṭṭhitehi paṃsutīnarajehi okīṇnasarīrena caritabbaṃ. Taṃ taṃ gehadvāraṃ patvā

macchadhovanamaṃsadhovanataṇḍuladhovanakheḷasiṅghāṇikasunakhasūkaravaccādīhi sammissāni kimikulākulāni nīlamakkhikaparikiṇṇāni oḷigallāni ceva candanikaṭṭhānāni ca daṭṭhabbāni honti akkamitabbāni. Yato tā makkhikā uṭṭhahitvā saṅghāṭiyampi pattepi sīsepi niliyanti.

Gharaṃ pavittḥassāpi keci denti, keci na denti. Dadamānāpi ekacce hiyyo pakkabhattampi purāṇakhajjakampi pūtikummāsapūpādīnīpi dadanti. Adadamānāpi kecideva ‘‘aticchatha, bhante’’ti vadanti, keci pana apassamānā viya tuṅhī honti, keci aññena mukhaṃ karonti, keci ‘‘gaccha, re muṇḍakā’’tiādīhi pharusavācāhi samudācaranti. Evaṃ kapaṇamanussena viya gāme piṇḍāya caritvā nikkhamitabbanti.

Iccetaṃ gāmapavesanato paṭṭhāya yāva nikkhamanā udakacikkhallādīpaṭikkūlaṃ āhārahetu akkamitabbānceva daṭṭhabbāṇica adhivāsetabbāṇica hoti. Aho vata bho paṭikkūlo āhāroti evaṃ pariyesanato paṭikkūlatā paccavekkhitabbā.

297. Kathaṃ paribhogato? Evaṃ pariyaṭṭhāhārena pana bahigāme phāsukaṭṭhāne sukhanisinnena yāva tattha hatthaṃ na otāreti, tāva tathārūpaṃ garuṭṭhāniyaṃ bhikkhuṃ vā lajjimanussaṃ vā disvā nimantetumpi sakkā hoti. Bhuñjitukāmatāya panettha hatthe otāritamatte ‘‘gaṇhathā’’ti vadantena lajjitabbaṃ hoti. Hatthaṃ pana otāretvā maddantassa pañcaṅgulianusārena sedo paggharamāno sukkhathaddhabhattampi temento muduṃ karoti.

Atha tasmiṃ parimaddanamattenāpi sambhinnasobhe ālopaṃ katvā mukhe ṭhapite heṭṭhimadantā udukkhalakiccaṃ sādḥenti, uparimā musalakiccaṃ, jivhā hatthakiccaṃ. Taṃ tattha suvānadoṇiyaṃ suvānapiṇḍamiva dantamusalehi koṭṭetvā jivhāya samparivattiyamānaṃ jivhāge tanupasannakheḷo makkheti, vemajjhato paṭṭhāya bahalakhēḷo makkheti, dantakaṭṭhena asampattaṭṭhāne dantagūthako makkheti. So evaṃ vicuṇṇitamakkhito taṅkhaṇaṇñeva antarahitavaṇṇagandhasaṅkhāraṇiseso suvānadoṇiyaṃ ṭhitasuvānavamathu viya paramajegucchabhāvaṃ upagacchati. Evarūpopi samāno cakkhussa āpāthaṃ atītattā ajjhoḥaritaḅbo hotīti evaṃ paribhogato paṭikkūlatā paccavekkhitabbā.

298. Kathaṃ āsayato? Evaṃ paribhogaṃ upagato ca panesa anto pavisaṃmāno yasmā buddhapaccekabuddhānampi rañṇopi cakkavattissa pittaśemhapubbalohitāsāyesu catūsu aññataro āsayo hotiyeva. Mandapuññānaṃ pana cattāro āsayā honti. Tasmā yassa pittaśayo adhiko hoti, tassa bahalamadhukatelamakkhito viya paramajeguccho hoti. Yassa śemhāsāyo adhiko hoti, tassa nāgabalapaṇṇarasamakkhito viya. Yassa pubbāsāyo adhiko hoti, tassa pūtitakkamakkhito viya. Yassa lohitāsāyo adhiko hoti, tassa rajanamakkhito viya paramajeguccho hotīti evaṃ āsayato paṭikkūlatā paccavekkhitabbā.

299. Kathaṃ nidhānato? So imesu catūsu āsayesu aññatarena āsayena makkhito antoudaraṃ pavisitvā neva suvaṇṇabhājanena na maṇirajataḍḍibhājanesu nidhānaṃ gacchati. Sace pana dasavassikena ajjhoḥariyati dasa vassāni adhotavaccakūpasadise okāse paṭiṭṭhahati. Sace vīsa, tiṃsa, cattālīsa, paññāsa, saṭṭhi, sattati, asīti, navutivassikena, sace vassasatikena ajjhoḥariyati. Vassasataṃ adhotavaccakūpasadise okāse paṭiṭṭhahatīti evaṃ nidhānato paṭikkūlatā paccavekkhitabbā.

300. Kathaṃ aparipakkato? So panāyamāhāro evarūpe okāse nidhānamupagato yāva aparipakko hoti, tāva tasmiññeva yathāvuttappakāre paramandhakāratimise nānākuṇapagandhavāsītapavanavīcarite atiduggandhājegucche padese yathā nāma nidāge akālemeḡhena abhivuttamhi caṇḍālagāmadvāraāvāte patitāni tiṇapaṇṇakilañjakhaṇḍaahīkukkuramanussakuṇapādīni sūriyātapena santattāni pheṇapuppuḷakācitāni tiṭṭhanti, evameva taṃdivasampi hiyyopi tato purime divasepi ajjhoḥato sabbo ekato hutvā śemhapaṭalaparīyonaddho kāyaggaṇṇantāpakuthitakuthanaśaṇṇjātapheṇapuppuḷakācīto paramajegucchabhāvaṃ upagantvā tiṭṭhatīti evaṃ aparipakkato paṭikkūlatā paccavekkhitabbā.

301. Kathaṃ paripakkato? So tattakāyaggaṇṇā paripakko samāno na suvaṇṇarajataḍḍidhātuyo viya suvaṇṇarajataḍḍibhāvaṃ upagacchati. Pheṇapuppuḷake pana muñcanto saṅhakarāṇiyaṃ pisitvā nāḷike pakkhittapaṇḍumattikā viya karīsabhāvaṃ upagantvā pakkāsayaṃ, muttabhāvaṃ upagantvā muttavatthiñca pūretīti evaṃ paripakkato paṭikkūlatā paccavekkhitabbā.

302. Kathaṃ phalato? Sammā paripaccamāno ca panāyaṃ kesalomanakhadantādīni nānākuṇapāni nipphādeti asamāparipaccamāno daddukaṇḍukacchukuttḥakilāsasosakāsātīsārappabbutīni rogasatāni, idamassa phalanti evaṃ phalato paṭikkūlatā paccavekkhitabbā.

303. Kathaṃ nissandato? Ajjhoḥariyamāno cesa ekena dvārena pavisitvā nissandamāno akkhimhā akkhiḡūthako kaṇṇamhā kaṇṇagūthakotiādīnā pakārena anekehi dvārehi nissandati. Ajjhoḥaraṇasamāye cesa mahāparivārenāpi ajjhoḥariyati. Nissandanāsamāye pana uccārapassāvāḍibhāvaṃ upagato ekakeneva nīhariyati. Paṭḥamadivase ca naṃ paribhuñjanto haṭṭhapahaṭṭhōpi hoti udaggudaggo pītisomanassajāto. Dutiyadivase nissandento pihitānāsiko hoti vikuṇṇitamukho jegucchī maṅkubhūto. Paṭḥamadivase ca naṃ ratto giddho gadhito mucchitopi ajjhoḥaritvā dutiyadivase ekarattivāsena viratto aṭṭiyamāno harāyamāno jigucchamāno nīharati. Tenāhu porāṇā –

‘‘Annaṃ pānaṃ khādanīyaṃ, bhōjanañca mahārahaṃ;
Ekadvārena pavisitvā, navadvārehi sandati.

‘‘Annaṃ pānaṃ khādanīyaṃ, bhōjanañca mahārahaṃ;

Bhuñjati saporivāro, nikkhāmento nilīyati.

“Annam pānam khādanīyaṃ, bhojanañca mahārahaṃ;
Bhuñjati abhinandanto, nikkhāmento jigucchati.

“Annam pānam khādanīyaṃ, bhojanañca mahārahaṃ;
Ekarattiparivāsā, sabbaṃ bhavati pūtika”nti.

Evam nissandato paṭikkūlatā paccavekkhitabbā.

304. Kathaṃ **sammakkhanato**? Paribhogakālepi cesa hatthaoṭṭhajivhātālūni sammakkheti. Tāni tena sammakkhitattā paṭikkūlāni honti, yāni dhotānīpi gandhaharaṇatthaṃ punappunaṃ dhovitabbāni honti. Paribhutto samāno yathā nāma odane paccamāne thusakaṇakuṇḍakādāni uttarivā ukkhalimukhavatṭipidhāniyo makkhanti, evameva sakalasarīraṇugatena kāyagginā pheṇuddehakaṃ paccivā uttaramāno dante dantamalabhāvena sammakkheti. Jivhātāluppabhuṭīni kheḷasemhādibhāvena, akkhikaṇṇanāsadhomagāḍike akkhigūṭhakakaṇṇagūṭhakasiṅghāṇikāmuttakarīsādibhāvena sammakkheti. Yena sammakkhitāni imāni dvārāni divase divase dhoviyamānānīpi neva sucīni, na manoramāni honti. Yesu ekaccaṃ dhovivā hattho puna udakena dhovitabbo hoti. Ekaccaṃ dhovivā dvattikkhattuṃ gomayenapi mattikāyapi gandhacuṇṇenapi dhovato pāṭikulyatā vigacchatīti evaṃ sammakkhanato paṭikkūlatā paccavekkhitabbā.

305. Tassevaṃ dasahākārehi paṭikkūlataṃ paccavekkhato takkāhataṃ vitakkāhataṃ karontassa paṭikkūlākāravasena kabaḷikārāhāro pākāto hoti. So taṃ nimittaṃ punappunaṃ āsevati bhāveti bahulīkaroti. Tassevaṃ karoto nīvaraṇāni vikkhambhanti. Kabaḷikārāhārasa sabhāvadhammatāya gambhīrattā appanaṃ appattena upacārasamādhinā cittaṃ samādhīyati. Paṭikkūlākāraggaṇavasena panettha saññā pākātā hoti. Tasmā imaṃ kammaṭṭhānaṃ āhāre paṭikkūlasaññā icceva saṅkhaṃ gacchati.

Imaṃ pana āhāre paṭikkūlasaññaṃ anuyuttassa bhikkhuno rasataṇhāya cittaṃ patilīyati patikuṭṭati pativaṭṭati. So kantāranittharaṇatthiko vīya puttamaṃsaṃ vīgatamado āhāraṃ āhāreti yāvadeva dukkhassa nittharaṇatthāya. Athassa appakasireneva kabaḷikārāhārapariññāmukhena pañcakāmaguṇiko rāgo pariññaṃ gacchati. So pañcakāmaguṇapariññāmukhena rūpakkhandaṃ parijānāti. Aparipakkādīpaṭikkūlabhāvavasena cassa kāyagatāsati bhāvanāpi pāripūriṃ gacchati, asubhasaññāya anulomapaṭipadaṃ paṭipanno hoti. Imaṃ pana paṭipattiṃ nissāya diṭṭheva dhamme amatapariyosānataṃ anabhisambuṇanto sugatiparāyano hotīti.

Ayaṃ āhāre paṭikkūlasaññābhāvanāya vitthārakathā.

Catudhātuvavatthānabhāvanā

306. Idāni āhāre paṭikkūlasaññānantaraṃ **ekaṃ vavatthānanti** evaṃ uddiṭṭhassa catudhātuvavatthānassa bhāvanāniddeeso anupatto. Tattha **vavatthānanti** sabhāvūpalakkhaṇavasena sanniṭṭhānaṃ, catunnaṃ dhātūnaṃ vavatthānaṃ **catudhātuvavatthānaṃ**. Dhātumanasikāro, dhātukammaṭṭhānaṃ, catudhātuvavatthānanti atthato ekaṃ. Tayidaṃ dvidhā āgataṃ saṅkhepato ca vitthārato ca. Saṅkhepato mahāsati paṭṭhāne āgataṃ. Vitthārato mahāhatthipadūpame rāhulovāde dhātuvibhaṅge ca. Tañhi –

“Seyyathāpi, bhikkhave, dakkho goghātako vā goghātakantevāsī vā gāviṃ vadhitvā catumahāpathe bilaso vibhajivā nisinno assa, evameva kho, bhikkhave, bhikkhu imameva kāyaṃ yathāṭṭhitaṃ yathāpaṇihitaṃ dhātuso paccavekkhati, atthi imasmim kāye pathavīdhātu āpodhātu tejodhātu vāyodhātu”ti –

Evaṃ tikkhapaññaṃ dhātukammaṭṭhānikassa vasena **mahāsati paṭṭhāne** (dī. ni. 2.378) saṅkhepato āgataṃ.

Tassattho – yathā cheko goghātako vā tasseva vā bhattavetanabhato antevāsiko gāviṃ vadhitvā vinivijjhivā catasso disā gatānaṃ mahāpathānaṃ vemajjhāṭṭhānasaṅkhāte catumahāpathe koṭṭhāsaṃ katvā nisinno assa, evameva bhikkhu catunnaṃ iriyāpathānaṃ yena kenaci ākārena ṭhitattā yathāṭṭhitaṃ. Yathāṭṭhitattāva yathāpaṇihitaṃ kāyaṃ atthi imasmim kāye pathavīdhātu...pe... vāyodhātūti evaṃ dhātuso paccavekkhati.

Kim vuttaṃ hoti? Yathā goghātakassa gāviṃ posentassapi āghātanaṃ āharantassapi āharitvā tattha bandhitvā ṭhapentassapi vadhantassapi vadhitāṃ mataṃ passantassapi tāvadeva gāvīsaiññā na antaradhāyati, yāva naṃ padāletvā bilaso na vibhajati. Vibhajivā nisinnassa pana gāvīsaiññā antaradhāyati, maṃsasaññā pavattati. Nāssa evaṃ hoti “ahaṃ gāviṃ vikkiṇāmi, ime gāviṃ haranti”ti. Atha khvassa “ahaṃ maṃsaṃ vikkiṇāmi, imepi maṃsaṃ haranti”cceva hoti, evameva imassāpi bhikkhuno pubbe bālaputhujjanakāle gihibhūtassapi pabbajitassapi tāvadeva sattoti vā posoti vā puggaloti vā saññā na antaradhāyati, yāva imameva kāyaṃ yathāṭṭhitaṃ yathāpaṇihitaṃ ghanavinibbhogaṃ katvā dhātuso na paccavekkhati. Dhātuso paccavekkhato pana sattasaññā antaradhāyati, dhātuvaseneva cittaṃ santiṭṭhati. Tenāha bhagavā “seyyathāpi, bhikkhave, dakkho goghātako vā...pe... nisinno assa, evameva kho, bhikkhave, bhikkhu...pe... vāyodhātu”ti.

307. Mahāhatthipadūpame (ma. ni. 1.300 ādayo) pana – “katamā cāvuso, ajjhakkā pathavīdhātu? Yaṃ ajjhattaṃ paccattaṃ kakkhaḷaṃ kharigataṃ upādinnaṃ. Seyyathidaṃ, kesā lomā...pe... udariyaṃ karīsaṃ, yaṃ vā panaññaṃpi kiñci ajjhattaṃ paccattaṃ kakkhaḷaṃ kharigataṃ upādinnaṃ, ayaṃ vuccati, āvuso, ajjhakkā pathavīdhātu” ti ca,

“Katamā cāvuso, ajjhakkā āpodhātu? Yaṃ ajjhattaṃ paccattaṃ āpo āpogataṃ upādinnaṃ. Seyyathidaṃ, pittaṃ...pe... muttaṃ, yaṃ vā panaññaṃpi kiñci ajjhattaṃ paccattaṃ āpo āpogataṃ upādinnaṃ, ayaṃ vuccatāvuso, ajjhakkā āpodhātu” ti ca,

“Katamā cāvuso, ajjhakkā tejodhātu? Yaṃ ajjhattaṃ paccattaṃ tejo tejogataṃ upādinnaṃ. Seyyathidaṃ, yena ca santappati, yena ca jīryati, yena ca pariḍayhati, yena ca asitapītakhāyitasāyitaṃ sammā pariṇāmaṃ gacchati, yaṃ vā panaññaṃpi kiñci ajjhattaṃ paccattaṃ tejo tejogataṃ upādinnaṃ, ayaṃ vuccatāvuso, ajjhakkā tejodhātu” ti ca,

“Katamā cāvuso, ajjhakkā vāyodhātu? Yaṃ ajjhattaṃ paccattaṃ vāyo vāyogataṃ upādinnaṃ. Seyyathidaṃ, uddhaṅgamā vātā, adhogaṃ vātā, kucchisayā vātā, koṭṭhāsaya vātā, aṅgamaṅgānusārino vātā, assāso passāso iti vā, yaṃ vā panaññaṃpi kiñci ajjhattaṃ paccattaṃ vāyo vāyogataṃ upādinnaṃ, ayaṃ vuccatāvuso, ajjhakkā vāyodhātu” ti ca –

Evam nātittikkhapaññaṃ dhātukammaṭṭhānikassa vasena vitthārato āgataṃ. Yathā cettha, evaṃ rāhulovādadhātu vibhaṅgesupi.

Tatrāyaṃ anuttānapadavaṇṇanā, **ajjhattaṃ paccattanti** idaṃ tāva ubhayampi niyakassa adhivacanaṃ. **Niyakaṃ** nāma attani jātaṃ sasantānapariyāpannanti attho. Tayidaṃ yathā loke itthīsu kathā adhiṭṭhīti vuccati, evaṃ attani pavattatā **ajjhattaṃ**, attānaṃ paṭicca paṭicca pavattatā **paccattanti** vuccati. **Kakkhaḷanti** thaddhaṃ. **Kharigatanti** pharusaṃ. Tattha paṭhamāṃ lakkhaṇavacanaṃ, dutiyaṃ ākāravacanaṃ, kakkhaḷalakkhaṇā hi pathavīdhātu, sā pharusākārā hoti, tasmā kharigatanti vuttā. **Upādinnanti** dalhaṃ ādinnaṃ, ahaṃ mamanti evaṃ dalhaṃ ādinnaṃ, gahitaṃ parāmaṭṭhanti attho. **Seyyathidanti** nipāto. Tassa taṃ katamanti ceti attho. Tato taṃ dassento “kesā lomā” tiādīmāha. Ettha ca **matthaluṅgaṃ pakkhipitvā** vīsatiyā ākārehi pathavīdhātu niddiṭṭhāti veditabbā. Yaṃ vā panaññaṃpi kiñcīti avasesesu tisu koṭṭhāsasu pathavīdhātu saṅgahitā.

Vissandaṇabhāvena taṃ taṃ ṭhānaṃ appotīti **āpo**. Kammasamuṭṭhānādivasena nānāvidhesu āpesu gatanti **āpogataṃ**. Kiṃ taṃ? Āpodhātuyā ābandhanalakkhaṇaṃ.

Tejanavasena **tejo**, vuttanayeneva tejesu gatanti **tejogataṃ**. Kiṃ taṃ? Uṇhatalakkhaṇaṃ. **Yena cāti** yena tejodhātugatena kupitena ayaṃ kāyo santappati, ekāhikajārādibhāvena usumajāto hoti. **Yena ca jīryatīti** yena ayaṃ kāyo jīrati, indriyavekallataṃ balaparikkhayaṃ valipalitādibhāvaṇṇa pāpuṇāti. **Yena ca pariḍayhatīti** yena kupitena ayaṃ kāyo ḍayhati. So ca puggalo “ḍayhāmi ḍayhāmi” ti kandanto satadhotasappigosīsacandaṇādilepañceva tālavaṇṇavātāṇa paccāsīsatī. **Yena ca asitapītakhāyitasāyitaṃ sammā pariṇāmaṃ gacchati** yenetāṃ asitaṃ vā odanādi pītaṃ vā pānakādi khāyitaṃ vā piṭṭhakkhajjakādi sāyitaṃ vā ambapakkamadhuphāṇitādi sammā paripākaṃ gacchati, rasādibhāvena vivekaṃ gacchati attho. Ettha ca purimā tayo tejodhātusamuṭṭhānā. Pacchimo kammasamuṭṭhānova.

Vāyanavasena **vāyo**, vuttanayeneva vāyesu gatanti **vāyogataṃ**. Kiṃ taṃ? Vitthambhanalakkhaṇaṃ. **Uddhaṅgamā vātāti** uggārahikkādipavattakā uddhaṃ ārohaṇavātā. **Adhogaṃ vātāti** uccārapassāvādinīharaṇakā adho oroḥaṇavātā. **Kucchisayā vātāti** antānaṃ bahivātā. **Koṭṭhāsaya vātāti** antānaṃ antovātā. **Aṅgamaṅgānusārino vātāti** dhamanijālānusārena sakalasarīre aṅgamaṅgāni anusaṭṭā samīṇjanapasāraṇādinibbattakā vātā. **Assāsoti** antopavisananāsikavāto. **Passāsoti** bahinikkhamanānāsikavāto. Ettha ca purimā pañca catusamuṭṭhānā. Assāsapassāsā cittasamuṭṭhānā. Sabbattha **yaṃ vā panaññaṃpi kiñcīti** iminā padena avasesakoṭṭhāsasu āpodhātuādayo saṅgahitā.

Iti vīsatiyā ākārehi pathavīdhātu, dvādasahi āpodhātu, catūhi tejodhātu, chahi vāyodhātūti dvācattālīsāya ākārehi catasso dhātuyo vitthāritā hotīti ayaṃ tāvettha pālivaṇṇanā.

308. Bhāvanānāyepanettha tikkhapaññaṃ bhikkhuno kesā pathavīdhātu, lomā pathavīdhātūti evaṃ vitthārato dhātupariggaho papañcato upaṭṭhāti. Yaṃ thaddhalakkhaṇaṃ, ayaṃ pathavīdhātu. Yaṃ ābandhanalakkhaṇaṃ, ayaṃ āpodhātu. Yaṃ paripācanalakkhaṇaṃ, ayaṃ tejodhātu. Yaṃ vitthambhanalakkhaṇaṃ, ayaṃ vāyodhātūti evaṃ manasikaroto panassa kammaṭṭhānaṃ pākaṭaṃ hoti. Nātittikkhapaññaṃ pana evaṃ manasikaroto andhakāraṃ avibhūtaṃ hoti. Purimanayena vitthārato manasikarontassa pākaṭaṃ hoti.

Kathaṃ? Yathā dvīsu bhikkhūsu bahupeyyālaṃ tantīṃ sajjhāyantesu tikkhapaññaṃ bhikkhu sakīṃ vā dvikkhattuṃ vā peyyālamukhaṃ vitthāretvā tato paraṃ ubhatokoṭṭivāseneva sajjhāyaṃ karonto gacchati. Tatra nātittikkhapaññaṃ evaṃ vattā hoti “kiṃ sajjhāyo nāmesa oṭṭhāpariyāhatamattaṃ kātuṃ na deti, evaṃ sajjhāye kariyamāne kadā tanti paguṇā bhavissati” ti. So āgatāgataṃ peyyālamukhaṃ vitthāretvā sajjhāyaṃ karoti. Tamenāṃ itaro evamāha – “kiṃ sajjhāyo nāmesa pariyosānaṃ gantuṃ na deti, evaṃ sajjhāye kariyamāne kadā tanti pariyosānaṃ gamissati” ti. Evameva tikkhapaññaṃ kesādivasena vitthārato dhātupariggaho papañcato upaṭṭhāti. Yaṃ thaddhalakkhaṇaṃ, ayaṃ pathavīdhātūtiādīnā nayena saṅkhepatō manasikaroto kammaṭṭhānaṃ pākaṭaṃ hoti. Itarassa tathā manasikaroto andhakāraṃ avibhūtaṃ hoti. Kesādivasena vitthārato

manasikarontassa pākaṭaṃ hoti.

Tasmā imaṃ kammaṭṭhānaṃ bhāvetukāmena tikkhapaññaena tāva rahogatenā paṭisallīnena sakalampi attano rūpakāyaṃ āvajjētvā yo imasmiṃ kāye thaddhabhāvo vā kharabhāvo vā, ayaṃ pathavīdhātu. Yo ābandhanabhāvo vā dravabhāvo vā, ayaṃ āpodhātu. Yo paripācanabhāvo vā uṇhabhāvo vā, ayaṃ tejodhātu. Yo vitthambhanabhāvo vā samudīraṇabhāvo vā, ayaṃ vāyodhātūti evaṃ saṃkhittena dhātuyo pariggahetvā punappunaṃ pathavīdhātu āpodhātūti dhātumattato nissattato nijjīvato āvajjitabbaṃ manasikātabbaṃ paccavekkhitabbaṃ. Tassevaṃ vāyamamānassa nacireneva dhātuppabhedāvabhāsanapaññāpariggahito sabhāvadhammārammaṇattā appanaṃ appatto upacāramatto samādhi uppajjati.

Atha vā pana ye ime catunnaṃ mahābhūtānaṃ nissattabhāvadassanattamaṃ dhammasenāpatinā “aṭṭhiṇca paṭicca nhāruṇca paṭicca maṃsaṇca paṭicca cammaṇca paṭicca ākāso parivārito rūpantveva saṅkhaṃ gacchatī”ti (ma. ni. 1.306) cattāro koṭṭhāsā vuttā. Tesu taṃ taṃ antarānusārīnā ñāṇahatthena vinibbhujitvā vinibbhujitvā yo etesu thaddhabhāvo vā kharabhāvo vā, ayaṃ pathavīdhātūti purimanayeneva dhātuyo pariggahetvā punappunaṃ pathavīdhātu āpodhātūti dhātumattato nissattato nijjīvato āvajjitabbaṃ manasikātabbaṃ paccavekkhitabbaṃ. Tassevaṃ vāyamamānassa nacireneva dhātuppabhedāvabhāsanapaññāpariggahito sabhāvadhammārammaṇattā appanaṃ appatto upacāramatto samādhi uppajjati. Ayaṃ saṅkhepatō āgate catudhātuvavatthāne bhāvanānayo.

309. Vitthārato āgate pana evaṃ veditabbo. Imaṃ kammaṭṭhānaṃ bhāvetukāmena hi nātittikkhapaññaena yoginā ācariyasantike dvācattālīsāya ākārehi vitthārato dhātuyo uggaṇhitvā vuttappakāre senāsane viharantena katasabbakiccena rahogatenā paṭisallīnena sasambhārasaṅkhepatō, sasambhāravibhattito, salakkhaṇasaṅkhepatō, salakkhaṇavibhattitoti evaṃ catūhākārehi kammaṭṭhānaṃ bhāvetabbaṃ.

Tattha kathaṃ **sasambhārasaṅkhepatō bhāveti**? Idha bhikkhu vīsatiyā koṭṭhāsesu thaddhākāraṃ pathavīdhātūti vavatthapeti. Dvādasasu koṭṭhāsesu yūsagataṃ udakasaṅkhātamaṃ ābandhanākāraṃ āpodhātūti vavatthapeti. Catūsu koṭṭhāsesu paripācanakaṃ tejaṃ tejodhātūti vavatthapeti. Chasu koṭṭhāsesu vitthambhanākāraṃ vāyodhātūti vavatthapeti. Tassevaṃ vavatthāpayatoyeva dhātuyo pākaṭā honti. Tā punappunaṃ āvajjato manasikaroto vuttanayeneva upacārasamādhi uppajjati.

310. Yassa pana evaṃ bhāvayato kammaṭṭhānaṃ na ijjhati, tena **sasambhāravibhattito** bhāvetabbaṃ. Kathaṃ? Tena hi bhikkhunā yaṃ taṃ kāyagatāsattikammaṭṭhānaniddese sattadhā uggaḥakosallaṃ dasadhā manasikārakosallaṇca vuttaṃ. Dvattiṃsākāre tāva taṃ sabbaṃ aparihāpetvā tacapaṇcākādīnaṃ anulomapaṭilomato vacasā sajjhāyaṃ ādimkatvā sabbaṃ tattha vuttavidhānaṃ kātabbaṃ. Ayameva hi viśeso, tattha vaṇṇasaṅghānadisokāsaparicchedavasena kesādayo manasikarivāpi paṭikkūlavasena cittaṃ ṭhapetabbaṃ, idha dhātuvāsena. Tasmā vaṇṇādivāsena paṇcadhā paṇcadhā kesādayo manasikarivā avasāne evaṃ manasikāro pavattetabbo.

311. Ime **kesā** nāma sīsakaṭāhapaṭiveṭhanacamme jātā. Tattha yathā vammikamatthake jātesu kuṇṭhatīnesu na vammikamatthako jānāti mayi kuṇṭhatīṇāni jātāntī, napi kuṇṭhatīṇāni jānanti mayā vammikamatthake jātāntī, evameva na sīsakaṭāhapaṭiveṭhanacammaṃ jānāti mayi kesā jātāti, napi kesā jānanti mayā sīsakaṭāhaveṭhanacamme jātāti, aññamaññaṃ ābhogapaccavekkhaṇarahitā ete dhammā. Iti kesā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

312. **Lomā** sarīraveṭhanacamme jātā. Tattha yathā suññagāmaṭṭhāne jātesu dabbatīnakesu na suññagāmaṭṭhānaṃ jānāti mayi dabbatīnakāni jātāntī, napi dabbatīnakāni jānanti mayā suññagāmaṭṭhāne jātāntī, evameva na sarīraveṭhanacammaṃ jānāti mayi lomā jātāti. Napi lomā jānanti mayā sarīraveṭhanacamme jātāti. Aññamaññaṃ ābhogapaccavekkhaṇarahitā ete dhammā. Iti lomā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

313. **Nakhā** aṅgulīnaṃ aggesu jātā. Tattha yathā kumārakesu daṇḍakehi madhukaṭṭhike vijjhivā kīlantesu na daṇḍakā jānanti amhesu madhukaṭṭhikā ṭhapitāti, napi madhukaṭṭhikā jānanti mayā daṇḍakesu ṭhapitāti, evameva na aṅguliyo jānanti amhākaṃ aggesu nakhā jātāti. Napi nakhā jānanti mayā aṅgulīnaṃ aggesu jātāti. Aññamaññaṃ ābhogapaccavekkhaṇarahitā ete dhammā. Iti nakhā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

314. **Dantā** hanukaṭṭhikesu jātā. Tattha yathā vaḍḍhakīhi pāsāṇaudukkhakesu kenacideva silesajātena bandhitvā ṭhapitathambhesu na udukkhalā jānanti amhesu thambhā ṭhitāti. Napi thambhā jānanti mayā udukkhalesu ṭhitāti, evameva na hanukaṭṭhīni jānanti amhesu dantā jātāti. Napi dantā jānanti mayā hanukaṭṭhīsu jātāti. Aññamaññaṃ ābhogapaccavekkhaṇarahitā ete dhammā. Iti dantā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

315. **Taco** sakalasarīraṃ pariyonandhitvā ṭhito. Tattha yathā allagocammaṃ pariyonaddhāya mahāvīṇāya na mahāvīṇā jānāti ahaṃ allagocammaṃ pariyonaddhāti. Napi allagocammaṃ jānāti mayā mahāvīṇā pariyonaddhāti, evameva na sarīraṃ jānāti ahaṃ tacena pariyonaddhanti. Napi taco jānāti mayā sarīraṃ pariyonaddhanti. Aññamaññaṃ ābhogapaccavekkhaṇarahitā ete dhammā. Iti taco nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

316. **Mamsaṃ** aṭṭhisāṅghāṭaṃ anulimpitvā ṭhitaṃ. Tattha yathā mahāmatikalittāya bhittiyā na bhitti jānāti ahaṃ

mahāmattikāya littāti. Napi mahāmattikā jānāti mayā bhitti littāti, evameva na aṭṭhisāṅghāto jānāti ahaṃ navapesisatappabhedena maṃsena littoti. Napi maṃsaṃ jānāti mayā aṭṭhisāṅghāto littoti. Aññamaññaṃ ābhogapaccavekkhaṇarahitā ete dhammā. Iti maṃsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

317. Nhāru sarīrabhantare aṭṭhīni ābandhamānā ṭhitā. Tattha yathā vallīhi vinaddhesu kuṭṭadārūsu na kuṭṭadārūni jānanti mayā vallīhi vinaddhānīti. Napi vallīyo jānanti amhehi kuṭṭadārūni vinaddhānīti, evameva na aṭṭhīni jānanti mayā nhārūhi ābaddhānīti. Napi nhārū jānanti amhehi aṭṭhīni ābaddhānīti. Aññamaññaṃ ābhogapaccavekkhaṇarahitā ete dhammā. Iti nhāru nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

318. Aṭṭhīsu paṇhikaṭṭhi goppakaṭṭhiṃ ukkhipivā ṭhitā. Goppakaṭṭhi jaṅghaṭṭhiṃ ukkhipivā ṭhitā. Jaṅghaṭṭhi ūruṭṭhiṃ ukkhipivā ṭhitā. Ūruṭṭhi kaṭiṭṭhiṃ ukkhipivā ṭhitā. Kaṭiṭṭhi piṭṭhikaṇṭakaṃ ukkhipivā ṭhitā, piṭṭhikaṇṭako gīvaṭṭhiṃ ukkhipivā ṭhito. Gīvaṭṭhi sīsāṭṭhiṃ ukkhipivā ṭhitā. Sīsāṭṭhi gīvaṭṭhike patiṭṭhitā. Gīvaṭṭhi piṭṭhikaṇṭake patiṭṭhitā. Piṭṭhikaṇṭako kaṭiṭṭhiṃ patiṭṭhito. Kaṭiṭṭhi ūruṭṭhike patiṭṭhitā. Ūruṭṭhi jaṅghaṭṭhike patiṭṭhitā. Jaṅghaṭṭhi goppakaṭṭhike patiṭṭhitā. Goppakaṭṭhi paṇhikaṭṭhike patiṭṭhitā.

Tattha yathā iṭṭhakadārugomayādisaṅcayesu na heṭṭhimā heṭṭhimā jānanti mayā uparime uparime ukkhipivā ṭhitāti. Napi uparimā uparimā jānanti mayā heṭṭhimesu heṭṭhimesu patiṭṭhitāti, evameva na paṇhikaṭṭhi jānāti ahaṃ goppakaṭṭhiṃ ukkhipivā ṭhitanti. Na goppakaṭṭhi jānāti ahaṃ jaṅghaṭṭhiṃ ukkhipivā ṭhitanti. Na jaṅghaṭṭhi jānāti ahaṃ ūruṭṭhiṃ ukkhipivā ṭhitanti. Na ūruṭṭhi jānāti ahaṃ kaṭiṭṭhiṃ ukkhipivā ṭhitanti. Na kaṭiṭṭhi jānāti ahaṃ piṭṭhikaṇṭakaṃ ukkhipivā ṭhitanti. Na piṭṭhikaṇṭako jānāti ahaṃ gīvaṭṭhiṃ ukkhipivā ṭhitanti. Na gīvaṭṭhi jānāti ahaṃ sīsāṭṭhiṃ ukkhipivā ṭhitanti. Na sīsāṭṭhi jānāti ahaṃ gīvaṭṭhiṃ patiṭṭhitanti. Na gīvaṭṭhi jānāti ahaṃ piṭṭhikaṇṭake patiṭṭhitanti. Na piṭṭhikaṇṭako jānāti ahaṃ kaṭiṭṭhiṃ patiṭṭhitoti. Na kaṭiṭṭhi jānāti ahaṃ ūruṭṭhiṃ patiṭṭhitanti. Na ūruṭṭhi jānāti ahaṃ jaṅghaṭṭhiṃ patiṭṭhitanti. Na jaṅghaṭṭhi jānāti ahaṃ goppakaṭṭhiṃ patiṭṭhitanti. Na goppakaṭṭhi jānāti ahaṃ paṇhikaṭṭhiṃ patiṭṭhitanti. Aññamaññaṃ ābhogapaccavekkhaṇarahitā ete dhammā. Iti aṭṭhī nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

319. Aṭṭhimiñjaṃ tesam tesam aṭṭhīnaṃ abhantare ṭhitā. Tattha yathā veḷupabbādīnaṃ anto pakkhittachinnavettaggādīsu na veḷupabbādīni jānanti amhesu vettaggādīni pakkhittānīti. Napi vettaggādīni jānanti mayā veḷupabbādīsu ṭhitānīti, evameva na aṭṭhīni jānanti amhākaṃ anto miñjaṃ ṭhitanti. Nāpi miñjaṃ jānāti ahaṃ aṭṭhīnaṃ anto ṭhitanti. Aññamaññaṃ ābhogapaccavekkhaṇarahitā ete dhammā. Iti aṭṭhimiñjaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

320. Vakkam galavāṭakato nikkhantena ekamūlena thokaṃ gantvā dvidhā bhinnena thūlanhārunā vinibaddhaṃ hutvā hadayamaṃsaṃ parikkhipivā ṭhitā. Tattha yathā vaṇṭupanibaddhe ambaphaladvaye na vaṇṭam jānāti mayā ambaphaladvayaṃ upanibaddhanti. Napi ambaphaladvayaṃ jānāti ahaṃ vaṇṭena upanibaddhanti, evameva na thūlanhāru jānāti mayā vakkam upanibaddhanti. Napi vakkam jānāti ahaṃ thūlanhārunā upanibaddhanti. Aññamaññaṃ ābhogapaccavekkhaṇarahitā ete dhammā. Iti vakkam nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

321. Hadayaṃ sarīrabhantare uraṭṭhipañjaramajjhaṃ nissāya ṭhitā. Tattha yathā jiṇṇasandamānikapañjaraṃ nissāya ṭhapitāya maṃsapesiyā na sandamānikapañjarabbhantaram jānāti maṃ nissāya maṃsapesi ṭhitāti. Napi maṃsapesi jānāti ahaṃ jiṇṇasandamānikapañjaraṃ nissāya ṭhitāti, evameva na uraṭṭhipañjarabbhantaram jānāti maṃ nissāya hadayaṃ ṭhitanti. Napi hadayaṃ jānāti ahaṃ uraṭṭhipañjaraṃ nissāya ṭhitanti. Aññamaññaṃ ābhogapaccavekkhaṇarahitā ete dhammā. Iti hadayaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

322. Yakanam antosarīre dvinnam thanānamabbhantare dakkhiṇapassam nissāya ṭhitā. Tattha yathā ukkhalikapālapassamhi lagge yamakamaṃsapiṇḍe na ukkhalikapālapassam jānāti mayi yamakamaṃsapiṇḍo laggoti. Napi yamakamaṃsapiṇḍo jānāti ahaṃ ukkhalikapālapasse laggoti, evameva na thanānamabbhantare dakkhiṇapassam jānāti maṃ nissāya yakanam ṭhitanti. Napi yakanam jānāti ahaṃ thanānamabbhantare dakkhiṇapassam nissāya ṭhitanti. Aññamaññaṃ ābhogapaccavekkhaṇarahitā ete dhammā. Iti yakanam nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

323. Kilomakesu paṭicchannakilomakam hadayañca vakkañca parivāretvā ṭhitā. Appaṭicchannakilomakam sakalasarīre cammassa heṭṭhato maṃsam pariyanandhitvā ṭhitā. Tattha yathā pilotikapalivēṭhite maṃse na maṃsam jānāti ahaṃ pilotikāya palivēṭhitanti. Napi pilotikā jānāti mayā maṃsam palivēṭhitanti, evameva na vakkahadayāni sakalasarīre ca maṃsam jānāti ahaṃ kilomakena paṭicchannanti. Napi kilomakam jānāti mayā vakkahadayāni sakalasarīre ca maṃsam paṭicchannanti. Aññamaññaṃ ābhogapaccavekkhaṇarahitā ete dhammā. Iti kilomakam nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

324. Pihakam hadayassa vāmapasse udarapaṭalassa matthakapassam nissāya ṭhitā. Tattha yathā koṭṭhamatthakapassam nissāya ṭhitāya gomayapiṇḍiyā na koṭṭhamatthakapassam jānāti gomayapiṇḍi maṃ nissāya ṭhitāti. Napi gomayapiṇḍi jānāti

ahaṃ koṭṭhamatthakapassaṃ nissāya t̥hitāti, evameva na udarapaṭalassa matthakapassaṃ jānāti pihakaṃ maṃ nissāya t̥hitanti. Napi pihakaṃ jānāti ahaṃ udarapaṭalassa matthakapassaṃ nissāya t̥hitanti. Aññamaññaṃ ābhogapaccavekkhaṇarahitā eṭe dhammā. Iti pihakaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

325. Papphāsaṃ sarīrabbhantare dvinnaṃ thanānamantare hadayañca yakanañca upari chādetvā olambantaṃ t̥hitaṃ. Tattha yathā jinṇakoṭṭhabbhantare lambamāne sakuṇakulāvake na jinṇakoṭṭhabbhantaraṃ jānāti mayi sakuṇakulāvako lambamāno t̥hitoti. Napi sakuṇakulāvako jānāti ahaṃ jinṇakoṭṭhabbhantare lambamāno t̥hitoti, evameva na taṃ sarīrabbhantaraṃ jānāti mayi papphāsaṃ lambamānaṃ t̥hitanti. Napi papphāsaṃ jānāti ahaṃ evarūpe sarīrabbhantare lambamānaṃ t̥hitanti. Aññamaññaṃ ābhogapaccavekkhaṇarahitā eṭe dhammā. Iti papphāsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

326. Antaṃ galavāṭakakarīsamaggapariyante sarīrabbhantare t̥hitaṃ. Tattha yathā lohitadoṇikāya obhujitvā t̥hapite chinnaśisadhammanikaḷevare na lohitadoṇi jānāti mayi dhammanikaḷevaraṃ t̥hitanti. Napi dhammanikaḷevaraṃ jānāti ahaṃ lohitadoṇiyā t̥hitanti, evameva na sarīrabbhantaraṃ jānāti mayi antaṃ t̥hitanti. Napi antaṃ jānāti ahaṃ sarīrabbhantare t̥hitanti. Aññamaññaṃ ābhogapaccavekkhaṇarahitā eṭe dhammā. Iti antaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

327. Antaguṇaṃ antantare ekavīsatiantabhoge bandhitvā t̥hitaṃ. Tattha yathā pādapuñchanarajjumaṇḍalakaṃ sibbetvā t̥hitesu rajjukesu na pādapuñchanarajjumaṇḍalakaṃ jānāti rajjukā maṃ sibbitvā t̥hitāti. Napi rajjukā jānanti mayam pādapuñchanarajjumaṇḍalakaṃ sibbitvā t̥hitāti, evameva na antaṃ jānāti antaguṇaṃ maṃ ābandhitvā t̥hitanti. Napi antaguṇaṃ jānāti ahaṃ antaṃ ābandhitvā t̥hitanti. Aññamaññaṃ ābhogapaccavekkhaṇarahitā eṭe dhammā. Iti antaguṇaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

328. Udariyaṃ udare t̥hitaṃ asitapītakhāyitasāyitaṃ. Tattha yathā suvānadoṇiyaṃ t̥hite suvānavamathumhi na suvānadoṇi jānāti mayi suvānavamathu t̥hitoti. Napi suvānavamathu jānāti ahaṃ suvānadoṇiyaṃ t̥hitoti, evameva na udaraṃ jānāti mayi udariyaṃ t̥hitanti. Napi udariyaṃ jānāti ahaṃ udare t̥hitanti. Aññamaññaṃ ābhogapaccavekkhaṇarahitā eṭe dhammā. Iti udariyaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

329. Karīsaṃ pakkāsayasaṅkhāte aṭṭhaṅgulaveḷupabbasade antapariyosāne t̥hitaṃ. Tattha yathā veḷupabbe omadditvā pakkhittāya saṅhapaṇḍumattikāya na veḷupabbaṃ jānāti mayi paṇḍumattikā t̥hitāti. Napi paṇḍumattikā jānāti ahaṃ veḷupabbe t̥hitāti, evameva na pakkāsaya jānāti mayi karīsaṃ t̥hitanti. Napi karīsaṃ jānāti ahaṃ pakkāsaye t̥hitanti. Aññamaññaṃ ābhogapaccavekkhaṇarahitā eṭe dhammā. Iti karīsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

330. Matthaluṅgaṃ sīsakaṭāhabbhantare t̥hitaṃ. Tattha yathā purāṇalābukaṭāhe pakkhittāya piṭṭhapiṇḍiyā na lābukaṭāhaṃ jānāti mayi piṭṭhapiṇḍi t̥hitāti. Napi piṭṭhapiṇḍi jānāti ahaṃ lābukaṭāhe t̥hitāti, evameva na sīsakaṭāhabbhantaraṃ jānāti mayi matthaluṅgaṃ t̥hitanti. Napi matthaluṅgaṃ jānāti ahaṃ sīsakaṭāhabbhantare t̥hitanti. Aññamaññaṃ ābhogapaccavekkhaṇarahitā eṭe dhammā. Iti matthaluṅgaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

331. Pittesu abaddhapittaṃ jīvitindriyapaṭibaddhaṃ sakalasarīraṃ byāpetvā t̥hitaṃ. Baddhapittaṃ pittakosake t̥hitaṃ. Tattha yathā pūvaṃ byāpetvā t̥hite tele na pūvaṃ jānāti telaṃ maṃ byāpetvā t̥hitanti. Napi telaṃ jānāti ahaṃ pūvaṃ byāpetvā t̥hitanti, evameva na sarīraṃ jānāti abaddhapittaṃ maṃ byāpetvā t̥hitanti. Napi abaddhapittaṃ jānāti ahaṃ sarīraṃ byāpetvā t̥hitanti. Yathā vassodakena puṇṇe kosātakikosake na kosātakikosako jānāti mayi vassodakaṃ t̥hitanti. Napi vassodakaṃ jānāti ahaṃ kosātakikosake t̥hitanti, evameva na pittakosako jānāti mayi baddhapittaṃ t̥hitanti. Napi baddhapittaṃ jānāti ahaṃ pittakosake t̥hitanti. Aññamaññaṃ ābhogapaccavekkhaṇarahitā eṭe dhammā. Iti pittaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

332. Semhaṃ ekapattapūrapamānaṃ udarapaṭale t̥hitaṃ. Tattha yathā upari sañjātapheṇapaṭalāya candanikāya na candanikā jānāti mayi pheṇapaṭalaṃ t̥hitanti. Napi pheṇapaṭalaṃ jānāti ahaṃ candanikāya t̥hitanti, evameva na udarapaṭalaṃ jānāti mayi semhaṃ t̥hitanti. Napi semhaṃ jānāti ahaṃ udarapaṭale t̥hitanti. Aññamaññaṃ ābhogapaccavekkhaṇarahitā eṭe dhammā. Iti semhaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

333. Pubbo anibaddhokāso yattha yattheva khāṇukaṇṭakappaharaṇaaggijālādīhi abhigate sarīrapadesa lohitaṃ saṅṭhahitvā paccati, gaṇḍapīlakādayo vā uppajanti, tattha tattha tiṭṭhati. Tattha yathā pharasuppahārādivasena paggharitanīyāse rukkhe na rukkhassa pahārādippadesā jānanti amhesu niyyāso t̥hitoti, napi niyyāso jānāti ahaṃ rukkhassa pahārādippadesa t̥hitoti, evameva na sarīrassa khāṇukaṇṭakādīhi abhihatappadesā jānanti amhesu pubbo t̥hitoti. Napi pubbo jānāti ahaṃ tesu padesesu t̥hitoti. Aññamaññaṃ ābhogapaccavekkhaṇarahitā eṭe dhammā. Iti pubbo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

334. Lohitesu saṃsaraṇalohitaṃ pittaṃ viya sakalasarīraṃ byāpetvā t̥hitaṃ. Sannicalohitaṃ yakanatṭhānassa

heṭṭhābhāgaṃ pūretvā ekapatthapūramattaṃ vakkahadayayakanapapphāsāni tementaṃ ʈitaṃ. Tattha saṃsaraṇalohite abaddhapittasadisova vinicchayo. Itaraṃ pana yathā jajjarakapāle ovaṭṭhe udake heṭṭhā leḍḍukhaṇḍādīni temayamāne na leḍḍukhaṇḍādīni jānanti mayaṃ udakena temiyamānāti. Napi udakaṃ jānāti ahaṃ leḍḍukhaṇḍādīni tememīti, evameva na yakanassa heṭṭhābhāgaṭṭhānaṃ vakkādīni vā jānanti mayi lohitaṃ ʈitaṃ amhe vā temayamānaṃ ʈitanti. Napi lohitaṃ jānāti ahaṃ yakanassa heṭṭhābhāgaṃ pūretvā vakkādīni temayamānaṃ ʈitanti. Aññamaññaṃ ābhogapaccavekkhaṇarahitā ete dhammā. Iti lohitaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

335. Sedo aggisantāpādikālesu kesalomakūpavivarāni pūretvā tiṭṭhati ceva paggharati ca. Tattha yathā udakā abbūlhamattesu bhisamulālakumudanaḷakalāpesu na bhisādikalāpavivarāni jānanti amhehi udakaṃ paggharati. Napi bhisādikalāpavivarehi paggharantaṃ udakaṃ jānāti ahaṃ bhisādikalāpavivarehi paggharāmīti, evameva na kesalomakūpavivarāni jānanti amhehi sedo paggharati. Napi sedo jānāti ahaṃ kesalomakūpavivarehi paggharāmīti. Aññamaññaṃ ābhogapaccavekkhaṇarahitā ete dhammā. Iti sedo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

336. Medo thūlassa sakalasarīraṃ pharivā kisassa jaṅghamaṃsādīni nissāya ʈito patthinnasineho. Tattha yathā haliddipilotikapacchanne maṃsapuñje na maṃsapuñjo jānāti maṃ nissāya haliddipilotikā ʈitāti. Napi haliddipilotikā jānāti ahaṃ maṃsapuñjaṃ nissāya ʈitāti, evameva na sakalasarīre jaṅghādīsū vā maṃsaṃ jānāti maṃ nissāya medo ʈitoti. Napi medo jānāti ahaṃ sakalasarīre jaṅghādīsū vā maṃsaṃ nissāya ʈitoti. Aññamaññaṃ ābhogapaccavekkhaṇarahitā ete dhammā. Iti medo nāma imasmiṃ sarīre pāṭiyekko koṭṭhāso acetano abyākato suñño nissatto patthinnayūso ābandhanākāro āpodhātūti.

337. Assu yadā sañjāyati tadā akkhikūpake pūretvā tiṭṭhati vā paggharati vā. Tattha yathā udakapūñnesu taruṇatālaṭṭhikūpakesu na taruṇatālaṭṭhikūpakā jānanti amhesu udakaṃ ʈitanti. Napi taruṇatālaṭṭhikūpakesu udakaṃ jānāti ahaṃ taruṇatālaṭṭhikūpakesu ʈitanti, evameva na akkhikūpakā jānanti amhesu assu ʈitanti. Napi assu jānāti ahaṃ akkhikūpakesu ʈitanti. Aññamaññaṃ ābhogapaccavekkhaṇarahitā ete dhammā. Iti assu nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

338. Vasā aggisantāpādikāle hatthatalahatthapiṭṭhipādatalapādapiṭṭhi nāsāpuṇalāṭaamsakūṭesu ʈitavilīnasineho. Tattha yathā pakkhittatele ācāme na ācāmo jānāti maṃ telaṃ ajjhottharivā ʈitanti. Napi telaṃ jānāti ahaṃ ācāmaṃ ajjhottharivā ʈitanti, evameva na hatthatalādippadeso jānāti maṃ vasā ajjhottharivā ʈitāti. Napi vasā jānāti ahaṃ hatthatalādippadesaṃ ajjhottharivā ʈitāti. Aññamaññaṃ ābhogapaccavekkhaṇarahitā ete dhammā. Iti vasā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

339. Kheḷo tathārūpe kheḷuppattipaccaye sati ubhohi kapolapassehi orohitvā jivhātale tiṭṭhati. Tattha yathā abbotcinnaudakanissande nadīṭṭrakūpake na kūpatalaṃ jānāti mayi udakaṃ santiṭṭhatīti. Napi udakaṃ jānāti ahaṃ kūpatale santiṭṭhāmīti, evameva na jivhātalaṃ jānāti mayi ubhohi kapolapassehi orohitvā kheḷo ʈitoti. Napi kheḷo jānāti ahaṃ ubhohi kapolapassehi orohitvā jivhātale ʈitoti. Aññamaññaṃ ābhogapaccavekkhaṇarahitā ete dhammā. Iti kheḷo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

340. Siṅghānikā yadā sañjāyati, tadā nāsāpuṇe pūretvā tiṭṭhati vā paggharati vā. Tattha yathā pūtidadhībhāritāya sippikāya na sippikā jānāti mayi pūtidadhī ʈitanti. Napi pūtidadhī jānāti ahaṃ sippikāya ʈitanti, evameva na nāsāpuṇe jānanti amhesu siṅghānikā ʈitāti. Napi siṅghānikā jānāti ahaṃ nāsāpuṇesu ʈitāti. Aññamaññaṃ ābhogapaccavekkhaṇarahitā ete dhammā. Iti siṅghānikā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

341. Lasikā aṭṭhikasandhīnaṃ abbañjanakiccaṃ sādhamānā asītisatasandhīsū ʈitā. Tattha yathā telabbhañjite akkhe na akkho jānāti maṃ telaṃ abbañjivā ʈitanti. Napi telaṃ jānāti ahaṃ akkhaṃ abbañjivā ʈitanti, evameva na asītisatasandhāyo jānanti lasikā amhe abbañjivā ʈitāti. Napi lasikā jānāti ahaṃ asītisatasandhāyo abbañjivā ʈitāti. Aññamaññaṃ ābhogapaccavekkhaṇarahitā ete dhammā. Iti lasikā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

342. Muttam vatthissa abbhantare ʈitaṃ. Tattha yathā candanikāya pakkhitte amukhe ravaṇaghaṭe na ravaṇaghaṭo jānāti mayi candanikāraso ʈitoti. Napi candanikāraso jānāti ahaṃ ravaṇaghaṭe ʈitoti, evameva na vatthi jānāti mayi muttam ʈitanti. Napi muttam jānāti ahaṃ vatthimhi ʈitanti. Aññamaññaṃ ābhogapaccavekkhaṇarahitā ete dhammā. Iti muttam nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

343. Evaṃ kesādīsū manasikāraṃ pavattetvā yena santappati, ayaṃ imasmiṃ sarīre pāṭiyekko koṭṭhāso acetano abyākato suñño nissatto paripācanākāro tejodhātūti, yena jīriyati, yena pariḍayhati, yena asitapitakhāyitasāyitaṃ sammā pariṇāmaṃ gacchati, ayaṃ imasmiṃ sarīre pāṭiyekko koṭṭhāso acetano abyākato suñño nissatto paripācanākāro tejodhātūti evaṃ tejokotṭhāsasu manasikāro pavattetabbo.

344. Tato uddhaṅgame vāte uddhaṅgamavasena pariggahetvā adhogame adhogamavasena, kucchisaye kucchisayavasena, koṭṭhāsaye koṭṭhāsavavasena, aṅgamaṅgānusārimhi aṅgamaṅgānusārivavasena, assāsapassāse assāsapassāsavavasena pariggahetvā

uddhaṅgamā vātā nāma imasmiṃ sarīre pāṭiyekko koṭṭhāso acetano abyākato suñño nissatto vitthambhanākāro vāyodhātūti, adhogaṃ vātā nāma, kucchisayā vātā nāma, koṭṭhāsaya vātā nāma, aṅgamaṅgānusārino vātā nāma, assāsapassāsā vātā nāma imasmiṃ sarīre pāṭiyekko koṭṭhāso acetano abyākato suñño nissatto vitthambhanākāro vāyodhātūti evaṃ vāyokoṭṭhāsesu manasikāro pavattetabbo. Tassevaṃ pavattamanasikārassa dhātuyo pākaṭā honti. Tā punappunaṃ āvajjato manasikaroto vuttanayeneva upacārasamādhi uppajjati.

345. Yassa pana evaṃ bhāvayato kammaṭṭhānaṃ na ijjhati, tena salakkhaṇasaṅkhepato bhāvetabbaṃ. Kathaṃ? Vīsatiyā koṭṭhāsesu thaddhalakkhaṇaṃ pathavīdhātūti vavathapetabbaṃ. Tattheva ābandhanalakkhaṇaṃ āpodhātūti. Paripācanalakkhaṇaṃ tejodhātūti. Vitthambhanalakkhaṇaṃ vāyodhātūti.

Dvādasasu koṭṭhāsesu ābandhanalakkhaṇaṃ āpodhātūti vavathapetabbaṃ. Tattheva paripācanalakkhaṇaṃ tejodhātūti. Vitthambhanalakkhaṇaṃ vāyodhātūti. Thaddhalakkhaṇaṃ pathavīdhātūti.

Cātūsu koṭṭhāsesu paripācanalakkhaṇaṃ tejodhātūti vavathapetabbaṃ. Tena avinibhuttaṃ vitthambhanalakkhaṇaṃ vāyodhātūti. Thaddhalakkhaṇaṃ pathavīdhātūti. Ābandhanalakkhaṇaṃ āpodhātūti.

Chasu koṭṭhāsesu vitthambhanalakkhaṇaṃ vāyodhātūti vavathapetabbaṃ. Tattheva thaddhalakkhaṇaṃ pathavīdhātūti. Ābandhanalakkhaṇaṃ āpodhātūti. Paripācanalakkhaṇaṃ tejodhātūti. Tassevaṃ vavathāpayato dhātuyo pākaṭā honti. Tā punappunaṃ āvajjato manasikaroto vuttanayeneva upacārasamādhi uppajjati.

346. Yassa pana evampi bhāvayato kammaṭṭhānaṃ na ijjhati, tena salakkhaṇavibhattito bhāvetabbaṃ. Kathaṃ? Pubbe vuttanayeneva kesādayo pariggahetvā kesamhi thaddhalakkhaṇaṃ pathavīdhātūti vavathapetabbaṃ. Tattheva ābandhanalakkhaṇaṃ āpodhātūti. Paripācanalakkhaṇaṃ tejodhātūti. Vitthambhanalakkhaṇaṃ vāyodhātūti. Evaṃ sabbakoṭṭhāsesu ekekasmim koṭṭhāse catasso catasso dhātuyo vavathapetabbā. Tassevaṃ vavathāpayato dhātuyo pākaṭā honti. Tā punappunaṃ āvajjato manasikaroto vuttanayeneva upacārasamādhi uppajjati.

Apica kho pana vacanatthato, kalāpato, cuṇṇato, lakkhaṇādito, samuṭṭhānato, nānattekattato, vinibbhogāvinibbhogato, sabhāgavisabhāgato, ajjhattikabāhiravisesato, saṅgahato, paccayato, asamannāhārato, paccayavibhāgatoti imehipi ākārehi dhātuyo manasikātabbā.

347. Tattha **vacanatthato** manasikarontena patthaṭṭā pathavī. Appoti āpiyati appāyatīti vā āpo. Tejatīti tejo. Vāyatīti vāyo. Avisesena pana salakkhaṇadhāraṇato dukkhādānato dukkhādhānato ca dhātūti. Evaṃ vīsasāmaññavasena vacanatthato manasikātabbā.

348. Kalāpatoti yā ayaṃ kesā lomātiādinā nayena vīsatiyā ākārehi pathavīdhātu, pittaṃ semhanti ca ādinā nayena dvādasahākārehi āpodhātu niddiṭṭhā, tattha yasmā –

Vaṇṇo gandho raso oḷā, catasso cāpi dhātuyo;
Aṭṭhadhammasamodhānā, hoti kesāti sammuti;
Tesaṃyeva vinibbhogā, natthi kesāti sammuti.

Tasmā kesāpi aṭṭhadhammakalāpamattameva. Tathā lomādayoti. Yo panettha kammasamuṭṭhāno koṭṭhāso, so jīvitindriyena ca bhāvena ca saddhim dasadhammakalāpopi hoti. Ussadavasena pana pathavīdhātu āpodhātūti saṅkhaṃ gato. Evaṃ kalāpato manasikātabbā.

349. Cuṇṇatoti imasmiṃ hi sarīre majjhimena pamāṇena pariggayhamānā paramāṇubhedasañcuṇṇā sukhumarajabhūtā **pathavīdhātu** doṇamattā siyā. Sā tato upaḍḍhappamāṇāya āpodhātuyā saṅgahitā, tejodhātuyā anupālītā vāyodhātuyā vitthambhitā na vikiriyaṭi na viddhamsiyaṭi, avikiriyaṃānā aviddhamsiyaṃānā anekavidhaṃ itthipurisaliṅgādibhāvavikappaṃ upagacchati, aṇuṭṭhādīgharassathirakathinādibhāvañca pakāseti.

Yūsagatā ābandhanākārabhūtā panettha **āpodhātu** pathavīpatiṭṭhitā tejānupālītā vāyovitthambhitā na paggharati na parissavati, apaggharamānā aparissavamānā pīṇitapīṇitabhāvaṃ dasseti.

Asitapītādipācakā cettha usumākārabhūtā uṇhatalakkhaṇā **tejodhātu** pathavīpatiṭṭhitā āposāṅgahitā vāyovitthambhitā imaṃ kāyaṃ paripāceti, vaṇṇasampattiñcassa āvahati. Tāya ca pana paripācīto ayaṃ kāyo na pūtibhāvaṃ dasseti.

Aṅgamaṅgānusaṭṭā cettha samudīraṇavitthambhanalakkhaṇā **vāyodhātu** pathavīpatiṭṭhitā āposāṅgahitā tejānupālītā imaṃ kāyaṃ vitthambheti. Tāya ca pana vitthambhīto ayaṃ kāyo na paripatati, ujukaṃ saṅṭhāti. Aparāya vāyodhātuyā samabbhāhato gamanaṭṭhānanisajjāsayanairiyāpathesu viññattim dasseti, samīñjeti, sampasāreti, hatthapādaṃ lājeti. Evametam itthipurisādibhāvena bālayanavañcanaṃ māyārūpasadisam dhātuyantaṃ pavattatīti evaṃ cuṇṇato manasikātabbā.

350. Lakkhaṇādītoti pathavīdhātu kiṃ lakkhaṇā, kiṃ rasā, kiṃ paccupaṭṭhānāti evaṃ catassopi dhātuyo āvajjetvā

pathavīdhātu kakkhaḷattalakkhaṇā, paṭiṭṭhānaraṣā, sampaṭicchanaḥappaccupaṭṭhānā. **Āpodhātu** paggharaṇalakkhaṇā, brūhanaraṣā, saṅghapaccupaṭṭhānā. **Tejodhātu** uṇhattalakkhaṇā, paripācanaraṣā, maddavānuppādānapaccupaṭṭhānā. **Vāyodhātu** viṭṭhambhanalakkhaṇā, samudīraṇaraṣā. Abhinīhārapaccupaṭṭhānāti evaṃ lakkhaṇādito manasikātabbā.

351. Samuṭṭhānatoti ye ime pathavīdhātuādīnaṃ viṭṭhārato dassanavasena kesādayo dvācattālīsa koṭṭhāsā dassitā. Tesu udariyaṃ karisaṃ pubbo muttanti ime cattāro koṭṭhāsā **utusamuṭṭhānāva**. Assu sedo kheḷo siṅghāṇikāti ime cattāro **utucittasamuṭṭhānā**. Asitādiḥparipācako tejo **kammasamuṭṭhānova**. Assāsapassāsā cittasamuṭṭhānāva. Avasesā sabbepi **catusamuṭṭhānāti** evaṃ samuṭṭhānato manasikātabbā.

352. Nānattekattatoti sabbāsampi dhātūnaṃ salakkhaṇādito nānatṭaṃ. Aññāneva hi pathavīdhātuyā lakkhaṇaraṣapaccupaṭṭhānāni. Aññāni āpodhātuādīnaṃ. Evaṃ lakkhaṇādivasena pana kammasamuṭṭhānādivasena ca nānatṭabhūtānampi etāsaṃ rūpamahābhūtadhātudhammaaniccādivasena ekattaṃ hoti. Sabbāpi hi dhātuyo ruppanalakkhaṇaṃ anātittatā **rūpāni**. Mahantapātubhāvādīhi kāraṇehi **mahābhūtāni**.

Mahantapātubhāvādīhi etā hi dhātuyo mahantapātubhāvato, mahābhūtasāmaññato, mahāparihārato, mahāvīkārato, mahattā bhūtattā cāti imehi kāraṇehi mahābhūtānāti vuccanti.

Tattha **mahantapātubhāvato** etāni hi anupādinnaṣantānēpi upādinnaṣantānēpi mahantāni pātubhūtāni. Tesāṃ anupādinnaṣantāne –

Duve sataṣahassāni, cattāri nahutāni ca;
Ettakaṃ bahalattena, saṅkhātāyaṃ vasundharāti. –

Ādinā nāyena mahantapātubhāvātā buddhānussatiniddese vuttāva.

Upādinnaṣantānēpi macchakacchapadevadānavādīsaṇīraṣasena mahantāneva pātubhūtāni. Vuttañhettaṃ “santi, bhikkhave, mahāsamudde yojanaṣatikāpi attabhāvā”tiādi.

Mahābhūtasāmaññatoti etāni hi yathā māyākāro amaṇiṃyeva udakaṃ maṇiṃ katvā dasseti, asuvaṇṇaṃyeva leḍḍuṃ suvaṇṇaṃ katvā dasseti.

Yathā ca sayāṃ neva yakkho na yakkhī samāno yakkhabhāvampi yakkhibhāvampi dasseti, evameva sayāṃ anīlāneva hutvā nīlaṃ upādārūpaṃ dassenti, apītāni alohitāni anodātāneva hutvā odātāṃ upādārūpaṃ dassenti māyākāramahābhūtasāmaññato mahābhūtāni.

Yathā ca yakkhādīni mahābhūtāni yaṃ gaṇhanti, neva nesāṃ tassa anto na bahi ṭhānaṃ upalabbhati, na ca taṃ nissāya na tiṭṭhanti, evameva tānīpi neva aññamaññassa anto na bahi ṭhitāni hutvā upalabbhanti, na ca aññamaññaṃ nissāya na tiṭṭhantīti acinteyyapṭṭhānatāya yakkhādīmahābhūtasāmaññatopi mahābhūtāni. Yathā ca yakkhinīsaṅkhātāni mahābhūtāni manāpehi vaṇṇasaṅghānavikkhepehi attano bhayānakabhāvaṃ paṭicchādetvā satte vañcenti, evameva etānīpi itthipurīsaṇīrādīsu manāpeṇa chāvivaṇṇena manāpeṇa attano aṅgapaccaṅgasaṅghāneṇa manāpeṇa ca hatthapādaṅgulibhamukavikkhepeṇa attano kakkhaḷattātibhedāṃ sarasalakkhaṇaṃ paṭicchādetvā bālaṇaṃ vañcenti, attano sabhāvaṃ daṭṭhuṃ na dentīti vañcakattena yakkhinīmahābhūtasāmaññatopi mahābhūtāni.

Mahāparihārato mahanteḥi paccāyehi parihaṇitabbato. Etāni hi divase divase upanetabbattā mahanteḥi ghāṣacchādanādīhi bhūtāni pavattānīti mahābhūtāni. Mahāparihārāni vā bhūtānītipi mahābhūtāni.

Mahāvīkārato etāni hi anupādinnaṇīpi upādinnaṇīpi mahāvīkārāni hontī. Tattha anupādinnaṇaṃ kappavuttāhāne vīkāramahattaṃ pākāṇaṃ hoti. Upādinnaṇaṃ dhātukkabhakāle. Tathā hi –

Bhūmito vuttāhitā yāva, brahmalokā vidhāvati;
Acci accimato loke, ḍayhamānamhi tejasā.

Koṭṭisatasahassekāṃ, cakkavāḷaṃ vilīyati;
Kupitena yadā loko, salilena vinassati.

Koṭṭisatasahassekāṃ, cakkavāḷaṃ vikīrati;
Vāyodhātuppakopena, yadā loko vinassati.

Patthaddho bhavati kāyo, daṭṭho kaṭṭhamukhena vā;
Pathavīdhātuppakopena, hoti kaṭṭhamukheva so.

Pūtiyo bhavati kāyo, daṭṭho pūtimukhena vā;

Āpodhātuppakopena, hoti pūtimukheva so.

Santatto bhavati kāyo, daṭṭho aggimukhena vā;
Tejodhātuppakopena, hoti aggimukheva so.

Sañchinno bhavati kāyo, daṭṭho satthamukhena vā;
Vāyodhātuppakopena, hoti satthamukheva so.

Iti mahāvikārāni bhūtānīti mahābhūtāni.

Mahattā bhūtattā cāti etāni hi mahantāni mahatā vāyāmena pariggahetabbattā bhūtāni vijjamānattāti mahattā bhūtattā ca mahābhūtāni.

Evaṃ sabbāpetā dhātuyo mahantapātubhāvādīhi kāraṇehi mahābhūtāni.

Salakkhaṇadhāraṇato pana dukkhādānato ca dukkhādhanato ca sabbāpi dhātulakkhaṇaṃ anañattā **dhātuyo**.
Salakkhaṇadhāraṇena ca attano khaṇānurūpadhāraṇena ca **dhammā**. Khayaṭṭhena **aniccā**. Bhayaṭṭhena **dukkhā**. Asāraṭṭhena **anattā**.

Iti sabbāsampi rūpamahābhūtadhātudhammaniccādivasena ekattanti evaṃ nānattekattato manasikātabbā.

353. Vinibbhogāvinibbhogatoti sahuppannāva etā ekekasmim sabbapariyantime suddhaṭṭhakādikalāpepi padesena avinibbhuttā. Lakkhaṇena pana vinibbhuttāti evaṃ vinibbhogāvinibbhogato manasikātabbā.

354. Sabhāgavisabhāgatoti evaṃ avinibbhuttāsu cāpi etāsu purimā dve garukattā sabhāgā. Tathā pacchimā lahukattā. Purimā pana pacchimāhi pacchimā ca purimāhi visabhāgāti evaṃ sabhāgavisabhāgato manasikātabbā.

355. Ajjhattikabāhiravisesatoti ajjhattikā dhātuyo viññānavatthuvīññātiindriyānaṃ nissayā honti, sairiyāpathā, catusamuṭṭhānā. Bāhirā vuttaviparīṭṭappakārāti evaṃ ajjhattikabāhiravisesato manasikātabbā.

356. Saṅgahatoti kammamuṭṭhānā pathavīdhātu kammamuṭṭhānāhi itarāhi ekasaṅgahā hoti samuṭṭhānanāntābhāvato. Tathā cittādisamuṭṭhānā cittādisamuṭṭhānāhīti evaṃ saṅgahato manasikātabbā.

357. Paccayatoti pathavīdhātu āposāṅgahitā tejoanupālītā vāyovitthambhitā tiṇṇaṃ mahābhūtānaṃ patiṭṭhā hutvā paccayo hoti. Āpodhātu pathavīpatiṭṭhitā tejoanupālītā vāyovitthambhitā tiṇṇaṃ mahābhūtānaṃ ābandhanaṃ hutvā paccayo hoti. Tejodhātu pathavīpatiṭṭhitā āposāṅgahitā vāyovitthambhitā tiṇṇaṃ mahābhūtānaṃ paripācanaṃ hutvā paccayo hoti. Vāyodhātu pathavīpatiṭṭhitā āposāṅgahitā tejoparipācitā tiṇṇaṃ mahābhūtānaṃ vitthambhanaṃ hutvā paccayo hoti evaṃ paccayato manasikātabbā.

358. Asamannāhāratoti pathavīdhātu cettha “ahaṃ pathavīdhātu”ti vā, “tiṇṇaṃ mahābhūtānaṃ patiṭṭhā hutvā paccayo homi”ti vā na jānāti. Itarānīpi tīni “amhākaṃ pathavīdhātu patiṭṭhā hutvā paccayo hoti”ti na jānāti. Esa nayo sabbathāti evaṃ asamannāhāro manasikātabbā.

359. Paccayavibhāgatoti dhātūnaṃ hi kammaṃ, cittaṃ, āhāro, utūti cattāro paccayā. Tattha kammamuṭṭhānānaṃ kammameva paccayo hoti, na cittādayo. Cittādisamuṭṭhānānampi cittādayova paccayā honti, na itare. Kammamuṭṭhānānaṃ kammaṃ janakapaccayo hoti, sesānaṃ pariyāyato upanissayapaccayo hoti. Cittasamuṭṭhānānaṃ cittaṃ janakapaccayo hoti, sesānaṃ pacchājātapaccayo atthipaccayo avigatapaccayo ca. Āhārasamuṭṭhānānaṃ āhāro janakapaccayo hoti, sesānaṃ āhārapaccayo atthipaccayo avigatapaccayo ca. Utusamuṭṭhānānaṃ utu janakapaccayo hoti, sesānaṃ atthipaccayo avigatapaccayo ca. Kammamuṭṭhānaṃ mahābhūtaṃ kammamuṭṭhānānampi mahābhūtānaṃ paccayo hoti cittādisamuṭṭhānānampi. Tathā cittasamuṭṭhānaṃ, āhārasamuṭṭhānaṃ. Utusamuṭṭhānaṃ mahābhūtaṃ utusamuṭṭhānānampi mahābhūtānaṃ paccayo hoti kammādisamuṭṭhānānampi.

Tattha kammamuṭṭhānā pathavīdhātu kammamuṭṭhānānaṃ itarāsaṃ sahaajātaaññamaññanissayaatthiavigatavasena ceva patiṭṭhāvasena ca paccayo hoti, na janakavasena. Itaresaṃ tisantamahābhūtānaṃ nissayaatthiavigatavasena paccayo hoti, na patiṭṭhāvasena na janakavasena. Āpodhātu cettha itarāsaṃ tiṇṇaṃ sahaajātādivasena ceva ābandhanavasena ca paccayo hoti, na janakavasena. Itaresaṃ tisantatikānaṃ nissayaatthiavigatapaccayavaseneva, na ābandhanavasena na janakavasena. Tejodhātupettha itarāsaṃ tiṇṇaṃ sahaajātādivasena ceva paripācanavasena ca paccayo hoti, na janakavasena. Itaresaṃ tisantatikānaṃ nissayaatthiavigatapaccayavaseneva, na paripācanavasena, na janakavasena. Vāyodhātupettha itarāsaṃ tiṇṇaṃ sahaajātādivasena ceva vitthambhanavasena ca paccayo hoti, na janakavasena. Itaresaṃ tisantatikānaṃ nissayaatthiavigatapaccayavaseneva, na vitthambhanavasena, na janakavasena. Cittaāhārautusuṭṭhānāpathavīdhātuādisupi eseva nayo.

Evam sahajātādīpaccayavasappavattāsu ca panētāsu dhātūsu –

Ekam paṭicca tisso, catudhā tisso paṭicca eko ca;
Dve dhātuyo paṭicca, dve chaddhā sampavattanti.

Pathavīdīsu hi ekekaṃ paṭicca itarā tisso tissoti evaṃ ekaṃ paṭicca tisso catudhā sampavattanti. Tathā pathavīdhātūādisu ekeka itarā tisso tisso paṭiccāti evaṃ tisso paṭicca ekā catudhā sampavattati. Purimā pana dve paṭicca pacchimā, pacchimā ca dve paṭicca purimā, paṭhamatatiyā paṭicca dutiyacatutthā, dutiyacatutthā paṭicca paṭhamatatiyā, paṭhamacatutthā paṭicca dutiyatatiyā, dutiyatatiyā paṭicca paṭhamacatutthāti evaṃ dve dhātuyo paṭicca dve chaddhā sampavattanti.

Tāsu pathavīdhātū abhikkamapaṭikkamādikāle uppiṭṭanassa paccayo hoti. Sāva āpodhātuyā anugatā patitthāpanassa. Pathavīdhātuyā pana anugatā āpodhātū avakkhepanassa. Vāyodhātuyā anugatā tejodhātū uddharaṇassa. Tejodhātuyā anugatā vāyodhātū atiharaṇavītiaraṇānaṃ paccayo hotīti evaṃ paccayavibhāgato manasikātabbā.

Evaṃ vacanattādivasena manasi karontassāpi hi ekekena mukhena dhātuyo pākaṭā honti. Tā punappunaṃ āvajjato manasikaroto vuttanayeneva upacārasamādhī uppajjati. Svāyaṃ catunnaṃ dhātūnaṃ vavattāpakassa nāṇassānubhāvena uppajjanato catudhātuvavattānantveva saṅkhaṃ gacchati.

360. Idañca pana catudhātuvavattānaṃ anuyutto bhikkhu suññataṃ avagāhati, sattasaññaṃ samugghātetī. So sattasaññāya samūhatattā vālamigayakkharakkhasādivikappaṃ anāvajjamāno bhayabheravasaho hoti, aratiratisaho, na itthāniṭṭhesu ugghātanigghātaṃ pāpuṇāti. Mahāpañño ca pana hoti amatapariyosāno vā sugatiparāyano vāti.

Evaṃ mahānubhāvaṃ, yogivarasahassa kīlitaṃ etaṃ;
Catudhātuvavattānaṃ, niccaṃ sevetha medhāvīti.

Ayaṃ catudhātuvavattānassa bhāvanāniddeho.

361. Ettavātā ca yaṃ samādhissa vitthāraṃ bhāvanānayañca dassetuṃ ‘‘ko samādhī, kenatthena samādhī’’tiādinā nayena pañhākammaṃ kataṃ, tattha ‘‘kathaṃ bhāvetabbo’’ti imassa padassa sabbappakāro atthavaṇṇanā samattā hoti.

Duvidhoyeva hayaṃ idha adhippeto upacārasamādhī ceva appanāsamādhī ca. Tattha dasasu kammaṭṭhānesu, appanāpubbabhāgacittesu ca ekagatā **upacārasamādhī**. Avasesakammaṭṭhānesu cettekagatā **appanāsamādhī**. So duvidhopi tesam kammaṭṭhānaṃ bhāvitattā bhāvito hoti. Tena vuttaṃ ‘‘kathaṃ bhāvetabboti imassa padassa sabbappakāro atthavaṇṇanā samattā’’ti.

Samādhīānisamsakathā

362. Yaṃ pana vuttaṃ ‘‘samādhībhāvanāya ko ānisamsa’’ti, tattha diṭṭhadhammasukhavihārādīpañcavidho samādhībhāvanāya ānisamsa. Tathā hi ye arahanto khīṇāsavā samāpajjitvā ekagacittā sukhaṃ divasaṃ viharissāmāti samādhīṃ bhāventī, tesam appanāsamādhībhāvanā **diṭṭhadhammasukhavihārānisamsā** hoti. Tenāha bhagavā ‘‘na kho panete, cunda, ariyassa vinaye sallekā vuccanti. Diṭṭhadhammasukhavihārā ete ariyassa vinaye vuccantī’’ti (ma. ni. 1.82).

Sekkhaputhujjanānaṃ samāpattito vuṭṭhāya samāhitena cittena vipassissāmāti bhāvayataṃ vipassanāya padaṭṭhānattā appanāsamādhībhāvanāpi sambādhe okāsādhigamanayena upacārasamādhībhāvanāpi **vipassanānisamsā** hoti. Tenāha bhagavā ‘‘samādhīṃ, bhikkhave, bhāvettha. Samāhito, bhikkhave, bhikkhu yathābhūtaṃ pajānāti’’ti (saṃ. ni. 3.5).

Ye pana aṭṭha samāpattiyo nibbattetvā abhiññāpādaṃ jhānaṃ samāpajjitvā samāpattito vuṭṭhāya ekopi hutvā bahudhā hotīti vuttanayā abhiññāyo patthento nibbattenti, tesam sati sati āyatane abhiññāpadaṭṭhānattā appanāsamādhībhāvanā **abhiññānisamsā** hoti. Tenāha bhagavā – ‘‘so yassa yassa abhiññācchikaraṇīyassa dhammassa cittaṃ abhininnāmeti abhiññācchikiriyāya, tatra tatveva sakkhibhābataṃ pāpuṇāti sati sati āyatane’’ti (ma. ni. 3.158; a. ni. 3.102).

Ye aparihīnājjhānā brahmaloke nibbattissāmāti brahmalokūpapattiṃ patthentā apatthayamānā vāpi puthujjanā samādhito na parihāyanti, tesam bhavavisesāvahattā appanāsamādhībhāvanā **bhavavisesānisamsā** hoti. Tenāha bhagavā – ‘‘paṭhamam jhānaṃ parittaṃ bhāvetvā kattha upapajjanti. Brahmāpārisajjānaṃ devānaṃ sahaṃyataṃ upapajjanti’’tiādi (vibha. 1024).

Upacārasamādhībhāvanāpi pana kāmāvacarasugatibhavavisesam āvahatiyeva.

Ye pana ariyā aṭṭha samāpattiyo nibbattetvā nirodhasamāpattiṃ samāpajjitvā satta divasāni acittā hutvā diṭṭheva dhamme nirodhaṃ nibbānaṃ patvā sukhaṃ viharissāmāti samādhīṃ bhāventī, tesam appanāsamādhībhāvanā **nirodhānisamsā** hoti. Tenāha – ‘‘soḷasahi nāṇacariyāhi navahi samādhicariyāhi vasībhāvatā paññā nirodhasamāpattiyā nāṇa’’nti (paṭi. ma. 1.34).

Evamayaṃ diṭṭhadhammasukhavihārādi pañcavidho samādhībhāvanāya ānisamsa –

‘‘Tasmā nekānisamsamhi, kilesamalasodhane;
Samādhībhāvanāyoge, nappamajjeyya paṇḍito’’ti.

363. Ettāvatā ca ‘‘sīle patiṭṭhāya naro sapañño’’ti imissā gāthāya sīlasamādhīpaññāmukhena desite visuddhimagge **samādhīpi** paridīpito hoti.

Iti sādhujanapāmojjatthāya kate visuddhimagge

Samādhiniddeso nāma

Ekādasamo paricchedo.

364. Paṭhamo sīlaniddeso. Dutiyo dhutaṅganiddeso;. Tatiyo kammaṭṭhānaggahaṇaniddeso. Catuttho pathavīkaṣiṇaniddeso. Pañcama sesakaṣiṇaniddeso. Chaṭṭho asubhaniddeso. Sattamo chaanussatiniddeso. Aṭṭhamo sesānussatiniddeso. Navamo brahmavihāraniddeso. Dasamo āruppaniddeso. Paṭikkūlasaññādhātuvavattṭhānadvayaniddeso ekādasamoti.

Visuddhimaggassa paṭhamo bhāgo niṭṭhito.